



## БОШ МУХАРРИР САҲИФАСИ

# JASUR POSBON



Үйдаги иш бўлмамда бир сурат бор. Бежирим қасноқчага солиб қўйилган. Жавондан менга боқиб туради. Болаларим “Бу чол ким ўзи?” деб сўрагудек бўлса, жоним чиқади...

Шу сурат олинаётган чоқда мен ҳам ҳозир эдим. Адибнинг Дўрмондаги боғи. Ола баҳор. Беш-үн шогирдчалиш боғни саранжомлагани чиқсанмиз. Устознинг ўзи офтобрўяда, эгнида енгил пальто, тебранма курсида ўтирибди. Тиззасига пахмоқ адёл ташлаб қўйилган.

Абдулла Қаҳҳор ўшанда олтмиш бир ёшда эди. Лекин — соchlар оппок, юзни “саксоннинг ажини” чирмаган. Чол!

Бу суратта ҳам, адибнинг дунёдан ўтганига ҳам бугун қирқ йиллар бўлди. Бешикдаги боланинг-да эмаклаган ғаними чиқар, деган гап бор. Абдулла Қаҳҳор ҳеч вақт фаришталик даъвосида бўлмаган. Бугун биз хаёл қилгани-миздек у киши мудом содик шогирдлар қуршовидаю оқибатли сафдошлар ардоғида ҳам эмас эди. Бандалик, бир замонлар адибга бадхоҳлик қилган, танасига дард, юзига эртаки ажин солғанларнинг ҳаммаси ҳам энди ҳаётда йўқ. Бироқ ҳамон унинг “душман”лари кам эмас. Адид уларга шахсан бир ёмонлик қилмаган, аксариятини ҳатто кўрмаган ҳам. Шунга қарамай, шунга қарамай...

Абдулла Қаҳҳорнинг “ёмонлиги” — унинг бешафқат қалами, ёзган асарларидаги айрим нусхаларга муросасиз нафрати, ҳаётнинг, адабиётнинг соғлиги йўлида ҳалол туриб айтган мардона сўзлари, холос!

Афсуски, устоздан кейин бундай жўмардлик камдан-кам ижодкорга насиб этди. Бирор адабиёт майдонига кўз-қулоқ бўлиб туришга журъату шижоат тополмади, баъзилар бағрикенглик баҳонасида кўнгилчанликка берилди, бошқа бирлари манфаат балосига ботиб, бу муқаддас даргоҳнинг дарвозасини ланг очиб қўйди...

Абдулла Қаҳҳор бир куни рақиблари билан муросага ундан яқинларига “Мен энди элликка кирган бир одамман. Қўйинглар, энди мени букаман деб синдириб қўйишларинг мумкин”, деган экан.

Бугун шундай гапни айта оладиган мард ижодкор адабиётимизда кўп дейсизми!..

Адолат йўлида тик туриб айтилган Сўз неча қирқ йиллар ўтса ҳам қадри ни топар, эътироф этилар экан. Адид таваллудининг 100 йиллигига чиқсан ҳукумат қарори бунинг далилидир.

...Жоним чиқиб кетади, лекин койимайман, бу гапларни ҳам чайнаб ўтирамайман, “Суратдаги чол Абдулла Қаҳҳор бўлади, болам!” дейман-қўяман.

Абдулла Қаҳҳорни билмаса — ўзидан кўрсин!



Бош муҳаррир  
Эркин АЪЗАМ

*Тахририят:*  
Дамин ЖУМАҚУЛ  
(масъул котиб)  
Холли НОРБОЙ  
(бўлим мудири)  
Шоҳ САНАМ  
(бўлим мудири)  
Ольга ЖОЛДАСОВА  
(бўлим мудири)  
Наргиза УСМОНОВА  
(саҳифаловчи)  
Журнални безашда Машраб  
НУРИНБОЕВ олган суратлардан  
фойдаланилди.

*Жамоат кенгаси:*

Дилором АЛИМОВА  
Абдулла АЪЗАМ  
Муҳсин АШУРОВ  
Хуршид ДАВРОН  
Нуридин ЗАЙНИЕВ  
Баҳодир ЗОКИР  
Нажмидин КОМИЛ  
Султонмурод ОЛИМ  
Хайридин СУЛТОН  
Нурислом ТЎХЛИЕВ  
Абдураҳим ЭРҚАЕВ  
Тўлепберген ҚАЙИПБЕРГЕНОВ  
Муртазо ҚАРШИБОЙ  
Фарҳод ҲАМРОЕВ  
Иброҳим ҲАҚҚУЛ  
Муассис — Республика Мањавият ва мањрият кенгаси  
Ўзбекистон Республикаси Матбуот ва ахборот агентлигига 0219-рекам билан  
руйхатга олинган.  
Матнорада фойдаланилган мисол, кўчирма ва маълумотлар ониклиги учун муаллифлар жавобгардир.  
Журналдан кўчириб босилганда манба  
кайд этилши шарт.  
Манзилини: 700047, Тошкент шаҳри,  
Мовароуннаҳр кўчаси, 6-й



133-10-68  
139-05-19

Журнал ондоzаси таҳририятнинг компютер бўlimida tайёрланди.  
"Шарқ" ношиёт-матбаа акциздорлик компанияси босмахонаси. 700029,  
Тошкент шаҳри, Буюк Турон кўчаси, 41-й.  
2007 йил 30 май куни босмахонага топширилди. Қоғоз биноми 70x100 1/16.  
8 босма тобоб. 3581-буюртма.  
Нашр ододи 3300 нусха.

### НИМА ДЕЙСИЗ, ЗАМОНДОШ?

Билган элга эрк боқар. Профессор Тўра МИРЗАЕВ  
билин сухбат.....4

### ЯНГИ АСР МУАММОЛАРИ

Хуршид ДўСТМУҲАММАД. Тўртинчи тўлқин.....12



### БҮЮКЛИК ТИМСОЛЛАРИ

Иброҳим ҲАҚҚУЛ. Адабиётнинг кучи.....16

### БИЛЛУР ҚАТРАЛАР

Абдулла ҚАХХОР. Ижод жавҳари.....20

### ЮРАК ТИЛГА КИРДИ

Азим СУЮН. Манзилим ҳамон йироқ.....32

Саъдулла ҲАҚИМ. Ҳижрон — умид, дийдор — изтироб....36

### РОСТЛИК — ХАЛОСЛИК

Шукур ХОЛМИРЗАЕВ. Орзуларнинг аламли юки.....40

### МОХИЯТ ЖИЛОЛАРИ

Муртазо ҚАРШИБОЙ. Муҳаббат ва эркинлик .....52

# SAHIFALARIDA

## сахифаларида

### САНЬАТ ФАЛСАФАСИ

Турсунали ҚЎЗИЕВ. Мухрланган  
лаҳзалар ..... 62

### СИРЛИ САРҲАДЛАР

Ботир ҚОДИРОВ. Истеъод ..... 64

### ШАРҚУ ФАРБ ФАЛСАФАСИ

Шуҳрат СИРОЖИДДИНОВ. Ислом фалсафаси қандай пайдо бўлган? ..... 70

### ИБРАТНОМА

Сайфиддин ЖАЛИЛОВ. Ёнимиздаги "ёмби"лар ..... 78

### ТАРИХ САБОҚЛАРИ

Шариф ЮСУПОВ. Қабоҳатнинг жазоси ..... 82



### СЎЗНИ СУЙГАН СУЛТОНЛАР


Хамиджон ҲОМИДИЙ. Ориф шаҳзода ..... 94

### НАВОЙИ СОҒИНЧИ

Нодир РАМАЗОН. Одамийлик асоси ..... 100

### ЖАВОНДАГИ ЖАВОҲИР

Жалолиддин САФО. Биринчи мўъжиза ..... 102



### ТАЛҚИН ВА ТАДҚИҚОТЛАР

Муҳаммадолим МУҲАММАДСИДДИҚОВ. Ҳамкорликнинг янги уфқлари ..... 110

Зафар ҲАЙИТОВ. Маънавий мерос ва миллий ўзликни англаш ..... 112

Абдуваҳоб ТОЖИЕВ. Уйғунликнинг рангдаги акси ..... 113

Марҳабо ҚИЛИЧЕВА. Аёлга таянч тузилма ..... 114

Зулайхо АШИРБОЕВА. Тузатилаётган хатолар ..... 115

Дилором ВАСИЕВА. Янгиликларнинг хаётий зарурати ..... 116

Бобир НЕЪМАТОВ. Олга силжи-түвчи куч ..... 118

Умида РАҲМАТУЛЛАЕВА. Мода ва миллийлик ..... 119

Гулхумор ТЎЙЧИЕВА. Хусрав Дехлавий ва тасаввуф ..... 121

Умида ХОЛИСМАТОВА. Ўрганилиши шарт бўлган мерос ..... 122

Олима НАБИЕВА. Марсия — тарихий хужжатми? ..... 123

Абдураҳим СОЛИЕВ. Кулгига йўғрилган фожиа ..... 125

Журналнинг инглизча муҳтасар мазмуни ..... 127

НИМА ДЕЙСИЗ, ЗАМОНДОШ?

# BILGAN ELGA ERK BOQAR

Алишер Навоий номидаги Тил  
ва адабиёт институти директори,  
профессор Тўра МИРЗАЕВ  
билин сұхбат

— Мұхтарам домла, она диёримизда илм-фан  
қадимдан юксак даражада ривожланиб келгани,  
мутафаккир ватандошларимиз жаҳон илм-фани тарақ-  
қиётига муносиб ҳисса кўшгани айни ҳақиқат. Бу жараён  
ҳозирги вақтда ҳам узвий тарзда давом этәтири, албатта.  
Умрини илм-фанга бағишилаб юрган олим, қолаверса, ну-  
фузли илм даргоҳининг раҳбари сифатида айтинг-чи, бугун-  
ги илмий мұхитдан, хусусан, тил ва адабиётшунослик соҳасида  
амалга оширилаётган тадқиқотларнинг савия ҳамда самарадор-  
лигидан кўнглингиз тўладими? Умуман, бу борада аҳвол қандай?

— Бир қарашда жўнгина туюладиган бу саволга дафъатан “ҳа”  
ёки “йўқ” деб қисқача жавоб бериб бўлмайди. Чунки илмий жара-  
ён ўта мураккабдир. Унда истиқболли йўналишларга асос солган,  
илмий мактаблар яратган етук олимлар, иирик тадқиқотчилар қатори-  
да бу йўлда дастлабки дадил қадамларини ташлаётган ёшлар ҳам, шу-  
нингдек, турли сабаблар билан илм-фан соҳасига кириб қолган, аммо  
имконияти даражасида ҳалол меҳнат қилаётган “ўртамиёначи”лар ҳам  
фаолият юритади. Шу сабабли илмий жараёнда юксалиш ва турғунлик  
холатлари рўй бериб туриши, баъзан истиқболли ғоялар қийинчилик  
билин эътироф этилиши, ҳатто муваффақиятли амалга оширилган тад-  
қиқотлар ўз вақтида холис баҳосини олмай қолиши ҳам мумкин. Ана  
шундай мураккаб жиҳатларни ҳисобга олган ва тадқиқотчилик бораси-  
даги натижаларни умумлаштирган ҳолда, мамлакатимизда илм-фан ри-  
вожи юқори суръатда экани, замонавий фан, жумладан, тил ва адаби-  
ётшунослик соҳасида ҳам кувонарли ютуқлар кўлга киритилаётганини  
таъкидламоқ жоиздир. Зоро, мамлакатимизда истиқболнинг дастлабки  
йилларида ёк илмий-методологик изланишларнинг истиқболли йўлла-  
ри белгилаб олинди, тадқиқотчиликнинг янгича назарий ва ғоявий ме-

зонлари вужудга келди. Бунда давлатимиз раҳбари Ислом Каримовнинг илмий-назарий фикрлари, маъруза ва нутқлари, хусусан, “Ўзбекистоннинг ўз тараққиёт ва истиқлол йўли” (1992 йил), “Ўзбекистон: миллий истиқлол, иқтисод, сиёсат, мафкура” (1996 йил), “Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари” (1997 йил) каби асарлари муҳим аҳамият касб этди. Ана шундай ғоявий асосларга биноан илмий-назарий изланишларда тарихий тараққиётга тамаддуний ёндашув тамоили қарор топди. Тил ва адабиётшунослик соҳасида адабий-маданий ва лисоний ходисаларни дунё фанида синалган бадиий-эстетик конуниятлар негизида миллатнинг яхлит тили, адабиёти, фольклори ва санъати тарзида ўрганиш йўлга қўйилди. Жаҳон илм-фани ютуқларини ўзлаштириш, аввал амалга оширилган тадқиқотларни янгидан баҳолаш, илгари мутлақо ўрганилмаган ёки бунга монелик қилинган даврлар, мавзулар, асарлар, ижодкорлар фаолиятини тадқиқ этишда салмоқли натижаларга эришилди. Жумладан, хорижий мамлакатларнинг қўлёзмалар хазиналарида сақланиб қолган темурийзода шоирлар — Шоҳий ва Фарибий девонлари, XV асрнинг биринчи ярмида туркий адабиётшунослик илмини бошлаб берган шайх Аҳмад Тарозийнинг “Фунун ул-балоға” асари каби қўлёзма ёдгорликларнинг нусхалари юртимиизга олиб келиниб, нашр этилди. Ҳазрат Алишер Навоий мероси 20 жилда, Захириддин Муҳаммад Бобур асарлари алоҳида-алоҳида китоблар шаклида ўқувчиларга тухфа этилди. Айниқса, “Ўзбек халқ мақоллари”, “Гўрўғли” сингари фундаментал нашрлар том маънода эътибор ва эътирофга лойиқдир. Бундан ташқари, мумтоз ва тасаввуф адабиёти, умуман, адабиёт тарихи масалаларига доир кўплаб салмоқли илмий тадқиқотлар яратилди, XX аср ўзбек адабиёти янгидан баҳоланди, она тилимизнинг ижтимоий-амалий жиҳатларини ўрганиш борасида самарали тадқиқотлар амалга оширилди. Шунингдек, лотин ёзувига асосланган ўзбек алифбоси ва имлоси қоидалари ишлаб чиқилди. Эришилган ана шу ютуқлар асосида замонавий таълим тизимининг барча босқичлари учун зарур бўлган янги дарслер ва ўқув қўлланмалари яратилди. Бундай мисолларни яна кўплаб келтириш мумкин.

Тил ва адабиётшуносликнинг жамият ҳаётидаги мавқеи ошиб бораётгани ҳақида гапирганда тағин бир масалага эътибор қаратиш ўринлидир. Одатда миллатнинг шавкати, илмий-бадиий салоҳиятига баҳо беришда унинг қаҳрамонлик эпоси сақланиб қолгани, миллий қомуси яратилгани, изоҳли лугати тузилгани муҳим аҳамиятга эга бўлган мезон хисобланади. Шу маънода ўзбек халқ достонлари жонли эпик анъаналарда бизгача етиб келиб, унинг энг юксак намуналари Эргаш Жуманбулбул ўғли, Фозил Йўлдош ўғли, Пўлкан, Ислом шоир каби атоқли достончилардан ёзиб олиниши баробарида “Алномиш”дек буюк эпосимизнинг академик нашри амалга оширилгани чиндан ҳам фурурланарлидир. Айниқса, 12 жилдли “Ўзбекистон Миллий энциклопедияси” нашр этилгани, “Ўзбек тилининг изоҳли лугати” янгидан тузилгани илмий-маданий ҳаётимизда улкан воқеа бўлди.





Албатта, қайд этилганлардан тил ва адабиётшунослик борасида ишлар рисоладагидек, тадқиқотчиликда фақат ютуқларга эришилаётган экан деб хулоса чиқармаслик керак. Назаримда, кейинги йилларда бу соҳада айрим муаммолар билан бирга андак оқсанаш ҳолатлари ҳам кўзга ташланмоқда. Баъзи илмий тадқиқотлар, хусусан, илмий-оммабоп ишлар, адабий-танқидий мақолаларнинг савияси ниҳоятда гарип. Чаласаводликнинг яққол намунаси бўлган айрим “қайднома”лар кишида ноxуш таассурот уйготади. Қолаверса, “ҳомийлик”, “майлида энди” қабилидаги лоқайдлик орқасида ҳимоя қилинган ва бири иккинчисига бир томчи сувдек ўхшаш, шубҳали усувлар билан “ясалган” диссертациялар асосидаги ўртамиёна, ҳатто ундан-да начор бўлган турли рисолаю китобларнинг хусусий

буортма асосида пайдар-пай босилаётгани, бундай хомаки қораламалар “ўқув қўлланмалари”, “маъруза матнлари” деган ном билан кенг жамоатчиликка тақдим этилаётгани фоятда хавотирлидир.

Тил ва адабиётшуносликнинг айрим йўналишлари сустлашиб, бир хиллари ҳатто йўқолиб бораётгани ҳам жиддий муаммолар сирасига киради. Айтайлик, таржимашуносликнинг раҳматли Файбулла Салом ҳаётлиги давридаги шаҳди бугун сезилмаётгани кишини ўйлантириб қўяди. Бунинг устига, ўзбек адабиётининг минг йиллик тажрибалари асосида яратилажак “Адабиёт назарияси” ҳали нашр этилгани йўқ. Энг қадимги даврлардан бугунгача бўлган адабий-тарихий ва фольклорий жараённи қамраб оловчи кўп жилди “Ўзбек фольклори ва адабиёти тарихи”ни яратиш борасидаги ишларимиз ҳам анча суст кетмоқда. Тилшуносликнинг бир қанча йўналишлари бўйича мутахассис етишмайди...

— Миллатнинг илмий-маданий салоҳиятини кўрсатувчи муҳим омиллардан бири сифатида “Ўзбек тилининг изоҳли луғати”ни эътироф этдингиз. Унинг қандай мезонлар асосида тузилгани ва ўзига хос жиҳатлари ҳақида батафсилроқ маълумот берсангиз.

— Сўз, унинг сехру жозибаси, унга жо бўлган сир-синоат фикрловчи кишиларни ҳамиша қизиқтириб келган. Сўзга ҳурмат, уни эъзозлаш, асрлаб авайлаш, таъсир кучини юракдан ҳис этиш борасида халқимиз ниҳоятда баланд мақомларни эгаллайди. Шу сабабли ҳам буюк Эргаш Жуманбулбул ўғли достонларида қўйидаги мисраларни бот-бот такрорлаган:

Оқиллар айирар сўзнинг фарқини,  
Баробар қилмабди ҳар мол нархини,  
Ўзбекларда сўзга синчи кўп бўлар,  
Гап билан айиринг ўзбек халқини.

Лексикология ва лексикография, яъни луғатшунослик ва луғатчилик сўз ҳақидағи фан бўлмиш тилшуносликнинг асосий соҳаларидан биридир. Сўзга ана шундай юксак эҳтиром бизда луғатчиликнинг жуда эрта шаклла-

нишига сабаб бўлган. Бу ўринда XI асрнинг ўлмас адабий обидаси ҳисобланган Маҳмуд Кошфарийнинг “Девону луготит-турк” асарини эслашнинг ўзи кифоя. Қолаверса, таниқли тилшунос олим Низомиддин Маҳмудов “Ўзбек тилининг изоҳли лугати”нинг дастлабки жилдларига ёзган тақризини XII асрда яшаб ижод қилган буюк ватандошимиз Маҳмуд Замахшарий лугатига нисбат бериб, “Асос ул-балоға”дан бошланган заҳмат” дея номлагани бежиз эмас.

Дарвоке, нега шундай олижаноб иш “заҳмат” дея аталяпти? Гап шундаки, агар илм әгаллаш игна билан қудук қазишга менгзалса, лугат тузиш ундан минг чандон оғир, заҳматли меҳнат, ўта мушкул ишдир. XIV асрда француз файласуфи ва шоири Скалигер буни шундай изоҳлаган:

Кимки зўр жазога маҳкум эрса,  
Шунинг-чун чекса қайгу, ғам ҳар онда,  
Темирчи бўл, дема қийнаб уни сен,  
Кўмир қаздирма, ишлатма конда,  
Жазо берма — лугат туздиргин унга,  
Бунингдек мушкул иш йўқ ҳеч жаҳонда.

Ана шундай оғир, кўп куч ва ижодий меҳнат талаб қиласиган сермашақкат иш ниҳоясига етди. Муаллифлар гурухининг фидокорона меҳнати туфайли беш жилдли “Ўзбек тилининг изоҳли лугати” яратилди, унинг дастлабки уч жилди “Ўзбекистон Миллий энциклопедияси” давлат илмий нашриёти томонидан чоп этилди.

Ушбу нашр замонавий лугатчиликда ўзбек тили изоҳли лугатларининг иккинчи авлоди саналади. Дастлабки изоҳли лугат 1981 йили икки жилда нашр этилган бўлиб, 60 минг сўз ҳамда сўз бирикмасини қамраб олган эди. Янги лугат ҳам ҳажм (унда 80 мингдан ортиқ сўз ва сўз бирикмаси изоҳланган), ҳам тузилиш жиҳатидан илгаригисидан тубдан фарқ қиласи ва асосан ўзак сўзлардан иборат. Шуниси эътиборлики, лугат Тил ва адабиёт институтида жамланган жуда катта лексикографик материал — уч миллиондан ортиқ сўз карточкиси асосида тузилган. Ҳеч муболагасиз айтиш мумкинки, мазкур лугат ўзбек адабий тилининг ҳозирги давргача бўлган ҳолатини тўлиқ ифодалай олади.

— Ҳозирги ўзбек адабий тилининг лугат бойлиги 80 мингдан ортиқ сўз ва сўз бирикмасидангина иборатми? У янада бойиши мумкинми? Қолаверса, бу борадаги ишлар яна давом этадими?

— Ўзбек адабий тили ниҳоятда бой бўлгани учун ундаги барча сўз ва сўз бирикмаларини лугат орқали ифодалаш мушкул, албатта. Хилма-хил услублари ва услубий ўзгачаликлари борлиги назарда тутилса, ҳар қандай мукаммал лугат ҳам уни тўлиқ қамраб ололмайди. Бу эса диалектологик, тарихий-этимологик, терминологик, ономастик ва соҳа лугатларини тузишни тақозо этади. Зикр этилган лугат меъёрий лугат ҳисобланади ва у ҳозирги ўзбек адабий тилида кенг истеъмолда бўлган сўзларнигина қамраган. Ахир, 80 минг сўз ва сўз бирикмаси ҳам ҳазилакам маънавий бойлик эмас. Шунча сўзни тўплаш, уларнинг маънолари, маъно товланишларини изоҳлаш, ўзлашма ибораларни этимологик



маълумотлар билан бойитиш ниҳоятда қийин иш! Шу нуқтаи назардан ёндашилса, ҳар бир сўзмақола ўзига хос жажжи тадқиқот демакдир. Буюк алломалардан бири изоҳли лугатларни “алифбо тартибидаги бутун бир олам” дея таърифлагандага ана шу хусусиятни назарда тутган бўлса, ажаб эмас.

“Ўзбек тилининг изоҳли лугати” янги авлодининг яратилиши ва кирилл алифбосида нашр этилиши бу соҳадаги ишларнинг биринчи босқичи бўлиб, келгусида уни лотин ёзувига асосланган ўзбек алифбосида тузиш ва 2010 йилда нашр этиш режалаштирилган. Айни кезларда янги сўз ва сўз бирикмаларини тўплаш ҳамда уларни изоҳлаш ишлари жадал давом этмоқда.

— Тил ва адабиёт институти ҳузурида адабиётшунослик ва тилшунослик диссертациялари ҳимояси бўйича ихтисослашган кенгашлар ишлаб турибди. Уларда ҳар йили ўнлаб номзодлик ва докторлик диссертациялари ҳимоя этилади. Кейинги вақтларда аспирант ва тадқиқотчилар орасида хотин-қизларнинг сафи ортиб бормоқда. Айнан шу масалада бир олимимиз уларнинг аксарияти оила ва турмуш ташвишларига ўралашиб қолиб, бошлаган ишини охирига етказа олмайди, деган фикрни билдириди. Илм-фаннынг келажаги, муносаб ворислар хусусида гап кетганда бу каби хавотир ўринлидек туюлади. Хўш, эркакларнинг илм-фандан бир қадар “узоқлашуви”га сабаб нима? Наҳотки, моддий шарт-шароитгина ҳал қилувчи аҳамиятга эга бўлса? Умуман, бу ҳолни қандай изоҳлаш мумкин?

— Бу фикр, рости, қўшимча таҳлилларни талаб қиласди. Шу сабабли бу ўринда унга қисқача муносабат билдириш билан чекланган маъқул. Менимча, тадқиқотчиларни иккига ажратиш, яъни аёл олималарнинг кўпайиб кетаётганию эркакларнинг илм-фандан узоқлашаётгани ҳақидаги хавотирга асос йўқ. Илм-фанда сон эмас, сифат ва самара бирламчи ҳисобланади. Қолаверса, илмий тадқиқот билан шуғулланишга аҳд қилган аёллар ҳали эркаклардан кам. Бундан ташқари, эркак олимларимиз қаторида нисбатан ёш бўлган Дилором Салоҳий, Нодира Афокова, Дармоной Ўраева каби фан докторлари самарали фаолият кўрсатмоқда. Бошлаган ишни охирига етказмаслик эса йигитларга ҳам, қизларга ҳам баб-баравар тааллуқли бўлган эски “касаллик”дир.

Мен савонли бошқачароқ тарзда кўйган бўлардим, яъни нега номзодлик диссертацияси аксарият муаллифларнинг биринчи ва охирги иши бўлиб қолмоқда? Нимага бундай диссертацияларнинг умумий савияси кўпинча қониқарли эмас? Буларга жавоб беришдан олдин расмий рақамларга мурожаат қиласлий. Олий атtestация комиссиясининг маълумотларига кўра, 1992-2006 йиллар оралиғида филологиянинг барча йўналишлари бўйича 105 та докторлик, 663 та номзодлик диссертацияси ҳимоя қилинган. Илм-фан ва таълимнинг бугунги эҳтиёжи нуқтаи назаридан қараганда, бундан ҳам кўпроқ бўлиши керак эди. Аслида-ку бори ҳам

кам эмас. Аммо гап шундаки, илмий даражалиарнинг асосий қисми илмий-адабий жараёнда фаол иштирок этмайди. Бошқача айтганда, улар номигагина диссертация ёқлаган, холос.

Нега шундай, деган ҳақли савол туғилади. Бунинг кўпдан-кўп сабабла-ри бор, албатта. Мен масаланинг биргина жиҳатига эътибор қаратмоқчи-ман. Моҳияттан олганда, номзодлик диссертацияси жамоавий иш ҳисобла-нади. Тўғри, унинг тайёрланишида диссертант асосий вазифани ўтайди. Бироқ мавзунинг танланишидан тортиб унинг бажарилиши ва якунлани-шигача бўлган барча босқичда илмий раҳбар иштирок этади. Бунга те-гишли бўлум ва кафедралардаги муҳокамалар, тақризчиларнинг масла-хатлари ҳам қўшилади. Кўринадики, қайсиdir босқичда диссертантнинг мустакил фикрлаш иштиёқи сусаяди, оқибатда ҳақиқий тадқиқотчи ўрни-га илмий даража эгасигина етишиб чиқади. Назаримда, бу ҳолга илмий раҳбарларнинг масъулиятсизлиги ҳам сабаб бўлади. Демак, диссертант-ларнинг бурнига ип ўтказиб етаклаб юришдек бемаъни таомилдан воз ке-чиш лозим. Зеро, устоуз-шогирдлик мақоми жуда баланд, уни пок ва ҳалол сақламоқ зарур. Анчайин фан номзоди эмас, чинакам илмий тадқиқотчи-лар тарбиялашга асосий эътиборни қаратиш керак.

— Истиқолол йилларида маънавиятга берилаётган катта эъти-бор ҳалқнинг ўлmas урф-одатлари, удумлари, миллий анъана ва қадрият-лари асос бўлган фольклоршуносликда ҳам янги-янги изланишларга им-кон яратди. Аслида ҳалқ оғзаки ижоди — сирли-сеҳрли, синоатларга бой бекиёс хазина. Ана шу сарчашмани ўрганиш, тадқиқ этиш борасида қан-дай муаммолар бор?

— Шубҳасиз, ўзбек ҳалқ ижоди намуналарини тўплаш, нашр этиш ва ўрганишда ҳозирга қадар катта ишлар амалга оширилган. Биргина “Ўзбек ҳалқ ижоди” туркумидан 37 жилд китоб чоп этилганининг ўзиёқ бу йўна-лишдаги ишларнинг салмоғини яқзол кўрсатади. Аммо кейинги вақт-ларда фольклоршуносларимиз кўпроқ “кабинет олимлари”га айланиб бо-раётгани ҳам бор гап. Айтайлик, 1992-2006 йилларда фольклоршуносликка бўйича 9 та докторлик, 52 та номзодлик диссертацияси ёқланган бўлса, уларнинг аксарияти илгари нашр этилган намуналар ва фольклор архи-ви материаллари асосида ёзилган. Бу каби илмий ишлар ҳам керак, албатта. Аммо биринчи навбатда фольклоршуносликка “ўз” материали билан кириб келаётгандар рағбатлантирилиши лозим. Чунки мамлака-тимизда фольклор бугун ҳам ранг-баранг кўриниш ва янги-янги шакл-ларда ривожланишда давом этмоқда. Қолаверса, ҳалқимизнинг маъна-вий-эстетик эҳтиёжини қондиришда фольклор санъатининг ўрни ва аҳамияти тобора ошиб бормоқда. Ўнлаб фольклор-этнографик ансамбл-ларнинг тузилаётгани бунинг ёрқин далилидир. Бироқ бу жараённи ил-мий асосда ўрганишга эса, афсуски, эътибор камроқ.

Фольклоршуносликнинг бугунги тараққиёти билан боғлиқ бошқа му-аммолар ҳам борки, мавриди келганда улар тўғрисида батафсил фикр юритилар.

— Ҳоди Зариф, Ҳомил Ёқуб, Иззат Султон, Олим Усмон, Матёқуб Қўшжо-нов, Абдуқодир Ҳайитметов сингари машхур илм-фан фидойилари сабо-

ГИНИ ОЛГАНСИЗ, УЛАР БИЛАН ҲАМКОРЛИКДА МЕҲНАТ ҚИЛГАНСИЗ. УЛ ЗОТЛАРНИНГ ИЛМИЙ-ИХОДИЙ ВА ИНСОНӢ ФАЗИЛАТЛАРИ, УЛАРДАН МЕРОС АНЬАНАЛАР ХУСУСИДА СҮЗЛАБ БЕРСАНГИЗ.

— Қалби дарё, фикри уммон бўлган аллома устозлар ҳақида узоқ гапириш мумкин. Бу буюк инсонларга хос умумий жиҳатлар тӯғрисида сўзлайдиган бўлсам, аввало, уларнинг ҳар бири ўз соҳасининг етакчиси эди. Яна шуни таъкидлаш керакки, уларда илм-фанга содиклик, бурч ва масъулият ҳисси ниҳоятда баланд эди. Бундан ташқари, уларни тадқиқотчилик билан тиним билмасдан, мунтазам шуғулланиш хусусияти бирлаштириб турарди. Шу сабабли улар ҳатто умр шомида ҳам ажойиб тадқиқотлар яратадилди. Масалан, Ҳоди Зарифнинг Эргаш Жуманбулбул ўғли айтган достон ва термалардан иборат “Булбул тароналари” беш жилдлигини нашрга тайёрлагани, Ҳомил Ёқубнинг “Алишер Навоий ва Чўлпон”, Иззат Султоннинг “Баҳоуддин Нақшбанд” каби монографиялар яратгани, Олим Усмоннинг ўзлашма сўзлардан таркиб топган “Ўзбек тили лексикаси тарихидан” лутфатини тузгани, Матёкуб Қўшжоновнинг бир неча хотиралар китоби ёзгани, Абдуқодир Ҳайитметовнинг “Темурийлар даври адабиёти” деган тадқиқот чоп этганини эслаш кифоя.

Устозларга хос бўлган фазилатлардан яна бири камсуқумлик ва камтарлик эди. Шу ўринда Ҳоди Зарифга алоқадор бир воқеа эсимга тушди. 1967 йил 21 март куни Ўзбекистон телевидениеси устознинг 60 йиллиги га бағишлиланган бир соатлик кўрсатув тайёрлади. У кезларда кўрсатувлар олдиндан ёзиб олинмас, тўғридан-тўғри эфирига узатилар эди. Кўрсатувда камина бошловчи сифатида, шунингдек, Мансур Афзалов, Музайяна Алавия, Қобил Мақсетов каби олимлар, Бола бахши, Қиёс жиров ва Ҳоди Зарифнинг ўзи иштирок этган эди. Олимлар устоз ҳақида фикр-мулоҳазаларини айтди, бахши-жировлар достонлардан парчалар куйлади. Охирги сўз навбати Ҳоди Зарифга берилди. У киши гап орасида икки-уч бор “Мен яшшим керак” деб тақрорлади. Шунда бирдан юрагим шув этиб кетти. Чунки ўша пайтда бундай гапни ҳар хил талқин қилиш мумкин эди-да. Кўрсатувдан кейин домладан нега бундай дедингиз, деб сўрадим. Домла саволимга “Менга ўзбек фольклоршунослигининг асосчиси, деб баҳо бердингизлар. Мен ўзимни музейшунос, нари борса, адабиёт тарихчиси хисоблар эдим. Фольклор билан эса йўл-йўлакай шуғулланганман. Энди асосчиликни оқлаш учун яшшим ва ишлашим керак-да!” деб жавоб берди. Ҳамма кулиб юборди. У кишида камтарлик ҳисси шу қадар эдики, ҳатто ўзининг чин мақомини ҳам ана шундай соддалик ва хокисорлик билан тан олган эди.

Устозларнинг бир-бирига ўта меҳрибонлик, иззат-икром ва садоқат кўрсатиб яшаб ўтгани ҳам таҳсинга сазовор. Бунга ўнлаб ибратли мисоллар келтириш мумкин.

Ул буюк зотларнинг устозлик мавқеи, шогирдга меҳрибонлик ва талабчанлик борасидаги фазилатлари бутун бир мактабдир десам, асло мубоблаға бўлмас.

— Одам боласи азалдан орзуманд яралган. У йиллар оша орзу-истакларини рўёбга чиқаришга интилиб яшайди. Аммо ҳамма истак-мўлжалларга эришмоқнинг иложи йўқ. Бирон бир ниятни амалга оширишга гоҳо

вақт камлик қилса, гоҳо қандайдир сабаблар билан у армонга айланиб, оғир тош мисоли қалб тубига чўкиб қолаверади. Ёши улуғ олим, қолаверса, оддий инсон сифатида армонларингиз ҳам бордир?

— Ҳаёт армонсиз бўлар эканми?! Мен фольклоршунослик билан шуғуллана бошлаганимда Эгамберди шоир, Ёрлақаб бахши каби чинакам устоз кўрган достончилар барҳаёт эди. Афсуски, уларга Фозил шоир, Эргаш Жуманбулбул ўғли сингари донгдор бахшилар даражасидан қараб, кўп ҳам эътибор берилмаган. Масалан, Эгамберди шоир бошка бахшилар репертуарида бўлмаган “Аҳмад сардорнинг суюги” достонини билар эди. Нима учундир шу достон ўша вақтда ёзib олинмаган. Ёрлақаб бахшидан эса атиги биргина “Маликаи айёр” достонини раҳматли Темур Очилов ёзib олган эди. Ана шундай ўнлаб достонларнинг вақтида ёзib олинмагани, сақлаб қолинмагани фольклоршуносга армон бўлмай нима?!

1963 йилнинг июль-август ойларида мен Жанубий Тожикистанда яшовчи лақай ўзбеклари орасида илмий сафарда бўлган эдим. Ўзбекларнинг бу қадимий уруғи ўзига хос майший-фольклорий турмуш кечиради. Ўшанда Тўла соқи, Мустафоқул соқи, Шомурод соқи каби улкан достончилар барҳаёт бўлиб, улардан атиги “Хонимой”, “Гирдоб” каби достонларни, “Алпомиш” достонининг мазмунини ёзib олишга ултурганман. Ўн-ўн икки йилдан кейин яна борганимда бу адабий сиймолар ҳаётдан кўз юмган экан. Ҳолбуки, ўн йиллаб кутмасдан, у ерларга иккинчи марта, учинчи марта бориш имконим бор эди! Бундай бепарволик ва ҳафсаласизлигим бугун менга оғир армон...

Мен тенги олимларнинг умри асосан шўролар даврида кечди. Ўн беш йилга яқин жамоатчилик асосида институт бошлангич партия ташкилотининг котиби бўлганман. Ўша давр таомилига кўра ҳар ойда бир марта партия мажлиси ўтказилар эди. Бундай мажлисларни тайёрлаш учун қанча вақт сарфлаганим ва у асаббузарликларни тасаввур қилишнинг ўзи азоб. Бефойда ишлар билан ўтган бундай умр фасллари армон ҳисобланмайдими?

Ёши бир жойга боргандга кишининг қайрилиб умр йўлига назар ташлаши табиий. Унда қувончу шодликлар билан бирга ғаму андухлар ҳам бўлади, албатта. Лекин инсон ҳамма вақт одамийлик матлабига содик қолмоғи керак. Аслида, ўтаётган умр шодликлари, армонлари, ғаму андухлари, эришилган натижалар, бой берилган имкониятлар билан ҳам мукаммал ва завқлидир.

## ШОҲСАНАМ суҳбатлашди.



**ЯНГИ АСР МУАММОЛАРИ**

Хуршид ДЎСТМУҲАММАД

# ТО'RTINCHI ТО'LQIN

ёхуд

**АҚЛ-ИДРОК ТАНТАНАСИГА ИШОНЧ**

Қаёққадир отланиб, машинани ўт олди-раётган чоғим ўн ёшли неварам “Мен ҳам бораман!” деганча югуриб келиб ёнимга ўтириб олди.

Йўлга тушдик. Ҳалқа йўлга чиқиб, хаёлга толиб кетаверибман. Лип-лип этиб ортда қолаётган манзаралардан кўзини узмай келаётган неварам тўсатдан қаёққа кетаётганимизни сўраб қолди.

Кулимсирадим.

— Қаёққа бораётганимизни билмай-нетмай нега машинага миниб олдинг? — дедим неварамнинг саволига савол билан жавоб қайтариб.

— Қаёққа бораётганимизни сиз биласизда, шунинг учун сўрамаган эдим...

Шунда, башарти, қаёққа бораётганимизни мен ҳам билмасам-чи, деган ўй кечди кўнглимдан. Борар манзилни билмай йўл босиб кетаверишининг оқибати нима бўлади? Мен-ку бирор чорасини топарман, лекин неварам қандоқ қиласди?..

Аслида онгли инсон борки, қаёққа бораётганини билиши шарт, бошқача бўлиши мумкин эмас. Бироқ дунёнинг ишларига зимдан разм солинса, жуда кўп ҳолларда одамлар гўё қаёққа бораётганини, не мақсад-муддаода ҳаловатидан воз кечиб, елиб-югуриб юрганларини билмайдигангэ ўхшайди. Ва-ҳоланки, Қуръони каримнинг “Таквир” сурасида парвардигори олам “Бас, сизлар қаён кетмоқдасизлар?!“ деб саволни нақд кўндаланг қўяди. Бандаларини саволга тутади, огохликка унрайди.

Дарвоқе, биз қаён кетмоқдамиз, деб ўзимизга ўзимиз савол бергимиз келади...

Бу ниҳоятда хусусий саволнинг жавоби ҳам шу қадар хусусий-шахсий бўлганидан ҳар кимнинг хоҳиш-иродасига ҳавола. Бироқ...

Қаён кетмоқдасизлар, деган саволнинг ҳикмати шу қадар теранки, у якка шахсни ҳам, ҳалқни, миллатни, жамиятни — бани башарни ҳам бирдек ўйга толдиради, ўйга толдира туриб йўлга солади.

Ҳар қандай тирик жон яхшироқ, узоқ ва фаровонроқ яшашга интилиш тұгма-табиий майл ҳисобланади. Марҳамат, ким бунга әришса, қандини урсин, деймиз, унга ҳавас қиласыз, үндай одамни бошқаларға ибрат қилиб күрсатамиз. Лекин ким нималарнинг ҳисобига яхшироқ, узоқроқ ва фаровонроқ яшашга әришяпты, деган савол берлигини ҳам унтулмаслик лозым.

Истак, орзу-ҳаваснинг чек-чегараси йүқ. Бу түйгуларсиз инсоният ҳаракатдан, интилишдан тұхтаб қолған, ҳаёт ҳам ўта ночор ва ғариблишаб қетған бўлур эди. Башарият ҳозирга қадар қандай тараққиёт чўққиларига әришган бўлса — уларнинг барги инсон тийнатидаги орзу-ҳавас майли туфайлидир. Шу билан бирга, хайриятки, одамзоднинг мавжудлиги, барҳаётлиги жуда кўплаб истак ва орзу-ҳаваслар мувозанатига боғлиқ. Бу ёруғ оламнинг энг буюк ҳикмати ҳам — бемисл илоҳий мувозанат! Афсуски, ҳозирги тараққиёт шиддати мувозанат ҳикматидан устун келаётгани “Қаён кетмоқдасизлар?” деган ўша кўхна ва бокий саволни янада кескинроқ қўйиш эҳтиёжини туғдирмоқда.

ЮНЕСКО ҳалқаро ташкилотининг нуфузли мутахассисларидан бири Жером Бинде шошқалоқлик мантиғи ҳозирги даврнинг хос хусусиятларидан бирига айланиб бораётгани ташвишли эканини ёзди. Дарҳақиқат, ҳозирги кунда “Тезроқ! Кўпроқ! Унумлироқ!” шиори бошқармоқда инсониятни. Шу сингари шиорлар остида одамларнинг умр йўли ким-ўзарга югурувчилар йўлкаси тусини олмоқда. Аммо, қаёққа ошиқмоқдамиз, нималарнинг эвазига пойгада ўзишга әришмоқдамиз, кўзлаган маррамизни тасаввур қиляпмизми ўзи, деган саволга жавоб бериши унтутиб қўйилмоқда, үндай саволдан ўзимизни олиб қочмоқдамиз, кўра-билатуриб бу саволни кун тартибидан тушириб қолдирмоқдамиз. Савол эса инсоният әришган шитобда, лекин “одоб” сақлаган ҳолда қадам-бақадам ортимиздан таъқиб этиб келмоқда, гоҳо елкамиздан, әтагимиздан тутиб ўзига қаратишга ҳам уринмоқда. Афсуски, биз — шошқалоқлик дардига мубтало инсоният эса олға, олға ва яна олға боришдан ўзимизни тия олмаяпмиз.

Психология илмига кўра, муайян бир йўналишда истеъоди бўлган киши бошқа бир соҳада оқсайди, яъни қандайдир ютук қайси-дир мағлубият эвазига кўлга киритилади. Ушбу ҳақиқат айниқса жамиятнинг бозор иқтисодиётiga ўтиш палласида ўзининг бутун мураккаб-

лиги ва зиддиятлари билан намоён бўлаётир.

Ғайриқонуний хатти-ҳаракатнинг оқибати муқаррар жазо эканини ҳамма билади, лекин қонун меъёрларига бўйсуниш нафакат ҳуқуқий, балки ахлоқий муаммо ҳам ҳисобланади. Қонун бузувчини ахлоқий комилликка әришган демоққа тил бормайди, албатта. Одобли инсон эса қонуннинг хурматини жойига қўйишга ҳаракат қиласи. Мувозанат ана шу нуқтада қарор топади.

Инсон бойлик орттириш, фаровонроқ яшаш йўлида жуда кўплаб муносабатларга киришиади. Борингки, шу муносабатлар асносида қонунга хилоф ҳаракатларга йўл қўймади дейлик, лекин унинг инсоний, ахлоқий меъёрларни сақлаши ҳам осон кўчмайди. Яширишнинг ҳожати йўқ, аксари ҳолларда одам манфаат ва диёнат ўртасида саросимага тушиб қолади. Инсоф деса — манфаатдан, манфаат деса — инсоф-диёнатдан воз кечишга тўғри келади. Ким қайси томонни маъқул топишини ўзи ҳал қиласи, албатта, бироқ муҳими — манфаат йўли қаёққа олиб боради-ю, инсоф-диёнат қайси манзилга элтади? Ана шуни кўра билиш, унинг масъулиятини ҳис этиш инсонийлик аъмолини белгилайди.

Ҳар қандай жамиятда ўтиш даври оғир кечади. Аслида-ку ҳаётда ўтмайдиган даврнинг ўзи йўқ. Лекин “ўтиш даври” дегандан жамият миқёсида кескин бурилишлар, ўзгариш-янгиланишлар, эскидан воз кечишу янгини изга солиш жараёнлари тифизлашган палла назарда тутилади. Жамият миқёсида кечадиган бундай жараёнлар шу жамият вакиллари — кишилар тақдиррида турлича из қолдиради. Мисол учун, кимдир беҳад бойиб кетади, кимдир эл-юрт назарига тушади ёхуд мутлақо акси юз беради. Ўтиш даврига хос бўлган муайян талотўп — хаосдан унумли фойдаланиб қолувчилар ҳам кўпаяди. Лекин эртами-кечми “ўтиш даври” ўтади, ана ўшанда қадр-қиммати занг олмас асл инсоний, миллий қадриятларимизни ўткинчи давр ҳангомаларига курбон қилиб юборгандаримизнинг жавоб-муомаласи қандай бўлади?

Ўтиш даврида худбинник биринчи ўрининга чиқади, деган мулоҳазалар йўқ эмас. Аслида, худбинник — нийҳоятда табиий хусусият. Тирик жон борки, бирон бир даражада худбинидир. Лекин одам боласи — тирик жон, жондор эмас, у — ИНСОН! Шунинг учун ҳам у онгли худбинник мақомига кўтарилимоғи лозим. “Онгли худбинник” тушунчасини

“ўзингни ўйла ва ўзгани ҳам унутма” дея талқин этиш мумкин. “Ижтимоий ҳимоя йили” моҳиятига ҳам, назаримда, ушбу фалсафа нуқтаи назаридан ёндашилса, унинг туб мазмуни бир қадар ойдинлашади. Яъни: марҳамат, қонуний йўл билан бой-бадавлат бўлғин, лекин инсоф йўли билан ён-теваракдаги эҳтиёжмандларнинг ҳол-аҳволини ҳам унутма! Давлатимиз раҳбари илгари сурган бу тоғанинг мазмун-моҳияти foятда теран. Зоро, 2007 йил жамиятимиз ўзини ўзи муҳофаза қила оладиган, манфаатлар тақсимотида буюк мувозанатни сақлайдиган жамият мақоми сари жиддий қадам бўлади. Бошқача айтганда, бу йилнинг мазмуни жамиятимиз қаён бораётганини англашга, англатишга хизмат қиласди.

Йилнинг бундай номланиши яна шу маънода аҳамиятлики, ҳалқимизга хос саҳоватпешалик ижтимоий куч сифатида умумжамият туйғуси даражасига кўтарилади ва у кишиларимизнинг кўпчилик қисми ҳаётий маслагини бойитган ҳолда яна ҳалқининг ўзига қайтади. Фақат, таассуфки, ўлмас қадриятларга нисбатан олганда йил — ниҳоятда қисқа фурсат, у жуда тез ўтиб кетади, саҳоватпешалик туйғусига асосланган ижтимоий ҳимоя майли, туйғуси жамият миқёсидаги умуммиллий маданиятга айланмоғи учун эса узоқ-узоқ муддатлар керак бўлади. Шу маънода ҳам мамлакатимизда кейинги ўн йил мобайнида йилларга бериләётган атамалар ўша йил ўтиши билан унтилмаслиги керак, балки уларнинг рухи, кайфияти, сабоқлари давр ўтгани сайин юртдошларимизнинг дунёқарашига чукурроқ сингиб бормоғи лозим.

Яна бир мулоҳаза шундан иборатки, биз ўз муаммоларимиз ҳакида бош қотирганда ўзимизни ташки дунёдан ажратиб олган ҳолда фикр юритсак, тўғри бўлмайди. Масофалар, чегаралар, девору хандаклар эндилиқда рамзий маъно касб этиб қолмоқда, холос. Ақл-идрок шу ва шу сингари энг кудратли зирҳларни-да писанд қилмайдиган ахборот воситаларини кашф этди. Дунё ахборот измига ўтди!

Ахборот технологиялари ақл бовар қилмайдиган даражада ривожланди, инсон ўзи яратган мўъжизакор восита олдида эсанкираб, ўзи яратган “матоҳ”нинг қулига айланышдан ўзини асрарламай қолмоқда. Биз яқин-яқингача компьютер ва интернет ажойиботлари олдида аклимиз шошиб, сеҳрланиб қолаётган эдик, бугун мамлакатимизда қисқа фур-

сатлар ичидаги жамиятни компьютерлаштириш давлат сиёсати даражасига кўтарилди.

Ахборотлашган жамият пойдевори яратилар экан, ички ва ташки ахборот майдонидаги кураш Ўзбекистонни четлаб ўтмаслигини тобора теранрек билиб-тушуниб бормоқдамиз. Жамият эркинлигининг муҳим шарти бўлмиш ахборот эркинлиги шароитини яратиш ўйлида анча-мунча ишлар бажариб кўйилди ҳам. Чунки замонавий тараққиёт оқимидан четда қолишнинг мутлақо иложи йўқ. Зоро, ахборот жадал айланмайдиган жамиятда тафаккур суст бўлади, шу боисдан ҳам ахборот эркинлигига эришиш учун барча омиллар сафарбар этилаётган бир чоғда аҳборотда ҳам оғизида ҳам музаммоси ҳам дунё аҳлининг улкан бошқотирмасига айланди. Ахборот эркинлиги ва ахборотдан эркинлик ўртасидаги оқилона мувозанатни сақлай билиш инсониятнинг бундан кейинги тақдирини ҳал қиласа ажаб эмас...

Ахборот эркинлиги хозиргидек “каромат” кўрсатиб улгурмаган даврларда ёқ устоз Аскад Мухтор “Тундалик”ка куйидаги қайдни битган эдилар:

“Океан орқали телефон алоқаси ўрнатилди, энди одамлар бемалол гаплашади.

Бунга бобо деди:

— Уларнинг нима орқали гаплашишининг аҳамияти йўқ, нима ҳақда гаплашишади — шуни айтинг”.

Ҳақиқатан, интернет мўъжизаларига ҳайратдан лол қолиб ўтирадиган даврлар ортда қолди, энди ундан бизга “айтилаётган” гап-сўзларга — йўллананаётган ахборот оқимига хушёр бўлиш эҳтиёжи ортиб бормоқда. Қолаверса, интернет саҳифаларидаги даҳанаки жанг майдонидан бемалол ўз ўрнимизни топиш, ўз сўзимизни айтиш имкониятларимиз етарли. Фақат ушбу имкониятдан дадил ва оқилона фойдаланиши уддалаш зарур, холос.

Интернет — дунё аҳлига қаратади фикр айтиш, жаҳон муаммолари миқёсида мулоҳаза юритиш имкониятидир. Ақл-идрок, фикр глобаллашви воситасидир. Восита етарли, у тўхтоворсиз тараққий этиб бормоқда, шу билан биргага, бугунги ўзбекнинг дунёга татиғувчи, башарият корига ярайдиган ГАПЛАРИ ҳам бисёр. Моддий, техникавий соҳаларда ақл бовар қилмас ютуқларга эришаётган инсоният маънавий-аҳлоқий қадриятлар бора-сида анчагина ортда қолиб кетаётгани, айни замонда дунёда юз бергаётган кўплаб фожиаларнинг туб сабаблари шунга келиб тақали-

ши, нажот “шошқалоқлик синдроми”дан воз кечиша экани... Бу масалаларда фикрлаш маданияти мавжуд муаммолар юзасидан арзирли, аҳамиятли қараşларни жамият миёссида очиқ-равшан баён этишдан, турфа мавзуларда қизғин ва эмин-эркін мубоҳаса юритищдан бошланади.

Бир замонлар үкотар куролига әгалиги учунгина душманларидан устунликка әришган ёки савдо-сотиқ яхши йўлга қўйилгани билан ном қозонган давлатлар, шаҳарлар бўлган. Қишлоқ хўжалиги, оғир саноат, фантехника, қуролланиш каби соҳалар юксалиши натижасида гегемонлик кўлга киритилган даврларни бошдан кечирган инсоният. Кимларгadir замонавий қирғин воситалари ҳамон кўл келаётгани сир эмас. Лекин инсоният бугун ахборот тамаддуни даврига қадам кўйди. Ахборотлар тўқнашувидан иборат “сокин” уруш айни авж ола бораётган бир замонда ер юзининг маълум ҳудудларida кечайтган тўқнашувлар, турил важ-корсонлар баҳонасида бошлаб юборилган хунрезликлар бир қараашда фоят ибтидоий хатти-ҳаракатларга ўхшайди...

Ваҳоланки, ҳозирга қадар инсоният әришган маданият ҳар қандай мушкул муаммо ечимини вазмин ва оқилона тарзда ҳал этмоққа қодир. Бунинг учун энг аввало ана шу маданият сарчашмаларини унутмаслик, уларни қадрлаш, имкониятларидан самарали фойдаланиш зарур бўлади.

Одам боласи қайси орзу-ҳавас йўлида қандай касб-корга кўл урмасин, азалий маданият ўша ишнинг ахлоқ-одоб меъёрларини ҳам белгилаб берган. Йиллар ўтганни саин касб одоби шаклланган, сайқал топган. Чунончи, ахборот асри кишиси умумий маданиятининг ажралмас қисми ахборот маданиятидан иборат бўла бораётгани бунга жонли мисолдир.

Дунёни ахборот юхоси комига тортган, инсоннинг ақл-идроқи, дунёқараши, илмию салоҳияти унинг нечоғлиқ кўп ахборотга әгалиги билан ўлчанаётган бир даврда одамларни бундан қайтаришга уриниш нодонлик бўлур эди, албатта. Аммо-лекин ҳозирги ахборот уммонида фарқ бўлиб кетмаслик ҳақида ҳам қайғурмасликнинг илохи йўқ. Сувни обиҳаёт деймиз, унингиз ҳаётни тасаввур қилолмаймиз, шу билан бирга, қанчадан-қанча одам ана ўша “оби ҳаёт”да фарқ бўлиб ҳаётдан бевакт кўз юмиши ҳам сир эмас. Худди шу сингари ҳолат ахборот уммонида ҳам

такрорланмаслиги учун унинг зарурини но-заруридан, фойдалисими бефойдасидан фарқлай билиш умуминсоний маданиятнинг ажралмас бир бўғини — ахборот маданиятни шакллантириш заруратини келтириб чиқармоқда. Ахлоқшунослик фанининг “инфоэтика” дея ном олган ушбу янги тармоғи шуни кўрсатмоқдаки, замонавий тараққиёт маҳсулни ўлароқ қандай соҳа, фан ёхуд бирор йўналиши пайдо бўлмасин, унинг ёнида ўша соҳа, фан ёхуд йўналишнинг ўзига хос маданияти, одоби ҳам шаклланади. Бу маданият ва одоб меъёрлари янги соҳанинг тараққиётига тўқсинглик қилмайди, балки унга инсонийлик сиёғини ато этади, жозиба бағишлайди, пировардидা уни шошқалоқлик хасталиги измига тушиб кетишдан асрайди. Файласуф Элвин Тоффлер машҳур “Учинчи тўлқин” асарида инсоният босиб ўтган йўл уч босқичдан иборатдир, деган гояни илгари сурган. Унинг фикрича, инсоният тамаддуни қишлоқ хўжалиги цивилизацияси, саноат цивилизацияси босқичларини босиб ўтган ва ҳозир ахборот цивилизациясини бошдан кечирмоқда. Хўш, кейин-чи? Бу уч тўлқиннинг давоми қандай бўлади? Тараққиёт шиддати, “шошқалоқлик синдроми” инсониятни қаерларга олиб боради? Рўшно-лик, эзгуликами ё разолатгами? Инсоният ўзи яратган, әришган ва әришадиган тараққиёт чўққиларидан кулаб тушмаслик эвини топа биладими? Энг даҳшатлиси — бу вазифа унинг ихтиёридан чиқиб кетмайдими? Бордию ихтиёридан чиқиб кетса, нажот нимада?

Яна маърифат, маънавият, маданият ва ахлоқ-одобда!

Баъзан башарият умумтараққиёти олдида бундай қадриялар жуда охиздек, хатто унтиб юборса ҳам бўладиган арзимас эскилек “қолдиқлари”га айлангандек туюлади. Ҳар қайал, шундай хаёлга борадиганлар йўқ эмас.

Аслида эса, кимга нима ва қандай туюлишидан қатъи назар, биз санаб ўтган боқий инсоний фазилатлардан холи тараққиётнинг, уларни четлаб ёки босиб-янчиб ўтган юқсаллишнинг охриивой бўлишини ИНСОН, ИНСОНИЯТ билади. Соглом ақл-идрок зинҳор бунга йўл қўймайди. У “Қаён кетмокдасизлар?” деган азалий саволни албатта эшигади, ундан тўғри хуласалар чиқариб олади. Ахборот тамаддуни авж пардаларига қўтарилимай туриб инсоният тўртинчи тўлқин — ахлоқ, маънавият, маданият тамаддунига кириб боради.

Инсон қаёққа бораётганини билади...

## БҮОКЛИК ТИМСОЛЛАРИ

Иброҳим ҲАҚҚУЛ

# ADABIYOTNING KUCHI

Адабиётда инсон учун қимматли нарса абадийликка интилишдир.

Рабиндренат ТАГОР

Адабиёт ҳеч қачон ҳеч бир халқнинг қорнини тўйдириб, уст-бошини бут қилмаган, қилолмайди ҳам. Адабиётсиз яшаш мумкин — бадиий китоб ўқимаса ҳам одамнинг куни ўтаверади. Аммо ростини айтганда, бундай кун рўшнолик эмас, зулмат бўлади. Руҳ ва кўнгил зулмати! Ақл ва тафаккур зулмати! Бошка номлари ҳам бор бунинг: фафлат, жаҳолат, авомлик ва ҳоказо. Дидни, савия ва идрокни адабиёту санъат тарбияламаса, нима тарбиялайди? Ишонинг: ҳеч нима! Адабиёт — кўнгил мураббийси. Адабиёт завқ-шавқи фақат ва фақат адабиётга хос. Унинг ўрнини босадиган ёки тўлдирадиган бошқа бир нарса йўқдир оламда. Адабиёт дунёси — гўзаллик, нағислик, латофат дунёси.

Адабиётдан йироқлашиш ёки ажралиш — маънавий-рухий, ахлоқий-эстетик хасталикларга йўл очиш демак. Ҳа, кўриб-кўрмасдан, билиб-билимасдан! Абдулҳамид Чўлпон ҳақ: “Адабиёт ўлса — миллат ўлади”. Адабиёт ҳам худди ватандай муқаддас. Тил, Тарих, Дин каби адабиёт ҳам эл-юртнинг таянч тоги. “Дунёни Гўзаллик кутқаради” дегани — Гўзалликнинг посбони, чароғбони адабиёт дегани. Не-не буюкларимиздан, дейлил, Яссавийдан, Лутфий ва Навоийдан мерос адабиётимиз бор. Бобур, Машраб, Оғаҳий шу адабиётнинг дилбанди ва муҳофизлари эди. Асрлар мобайнида жафокаш ўзбекнинг кувонч ва қайғусини ифодалаб келган шу адабиёт Фитрат, Қодирий, Чўлпонларни зўр кураш майдонига олиб чиқсан. Адабиётга хиёнатни улар миллатга хиёнат деб билган. Ва ўлимга юзлашганда ҳам зиммаларидағи вазифани бажаришдан кўркмаган. Қочмаган. Зоро, адабий фаолиятдағи энг катта гуноҳ ва қабоҳат кўркоклик, таҳлика ва мадхиябозлиқдир.

Машхур америка адиби Уильям Фолкнер “Қўшма Штатларда ёзувчи дегани мамлакат маданиятининг бир бўлаги эмас: у кўпчиликка ёқимтой кўринадиган, бироқ ҳеч ким жиддий қарамайдиган бир кучукка ўхшайди”, дея мулоҳаза билдирган. Ёзувчи — санъаткорга бундай муносабат жамиятни нафс балосига гирифтор қила-

диган, манфаат ҳирси йўлида бир-бирини ғажимоққа тайёр юхолар тўдасига айлантириши муқаррар...

Шўро давлатининг қилмишлари эса бундан-да қабих эди. Файриинсоний мафкурасига хизмат қилмагани учун гоявий фанимга чиқарилган ёзувчи ва шоирни ухалиги жонивор ўрнида ҳам кўрмаган. Бирорини қатл этган, бирорларининг умрини қамоқларда ҳазон қилган. Не-не истеъдод соҳибларини эса синдириб, руҳини эзib, маддоҳга айлантириб олган. Шундай фожиаларни кўрган, шунақа ҳадигу хавотир муҳитида яшаган ижодкордан нимани ҳам талаб қиласиз? Уни кўрқоклик ва муросабозлиқда айблаш эса умрида битта ҳам ўқ узмаган аскарнинг кўпирishi-дай бир ҳавойилик, бир нодонлиқдир. Бунда масалага бошқача қараш ва баҳо бериш лозим бўлади. Ёзувчи ҳам инсон: кўрқади, фикр-қарашини ўзгартиради, адашиши мумкин... Аммо адабиёт қўрқокликни кўттармайди. Туб моҳиятда у адашмайди, ҳаракатдан тўхтамайди: ҳар қандай қаршилик ё тўсикни енгиг янгиланаверади. Улуф рус ёзувчиси М.Е.Салников-Щедрин таъкидлаганидек, “Адабиёт майд-чауда майллар ва ўткинчилик қонуниятларидан холи. Фақат адабиётгина ўлимни тан олмайди”.

Дарҳақиқат, енгилмайдиган ва ўлмайдиган иккита куч бўлса — бири адабиёт. Битта бўлса — у ҳам адабиёт. Адабиётга зўравонлик, қаҳру ғазаб или раҳбарлик қилиш имконисиз. “Бу иш ҳатто Гитлер ва Сталиннинг ҳам қўлидан келмаган... Адабиётга раҳбар бўлмоққа уриниш — шамолга буйруқ бериш билан баробардир” (Н. Коржавин).

Энг оғир, мураккаб ва таҳликали замонларда ҳам чинакам истеъдод эгаларининг адабиёт майдонида от суришига имкон яратган асосий омил шунда. Негаки, ижодкор иқтидорига ишончни бой бермаса, ҳаётнинг катта-кичик ўйинларига курбон бўлмаса, нафси ҳавонинг қўғирчоги бўлишдан ўзини тия билса — қолгани ўз-ўзидан ўнгланиб, илгарилаб бораверади.

Ахир, ҳар қандай миллат буюк адабиёт соҳиби бўлгандагина курашчан, жасур, маънавият ва тафаккури юксалган етук миллат мавқенини эгаллайди. Чунки миллатнинг барча миллӣ, маданий ва руҳоний ютуклари, яратувчанлик салоҳияти унинг адабиётида мужассамлашиб, боқийлик топади. Акс ҳолда устоз Абдулла Қаҳҳор адабиётнинг кучини атомдан ҳам ортиқ дея баҳоламас, адабиёт тақдирни ва равнақи йўлида жонини жабборга бермас эди.

Ҳамма билади: шўро давлатининг тузок ва қармоқлари кўп эди. Энг синалгани — мансаб, мартаба, унвон, мукофот... Булардан бирига илинмаган ижодкор иккичи-сига албатта илинган. Бироридан қочиб, бошқасига тутилган. Қочмок қаёқда! Абдулла Орипов бир шеърида нақл қилганидек, ҳатто кўчадаги гадой ҳам бора-бора мукофотталаబ бўлган. Мукофот гадойлиги эса айб ҳам, уят ҳам ҳисобланмасди...

Мен Абдулла Қаҳҳорнинг унвон ва мукофотни кўзлаб асар ёзганини ёки бирор китоби учун унвон ва мукофот кутганини тасаввур ҳам қилолмайман. Бироқ сиёсат ва мафкура муҳорабасидан келадиган бало-қазолардан сақланиш, ижодини ҳимоя этиш илинжида коммунистик партияга суюнгани рост. Тўғрироги, суюнгандай кўринган. Буни кимлардир сезиб-сезмаганга олган, кимлардир пайқаб, унга қарши ҳужумни кучайтирган. Адабнинг дунёдан ўтганига неча йиллар бўлди. Қанча ёзу қиши ўтиб кетди. Аммо баъзи бирорларнинг ичидаги ҳануззагача хусумат, адват, ҳасад тутаб ётгани шундан...

Ҳа, Қаҳҳор сиёсий “қалқон”га муҳтоҷлик сезган ва ундан фойдаланган ҳам. Агар истисно тарзда айб саналса — унинг айби ана шу! Агар “қизиллик” дейилса — Қаҳҳорнинг “қизиллиги” ҳам шудир. Ваҳоланки, улуф адабининг бекиёс шахси ва санъаткорлик сирларини теран мушоҳада қилишга қодир китобхон ўзгача фикрлайди. Инсоф ва адолат билан ҳукм чиқаради.

Мальумки, ҳамма ёзувчининг ҳам китобини мароқ билан, яйраб ўқиб бўлмайди. Қайси бир ижодкор асарларини англаб, суюб ўқий олсангиз, муаллиф шахсига ҳам бефарқ бўлолмайсиз. Дид ва савияси баланд китобхонни ўзига ром эта

билган ижодкор борки, ҳеч истисносиз, барчасининг шахсияти ўзига хос ва бетакрордир. Бадиий ижоддаги “магнит майдони”, энг аввало — бутун шахсият. Бир боғландингизми — ажралолмайсиз ундан. Ишондингизми — ишончингиз оқлана-веради. Бундай ёзувчининг ҳар янги асаридан унинг шахсиятига хос фазилат ва хусусиятларни кашф этаверасиз. Шу учун Толстой — Толстой. Чехов бу — Чехов. Маркес шу боис бирорвга ўхшамайди...

“Ўткан кунлар”ни ўқиганимда Кодирий кўз ўнгимда тирилиб келгандек бўлган. Роман гўё бир воситаю Кодирий унда асосан ўзини, қаттол замон, шарафсиз мухит билан яккама-якка қолиш фожисини тасвирлаб берган, деб ўйлаганман. Хаёл ва тасаввур шу қадар теранки, асти қўяверасиз. Шу-шу, ўлмас адид Шахси ва санъатига меҳрим ҳам, эҳтиромим ҳам чексиз...

Золим ва қонҳўр жаллодлар чангалидан кўп буюк зотларни ўлим кутқазган, не-не қийноқ, таҳқир ва укубатлардан ҳам уларни ўлим халос айлаган. Қатл ва қирғиндан омон қолганлари эса дўзах жабру жафоларига ҳаётда дучор бўлган. Аммо жони ҳалқумига келса-да, чидаган улар. Эгилган, лекин синмаган.

Сабот ва иродасини ҳаёт аёвсиз синовлардан ўтказган адиллардан бири Абдулла Қаҳҳор эди. Қаҳҳор моҳият-эътибори билан қайгу ва ҳасрат ёзувчиси. Уни Чеховга яқинлаштирган жихат ҳам умидбахш бир фам ва ҳасратдир. Қаҳҳор — миллатнинг бор қайғу-аламини дадил елкалай олган, бутун ижодий фаолияти давомида кўнглида Дард силқиллаган, сиёҳдонига кўзёш томиб турган адид. Жамиятга фаол аралашган Қаҳҳорни биз кўпроқ биламиз. Ботинига беркинган, энг ёруғ, энг умидбахш тўйгу ва тилаклари кўнгилга ҳайдалган Қаҳҳорни эса деярли билмаймиз. Негаки, ёзувчининг дилда чайқалган ҳақиқат ва изтиробларининг асосий қисми юзага чиқмай қолиб кетган.

Унинг “Талант қанчалик катта, қанчалик қудратли бўлмасин, ҳар нечук юзада бўлмайди, конга ўхшаб ерниң тагида бўлади”, деган сўзлари бевосита ўзига ҳам тегишилдир. Умуман, ҳаётда ҳам, ижодда ҳам адид юзада юриш, юзаки иш кўришга қарши бўлган. Шогирдлари бир амалдор билан муроса қилишга унданларнида у “Мени йўлимдан қайтаришга уринманглар — эгаман деб синдириб қўясизлар”, деган экан. Эгилиб-букилиш ҳадисини олган киши бундай деёлмайди.

Абдулла Қаҳҳорнинг ҳаётида ҳам балки юракни тирнаб, виждонни азоблайдиган бирор ишми, ҳолатми бўлгандир... Нега бўлмасин! Ҳақиқат, адолат, тенглик ўлароқ тарғибу ташвиқ айлагани ҳақсизлик, адолатсизлик, фирромлик бўлиб чиқкан, эркинлик, баҳтиёрлик дея кўрсатган йўли қарамлик ва толесизликка маҳкум этган бир жамиятда адашмаслик ёхуд хато ва гуноҳдан қочиш мумкиниди?

Абдулла Қаҳҳорнинг сокинлиги, собирлиги ва одиллигига бир дунё андух, пушаймонлик, зиддият беркинган. Шулар уни ўзига-ўзи ҳисоб беришга, имкон қадар ҳақиқатдан чекинмаслик ва адабиётнинг муқаддаслиги йўлида ҳеч ким билан муроса қилимасликка унданган. Шу маънода Қаҳҳор бурч ҳамда мажбурият юкини зими масига олиш ва курашишдан толмаган. Истеъдодсизни истеъдоддан фарқлашда у адашмаган. Мақтов кўтармайдиган асарни мақтамаган. Арзимас манфаатлар юзасидан дуч келган қаланғи-қасангининг китобига сўзбоши ёзмаган. Бундай масалаларда Қаҳҳорга кимни тенг қўямиз? Қаҳҳордан бошланган гапни Қаҳҳор билан давом эттиришдан ўзига иложимиз йўқ.

Тоқат қилиб бўлмас дараҷада бўш, саёз, пала-партишлик билан ёзилган “асар”-лар бугун тўлиб-тошиб кетди. Лекин ҳаммамиз гўёки томошабин! Биргина Қаҳҳор эплаган ишни кўпчилик нега уддалай олмаётир, деган гапни ҳатто хаёлимизга ҳам келтирмаймиз.

Абдулла Қаҳҳор ўзбек насрининг энг заҳматкаш ва танти бободеҳқони эди. У ҳеч вақт “кетмон уриб, таҳсин ва офарин умидида атрофга” аланглаб қарамаган. Мудом яратиш, илгарилаш шавқи билан яшаган.

Жаҳон адабиётида янги бадиий кашфиётлар яратган даҳолар сафига Абдулла Қаҳҳор балки киролмас. Дунё бадиий тафаккури тажрибаларини у кенг миқёс-

ларда ўзлаштира олмагандир балки. Адиб ижоди ҳақидаги бир гурунгда шоир Усмон Азим “Қаҳхор, афсуски, Чехов даражасида юксалмаган — Чехонте даражасида қолган”, деди. Биз бу гапга қўшилдик. Чеховнинг дунёқариши, жамиятга муносабати, адабий муҳити ва маҳорати эътиборга олинса, шоиримиз айтган фикрга эътироz туғилмайди. Лекин бадиий ижодда Қаҳхор кўлга киритган ютуқлар ҳеч қайси мумтоз адабницидан кам эмас.

Хаётдаги бирор бир воқеа-ҳодиса тасвири, яъни зоҳирий манзарани яратиб, моҳият мушоҳадасини китобхоннинг ўзига ҳавола этиш адабиёт ва санъатнинг қадимиy усулларидандир. Бу усул Қаҳхор асарлари, хусусан, ҳикояларига ҳам хос. Шуннинг учун адаб ҳикояларини ҳар ким билими, савия ва тасаввурига яраша тушунади ёки талқин килади. Шундан нарига ўта олса, демак, мулоҳаза, мушоҳадада силжиш, ўзгариш содир бўлади. Оддин сезилмай ётган нимадир равшанлашади, эътибордан четда қолган бирор иборами, деталь ёхуд ҳолатми, ярқ этиб кўзга ташланади. Қандайдир одмиллик, ҳаттоқи жўнлик билан китобхонни сеҳрлаш Қаҳхор қаламига хос бир хусусиятми, деб ҳам ўйлайсиз. Унинг ўтмиш мавзууда ёзилган ҳикояларининг ҳаммаси юракда бир маҳзунлик пайдо этади. “Ўғри” ҳикоясини неча қайта ўқиганимни аниқ билмайман. Зериксам, бирор нимадан толикиш сезсан, шу ҳикояга қайтаман. Унинг оҳанг боболаримиз қалбидан тарафландек, уларнинг қисматига ҳам мувофиқдек... Адиб Қобил бобо, Сотвонди, Туробжон сингари қаҳрамонлар воситасида яхлит, умумлашма бир образ ихтиро этган. Бу — қаҳхор ҳикояларининг бадиий мантиги.

Кашшоқлик ва йўқсиллик одамларни бирлаштириб, ё ҳақ-хуқуқини танишга чорлайди, ёки ҳайвон — тилсиз маҳлукқа айлантириб, тўда-тўдага ажратиб ташлайди. Эътибор берган бўлсангиз, Қобил бобонинг бошига тушган ногаҳоний кулфат қўни-қўшнини дастлаб қизиқтиради. Сўнг, кўп фурсат ўтмай, ҳеч нима бўлмагандай, ҳеч нима кўрмагандай, бирин-бирин ҳамма тарқаб кетади. Биринчидан, ҳеч ким шўрлик чолга мадад бериб, ёрдам кўрсатадиган аҳволда эмас. Иккинчидан, буни ўйлаганида ҳам кўлидан ҳеч вақо келмайди. Учинчидан, ҳар бири ўзича мададга муҳтоҷ. Қолаверса, фафлат ва мутелиқдан озод бир банда йўқ. Нега бундай? Жавобни ўзинг ахтар, ўзинг топ, муаммоларнинг муаммосини ўзинг ҳал қил, дейди Қаҳхор ҳикояларининг бадиий мантиги.

Шўро даврида ўзбек ҳалқи ўзини, ўзлигини таниди, билди, деган гаплар кўп чайналган. Қанақа ўзлик? Уни танимоқлик қаёқда?.. “Синчалак”да “Одам боласи циркнинг оти эмаски, қамчи қарсилаганда чўккаласа”, деган гап бор. Ҳалқимизнинг ўзлигини “англаши” қамчи қарсилашию чўккалаб туришдан кўп ҳам фарқланмасди. Мустабид тузум қўллик ва қарамликнинг эски, яроқсиз ҳолга келган кишан ва тузокларини ўзгартириди, шароитга мувофиқ равишда янгилади, холос. Кўрқитиш, эзиш, қирғин, алдов кучайса кучайдики, асло камайгани йўқ.


Абдулла Қаҳхор ён дафтаридағи қайдлардан бирида “Фалати-фалати назариялар ўзи кўкариб, ўзи қуриб ётиби”, дейди. Минг афсуски, бундай муваққат “назария”лар наинки адабиётга, балки китобхонларнинг адабиётни тушуниш ва қабул қилишига ҳам катта зиён етказган. Мактаб ва олий ўқув юртларида ўргатилган мужмал, мавхум назарий тушунчалар, саёздан-саёз таҳлиллар Қаҳхор ижодиётининг қалбига этиб боришига тўсиқ бўлган. Аслида, ҳақиқий адабий матнга бир “йўлак”-дан эмас, ўқувчи хоҳласа, уddyалай олса, истаган “йўл”дан киради.

Мен болалигимдан устод Абдулла Қаҳхор китобларини ўқиб-ўрганаман. Уларнинг ҳар бири менга қадрли. Ҳар бирини қўлда қалам билан, ўзимга маъқул жойларининг тагига чизиб, турли белгилар кўйиб мутолаа қилганман.

Мұхтарам журналхон! Ана шундай парчалар, инжу фикрлар сизнинг эътиборингизга ҳавола этилаёттир. Бундан беҳад мамнунман, албатта. Аммо назари ўтқир, зуккороқ киши Абдулла Қаҳхор китобларидан мендан-да кўпроқ дур ва гавҳар топишига ишончим комил.

БИЛЛУР ҚАТРАЛАР

Абдулла ҚАҲҲОР



# IJOD JA VHARI

Ҳикоялардан

## "Даҳшат"

Яқин икки ҳафтадан бери кўз очирмаётган кузак шамоли яйдоқ дараҳтлар шохида чийиллайди, ғувиллайди; томларда вишллайди, ёпиқ эшик ва дарчаларга бош уриб уф тортади.

Бундай кечаларда одамзод қўймижоз, ғуж бўлиб ва ниманидир кутиб жимгина ўтириши хоҳлаб қолади...

## "Анор"

— Ахир, бошқоронги бўл, эвіда бўл-да!.. Анор, анор... Бир қадоқ анор фалон пул бўлса! Саҳари мардондан сув ташиб, ўтин ёриб, ўт ёқиб бир ойда оладиганим ўн саккиз танга пул...

— Ҳавасга анор ейди дейсиз шекилли...

— Биламан... Ахир нима қиласай? Ҳўжайнинимни ўлдириб пулни олайми, ўзимни ҳиндига гаров қўяйми...

— Ҳали туғилмаган болани ер юткур дединг-а...  
— Ўша асалнинг пулига анор ҳам берар эди.  
— Берар эди! — деди Туробжон заҳарханда қилиб. — Анор олмай асал олдим!

— Албатта берар эди! Албатта анор олмай, асал олгансиз!


Мана шундай вақтларда тил қотиб оғизда айланмай қолади, мабодо айланса, муштнинг хизматини қиласи.

— Ажаб қилдим, — деди Ту-  
робжон титраб, — жигарларинг эзи-  
либ кетсин!

Бу сўз унга қандай таъсир қил-  
ганини фақат бошқоронғи хотинги-  
на билади...

### “Бемор”

Ҳаммаёқ жим. Фақат пашша  
ғингиллайди, бемор инқиллади; ҳар  
замон яқин-йироқдан гадой тову-  
ши эшитилади: “Ҳеј дўст, шайдул-  
ло баноми олло, садақа радди бало,  
бақавли расули худо...”



### “Ўғри”

Одамлар дод овозига ўрганиб қолган: бирорни эри уради,  
бировнинг уйи хатга тушади...

Аммо кампирнинг додига одам тез тўпланди. Қобил бобо  
яланѓбош, ялангоёқ, яктакчан, оғил эшиги ёнида туриб дағ-дағ  
титрайди, тиззалири букилиб-букилиб кетади; кўзлари жавди-  
райди, ҳаммага қарайди, аммо ҳеч кимни кўрмайди.

Қобил бобо рўпара бўлганда амин оғзини очмасдан қаттиқ  
кекирди, кейин бағбақасини осилтириб кулди.

— Ҳа, сигир йўқолдими?  
— Йўқ... сигир эмас, ҳўқиз, ола ҳўқиз эди.  
— Ҳўқизми?.. Ҳўқиз экан-да! Ҳимм... Ола ҳўқиз?  
— Бори-йўғим шу битта ҳўқиз эди...  
Амин чинчилогини иккинчи бўғинигача бурнига тиқиб кулди.  
— Йўқолмасдан илгари бормиди? Қанақа ҳўқиз эди?  
— Ола ҳўқиз...  
— Яхши ҳўқизими ё ёмон ҳўқизими?  
— Қўш маҳали...  
— Яхши ҳўқиз бирор етакласа кета берадими?  
— Бисотимда ҳеч нарса йўқ...  
— Ўзи қайтиб келмасмикан?.. Бирор олиб кетса қайтиб кела  
бер, деб қўйилмаган экан-да! Нега йиғланади? А? Йиғланмасин!

### “Бошсиз одам”

Фахриддин кирганда Мехри энди уйқудан турган экан.  
— Э, ҳўй!.. Яхшимисан... ҳўй!  
Мехри секин:  
— Келинг, — деди.  
— Яхшимисан... Уйда сен йўқ, дадам қийналиб қолдилар.  
Ёмон бўлар экан...

— Кунма-кун баттар бўлган эдим, олиб ташлашди... нақд ўлаёздим...

— Хайрият.

— Кўрдим, боши йўқ.

— Ие!.. — деди Фахриддин оғзини ва кўзларини катта очиб, — боланинг ҳам боши бўлмайдими!.. Дадамдан сўрай-чи...

### “Мастон”

“Қизсан, баҳтдан умидворсан!” дейсан. Агар мен қизлигим учун баҳтдан умидвор бўлсам — баҳтсизлигим бўлади. У вақтда мен умрни тикиб ошиқ отган бўламан. Чув тушдимми — умр кетди!.. Йўқ, Турғуной, менимча, баҳтни эрдан излашнинг ўзи баҳтсизликнинг бошланишидир. Бизда хотинлар эрга шундай боғланиб қолади, шунча баҳтни ундан излайдики, эр ўлса гўё баҳтининг қалити унинг чўнтагида кетган бўлади; эрининг ўлганига эмас, баҳтдан умиди узилганига йифлайди.

— Эркак деса сенинг кўз олдингга... бошқа нарса келмайди!  
— деди Мастон...  
— Бўлмасам-чи! — деди Турғуной этаги билан бурнини артиб. — Бошқа нима... эркак сенга ош қўйиб ичармиди? Одам мушук эмаски, йилда бир маротаба мов бўлса...

Арава ғижирлаб борар, гап мавзудан мавзуга кўчар, Турғуной гапга аралашмай, бедалар ичида бир боғ бедадай силкиниб борар эди.

### “Жонфиғон”

Жонфиғон ер чизиб ўтирап экан:  
— Шайтон... — деди.  
— Бекор айтибсиз! — деди Малоҳат жаҳли чиқиб. — Чилимнинг сувини ичиб докторга киришни шайтон сиздан ўргангандир!..

### “Адабиёт муаллими”

Ўртоқ Боқиҷон Боқиев жуда чанқаб турган экан, устма-уст тўрт пиёла чой ичди ва терлади.  
— Чучварадан кейин чой жуда яхши кетади-да, — деди юзидаги терни артиб. — Ҳимм... соқол ҳам ўсипти, сартарош бўлмаса одамлар маймун бўлиб кетар эди. Маймун, жуни тўкилиб, одам бўлган. Бу ҳақда Энгельснинг фикри бор...

— Мукаррам, товуқса мояк қўйдингми? Қўйиш керак, бўлмаса дайди бўлиб кетади... Тавба, товуқдан аҳмоқ жонивор йўқ — мояк қўйсанг туғади! Нима учун мояк қўйсанг туғади? Хўroz нима учун саҳарда қичқиради?

Ажойиб психология!

### “Майиз емаган хотин”

— Бир куни беш-олтита очиқ хотин орасига кириб қолиб, не вақтгача кўнглим ғаш, таъбим кир бўлиб юрдим... Гапни кўринг-а, айтгани кишининг юзи чидамайди: бегона эркакнинг қўли оқ сочи қорайтирар эмиш. Тавба қилдим...

— У нима дегани экан?

— Оббо... Бегона эркак, кишининг қизлигини эсига солади, дейди-да!

— Бо, худо... Қуриб кеткурлар, бирам шармандаки... Тавба қилдим. Баданингда наминг борида беш-олтита эркакни кўрмасанг, умр бўлдими бу умр, дейди-я! Тағин ҳам зилзила бўлиб ҳаммани ер ютмас экан-да..

### “Иғвогар”

Узун нутқини “Устод отган тустовуқ роҳат қилиб йиқилади”, деб тугатди.

### “Башорат”

— Қандоқ маҳлуқсан ўзинг? — деди Сайд Жалолхон...

— Пашибаларнинг шоҳи бўламан.

— Шоҳ бўлсанг, ўғрилик қилган фуқароларингни терга-майсанми?

— ...Нимангни ўғирлади?

— Кайфимни ўғирлади!..

### “Тўйда аза”

Яхшининг юзида зулук ҳам хол бўлиб кўринади.

Домланинг фикр-ёди ўзини иложи борича ёш кўрсатишида бўлиб қолди. У нима қилса, нима деса шуни эсдан чиқармас, ёш эканини кўрсатиш учун қулай келган ҳар бир имкониятни қўлдан бермас, “ҳали ёшсиз” деган кишига жонини, жаҳонини беришга тайёр эди.

### “Асрор бобо”

Кўнгли яримта бўлса, мияси ҳам яримтами?



Йиғласам, кўзёшини сиздан қарз олмайман.

### **“Хотинлар”**



Баҳрининг сўзи гул кўтариб, ашула айтиб, оҳ чекиб, зўр келганда ҳатто пича кўзёши тўкиб арз қилинадиган, лекин анчайин қаршиликка учраса чок-чокидан сўклилиб кетадиган муҳаббатнинг эмас, гулсиз, кўзёшисиз арз қилинадиган ва қаршиликка учраган сайин камол топадиган муҳаббатнинг ифодаси эди. Биринчи хил муҳаббат тилда, иккинчи хил муҳаббат дилда бўлади.



Одамлар шундайки, бор нарса аста-секин йўқолса ҳам пайқайди, лекин йўқ нарса аста-секин пайдо бўлса пайқамайди.



Келин “муқова”си тузуккина, лекин хийла ўзига бино қўйган... бир қиз экан.



Унинг учун оламда ўзига teng одам йўқ, у билган одамлар ё ўзидан паст, ё ўзидан юқори; ўзидан паст одамни оёғи билан кўрсатар, ўзидан юқори одамнинг эса оёғига йиқилар экан... Бирон одамнинг ўзидан паст ё баландлигини эса унинг уйида нечта гилами борлиги ёки неча кишига сўзи ўтиши билан ўлчар экан.



Бу ёш йигит дунёда муҳаббатни ҳар қандай қулфга тушадиган калитга айлантириб олган хотинлар ҳам борлигини билиб қўйсин...



Шундай одамлар ҳам бўладики, туғилганда ҳеч ким севинмаган бўлса ҳам, ўлганда бутун юрт аза тутади.

### **“Маҳалла”**



Менинг бир оёғим гўрда, сенинг иккала оёғинг тўрдами?

### **“Сўнган вулқон”**



...Идорада қандай яхши иш бўлса савоби раҳбарга, гуноҳи фақир-фуқарога тегарди...

### **“Думли одамлар”**



Бунга гап уқтириш қоронғи уйга кесак отгандек гап.

### **“Нурли чўққилар”**

Турмуш ўртоғим билан кўнглиминг амрини бажариб, баҳтиёр оиласлар сафидан мустаҳкам ўрин эгалладик ва баҳтли турмуш қучогида оқиб, келажакнинг нурли чўққилари томон бормоқдамиз...

### **Фельетонлардан**

#### **“Бос тепкини”**

Ўғри мушук бир парча гўшт солиб қўйилган қовоқقا бошини зўр билан тиқаётганида нимани ўйлайди? Гўштдан бўлак нарсани ўйламайди, албатта. Бошини қовоқдан тортиб ололмай ўзини у девордан бу деворга уриб юргурганда-чи? Тузоқقا тушганини дарров фаҳмлайди, чунки унда мушуклик ғурури йўқ...

#### **“Пора”**

Бир порахўр амалдор амалидан тушиб ғалати дардга йўлиқди. Унинг томоги кундан-кун торайиб бораверди. Қирқ тош теварак-атрофда уни кўриб дори бермаган доктор қолмади — ичи аптекага айланиб кетди; уни боқмаган табиб ҳам қолмади — янтоқнинг гулидан тортиб калтакесакнинг думигача қуритиб каппа отди; ўқимаган дуохон, ром очмаган фолбин қолмади — кичик ҳамён бўшаб, катта ҳамёнга қўл кетди. Бўлмади, дард борган сари кучайиб, томогидан ҳатто сув ҳам ўтмай, оғзига пахта билан томизилган сув бурнидан келадиган бўлиб қолди...

#### **“Кўзача”**

Идора бошлиғи тупурса тупугини ерга туширмайдиган одамларга ўхшайди...

#### **“Нутқ”**

— Сиз билан биз бир йиллик оилавий фаолиятимиз натижасида қандай ютуқларга эришдик? Аввало шуни таъкидлаб ўтиш керакки, биз у ёки бу масалада юз берадиган принципиал келишмовчиликларни четдан куч жалб қилмасдан ўз кучимиз билан, ўзаро кенг муҳокама қилиш йўли билан бевосита бартараф қиладиган бўлиб қолдик. Иккинчидан, ўртоқ рафиқам, оиласизни ташкилий хўжалик жиҳатидан мисли кўрилмаган даражада мустаҳкамладик. Мен бу бобда фактларга мурожаат қилиб ўтирмайман, чунки орденли онангиз ўзларининг ҳар бир тарихий келишларида...

#### **“Куюшқон”**

Одамларки бор, ҳалол меҳнат билан ўзини кўрсатгани эрина-ди-ю, оламда борлигини маълум қилиб туриш учун кўпроқ гапириш-

га ҳаракат қиласи; мажлис-пажлисда сўз тегиб қолса, фойдали бирон фикр айтиш учун эмас, гапириш, фақат гапириш учун гапиради...

➤ Сўз санъатига ҳунар деб эмас, касб деб қарайдиган, бисотидаги бир ҳовуч сўзни йиллар давомида айлантириб кун кўриб юрган бир туркум қалам ахлининг "фаолияти", чаламулла баъзи олимларнинг "илмий хулоса"лари натижасида ажиб бир тил бунёдга келди... Бу тилда латифа айтиб бўлмайди, ёзиб бўлмайди. Бу тилда ҳазилга, мақолга, мatalга, ажойиб ҳалқ ибораларига ўрин йўқ. Бу тил ҳар қанақа жонли фикрга кафанди кийгизади, ҳар қанақа ўйноқи мазмунни таҳтага тортади...

### "Сароб"дан

- Ҳар бир янгилик қаршиликка учрайди. Ҳар бир янгилик дикқатни жалб қилиб, ўзи тўғрисида турли-туман фикр туғдиради.
- Бир ёш шоира ўтмишдаги хоқонларни соғиниб шеър ёзибди. Ҳолбуки, хон-хоқонлар замонасида унга ўхшаган ўнлаб аёллар битта эркакнинг чўриси эди. Нимасини соғинади ўша ҳаётнинг? Кулги! Мен биламан, бу аёл хон-хоқонларни соғингани йўқ, баъзи бир катта шоирларга таассуб қилиб шундай шеър ёзган.
- Унинг мўйловга ўхшаган қошлари кўзининг устига тушиб турар, кичкина дўпписи қоплай олмаган тепакал боши ҳозиргина пардозланган сариқ этикнинг тумшуғидай ялтираси эди. Домла ҳаракатда айик, юришда ўрдакни хотирларатарди.
- Иштирок этишга мажбур бўлган мажлисларни-ку, безгак дори ютгандай, кўзни чирт юмиб аранг ўтказамиш, энди ўз ихтиёrimiz билан ҳам борайликми?..
- Инсон ҳаётдан қилган талабининг бир жузъинигина олади. Ҳали сабий бўлган инсон ундан шунча оз талаб қиласиди, олгани уни таъмин қилолмайди. Бундан ёвузлик, бир-бирини кўролмаслик, ваҳшат, муҳораба ва ҳоказолар туғилади. Шу нуқтада мен Марксни танқид қиласман. Маркс бирорнинг жаҳаннам азоби иккинчи бирорнинг учмоҳроҳатини вужудга келтиради, дейди. Йўқ, инсон ҳануз сабий, балоғатга етмагандир. Бу ҳолат мудом шу йўсинда давом этгуси демак — балиғ кимса катта гўдак бўлгуси демакдир. Вақтеки келиб инсоният балоғатга етади, унинг сабийлик феъл-атворлари орқада қолади... Кишиларни синфларга айириш осойишталикни бузади...

Норозиликдан кўра келажакда рози бўлиш умидининг йўқлиги кишини кўпроқ толиқтиради.

Бу қиз яшнаб турган чўғ... Мен унга яқиндан тутилган дока: ёниб ҳам кетмайман, омон ҳам қолмайман, фақат сарғаяман. Сарғая-сарғая, охир ёнмасдан тамом бўламан.

Куни-туни китоб ўқиш, ўрганиш керак эмас, фақат улуғларнинг кўзига тез-тез кўриниб турса кифоя. Буни эса кўпроқ шиша осонлаштиради. Ўз ўрнида бўшатилган икки жуфт шиша унга йигирма жуфт китобдан ортиқроқ фойда етказар эди.

Подшо "сен" деган кишини бутун мамлакат "сиз" дейди!

Оlamda domlанинг кўзига фақат икки нарса кўринади: бири — мулк-амлок, иккинчиси — жон...

Озодлик паранжи ташлашдангина иборат эмас... Менингча, аввал, очилган хотин-қизларнинг иффатини сақлаш керак. Уларни саноатга эмас, бузилмасликка чақириш зарур.

У сўзлайди, фикрига қўшилмаган одамни мия механизмидан бирон винти тушиб қолган гумон қилади.

"Эси бутун одам ҳайрон қолмайди". Бу гап бурунги замонлардан бери бор, ҳозир ҳам, бундан сўнг ҳам ҳикматли сўз бўлиб қолади.

...Дунёда оқ ҳам йўқ, қора ҳам. Бу, ҳар кимнинг қарашига боғлиқ нарса. Манфаат масаласи бор. Америка қитъаси янги очилган вақтларда миссионерлар ундаги занжиларни христиан динига киргизиш учун турли йўллар тутган, жумладан, ой тутилишини илоҳий бир ҳодиса қилиб тушунтирган. Ой тутилишининг илоҳий ҳодиса эмаслигини миссионерлар билмаганми? Билган, аммо билса ҳам халқни нодонликка бошлаган...

Ҳақиқат қанча кўп қаршиликка учраса, кишиларнинг қалбидан шунча чуқурроқ ўрин олади.

- Унга қарашли еттита уйнинг бир қисми шарқ, бир қисми фарб услубида жиҳозлантирилган, ясатилган. Ягона камчилик — бир неча жавонга терилган китоблар ичida биронта ҳам Саидийнинг ўз асари йўқлиги, буни эса пул билан қилиб бўлмасди.
- Кишининг дунёга келиб тортадиган ўз ҳузур-ҳаловати йўлидаги ташвиши бўлмас ва бунинг кетидан бир роҳат кўрмаса, дунёга келди нима бўлдию келмади нима бўлди.
- Бор илмни ўрганиш, уни бу кунга қадар ишлатилганича ишлатиш — ҳар бир эс-ҳуши бор одамнинг қўлидан келади. Илмга янги бир нарса қўшиш ёки унинг учун янги бир иш майдони очиш — ҳақиқий хизмат.
- Муродхўжа домла Саидийнинг шарбатини сўриб бўлди, энди пўчогини пуфлаб ташлаши керак...
- Сенинг қиличинг синган бўлса ҳам, ҳали қалқонинг тешилгани йўқ!..

### **“Синчалак”дан**

- Секретарь колхознинг ўзидан бўлса, Қаландаров уни қоққанда қозик, илганда хумча қилиб олар экан, райондан юборилса — сиғдирмас, чўқиб ташлар экан...
- Мой айниса туз солади, туз айниса не солади, деган гап бор.
- Гижинглаган йигитлар турганда, шу қизни секретарь қилиб юбораман деб ўтирибди! Қишлоқда одам қолмаса, эчкининг оти мулла Норқўзи бўлади...
- Қаландаров мундайроқ меҳмон келса, югурдагига “Эшон!” дер экан, бу “иккита нон билан бир чойнак чой олиб кел” дегани, “ҳой, Эшон” деса — ош буюргани, “Эшон, ҳой” дегани эса “ҳовлига бориб хотинимга айт, нозик меҳмон олиб бораман” дегани бўлар экан.

Саида Эшондан:

— Сиз колхозда нима иш қиласиз? — деб сўради.

Эшон анчадан кейин, худди хумга йўталгандай дўнғиллаб жавоб берди:

— Старший чойхончик!..

Ташлаш керак бўлган феълим кўп... Туядан “нега бўйнинг эгри” деб сўралса — “қаерим тўғри” деган экан...

— Бизнинг Эшон кабобпазларнинг пири, ошпазларнинг отаҳони, дуторни эзади, ашулани қияди...

— Лагмон-чи, лагмон, — деди Эшон...

— Бизнинг Эшон мана шунаقا... Лекин иккита айби бор: бирламчи, худо бўйдан, жуссадан берган эмас; хотини билан подручка қилиб кетаётганида орқасидан кўрган киши Эшонни Кифоятхонга осиб қўйибди дейди... Иккиламчи, хотинидан кўп калтак ейди... Менга қара, кўпроқ нима учун уради?

— Рашки ёмон! Кўнгли эгри! — деди Эшон. — Ўн ииллик ўлиқдану ҳали туғилмаган чақалоқдан rashk қилмайди, холос.

Афлотуннинг қизи бўлсангиз ҳам гапни тонналаб олинг-у, граммлаб сотинг! Гапингиз гапга ўхшамайди, оғзингиз гапдан бўшамайди!..

Тиши чиққан болага — чайнаб берган ош бўлмас деганлар! Ҳар нима қилсангиз қилинг, мени итингизнинг ёнига боғланг, лекин раҳбарлик қилманг! Тоқатим йўқ! Хотин киши раҳбарлик қилса, калавамнинг учини йўқотиб қўяман!

Игна билан битадиган ишга жуволдиз тиқиб ўтирумайлик.

Бу одам нега очик ярадай ел ўтса ҳам жизиллаётибди?

Мен аравадан бошқа ишга ярамайдиган пачоқ отдаи кўринисам ҳам, унча-мунча чавандоз минолмайдиган улоқчи отман! Унча-мунча одамни ерга чалпак қиласман! Чалпак! Буни билиб, тушуниб қўйинг!..

- Мен колхозни опичлаб катта қилганман! Колхознинг дарди қаерда, қитиги қаерда эканини мен биламан!
- — Синчалак деган қушни биласизми, оёғи ипдай... Шу қуш "осмон тушиб кетса ушлаб қоламан" деб оёғини кўтариб ётар экан...
- Дунёда бунақа жониворлар кўп, Арслонбек ака, хўroz ҳам "мен қичқирмасам тонг отмайди" деб ўйлар экан...
- Кўзёши ё кўнгилдаги ғам-ғуссанинг дамини кесиш, ё бераҳмнинг раҳмини келтириш учун тўкилади, менинг кўнглимда қанақа ғусса бор, йиғлаб кимнинг раҳмини келтирмоқчиман?
- Сув бошидан лой, эгачи, идорани кўрмайсизми, қиличдай-қиличдай йигитлар роҳатибадан кўйлак кийиб, чут қоқиб ўтиришибди!
- Қилмишингизга ўзингиз яхшироқ, оғизга олса бўладиган бўйлак от қўйиб беринг бўлмаса...
- Зулфиқоров ҳар сафар девор ошганида, энди колхозда "кatta қозик" бўлиб қолганини айтиб, Меҳрига шон-шуҳрат ваъда қилар эди.
- Ит очиқ қолган қозонни ялайди.
- — Ҳисобли дўст айрилмас, деган гап бор, орамиздаги баъзи бир гапларни ҳисоб-китоб қилиб чўтдан чиқариб ташласак дейман...
- — Миш-миш? Раиснинг ҳали бурни қонамасдан туриб, унга қазилган гўр устида дутор чертиб, чилдирмабазм қилганингиз ҳам миш-мишми?
- Тўкилгандан томчилаган ёмон, ука, томчилаган ёмон! Тўкилганини киши дарров пайқайди, томчилаганни узоқ пайқамаслик мумкин...

Колхознинг пўлат сандиғига Арслонбек ака қулф эмас, ўзини осиб қўйган!

— От миниш аёл кишининг ҳунари эмас, лекин сиз отга анча ярашдингиз...

— Мен отга эмас, от менга ярашгандир!

— Қуда бўлганингиз учун ҳам иззатингизда турганингиз яхши. Узоқдаги кишинашар, яқиндаги тишлишар.

— Билар экансиз... бизнинг бобой овқатлардан фақат паловни, раҳбарлардан фақат ўртоқ Қодировни, дорилардан фақат пенициллинни тан оладилар!

Мухбирларнинг бурни узун бўлади, уч километрдан ҳид олади.

Бу кишининг эгилишлари қийин, эгилганда ҳам қирсиллаб, чир силлаб эгиладилар...

Иллатни чўмичлаб олиб ташлаш керак эмас, таги билан қўпориш керак.

Чаласавод киши ўзидан паст, нима деса "ҳикмат" деб турадиган одамлар билан улфатчилик қилишга мойилроқ бўлади.

Қадим замонда бир подшо ўладиган бўлибди-ю, дунёдаги ҳамма илмларни билиб ўлгиси келибди. Олимлар дунёдаги ҳамма илмларнинг қаймогини олишган экан, бир тую китоб бўлибди. Кейин бу китобларнинг ҳам қаймогини олишган экан, бир эшак китоб бўлибди. Подшо бир эшак китобдан битта китоб қилдирибди, лекин шуни ҳам ўқиёлмай ўлиб кетган экан. Қаландаровга мана шунаقا қаймоқ китоб бўлса...

ОХИРИ КЕЛГУСИ СОНДА



ЮРАК ТИЛГА КИРДИ

Азим СУЮН

# MANZILIM HAMON YIROQ

Бу дунё молига жонин тиккан кас,  
Унинг йўлларида олгувчи нафас,  
Майлига, кимлардир қилса ҳам ҳавас,  
У бизга дўст эмас, у биздан эмас.

Иймон тасбехларин юлиб сочгувчи,  
Нафсига юҳодек қучоқ очгувчи,  
Шайтонга бош эгиб, йўздан қочгувчи  
У бизга дўст эмас, у биздан эмас.

Мис балдоқни зар деб сотгувчи заргар  
Миси чиқажакдир бир кун муқаррар,  
Кўзларнинг ёшига бепарводир гар,  
У бизга дўст эмас, у биздан эмас.

Балки бир сарвардир шонли-шавкатли,  
Уммоннинг тўфони каби қудратли,  
Камбагал ҳаққига бекли, давлатли,  
У бизга дўст эмас, у биздан эмас.

Азим Суюн айтар собит сўзини,  
Дўстим дебон дўст ўйса дўст кўзини,  
Унумса Ватанин, халқин тузини,  
У бизга дўст эмас, у биздан эмас.

## ЁЗ КЕЧАСИ

Чексиз дала. Қир, адир, дашт.  
Кеча сутдек оппоқ-ойдин.  
Бир шаббода эсар — беҳуш,  
Кўнгилларни ёғлар майдай.

Ёлгизоёқ дала йўли —  
Бамисоли шаршарадир.  
Гулўтларнинг ўткир бўйи  
Димогингни нақд ёрадир.

Ҳайронадек аргумогим  
Бошин силкиб-силкиб қўяр.  
Қараб у ёқ-бу ёғига,  
Бир дилдорлик исин туяр.

Бири қўйиб, бири олиб,  
Гўёки қасдма-қасдига,  
Чигирткалар қўшиқларин  
Куйлашар басма-басига.

Бу қўшиқлар туюлади  
Абадият қўшигидек.  
Хотиралар қуийлади  
Олис тиллар ошигидек...

Чексиз дала. Қир, адир, дашт.  
Кеча сутдек оппоқ-ойдин.  
Бир шаббода эсар — беҳуш,  
Кўнгилларни ёғлар майдай.

Ҳоб-బ, пичанзор гарамлари  
Ташланмоқда кўзга тез-тез.  
Ҳаволарда қолар қалқиб  
Кузни олиб келгувчи ис.

Олмазорларнинг шохлари  
Деворлардан оша-оша,  
Кўтаролмайин юкларин  
Ҳилол, Зуҳрога томоша...

Чу, жонивор, чу-чу, қани,  
Манзилимиз қолди яқин.  
Ў, бу ёз кечасин энди  
Достон қилас Азим оқин.



## ИН ОК

Доим дилда сафарлар майли,  
Олис юртда, бамбукзор аро,  
Тасодифми ё тақдир зайлι,  
Бир қиз күрдим — оламда танҳо.  
Капалакми дедим мен аввал,  
Ё бир оқтўш — бир парча булут.  
Ё илк бора очилган сунбул,  
Ё илк бора очилган гулўт.  
Ёнидаман, мана, кўп ўтмай,  
Еллар эсди сокин, беозор.  
Ёгду сочиб мисоли нурдай,  
Олқишилади яшил бамбукзор.  
Въетнам қизи Ин Ок эди у,  
Кванжуга мен каби меҳмон.  
Мусаллас-ла сийладим уни,  
Орзу каби бўлдим қадрдан.  
Бир бамбукнинг танасин қучиб,  
Ҳадя этиб унга бўса, оҳ,  
Келган каби кўклардан тушиб  
Ногоҳ қўшиқ куйлади Ин Ок.  
Ин Ок куйлар... битта шохдаги  
Икки япроқ айролигини.  
Учиб кетган денгизга бири,  
Бири тозда жудолигини.  
Бир-бирига интиқ-интизор  
Интилар-у... етолмас аммо.  
Тоғу денгиз ўртаси — абгор,  
Куйдиргувчи бепоён сахро.  
Ин Ок йиглар... Шу оппоқ гунча  
Фамдан қандай сочилиб кетмас?  
О, бу қўшиқ адo бўлгунча  
Адо бўлдим... Юрак чидамас!  
Кўнгил ёзмоқ илинжда бир қур  
Бу ерларга келган эдим мен.  
Онажоним — юртимга бу кун  
Ин Ок дардин олиб келдим мен.  
Тушларимга кирап бамбукзор,  
Ин Ок йиглар тоз, денгиз аро.  
Юпатмоқчи бўламан зор-зор,  
Боролмайман... ўртада сахро.



Сен сари боряпман  
Манзилингни қоралаб.  
Гүёки ҳеч тап тортмай  
Шамол, ёмғир оралаб.

Қадамим ўқтам, аммо  
Юрагим безовтадир.  
Тип-тикка нигоҳингда  
Мени нима кутадир?

Тандирнинг лойи янглиг  
Ёзуқ эзгилади кўп.  
Қалбимнинг туб-тубида  
Ишқу нафрат қоришик.

Тагин рад жавоб, наҳот —  
Сен сари илдамлатмай,  
Шамол, ёмғир савалар  
Чавандоз қамчисидай.

Эгни-бошим шалаббо,  
Танга инар оғирлик.  
Кучаяр-ку тобора  
Исми-жисми йўқ оғриқ.

О, муҳаббат, сени мен  
Юракда опичладим.  
Қанча катта бўлсанг сен,  
Ўзим кичрайиб бордим.

Дод солмадим оламга,  
Тилда қилмадим қўшик.  
Фақат тунда ёстиқса  
Кўзёшлиарим қўшилди.

Осмон юзи йўқ, тамом,  
Осмон юзи — ўмбалоқ.  
Ёмғир қорга айланди,  
Манзилим ҳамон йироқ.

Мадад бергило, Тангри,  
Қайтмайин ярим йўлдан.  
Анқонинг ургуни  
Сўрамаяпман сендан.

Танадошим, руҳдошим,  
Ёлгизгина ишқ, ахир.  
Сен сари боряпман  
Қору ёмғир аралаш...

Саъдулла ҲАКИМ

# НІJRON—ШІMІD, ДIYDOR—IZTIROB

## ЧОШТЕПАДА ЁЗ

Йўлим тушиб, ёз чоги  
Чоштепада тўхтадим.  
Осмон сариқ, ер сариқ,  
Сан-сариқ қириу адир.

Салқин жой қидириб сув  
Қочмиши қудуқ тубига.  
Ҳар ерда тўп-тўп сурув,  
Чашма кирап тушига.

Эсади илиқ-илиқ  
Ялқов шаббода овуш.  
Тумшуғин чўмич қилиб  
Ҳансираб нур ичар қуши.

Лойсувоқ иморатлар  
Бог ичига бош суқиб  
Сокин соялаб ётар,  
Сукутга чўмган сукут.

Кўланка қуюқ, қалин,  
Бахмал кўрпача монанд.  
Соясининг сояси  
Каби рангсиз дов-дараҳт.

*Зардоли танасида  
Мудраб ётган ўт-оташ  
Шохларда ёнар сачраб,  
Бамисли каҳрабо тоши.*

*Ишком ости супада,  
Кўзга чалинار хиёл,  
Кўкрак тутиб, бешикка  
Суянган сўлим аёл.*

*Бари юракка яқин,  
Келмас одам кетгиси.  
Нур қанотида оқиб,  
Маст қилар шувоқ иси.*

*...Бўлиқ тупроқ — этигим,  
Қуёш — қалпогим менинг —  
Ўтиб кетар ёнимдан  
Болалик чоғим менинг!*

### **СЎЗ ВА ШАХМАТ**

*Сўзлар ўхшар шахмат доналарига —  
Кузги мевалардек хил-хил сайланиб,  
Жойлашиб юракнинг хоналарига  
Туришар ҳамиша жангга шайланиб.*

*Сўзлар ўхшар шахмат доналарига —  
Мантиқ ҳар иккиси учун мос либос.  
Аспнинг бўлганидек саккиз юриши  
Сўзга ҳам маънолар товланиши хос.*

*Ўйламай айтилган хом сўз албатта,  
Шунчаки қилинган юриши сингари,  
Ҳаётда — инсонни, шоҳни — шахматда  
Бошлилар маглубият алами сари.*

*Шахматда ҳар тоши ўз йўлида собит,  
Ҳар сўзнинг ўз ўрни бордир ҳаётда.  
Пиёда забт этган маррани гоҳи  
Эгаллаб бўлмайди сипоҳда, отда.*



Аммо бунда ҳамма бир мақсад қули,  
Кураш байрогини кўтариар баланд.  
Шоҳнинг доим узун бўлсин деб қўли  
Фарзин тенг жаҳд этар пиёда билан.

...Яшайман бўлсин деб баҳтинг зиёда,  
Сени шарафламоқ бурчимдир зотан.  
Ў, отажон юртим, мен бир пиёда,  
Мен ёниб турган бир сўзингман, Ватан.

### ПАРТА ИБРАТИ

Илму адабни сутдек  
Эмизган суюк она —  
Меҳрибоним мактабим,  
Багринга келдим яна.

Кўзимда согинч ҳисси  
Қалқди, ҳолим кўр энди.  
Парта кўзимга иссиқ —  
Олов каби кўринди.

Фаройиб эди бу ҳол,  
Қизиқ эди бу ҳолат.  
Партага сигиб-сигмай  
Ўтиредим беҳаловат.

Севинчларим-ку сигди,  
Сигмади ташвишларим.  
Ва англадим бир сирни  
Ҳам бегуборлик қадрин.

Мен ўзгариб кетибман:  
Бошимда умр қори,  
Кўнгил ойинасини  
Босмиишийлар губори.

Шунинг ўзи бир ҳикмат,  
Эй кўнгил, овоза қил.  
Партага сигар фақат  
Бола сийрат, тоза дил!

\* \* \*

Балки бунинг барига сабаб  
Телба кўнгил шавқ-шарораси.  
Кўзларимга кўринмас, ажаб,  
Ўн тўйқиз ўйл — умр ораси.

Бунга сира ишонмас одам,  
Ишонса ҳам тушунмас, тайин.  
Ёшлик сари ўн тўйқиз қадам,  
Мисоли бир қадамдир ҳар ўйл.

Ортга қараб илгари юриши...  
Бунга фақат муҳаббат қодир.  
Эҳтимолки, ҳар минг қисматда  
Битта шундай бўлажак содир.

Улгайши бу — табиий бир ҳол,  
Лек табиий ёшарии қийин:  
Ўн тўйқиз ўйл ўтгандан аввал,  
Ўн тўйқиз ўйл ўтгандан кейин.

Чаппа оқиб бораётирман  
Беихтиёр Сангзор сингари...  
Мени қўйиб юбормас бу дард,  
Энди сенинг қўлингда бари.

Унум мени, айрилиқча кўн,  
Ҳижрон — умид, дийдор — изтироб.  
Мени мендан ишқарида кўм,  
Мени мендан ташқарида топ.

### СИР

Ҳикмат айтиб сирми оламдан  
Тўқилса ҳам минг сир қаламдан,  
Тилло каби ерга кўмилуб  
Бир уюм сир қолар одамдан.

### МУҲАББАТ

Ёр қалбида яшамаганда  
Маст қилмасди муҳаббат атри.  
Ер қаърида яшамаганда  
Олтиннинг ҳам бўлмасди қадри.



**РОСТЛИК – ХАЛОСЛИК**

Шукур ХОЛМИРЗАЕВ



## **ORZULARNING ALAMLI YUKI**

Ўтган асрнинг етмишинчи йиллари “Қайси миллатнинг адабиёти зўр? Насри қандай, шеърияти қай ахволда?” қабилидаги саволлар аксар зиёли давраларда пайдар-пай ўртага ташланар ва давомли мунозараю муҳокамаларга сабаб бўларди. Чунки ўша кезларда факат адабиёт “чин сўз”ни айта олар (тўғрироғи, айтиши учун йўл топар) ва зийрак ўқувчилар ҳам “коса тагидаги нимкоса”ни дарҳол англар эди. Адабиёт том маънода маънавий минбар сифатида кимларгадир фурур бағишлар, бошқа бировларга тасалли берар — ҳарҳолда ягона ишонч манзили ҳисобланарди. Бироқ бу гаплар “Адабиёт ҳақиқат тимсолига айланган экан-да!” деган хуносага келишга асос бўлолмайди. Аслида ўшанда адабиёт ҳақиқатнинг бир “учқуни”ни кўрсата олса ҳам кифоя эди... Табиийки, ана шу “учқун” тунда ёнган машъала мисол ўқувчиларни парвонадек ўзига тортар, пироварди унинг ёғдусига қараб миллатларнинг камолига баҳо бериларди. Ахир, биргина улкан ёзувчи ҳам бутун бошли миллатни дунёга танитиб қўйиши мумкинлигига гувоҳ бўлганимиз-да! Чингиз Айтматов қирғиз, Василь Биков белорус, Юхан Смуул эстон, Грант Матевосян армани, Анор озар миллатини “бадий кашф этди”. Валентин Распутин, Виктор Астафьев, Андрей Битов ва Юрий Казаков эса асл руснинг ўзбекдан мохиятан фарқи камлигини кўрсатиб берди. Абдулла Орипов билан Эркин Воҳидов ўзбек қалбини ажиб бир шарқона донишмандлик билан ифода этди.

Тўғри, уларнинг барча асарларида ҳам “чин ҳақиқат” ўз ифодасини бир хилда топгани йўқ. Аммо ҳаммасига хос муштарак бир жиҳат шундан иборат эдик, улар ижодда ўzlари мансуб миллатнинг маънавий борлигини ўзига хос йўсинда акс эттириди. Бинобарин, асарларига қараб улар мансуб миллат ҳақида муайян тасаввурлар туғилар, қайси бири ўзлигини теранроқ ва са-мимийроқ ифодалаган бўлса, демак, ўша ҳалқ кўпроқ улуғланар эди. Бу ҳол анчайин аксиомага айланиб қолгани ҳам айни ҳақиқат.

## ||

Дарвоқе, дунё адабиёти, чунончи инглиз, француз, немис, ҳинд, турк ва америкалик адиларнинг энг сара асарлари билан танишувимиз ҳам ўша йилларга тўғри келган; мен тенгилар ўтган аср адилари ёхуд Шекспиру Хёте, Бальзаку Тагор, Толстойу Тургенев ва бошқа мумтоз адабиёт намояндадарининг асарлари билан илгарироқ танишган — улар ҳеч вақт тилимиздан тушмас эди. Бу ўринда гап ўша даврда яшаган хорижий адиларнинг ижоди ҳақида кетяпти: айнан асарларини ўқиши орқали улар мансуб бўлган ҳалқлар ҳақида тасаввуримизда жонли образлар пайдо бўлган. Улар тимсолида эса ҳақиқий ҳаёт оқимини кўриб турган эдик гўё... Ҳолбуки, айни чоқда шўро мафкураси миямизга “Энг яхши, олижаноб инсонлар фақат коммунистлардир!” деган ақидани сингдириш билан овора эди. Аслида олижаноб инсонлар ҳамма минтақаларда, ҳаттоқи ўша “лаънати империализм” шароитида ҳам борлиги, улар ҳам ўзимизга ўхшashi — биз каби севиши ва нафратланиши, орзу ва армон қилишини ана ўша ижодкорларнинг асарларидан билиб олар эдик.

Американинг ўша вақтдаги забардаст ёзувчиларидан бири Жон Стейнбекнинг “Қиш — ташвишлар фасли” романни бундай жумлалар билан бошлилади: “Ушбу романимдаги қаҳрамонларни ҳаётдан излаб юрманглар — топа олмайсиз. Аммо ўзингизга — қалбингизга нигоҳ ташласангиз кифоя...”

Ирвинг Шоу, Апдейк, Кларк, Бредбери ҳам Американинг худди ўша кунлари ҳақида ёзишарди. Жон Брайн, Алан Силлитоу, Жеймс Болдуин сингари адилар ижоди билан ҳам ўша кезларда танишган ва инглизларни-да ўзимизга яқин биродар олиб қолган эдик. Лотин Америкаси ва япон адиларининг кашфиёту ютуқларини санаб адодига етиш мушкул. Лекин мен шу ўринда Австралиянинг машҳур адеби Алан Маршаллни эсга олишни лозим топдим. Унинг “Менинг ўрдагим” деган ҳикояси бор. Ҳикоя қаҳрамони бир ўрмончи етагида овга чиқади ва учиб бораётган учта ўрдакнинг иккитасини отиб туширади. Учинчиси эса ўққа чап бериб, кутулиб кетади. Шунда ўрмончи шоду хуррамлик билан “У — менини!” деб хитоб қилади. Бу ҳикоя чоп этилганда кўпгина овруполик адилар ҳам ҳайрон қолган, айрим австралийлик ёзувчилар Алан Маршаллни “жинни”га чиқаришган экан: битта ўрдак нима деган гап?! Аксинча, анови овчи зўр мерган эмас экан — униям отиб туширса, қойилмақом иш бўларди...

Айни ўша кезларда эса буюк Хемингуэй Африкада арслон овлаб юрган эди. Алан Маршалл ҳикоясининг нечоғлиқ инсоний эканини энди англаб етаётгандекмиз... Ҳа, бундай адилар, таъбир жоиз бўлса, ўzlари мансуб миллатнинг қалбини кўрсатар ва уни ўзга ҳалқларга яқинлаштирадар, бани башарнинг Одам Ато билан Момо Ҳавводан тарқалгани — аслан бирлигига ишора қилар эди.

Эй, Адабиёт шундай қудратли, Сўз шундай катта куч!



## III

Энди бир қур хорижий адиллар шаънига айтилган бу ҳамду санолардан кейин асл мақсадни баён этсак. Хўш, уларнинг асарлари бизга — ўзбек китобхонига қай тарзда, қандай йўллар билан етиб келар эди? Ўз навбатида, ижодкорларимизнинг асарлари уларнинг ҳам эътиборига тушганми? Тушган бўлса, бу асарлар ўзлигимизни тўлиқ ифодалай олганми? Қолаверса, улар туфайли биз ҳақимизда қандай таассуротлар пайдо бўлган?

Бу каби саволларга жавобан аввало шуни айтиш жоизки, ўша кезларда мумкин қадар тасвирга олинган ҳаётнинг сиёсий тузумдан норозилик ифодаланган, яъни унинг “кирдикорлари фош қилинган” чет эл адабиёти намуналари танлаб олинарди. Шундай бўлса-да, воқеликка холис кўз билан қараб, ҳақиқий ҳаёт ва инсон ҳақида ёзилган асарлар ҳам ора-сира таржима қилинار эди. Бу иш, шубҳасиз, таржимонларнинг вижданнига ҳавола эди; асосий мезони виждан бўлган яхши таржимон ҳам бир ҳисобда ўзига хос ёзувчи ҳисобланади. Ҳаққим кетади десангиз, қўйингки, “ярим ёзувчи” бўла қолсин... Мантиқан олганда, табиий савол туғилади: хўп, ҳақиқий ижодкорлар мафкурага чап бериб, “чин сўз”ни айта олган экан, нега энди уни таржимонлар она тилига ўғирмаслиги керак?

Яна шуни таъкидлаш ўринники, шўро мафкурачилари “социализмга душманлик” нукси урмаган хорижий асарларнинг муаллифларини кези келгандаги мақтаса-да, улардан бирон бир “хатолик” ўтса, дарҳол юзига лой чаплар эди. Масалан, Жон Стейнбекнинг Нобель мукофотига сазовор бўлган “Фазаб маҳсули” романи кўлдан қўйилмай ўқилаётган бир пайтда ёзувчи хумпар Вьетнамга бориб, уруш оловига асосан шўро ҳукумати ўтин қалаётганини баралла ошкор қилди. Шундан сўнг Жон Стейнбекнинг номи шўро матбуотида тилга олинмай қолди, асарларини ўқиш ман этилди.

Чет эл адабиёти намуналарининг бизга етиб келишида ўша мамлакатлардаги машхур, ҳақиқий ижодкорларнинг тавсиялари ҳам муҳим аҳамият касб этарди. Улар матбуотда сара асарларни тарғиб-ташвиқ этиш баробарида уларни СССРдан борган ёзувчи ва таржимонларга тавсия қиласр эди. Бу омил дунё адилларининг ўзаро мулокотлари самараси бўлиб, “кўп миллатли ҳалқларнинг адабий бирдамлиги” унга бир ниқоб вазифасини ўтаган, холос. Ўша асарларнинг ўзга ҳалқлар учун маънавий бойликка айланган-айланмагани бошқа масала.

## IV

СССРнинг ичидаги ҳаёт чиндан ҳам атрофи қора пардалар билан тўсилган ўзига хос биққиқ бир муҳит эди; иттифоқчи республикалар Москвага шундай боғланган эдики, деярли ҳар бир кент-қасабадаги одамлар — улар русми, белорусми, ўзбекми, қозоқми — бир-бирига эгизақдек ўшар, яъни дунёни зуҳур этишлари шу тарзда эди. Масалан, мен Тошкентда битта гапни “хато” айтган бўлсан, Москвадаги адаб уни “бехато” англарди; ана шунинг учун ҳам “иттифоқдош республикалар” адабиёти мазмун ва foя жиҳатидан бир-бирига бенихоя ўшар, фақат... қаҳрамонларнинг номларию айрим муаммолари бир-биридан фарқ қиласр — дарвоҷе, уст-бошларида фарқланар, аммо дўйписини олиб, шапка кийдириб қўйилса, олам гулистоң эди.

Дунёда одамзодни бир қолипга солиш — шуни мақсад қилиб, шуни амалга оширишни мутлақ рағбатлантиришдан ортиқ разолат бормикан? Ўйлаш тугул гапиришгаям истиҳола қиласан киши. Қолаверса, бир замонлар нодонлик орқасида шу ақидаларга қисман бўлса-да ишонганинг янада афсусланарли...

Хуллас, ҳукмрон мафкураю унинг маҳкамалари адабиётдан “Совет кишисининг образини яратиш”, “Ёшларни коммунизмга садоқат руҳида тарбиялаш”ни талаб қиласр эди. Адабиётнинг асл мақсади шу экани, бундан бошқача адабиёт ёт, файриинсоний экани... уқтирилар ва ижодкорлар худди шу руҳда асар ёзишга даъват этилар эди. Зоро, шундай асар битгандарга мурувват кўрсатилар, рағбатлантирилар, бу йўлдан озгина чекингандар (улар дарҳол маълум бўларди) тирсакланар, ажратиб қўйилар, маддоҳ танқидчилар тарафидан камситилар эди. Устига устак, ана ўша руҳда асар битиш мусобақаси ҳам пайдо бўлган, айрим ёзувчиларимиз ҳар йили биттадан ирик полотно “яратмаса”, кўнгиллари жойига тушмасди.

Шу асно адабий соҳада “забардаст ижодкорлар” — “маститый”лар тўпи пайдо бўлган, сиёсат бобида улар ҳақиқий сиёсатдонлардан ҳам ошиб тушар, “учкун”дек ҳақиқатни ҳам сезишар (хархолда мутахассис эди-да!) ва “шаккоклар”ни йўлларига солмоқчи бўлишар, ўзларининг ижодини “намуна” сифатида кўрсатишар эди.

## V

“Забардаст ижодкорлар”нинг Москва билан алоқалари, яъни ёзган асарларини марказда чоп эттириш ва тарқатиши бир неча усулда амалга ошириларди. Дастреб ҳали ёзилмаган асар нуфузли нашриётларнинг режасига киритилар, уни “улуг рус тили”га таржима қиладигандар тайинланар эди. Нашриёт режаларининг сиёсат талабибо ботиний “режалар” билан тамоман ўйғун бўлишини таъкидлаб ўтириш ортиқча. Бундай режаларга кира олиш мундайроқ, масалан, лавозими йўқ ёки сиёсий маддоҳликдан ўзини четга тортадиган адиллар учун гуноҳкорнинг жаннатни орзу қилишидек гап эди.

Шу ўринда бир воқеа ёдимга тушди. Қайси бир йили туғилган юртимга бордим. Одатда, китобхонлар билан учрашувдан ўзимни олиб қочардим — уларнинг саволларига жавоб бериш ёки беролмасликдан қўрққаним учун эмас, шунчаки “Ёзсан бас, ўқишиша — нур устига нур. Сахнадаги артистдек ўзимни намойиш этишим шартми?” деб ўйлардим, холос. Аммо Термиз пед-институтининг таниш ўқитувчилари таклиф қилишгани учун бу гал ноилож учрашувга бордим. Ҳарна бўлсаям — ўзингники. Айтган гапларинг ўша ерда қолади... Хуллас, учрашув бошланиб, одатдаги танишув ва бошқа тадбирлар бўлиб ўтди. Ниҳоят, савол-жавобга навбат келди.

Боя айтиб ўтдим шекилли: Тошкентда айтган гапингизнинг “рост ёки ёлғон”лигини Москвадаги киши бехато сезар эди! Шунинг учун Москвада битилган “бир чин сўзли” асарни ўзбек китобхони хурсандчилик билан кутиб оларди. Сўнгра ўзимизнинг ёзувчиларга таъна тошларини отарди: “Ана, руслар ёзяпти-ку! Улар зўр!”

Улар тушунмас ёки тушунишни истамасдики, ўзбек адаби бир эмас, иккита цензурадан ўтишга маҳкум эди...

Ҳалиги учрашувда бир чапани талаба “Шукур ака, гап шу ердан четга чиқмайди. Тўғрисини айтинг, ёзувчиларимиз нега ёлғонни ёзади?” деб қолди. Бир зумда терлаб кетдим. Зал жимиб қолди. Таниш муаллимлару барча йигилганларнинг кўзи менда. Нима қилишим керак? Нима дейин?.. Ҳа, у йигитча тўғри савол берди: ўзимизда ва марказга “йўлланма” олиб, у ерда чоп этилаётган сон-саноқсиз китобларда ҳам, умуман, барча шўро адиларининг асарларида ҳам ҳақиқатнинг ёлғонга нисбати йигирма фоиздан ошмас эди.

Мен бу ўринда “ҳақиқат”ни ёзишга интилган ва жабр кўрган адиллар ҳақида гапирмаяман: улар гоятда озчилик, қолаверса, уларнинг асарлари жуда кам нусхада нашр этилар ёки бутунлай нашр этилмасди. Бундан таш-

қари, ҳали Никита Хрущёвнинг “илмилиқлик” даврига — адабиётга хиёл эркинлик беришига фурсат етмаган (ўшанинг арафаси) эди, чамаси.

Мен залдаги талабанинг саволига марксизм аталмиш фалсафанинг одам ҳақидаги ақидасига мослаб жавоб берсам, ҳархолда, “кутулиброк” қолишимни англадим.

— Бизда инсоннинг таърифи бор, ука, — дедим. — Инсон — ижтимоий муносабатлар маҳсули. Тўғрими? Хўш, инсонлар яшаётган жамият қандоқ бўлса, демак, инсон ҳам шундоқ — унинг маҳсули бўлиб қолаверади. Тўғрими?

— Тўғри, — деди савол берган йигит.

— Тўғри бўлса, нега ёзувчини жамиятдан ажратасиз? Жамият қандоқ бўлса, унинг ёзувчиси ҳам шундоқ бўлмайдими? Бу ерда гап росту ёлғончилик ҳақида кетмаяпти... — дедим-да, беихтиёр кулиб юбордим. Залдагилар ҳам кулгимга қўшилишди.

Бу гапим Тошкентга етиб келган ёки келмаганини, очиги, билмайман. Аммо Ёзувчилар уюшмасининг раҳбарлари ичida мени хуш кўриб, ардоқ-лайдигани кам эди, балки йўқ эди: оғзим бузукроқ-да...

Дарвоқе, асосий гапдан қалғиб кетдик шекилли. Қисқаси, бояги “забардаст” — “маститый” ва амалдор адибларнинг асарлари марказ нашриётларининг режаларидан аввалбаҳор жой олар, таржимонлар ҳам тайин этилар эди. Амалсиз, “факирнинг жойи панада” деб юрган ёш ва ўртача адиблар асарларининг ундоқ режаларга киришига умид ҳам қиломас эди.

Аммо...

## VI

Аммо ўшанда (70-80 йиллари) шундай ёзувчилар ҳам пайдо бўла бошлади: улар, албатта, осмондан тушмади, йўқ — улар анови “маститый”ларнинг усулларини “ижодий ўзлаштириб”, ўзларининг хом-хатала асарларини Иттифоқ миқёсида чиқаришга муваффақ бўлди. Бунга сабаб марказий нашриётларда ҳам худди ўзимизни киради (ундай ёзувчилар бошқа республикаларда ҳам пайдо бўлган ва бу, назаримда, табиий ҳол эди) каби фикрлайдиган муҳарриру таржимонлар ўтирган бўлиб, улар турли йўллар билан нашриётларга ишга жойлашган, ҳатто юқори курсиларни ҳам эгаллаб олган эди. Тўғри, уларнинг орасида истеъододли, ҳақиқий адабиёт билан сохта адабиётнинг фарқига етадиганлари ҳам бор эди. Бироқ улар сиёсий тузумнинг ўйинларини кўриб туришарди: уларни ўша “маститый”ларнинг қораламаларини ҳам русчага таржима қилган ва айримларининг эътирофича, шунга мажбур бўлган кишилар эди десак, адашмаймиз. Бизнинг “учар” адибу шоирларимиз (улар, табиийки, озчиликни ташкил этарди) ўз асарларини рус тилида кўриш учун шундай таржимонлар ҳисобига китобнинг қалам ҳақидан кечишига ҳам тайёр эди. Бугина эмас, таржимонларга мева-чева, ичимлигу қази-қарта каби совфа-саломлар жўнатиб турилар, мабодо улар юртимизга келса, энг азиз меҳмон сифатида сийланарди. “Учар” адиблар орасида ёши эллик-олтмишни қоралаган бўлса-да, аслида ўртача мухбирликини эплаёлмайдиган “маститый”лар ҳам бор эди ва уларнинг барчасини умумий хусусият — корчалонлик, ўзига хос тадбиркорлик бирлаштириб турарди. Ҳа, уларнинг аксари шўро ҳукуматининг эркасига айланиб, анча-мунча мол-дунё ҳам йигиб олган эди.

Назаримда, ана шу “корчалон”лар ўта хавфли, кўпроқ нафратга лойиқ кимсалар эди. Чунки нашриётлар режасидан аввалбаҳор ўрин олганларнинг айрим асарларини “ҳазм қилса” бўларди, аммо буларникуни туфлаб ташласангиз ҳам кўнгил айниб юрарди...

Шу ерда энди адабиётнинг аслан нималиги — унинг мангу вазифала-

рини эсга олайлик. Магар адабиёт ўзи мансуб миллатнинг ўзлигини кўрса-тадиган кўзгу бўлар экан (аслидаям шундай), унда акс этган ҳаёт, яъни, анови “корчалон”ларнинг асарларида акс этган ҳаёт — ўзимизнинг ҳаёти-миз эдими? Уларда ифодаланган тўйгулар, ҳислар, ўйлар, орзу-армонлар... бизникими?

Улар наинки ўзбек миллатига, балки умуман инсон зотига нисбатан шун-чаки бир пародия эди, холос.

## VII

Шу ўринда айрим “маститый” адиларимизга ҳам, “пайдо бўлганлари”га ҳам хос бир истисно жиҳатни алоҳида қайд қилгим келади: уларнинг акса-ри дунё адабиётидан мутлақо бехабар, жўн... ҳаттоки, адабиёт нималигини билмаган, бу тўғрида ўйлаб ҳам кўрмаган кишилар эди.

Адабиётда мангу муаммолардан бири шулки, ижодкор зоти нимани ва қандай ёзишни мудом ўйлаб ўтиши лозим: бунинг тагига хеч қачон ета ол-майди. Бироқ етгани даражасида ҳам салмоқли ишлар қила олиши мумкин. “Маститый” ва “корчалон”ларда эса бу борада ўйламоққа вақт ҳам, қўнишка ҳам йўқ эди. Қолаверса, улар бу муаммолар тўғрисида нимани ўйлашни ҳам билмас эди. Ахир, буни билиш учун жаҳон адабиётидан — ундаги мав-жууд ёзиш тарзларидан боҳабар бўлиш тақозо этилади!

Яна бир ҳақиқат шу эдики, улар XIX аср мумтоз рус адабиётининг айрим вакиллари асарларини чала-чулпа ўқиган, уч-тўрттасининг номини билган бир “писак”лар эди. Ўша мумтоз ёзувчилар ҳақида улар тахминан мана бун-дай мулоҳаза юритишарди: “Толстойми? Жуда психологияни тасвирлайдида! Жа-а чукур кетади. Лекин зерикарли. Тўғрими? Тургенев муҳаббатни қотириб тасвирлайди... Чехов жуда қисқа ёзади, а? Деталларни боплаб тас-вирлайди: “Кишда бодринг еган одамнинг оғзидан баҳор ҳиди келади!” Ў, зўр!” (Чехов бу гапни йигирма ёшида ёзган, “Н. хонимнинг саргузашти” деган ўртacha ҳикоясида.)

“Маститый”лар Бальзак, Хёте ҳақида ҳам гапиришни хуш кўришарди, бироқ Бальзак билан Стендалнинг фарқига боришимасди. Америка адабиётидан эса мутлақо бехабар эди. Эҳтимол, О’Генрининг ҳикояларига қўзлари тушгандир ёки шу ҳикоялар асосида кўйилган фильмларни кўришгандир...

Гапнинг қисқаси, СССРнинг марказида чоп этиладиган ўзбек адабиёти намуналари — халқимизнинг миллий қадриятлари ва маънавиятимизни ифода этмас эди!

Аксинча, бизни қолипдагидек, жўн-тўпори қилиб (тўғри, кийим-боши-мизни қўшиб) тасвирлаган асарлар эдики (бўлардики), улардаги “ўзбек-лар”ни қайси миллат вакили “севиб қолиши мумкин”лигини билмайман. Бу асарлар муаллифларининг аклий, ҳиссий ва сиёсий жиҳатларини ифодалар эди: уларнинг бу жиҳатлари қандоқлиги эса бизга кундек равшан...

## VIII

Олтмишинчи йиллар аввалида Никита Хрущёвнинг “илмилиқлик” дав-ри бошландио чиндан ҳам адабиёт осмонидаги қора булувлар хийла юпқаланиб қолди; ҳаволар юмшаб, наинки ҳақиқатга, балки уни айтишга-да таш-на одамлар, айниқса, зиёлиларнинг пешқадам вакиллари бир қадар енгил тортиши: эркинлик қандоқ яхши!

Назаримда, рус адабиётида бу эркинликнинг байроқдори Александр Твардовский муҳарриргида чоп этиладиган “Новый мир” журнали эди; журнал атрофида барча “кардош” республикалардан бош кўтариб чиқсан — “чин сўз”нинг қули ҳисобланган, адабиётни ҳақиқатнинг кўзгуси деб бил-

ган адіб ва адабиётшунослар түпланган (Твардовский уларни йигіб олган) эди. Масалан, журнал таҳририяти аъзолари орасыда Чингиз Айтматов ҳам бор эди...

Үшанда рус адабиёти уфқида момакалдирок гумбирлагандек бўлиб чик-қан дастлабки асарлар — Александр Солженициннинг “Иван Денисовичнинг бир куни”, Илья Эренбургнинг (Хрушчёв даврининг ўша йилларига баани ном берган) “Эрувгарчилик” киссалари шу журналда чоп этилган эди. Шундан сўнг рус адабиётида ажабтовор ҳақиқатпараст адиллар бодраб чиқа бошлади: В.Аксёнов, Ю.Казаков, В.Шукшин... Сал кейинроқ В.Астафьев, В.Распутин, Е.Евтушенко, А.Вознесенский, Б.Ахмадулина асарлари дунёга келди.

Русларнинг кечаги “маститый” ёзувчи ва шоирларидан катта бир гурух, табиий равишда, уларга қарши чиқиб, матбуот ва йигинларда бу ўқтам санъаткорларни беобру қилишга ҳаракат бошлади; Грибачёв, Сафонов деганларини жуда яхши эслайман. Бунинг боиси шундаки, ўша кезларда Ўзбекистонда рус адабиёти ва санъати кунлари ўтаётган эди. Алишер Навоий номидаги театрда ўтказилган шеърхонликда Р.Рождественский “Бу оламда биздан ҳамма нарса қолади...” деган мазмунда шеър ўқиб, дафъатан залга қаратса хитоб қилди: “Биз партиянинг винтчалари эмасмиз!”

Үшанда театр фала-ғовур бўлиб кетгани ёдимда. Бир маҳал Грибачёв шартта ўрнидан туриб, залдагиларга мурожаат этди: “Ўзбек ўртоқлар, ахир, биз партиянинг винтларимиз-ку! Бу бола нималар деяпти?!”

Биринчи қаторда ўтирган ўзимизнинг “маститый”лар уни чапаклар билан олқишилади. Шунда Ўлмас Умарбеков, Ўткир Ҳошимов, Абдулла Орипов, Эркин Воҳидов, камина бошимизни эгиб қолганимиз... Ахир, “иммилиқлик” шарофат билан наинки рус адабиётида, балки барча “иттифоқдош” адабиётларда ҳам ҳақиқатга ташна — уни айтишга ташна шоиру ёзувчилар “бош кўтариб” чиқа бошлаган эди. Бутуниттифок ёш ёзувчилари семинарида (Москва) қатнашиш ва асарларимизни муҳокама килдириш асносида ана шундай ижодкорлар билан учрашиш, ҳатто дўстлашишга ҳам ултурган эдик; эй, бу ижодкор деган қавмда фалати бир яқинлик бўлади: бири негр, иккинчиси оқ танли бўлса-да, оғиз-бурун ўшириш кетаверади! Гўё буларнинг миллати йўқ, ирки йўқ, ҳатто тилида ҳам фарқ йўқдек...

Биз ўша анжуманларда олтойлик шоирлар (Васли Самиғ, Борис Укачин), озар адиллари (Анор, Элчин), армани Грант Матевосян, туркман Тиркиш Жумагелдиев ва кўплаб болтиқбўйилик ижодкорлар билан дўстлашиб қолган эдик. Воажаб, ҳақиқатпараст ижодкорлар қаерда яшасидан қатъи назар, бир-бирини дарҳол тушунар ва бир-бирига сунянар эди!

Яна бир ажаб ҳолат: рус “маститый”лари “янгиша фикр қилаётган янги тўлқин” вакилларига қандай ёт назар билан қараса, бошка “қардош республикалар”даги “маститый”лар ҳам ўзларидан чиқкан янги авлод вакилларига шундай муносабатда бўларди.

Тоталитар тузумнинг инсон эркини бўғиши, уни бир қолипга солиш, бирини — яхши, иккинчисини — ёмон деб ажратишга асосланган мафкурасига, назаримда, ўша йиллари илк бора заҳа етган эди. Аммо диктатура тезда “хатога йўл қўйгани”ни фаҳмлаб қолди: яна эски усуслар ишга тушди, яъни “янги тўлқин” вакилларига нисбатан тазийқ бошланди. Уларнинг айримлари муҳожирлик йўлини танлади, бошқаларини эса ҳукуматнинг ўзи хорижга бадарға қилди. Бироқ ғишт қолипдан кўчган, одамлар қалбида ажаб бир эпкинлар уйғонган эди!

Шундоқ бўлдики, эски “маститый”лар, “корчалон”лар ва “янги тўлқин” вакиллари ёнма-ён яшай бошлади; улар бир-бирининг кимлигини (нимага қодирлигини ҳам) яхши билар, аммо бақадри имкон муросаю мадора қилиб

турмоққа мажбур эди. Бироқ “маститый” ва “корчалонлар” пайт топди де-гунча “янги тўлқин” вакилларига зуфум ўтказар, уларни тирсаклар, ўзлари-га ўхшаш танқидчиларни ишга солар эди. Устига устак, “маститый”ларнинг аксари ҳамон юқори лавозимларни эгаллаган бўлиб, қўли анча узун эди.

## IX

Бироқ...

“Илмилиқ кунлар” ҳавосидан баҳраманд бўлган асл зиёлилар ва китобхон аҳли беихтиёр равишда “янги тўлқин” тарафига ўтган — руҳан уларни кўллар, шеър ва насрый асарларини ўқиб мақтар, соф кўнгилли адабиётшунослар ҳам уларни очиқдан-очиқ ҳимоя қиласар, китоблари чиқишига кўмаклашар эди. Шу тарзда “янги тўлқин”га мансуб ижодкорлар ўзлари танлаган йўлда тобора дадил қадамлар билан олға силжир эди.

Уларда мустабид тузумнинг ботиний жиҳатларини англаш ҳисси тобора кучайиб борар, бу эса ўзларининг миллий ижодкор экани, халқнинг “овози” эканини ҳам теран англаши лозимлигини тақозо этарди. Шу сабабли улар беихтиёр равишда “ўз илдизлари”ни англашга киришишди; бу ҳол энди миллий ўзликни англаш, демак, озодлик фояларини улуғлашни савқитабиий тарзда бошлаб берди...

Ўзбек ижодкорлари орасида ҳам Қодирий ва Чўлпон, Фитрат ва Усмон Носир сингари ўтмишдош улуғларимизнинг нега қурбон бўлиб кетгани, орзу-мақсадлари нима эканини билиш эҳтиёжи туғилди. Ниҳоят, онглар-шуурлар қатида озодлик ва мустақиллик фоялари уйфона бошлади.

## X

Улкан шўро салтанати пароканда бўлди: “иттифоқдош республикалар”-нинг аксарияти мустақилликни қўлга киритди. Бу йўлдаги интилиш-курашларда энг олдинги сафларни ижодкорлар тўлдириди. Бу табиий ҳол бўлиб, миллатнинг ғаму қайғусини кўтарувчи, миллатнинг орзу-армонларини ифода этгувчи соф зиёлиларнинг пешқадамлари ҳисобланмиш ижодкорларнинг бошқача йўл тутиши мумкин эмас эди.

Хўш, яна адабиётга қайтайлик.

Ана энди шўро мағкурасининг содик ташвиқотчисига айланган (бу борада манаман деган сиёсатчиларни ҳам бир чўқишида қочира оладиган) ва шу туфайли иззат-икромга сазовор бўлган “забардаст маститый”ларга асло ўхшамайдиган, уларнинг тажрибасини “ижодий ўзлаштириб” камол топган “корчалон-учар” ижодкорлардан ҳам беҳад ҳазар қилувчи бир қур ижод аҳлининг адабиётга, демакки, ҳаётга муносабати ҳақида фикр билдиришга фурсат етди. Зотан, олдин “маститый” ва “корчалон”ларнинг қилмишларини ёдга олмасдан туриб, тўғридан-тўғри булар ҳақида фикр юритиш мушкул бўларди. Чунки бу тоифа ижод аҳлининг ўзаро ва ўзгаларга муносабати замирида башарий қадриятлар, комил инсонларга хос фазилатлар жамулжам эди. Улар ижоди ҳамиша ва ҳар қандай тузум шароитида ҳам инсонийлик, ҳаёт-севарлик, адолат ва адабиётга садоқат, адабиётнинг умумбашарий моҳиятини теран англаб, унга холис-фидойиларча хизмат қилиш борасида ибрат намунаси бўлиб қолаверади. Шу маънода ўз ижодида миллат ва ватан тақдирини йўлчи юлдуз сифатида танлаган ижод аҳлининг тутган йўли идеал йўл бўлиб, ибрат намунаси сифатида келгусида ҳам нафақат асқатади, балки энг асосий дастур экани исботланади. Қолаверса, бўлгуси ижодкорларни оҳанрабодек ўзига тортиб, буюк маънавий кашфиётлар яратишга даъват этади, шу асно инсонни улуғлайди, унинг инсоний имкониятлари нақа-

дар чексиз эканини кўрсатаверади. Бу дастур-ибрат, айниқса, мустақил мамлакатда яшовчи эркин ижодкорларга маёқ вазифасини ўташи тайин: факат буни англаб етиш кифоя...

## XI

Маълумки, XIX аср рус адабиётида “олтин аср” ҳисобланади. Ўз-ўзидан савол туғилади: нега айнан шу асрда рус адабиётида чўнг юксалиш юз берди?

Бунинг сабаблари бисёр, албатта. Аммо битта ажиб сабаби шундан иборатки, ўша даврда ижод этган энг соф, аллома адиблар нодир-бекиёс ижодларини Русиянинг улуғ бир давлат бўлиши йўлида адо этилган фуқаролик бурчи деб билар эди. Ха, уларнинг ватан ва миллатдошлари ҳақида айтган энг аламли-тъянали сўзлари ҳам миллат ҳамда ватанини маънавий юксалтиришга хизмат қиласарди. “Оддий деҳқонлар шоири” деб ном олган Александр Некрасовнинг “Русияда ким яхши яшайди?” поэмасидаги мана бу сатрларга эътибор беринг: “Онажоним Рус! Оч ҳам сенсан, тўқ ҳам сен! Улуғ ҳам сен, хокисор ҳам ўзинг...”

Шу ўринда Лев Толстой билан Иван Тургеневнинг ўзаро ва миллат адабиётига нисбатан бўлган муносабатларини алоҳида тилга олиш жоиз. Гап шундаки, бу икки улуғ адаб ҳаётда бир-бирини уччалик хуш кўрмаган: Толстой чарс одам бўлган, Тургенев — сипо... Ихтилоф шу даражага етганки, икки қутб ҳисобланган бу буюк инсонлар ўзаро дуэлга чиқиб бир-бирини отиб ўлдиришига ҳам сал қолган. Отарга ўқи йўқ бўлиб юргани чоғларида Толстой “Казаклар” қиссасини ёзди. Бу вақтда Парижда яшаётган Иван Тургенев уни ўқиб шу қадар мутаассир бўладики, қиссани дарҳол француз тилига таржима қилишни бошлайди. Бу ҳам камдек, катта-кичик давраларда Толстойни кўкларга кўтариб мақтайди. Айни чоқда Толстой билан бўлажак отишманинг қаерда бўлмоғи маъқуллиги хусусида зўр бериб ўйлаган...

Тургенев ўзаро муносабатлари шу аҳволда бўлса-да, рус миллати, рус адабиётининг манфаатларини ундан устун қўйган! Қойил қолмасликнинг иложи йўқ.

Дарвоқе, бу икки улуғ зотнинг “суви” умрбод тиниқлашмаган. Аммо бир-бирининг ижодига муносабати ҳамиша юксак, холисона бўлган ва уни ватану миллатнинг маънавий бойлиги деб ҳисоблашган. Лев Толстойнинг “Уруш ва тинчлик” романи ҳам Тургенев бошчилигида француз тилига ўғирилган. Кейинчалик у французчадан бошқа Европа тилларига таржима қилинган ва рус адабиёти хорижда ҳам шухрат қозонган.

Бундай олижаноблик ва ватанпарварлик анъанаси йигирманчи асрда ҳам давом этди. Буюк ёзувчи Михаил Шолохов Василий Шукшинни тургеневмонанд кўллаб-куватлади. Константин Паустовский Юрий Казаковни ичкилик домидан тортиб олиб, ёзувчи сифатида оёққа туришига ёрдам берди. Андрей Сахаровнинг атрофида тўпланган Е.Евтушенко, А.Вознесенский, Б.Окуджава, В.Аксёновнинг қандай инсонлар экани, қандай асаллар ёзгани кўпчиликка маълум.

Улуғ қозоқ адаби Мухтор Авезов ҳам Чингиз Айтматовга беғараз устозлик қилди. Ул зот ёш қирғиз ёзувчисининг “Жамила” қиссасини ўқиб, матбуотда чоп этилишига оқ фотиҳа берган. Бу гўзал асар чоп этилгач, Қирғизистондаги “маститый”лар “Ватан учун қон кечиб, жон бериб юрган аскарнинг беваси бузуқчилик қиласи-ю, ёзувчи уни оқлайди...” деб Айтматовни бадном қилишга урина бошлайди. Улар қиссадаги ҳаёт ва муҳаббатнинг куч-кудрати тантанасини тушунмаган эди... Шунда аллома Мухтор Авезов “Жамила”ни Луи Арагонга тавсия этади. Арагон эса қиссани француз тилига

таржима қиласи. Қисса французчадан бошқа Европа тиллариға ҳам ўғирилгач, Чингиз Айтматов дунё миқёсида довруққа сазовор бўлди. Хўш, қозоқ ёзувчиси Мухтор оға билан француз адаби Луи Арагоннинг Чингиз оғани қўллаб-қувватлашига нима сабаб эди? Адабиёт, унинг умуминсоний вазифаси, унинг азалий манфаатлари уларни шу ишга унданган!

Бундай мисолларни яна кўплаб келтириш мумкин.

## XII

Ёш истеъоддларга олижаноб муносабатда бўлиш ўзбек адабиётига ҳам бегона эмас. Бу ҳолнинг “типик” намунаси Абдулла Қаҳҳор тимсолида на-моён бўлди.

Аввало шуни айтиб қўяйки, Абдулла Қаҳҳорнинг қатағон йилларида кимларнинг тарафини олиб, кимларга лоқайд қарагани ҳақида кейинги вақтда турли гап-сўзлар пайдо бўлди. Бўлса бордир: ўша даҳшатлар гирдобида кимлар чалғимаган, тўғри йўлдан тоймаган дейсиз!..

Аммо Абдулла Қаҳҳорни мен адабиётга муносабат бобида Луи Арагон ва Мухтов Авезов билан бемалол тенг қўяман. Тўғри, улар иккovi бошқа бир миллат адабини ардоклади. Абдулла Қаҳҳор эса, имкон даражасида миллатдош адабилар, хусусан, “янги тўлқин” вакилларига меҳрини берди. Уларни фарзандидек кўриб, асл Сўз йўлида рафбатлантирибгина қолмай, балки ҳар хил хавф-хатар, тұхмату бўхтонлардан ҳам асрашга ҳаракат қилди.

У ёш истеъоддларни атрофига шундай жамладики, бу ҳол уларнинг “тирноги остидан кир қидириш”га одатланган айрим “маститый”ларни ҳам бир оз тийиб қўйди.

Абдулла Қаҳҳорнинг ёшларни қўллаб-қувватлаш борасидаги йўл-усуллари кўп эди. Адиб, аввало, “назари тушган ёш”га матбуот орқали очиқ мактуб битар эди. (Ахир, бу расман тан олиш эди! Ва орадан йиллар ўтиб бу мактублар бебаҳо тарихий хужжат бўлиб қолишига-да ишонган у. Демак, бу борадаги жавобгарликни бўйнига олган!)

Тошкент университетининг тўртинчи курсида ўқиётганимда анчайин “Тўлқинлар” деган қиссам хусусида устоздан хат олган эдим: ул зот мени асар билан кутлаб, ёш қалбимга ишонч бағишилаган. Абдулла Қаҳҳордан ҳозирда таникли ёзувчи Ўткир Ҳошимов ҳам хат олган; ўшанда у ҳам йигирма икки-йигирма уч ўшдаги йигитча эди.

Устоз Учқун Назаровнинг ilk ҳикояси — “Одамлар” хусусида алоҳида мақола ёзиб, ўзбек адабиётини янги бир истеъод билан кутлаган эди. У киши Абдулла Ориповни чин бир оталик муҳаббати билан севар, унинг шеърлари оғзидан тушмас, “Ўзи бир ҳовучгина бола. Унинг фикрини қаранг! Худо бераман деса берар экан-да”, деганини ўз қулогим билан эшитганман. Абдуллажон бир неча “маститый” ва “корчалон” қаламкашларнинг ғазабига учраганда, шоирга буюртма бериб шеър ёздирган ва уни асарига эпиграф қилиб олган ҳам устоз Абдулла Қаҳҳор эди!

Мехрибон, бағрикенг, миллатнинг камолини ўйловчи, адабиёт отлиғ мўъжизага садоқатли бўлган ул зотнинг ёнида мудом Одил ака, Пиримқул ака, яна бир буюк жонкуяр Озод Шарафиддинов ҳозир эди. Шу ўринда икки оқсоқол адиб ҳақида бир оғиз гапириб ўтсан. Одил Ёқубов “Муқаддас” қиссаси, Пиримқул Қодиров эса “Уч илдиз” романи билан ҳаммани ҳайратга соглан эди. Қизиги шундаки, улар катта авлод “маститый”ларига қўшилмаса-да, муроса қилишар ва айни чоқда Абдулла Орипов, Ўлмас Умарбеков сингари “янги тўлқин” вакилларига меҳр қамровлари катта эди. Улар руҳан ва қалбан “янги тўлқин” вакилларига яқин туришар, имкон қадар ёрдам беришга ҳаракат қилишарди. Энг муҳими, улар ҳам “янги тўлқин” вакиллари-

дек, марказий нашриётларга интилмас, демакки, ўзларининг қадрини билар эди. Бу эса маънавий мезонлар бобида ўзига хос ютуқ — ибрат намунаси ҳисобланади...

### XIII

Истисно тариқасида шу ўринда азбаройи адабиёт манфаатлари учун ўзга халқ ижодкорларига кўп яхшиликлар қилган яна бир буюк инсон ҳақида сўзлашга жазм этдим. Москвада Бутуниттифоқ ёш ёзувчилари семинари ўтаётган эди. Ҳикоя ва қиссаларим наср кенгашида муҳокама этилиб, ҳарқалай тузук баҳо олдим. Шунда назм кенгашига кириб, Абдулла Ориповнинг шеърлари муҳокамасида иштирок этишга қарор қилдим. Бир маҳал минбарга болқор халқ шоири Қайсин Қулиев чиқиб, камоли ҳаяжондан қизариб-бўғриқсан кўйи “Мен, мен ўзбек халқини, Ўзбекистонни Абдулла Орипов деган улкан шоири билан табриклиман!” деди. Баданларимиз вижирлаб, кўзларимиз ёшга тўлди. У ҳолни таърифлашга тил ожиз эди...

Сўнгра Абдуллажоннинг шеърларини нақд Расул Ҳамзатов асарларини таржима қиласидиган зўр таржимонлар ўрисчага ўгира бошлади; у (Ўзбекистондаги мавқеи ўз йўлига) Иттифоқ миқёсида улкан шоир бўлиб танилди.

### XIV

Номлари зикр этилган дарёдил ижодкорларнинг адабиётга нисбатан муносабатларини ўйлаб фалати фикрларга келасан киши: “Тавба, анови “маситый”лар ҳам миллатдошларимиз, ватандошларимиз эди-ку?! Нега улар қаҳҳорона йўл тутишни хаёлларига ҳам келтиришмади? Ахир, адабиёти юксак халқнинг келажаги порлоқ бўлиши кундек равшан-ку! Улар шундай бўлишини хоҳламасмиди?..”

Эй, йўқ, куфр кетдик: бундай бўлиши мумкин эмас. Гап шундаки, улар аслида адабиётнинг вазифасини билмас, тушунмас эди, бироқ адабиёт воситасида ўзларини кўтариш-улуғлашнинг ҳадисини олган эди.

Ҳамма бало шундаки, кўпчилик бошқа, хусусан, собиқ иттифоқдош халқлар адабиётида ҳам ахвол бизниги ўхаш эди, деб ўйлади. Бу мантиқан унчалик нотғри бўлмаса-да, вазият сал ўзгачароқ эди.

Ҳали айтиб ўтганимдек, Москвада Бутуниттифоқ ёш ёзувчиларининг семинарида иштирок этиб, кўплаб тенгқур ижодкорлар билан яқин мулоқотда бўлганман. Ўшанда озар, армани ва болтиқбўйилик ёшларнинг миллий ада-

*Машҳур ёзувчимиз Шукур Холмирзаев бутун онгли ҳаётини Адабиётга, чин сўзга баҳш этди. У ижодни қисмат, ҳаёт мазмуни деб билди. Шу сабабли умрининг охирига қадар ижодий эътиқодига содик қолди. Шукур аканинг том маънода профессионал мақомда ижод қилганини алоҳида таъкидлаш жоиз. Бошқача айтганда, у ижодда ҳам, ижтимоий фаолиятда ҳам имкон қадар юксак ҳаётий ва адабий мезонларга таянди. Ана шундай событлик, фидойилик ва бедорлик ҳосиласи ўлароқ, “Адабиёт ўладими?” деган хийла кескин руҳли мақола ёзиб, ижод ахлини қизғин баҳсмунозарага ҳам чорлаган эди. Эътиборингизга ҳавола этилган ушбу мақолани адиб 1998 йили ёзган экан. Зийрак ўқувчи сезган бўлса керак: у тугалланмаган! Шу боис Шукур ака уни бирор нашрга чоп этишга бермаган шекилли... Мақоладаги мавзуу ва мақсаднинг қамровидан, чамаси, ёзувчи унда адабиётимизнинг ҳозириги ахволи ва келажаги ҳақида ҳам фикр юритишни режалаштиргандек туюлади. Афсуски, ўлим ҳақ — ёзувчидан унинг давомини ёзиб беришни илтимос қилишнинг иложи йўқ... Бироқ мана шу битикларда ҳам Шукур Холмирзаевнинг адабий қиёфа-*

биётлари ҳамда ижодкорлари ҳақидаги фикрлари менга нотабиий, янайм тўғрироғи, мақтандоқликдек бўлиб туюлган...

Масалан, гап орасида бир озар адабидан Акрам Айлисли қандоқ ёзувчи, деб сўрадим. У бошини ғоз кўтариб хитоб қилди: “Ў, Акрам Айлисли улуғ ёзувчи!” Акрам Айлисли чиндан ҳам яхши ёзувчи. Лекин бошқа бир ўртамиённа ижодкор ҳақида ҳам шундай таърифни эшитдим.

Ё тавба, армани ёки болтиқбўйилик ёшлар ҳам ўз миллатдошларини шу тарзда кўкка кўтаришарди!

Мен бундай муносабатдан ҳайрон бўлиб, Фикрат Хўжа деган озари шоирдан нега ўзларингни мунча мақтасизлар, деб сўрадим. Фикрат оға — ўзи кичкина одам — баттар кичрайиб, астагина “Устозларнинг ўгити шу”, дея жавоб берди. Сўнгра “Ўзингникини ёмонлассанг, ётнинг меҳри қочади” деган мақолимизга үхшаб кетадиган ҳикматли бир сўз айтди-да, “Шукуржан, сизларнинг устозларнингиз не деюрлар?” деб сўради. Шунда мен дастлаб Абдулла Қаҳҳорни эсладим. Кейин амалдор “маститый”ларимизни эсладим. Кейин “корчалон”ларни эсладим. Беихтиёр амин бўлдимки, бу “масала”да биз улардан кескин фарқ қиласар эканмиз: ҳа, биз тарқоқ, кўнгли тор, майда-чўйда манфаатлар қурбони бўлиб юар эканмиз. Бу — ўзингни камситиш эмас, йўқ: бу шунчаки иқрор — аччиқ саргузаштлар сўнгида келинган хулоса...

Хурматли ўқувчи, мен аслида мана шу “жихат”имиз ҳақида фикр юритиш истаган эдим. Кўрдингизми, бунга етиб келиш учун адабиёт, ижодкорлар, уларнинг ўзаро муносабатлари ҳақида бир қадар кенг қамровда сўз юритишга тўғри келди: начора? Ана шу “баённома”дан кейин орзули хаёлларга толдирадиган муаммолар ҳақида сўзласам, фикрим англашиларли бўлар деб ўйладим. Шу боис юксак адабий мезонлар тўғрисида ҳам гапиришга мажбур бўлдим.

Дарҳақиқат, юксак башарий мезонлар қаршисида “Бизнинг ёзувчилар зўр! Зўр бўлмагани йўқ хисоб...” деб бемалол мақтаниш — бачканалик бўлиб туюлади. Аммо қардошларимиз устозларнинг ўгитида ҳам жон борлигига ишонасан киши. Айниқса, ўзимизнинг “маститый”лар томонидан дўстинг ёки тенгкурингга қилинган нокасликларга гувоҳ бўлганингда “Нега, нима учун?” деган аламли-оғрикли саволлар юрагинг тубидан бот-бот отилиб чиқаверади. Унга бир кишининг жавоб бериши жуда-жуда қийин. Шунингдек, аламли орзулар юки ҳам шу қадар залворлики, бу беихтиёр “Тўғри сўз аччиқ бўлади” деган доно нақлни эсга солаверади...

си — услуби, фикрлаш тарзи, ижодий қарашлари қай бир даражада мужассам. Бир қарашда мақола собиқ шўро даврида адабиётнинг ахволи қандай бўлгани хусусидаги шунчаки қайдларга үхшаб кетса-да, аслида унинг ботинида сўз санъатига тегишли, фақат закий зотларга “юқадиган” катта бир ўқинч, дард, орзулар юрак қони янглиғ силқиб турибди. Шу маънода у адабиёт тарихи ихлосмандларида қизиқиши ўйғотиши табиий. Қолаверса, ўтмишдан сабоқ олиш, хуласалар чиқариш тараққиёт, шу жумладан адабиёт истиқболи учун ҳам фойдалидир. Бунга айниқса ёш ижодкорлар алоҳида эътибор бериши лозим. Зоро, хатоларни такрорламаслик учун ҳам уларни билиб қўйган маъқул.

Кўриниб турганидек, Шукур Холмирзаевнинг шахсий архивида сакланадиган бу мақоланинг журналимида чоп этилиши улкан адабимизнинг руҳини шод этиши баробарида чин сўз ҳеч қачон завол топмаслиги, аксинча, мангуликка дахлдор эканига яна бир далил.

Ҳақ билан, ҳақ сўз билан дийдорлашув барчага муборак бўлсин!



Муртазо ҚАРШИБОЙ

### Анъанавий жамият — анъанавий тақдирлар

Бадиий адабиётни неча асрлардан бўён қизиқарли ва мароқли қилиб келаётган омиллардан бири, ҳеч шубҳасиз, Яратганинг буюк мўъжизаси бўлмиш сўзнинг маъно қудрати ва жозибасидир. Шу билан бирга, муҳаббат ва эркинлик мавзунинги барча даврларда зўр илҳом, катта завқ-шавқ, айни пайтда дарду изтироб билан тасвирланиши бадиий сўз намуналарини инсон юрагига яқин, ёқимли қилиб келаётгани ҳам кўпчиликка яхши маълум.

Чиндан ҳам, ҳар қандай бадиий асарда ана шу мавзуу етакчи ўрин тутади.

Мисол учун, Алишер Навоийнинг “Фарҳод ва Ширин” достонини олинг. Фарҳод — Чин хоқонининг ёлғиз ўғли, Ширин — арман маликасининг эрка жияни. Фарҳод — мансаб, молу дунё ҳавасидан бутунлай озод бўлган, “ишқ ичра мажнунлик” — эркинликни ўзи учун маслак-муддао деб билган шаҳзода. Шу боис у ўзи каби покиза бир хилқат — соҳибжамол Шириннинг ишқига мубтало бўлади. Ширин эса “Менга не ёру не ошиқ ҳавасдир” дея беғубор туйғулар билан тамасиз яшайди ва Фарҳоддек баркамол инсонга кўнгил кўяди.

Алишер Навоийнинг яна бир қаҳрамони — Қайс эса оёқ-қўли банд этилган дамларда ҳам муҳаббат оламида эркин, ҳақиқий ишқ сultonи бўлиб яшайди.

Бу қаҳрамонлар инсон манфаатлари эмас, ўз умрини ўтаб бўлган урф-одатлар, ҳукмон қаравшлар етакчи ўринида турган анъанавий жамиятда яшагани боис муродига етолмай, ҳалокатга учрайди. Сираси ни айтганда, бадиий адабиёт тарихига назар ташлайдиган бўлсак, жаҳолат ҳукмонлик қўлган, бемаъни мажбуриятга айланниб қолган маросимларни инсоннинг туйғу-тушунчалари, юксак интилишларидан ҳам устун кўядиган маънавий инқироз ҳолатидаги анъанавий жамият ва шахс фожиаси доимо ёнма-ён эканига ишонч ҳосил қиласиз.

Шахслар фожиаси нуқтаи назаридан қараганда, бадиий асарларда ёритилган бундай жамият одамларини шартли равища икки гурухга ажратиш мумкин. Биринчиси — севги-муҳаббат, маърифат, соғ инсоний ҳис-туйғуларни жамиятдаги ҳукмон анъаналардан устун деб билган, ўзлигидан, индивидуал хусусиятларидан воз кеча олмайдиган ва шу туфайли ҳалокатга учрайдиган шахслар (чунки анъанавий жамият кўпчиликнинг ирода-интилишига тўғри келмайдиган ҳар қандай ўзига хосликни рад этади). Иккинчиси — ҳукмон анъаналар билан муроса қилиб яшайдиган ва улар билан биргаликда таназзулга учрайдиган шахслар (изчил ислоҳотлар, янгича фикр ва foялар асосида тараққиётга интилмайдиган жамият барибири ҳалокатга дучор бўлади).

Табиийки, тарихий воқелик, инсонлар тақдирини ҳаққоний акс эттиришини ўз олдига мақсад қилиб қўядиган асарларда бу икки тоифа вакилларининг ҳаёти, улар ўртасидаги зиддият ва қарама-қаршиликлар ходисалар ривожини белгилаб берадиган муҳим бадиий асос бўлиб хизмат қиласди. Буни мумтоз ёзувчимиз Абдулла Қодирийнинг “Ўткан кунлар” романни мисолида ҳам яққол кўриш мумкин. Гарчи бу асар “янги замон рўмончилиғи билан танишиш йўлида кичкина бир тажриба” бўлса ҳам, унда қаламга олинган мавзумасала азалий маъно-мазмунга эга — ислоҳот ва тараққиётнинг йўқлиги боис ўзининг асл идеалларидан узоқлашиб кетган анъанавий жамият ва шахс фожиасини акс эттиришга қаратилган. Буни адабнинг ўзи ҳам эътироф этган ҳолда, “халқимизни шу замоннинг “Тоҳир-Зухра”лари, “Чор дарвеш”лари, “Фарҳод-Ширин” ва “Баҳромғўр”лари билан таништиришша ўзимида мажбурият ҳис этамиз”, деб таъкидлайди.

Асарга анъанавий жамиятнинг оғир инқизатга ботган даври — “тарихимизнинг энг кирлик, қора кунлари бўлган кейинги “хон замонлари” асос қилиб олинади. Маълумки, бундай таназзул пайтида жамият учун аввал-бошда пойдевор бўлган, одамларнинг руҳига сингиб кетган урф-одат ва қадриятлар замон талаблари асосида бойитилмаслиги, ташқаридан тоза ҳаво — “ижобий заряд” олмаслиги туфайли ўлик ақидалар йиғиндисига айланаб қолади. Улар номигагина мавжуд бўлиб, жамиятни ҳаракатга эмас, турғунлик сари тортади. Шу тариқа ҳаёт чексиз фожиалар гирдобига айланаб қолади. Қадимий Шарқ шоиrlарининг дунё адолат-сизликларидан нолиб, уни қажрафтори фалак, чархи зулмкор деб атаганлари бежиз эмас. Чунки мавжуд муаммолар ҳал этилмайдиган, аксинча, янада мураккаблашиб бора-верадиган тузумда эзгу тушунчалар ҳам тескари сифат касб этади, яъни баҳт — фожиага, висол — ҳижронга, дўсту ёр — душманга айланаб кетади.

Абдулла Қодирий хонлик давридаги жамият инқизорига алоҳида эътибор қаратиб, қўйидагиларни ёзади: “Халқимиз таъбирича, бу замонлар “мусулмонобод” бўлса-да, бироқ бу тантаналик таъбирни бузиб қўятурғон ишлар ҳам йўқ эмас эди. Хон мусулмон, бек мусулмон, халқ мусулмон, бунинг усти-

га, юриш-туриш ҳам мусулмонча, ҳукмлар ҳам шариатча эди. Ўғирлик қилган учун қўл кесиладир ва ё дорга осиладир. Зони билан зониялар ҳам пештоқдан ташланадирлар, ичкулик ичкан учун қирк дарра уриладир. Раис афанди муолизмларига дарра кўтартириб, намоз-сизларни текширадир, фарзи айн билмаганларни урдирадир эди. Иш шунчалик нозик бўлатуриб ҳам ўғрилар ўз тирикликлари орқасидан қолмайдирлар. Эш ака билан Тош аканинг улари орқасидан тешилиб, моллари ўғирлана берадир, пештоқдан қопқа бўғилиб ташланмоқ учун фоҳишалар ҳам етишиб турадирлар. Бутун умрида пешонаси сажда кўрмаганлар ҳам кўб, аммо фарзи айннинг бош томонидан тўрт-беш жумлани ҳар ким қўйналмасдан сайрай олар эди. Кўб кишиларнинг уларида мусаллас билан бўзалар хумлаб қайнаб ётса, иккичи томонда расмий суратда ичкулик сотишиб билан тириклиқ қилғучилар ҳам йўқ эмас эдилар”.

Жамиятни маънан емирадиган ана шундай муаммолар кишилар тафаккуридаги турғунликни батттар кучайтиради. Турғунлик искаңжасидаги оломон эса шароиттга қараб ҳоҳлаганча ўзгараверади: бугун қипчоққа қирон келтирса, эртага қорачопонни сикурга олади, бугун Азизбекни хон қилиб кўтарса, эртага уни отга судратиб, бу “томоша”-дан роҳатланади.

Турғун анъаналар қобигига беркиниб олган, улардан бошқа қоидаларни тан олмайдиган, ривоҷланишдан тўхтаган, янгиликка ҳоли қолмаган жамият куч ва салоҳиятини фақат ана шундай номаъқул ишларга сарфлаб яшайди.

Шунинг учун ҳам “Ўткан кунлар” романнida Шарқ мумтоз адабиётидаги бадиий анъаналар таъсирининг сезилиб туриши фақат муаллиф асар сўзбошисида қайд қилиб ўтган мажбурият ҳисси билан изоҳланмаслиги табиий. Бунинг сабабини аввало ҳаёт ҳақиқати,



турмушдаги реалликдан қидириш лозим. Яни, анъанавий ҳаёт ўз-ўзидан анъанавий воқеалар тасвирини тақозо этади. Чунки бундай жамият аъзоларининг туйғу-тушунчалари, орзу-интилишлари, даврлар ва замонлар ўтишига қарамай, бир-бирига жуда яқин ва ҳамоҳанг бўлади. Масалан, ҳалқ эртак ва достонларида, буюк Шарқ шоирларининг асарларида ошиқ-маъшуқлар аксарият ҳолларда кутилмаган тасодиф (ёр сиймосини тушда ёки кўзгуда кўриш, унинг дарагини, ҳуснининг овозасини эшитиш) туфайли бир-бирини севиб қолади. Буларнинг барчаси воқелик, одамларнинг тушунча ва тасаввурлари, ҳис-туйғулари мавжуд анъаналар асосида неча-неча замонлар оша ўзгармай келганини кўрсатади.

“Фарҳод ва Ширин” достонидаги сехрли кўзгу — Искандар ойинасини эслайлик. Фарҳод Шириннинг аксини ана шу кўзгуда кўрган заҳотиёқ ақлу ҳушини йўқотади, ишқ дардига мубтало бўлади. Отабекнинг севги қиссасида ҳам шунга ўхаш ҳолат бор. У ҳам ёрини бир кўришдаёқ ошиқи беқарор бўлади: “Кумуш ичкарига кириб кўздан фойиб бўлди, лекин Отабек яна бир неча дақиқа ерга михлангандек қотиб турди... Охирда кўзини катта очиб, ўткан дақиқада учрашкани хаёлий гўзални истаб хаёлланди. Бироқ ҳақиқат бошқача эди. Таҳорат олмоқ учун ариқ бўйига ўлтурди. Аммо кўзи хаёл яши-ринган йўлақда эди”.

Отабекнинг уйқусидан ҳаловат кетиши, кечаси билан ух тортиб, алаҳлаб чиқиши унинг ақлдан озиш даражасида севигига дучор бўлганини билдирап эди.

Ёки Шириннинг ўлими ҳақидаги ёлғон хабарга ишониб, бошини тоғу тошларга урган Фарҳоднинг ҳолати билан Отабекнинг қайнота эшигидан ноҳақ ҳайдалиши ва тунлари майхоналарда, Хўжа Маъз қабристонида девонавор тентирашларини қиёслаб кўрайлик. Буларнинг барчасида анъанавий севги ва муҳаббат изтиробларини кўргандек бўламиз.

## Муҳаббат ва мажбурият

Маълумки, ҳар қандай бадиий асарнинг маъно-мазмуни характерлар орқали очиласди. Шу жиҳатдан қараганда, Юсуфбек ҳожи “Ўткан кунлар” романида асосий ўрин тута-

ди. У эскилик ва янгилик, маърифат ва жаҳолат, эзгулик ва ёвузлик, ҳалқ ва ҳокимият, она ва ўғил, кундошлар ўртасидаги зидди-яйтларни бартараф этиш, уларни ўзаро муросага келтириш йўлида қулай бир ечим тополмай, охир-оқибатда дунёдан кўл силташга мажбур бўлган фожиали тақдир эгаси.

Юсуфбек хонадонида ҳар қайси инсон — ҳатто бир замонлар Эрондан кўл қилиб олиб келинган Ҳасанали ҳам эркин фикрлайди, сўзини тортинимай айта олади, ўзини ҳақиқий инсон деб ҳис қиласди. Чунки ҳожи оиласий муносабатларда чин маънодаги демократ одам — уйдагиларнинг фикрини, ҳатто хотини ва ўғлининг таъна-дашномларини ҳам оғринмай эшитиш, ўрни келса, хатосини ҳам мардона тан олишга қодир инсон.

Ана шундай донишмандлик ва кенгфеъллик туфайли Отабек эркин, мустақил, таъбир жоиз бўлса, эрка бўлиб ўсади. Романнинг ilk саҳифаларида Ҳасанали унинг йигирма тўрт ёшга қадам қўйиши ҳақида гапирганда, Отабек беихтиёр “Йигирма тўрт ёшга кирдимми, ота?” деб болаларча ҳайрат билан сўрайди. Ўзбекойимнинг мана бу сўзлари ҳам Юсуфбек ҳожининг ўғлини қанчалик эрка қилиб тарбиялаганидан далолатдир: “Сиз шу кунгача барча ихтиёрни ўғлингизга топшириб, болани бола қилмадингиз, бир худбин қилдингиз”.

Бундай фарзанднинг ёр танлаш масаласида ҳам ўз кўнгил эрки билан иш тутиши табиий эди. Романнинг дастлабки саҳифаларидан бошлаб Отабек ва Ҳасаналининг бошқалар назарида файритабиий бўлиб түюлган ҳаракатлари (Отабекнинг ўз қулига “ота” деб мурожаат қилиши, Ҳасаналининг Юсуфбек ҳожининг ўғли учун бутун масъулиятни зиммасига олиб, Зиё шоҳичини совчи бўлиб боришга даъват этиши, Тошкентдаги ота-онадан сўроқсиз бўлиб ўтган туй) аслида Юсуфбек ҳожи характеристидаги кенгфеъллик натижаси бўлиб, эркинлик мантиги нуқтаи назаридан тўғри ва табиий эди. Отабек ва Кумушнинг муҳаббати ҳам бамисоли Юсуфбек оиласидаги эркин муҳит учун тақдир томонидан берилган бир мукофот эди. Ёзувчи шу тариқа ҳақиқий муҳаббат, баҳту соадат эркинлик самараси эканини таъкидлагандек бўлади.

Марғilonlik Мирзакарим кутидор хонадони ҳам шундай ўзбекона кенгфеъллик ва

самимиятдан нурафшон бўлиб, Кумуш айнан шу муҳитнинг меваси эди. Исломий шариат қоидалари бўйича, оила — Оллоҳнинг муҳофазасидаги даргоҳ бўлгани учун жамиятдаги иллатлар бу муқаддас кўрғонга кўп ҳам дахл қилолмас эди. Лекин Юсуфбек ҳожи ва кутидорнинг ихтиёрига бўйсунмайдиган ташқи оламда — жамият ҳаётида аҳвол бутунлай бошқача эди. Бордию ана шу муҳит таъсири бирон бир сабаб билан кириб келадиган бўлса, жаҳолат бўрони шиддатли тўлқинлар узра омонат сузиб бораётган бу икки оилани ҳам чилпарчин қўлиб ташлаши ҳеч гап эмас эди. Яъни, жамиятдаги ҳукмрон қарашлар турли урф-одатлар орқали нафақат шахс, балки оила эркинлиги ва манфаатларига ҳам таъсир ўтказиб, уларни муйян бир доирада чеклаб турар эди.

Отабек ва Кумуш ҳали оила курмаган, том маънода ижтимоий муносабатлар субъектига айланмаган бир вақтда бундай таъсиirlардан холи ва эркин бўлади. Аммо улар оила кургач, покиза ва баҳтиёр ҳис-туйгулари, турмуш ҳақидаги эзгу тушунчалари билан мавжуд ижтимоий-ахлоқий муносабатлар маконида эркин яшашга имкон йўқлиги аён бўлиб қолади. Чунки жамият оиланинг эркин муҳаббат асосида эмас, балки асрлар давомида ўзгармай қотиб қолган урф-одат ва қарашлар тизимидан келиб чиқадиган мажбурият асосида шаклланишини талаб қиласи эди. Халқимизнинг “Олаҳуржун бўйнингга тушса биласан” қабилидаги гаплари ҳам оиланинг турғунликка юз тутган анъанавий жамият шароитида бахт ва эркинлик эмас, балки мажбурият тимсолига айланиб қолганини курсатади.

Ҳақиқатан ҳам, ҳожининг ҳеч кимни норизо қилмаслик, кенгфеълик фазилатлари туфайли хотинининг дийдиёларига ён бошиб, Отабекнинг йигитлик шаъни, покиза туйгулари билан хисоблашмасдан, унинг устидан “бир иш қилиб қўйиши” ўғлини, унинг эркин муҳаббатини ана шундай мажбурият билан боғлашга қаратилган эди. Лекин бу мажбурият на жамиятдаги ижтимоий муносабатлар асосини белгилashi лозим бўлган шариат қоидаларига, на инсонийлик тамоийларига тўғри келмаслиги боис ҳожининг оиласида гўёки адолатнинг илоҳий тарозиси, табиий уйғунлик муҳити бузилади, са-мимиятга птур етади.



Она ҳалқини эркин ва баҳтиёр кўришни истаган Отабек Россиянинг Шамай шаҳрида бўлиб, хонлик тузумининг нақадар қолоқлик домига ботганини ҳис қиласи. Унинг қалбида ўз юртини равнақ топтириш, хонлик тузумини ислоҳ қилиш орзуси туғилади. Аммо, таассуфлар бўлгайки, Ватанига қайтиб келгач, бу орзуси ҳеч қаҷон амалга ошмаслигига ишонч ҳосил қиласи.

Умид шами сўнган Отабекнинг юрагида янги бир орзу — муҳаббат туйғуси уйғонади. Унинг вужудига кутилмагандан янги ҳаёт нафаси уғургандек бўлади. Лекин муҳаббат қувончи ҳам узоқча чўзилмайди. Хуллас, Отабекнинг эрка қалби қай томонга юзланмасин, ҳамма жойда эркинликнинг йўли тўсилганини, ҳаммаёқни жаҳолат булути қоплаганини кўради.

Ўзбекойим тушунчасидан туриб қараганда, Отабекни Тошкентдан уйлантириш ҳаракатларида мантиқ бор: “марғилонлик сеҳргар” содда ўғилнинг бошини айлантириб, ўзига боғлаб олган бўлса, яккаю ягона боласидан бошқа умид нишонаси бўлмаган муштипар она нега жим қараб туриши, унинг марғилонлик бўлиб кетишига чидаши керак? Қолаверса, бутун Тошкентнинг хотин-халаҷи соясига салом берадиган, “қиз чиқара-турғон, ўғил уйлантурадирған, суннат тўйи қиласидирған хотинлар ўз тўйларини кенгашидан ташқари жўната олмайдирған” Ўзбекойим келиб-келиб ўз ўғлининг ҳеч бир рухсатсиз бегона бир ердан уйланиб олишига чидаши мумкиним? Эл-юрт нима дейди? Ўзбекойимнинг топган обрў-эътибори нима бўлади? Шунинг учун Ўзбекойим жуда баланддан ке-

либ, пардани юқори олиб, “Сан бизнинг наслимиизни кўтариш ўрнига ерга уриб булғадинг”, дейди ўғлига. Аслида у насл-насаб қайғусида эмас, юқори табака хотинлар ўртасидаги нуфузи ташвишида кўйиб-ёнади. Унинг учун қандай келин келишининг фарқи йўқ, энг муҳими — ҳамма иш ўзининг амри фармони билан бажарилса, оиланинг обрўйи ошса, бас! Зайнабни суюкли келин сифатида мақтаб юрган Ўзбекойимнинг Кумушнинг хуснини кўриши билан унга тикилибтикилиб йиглаши ва тез орада у томонга оғиб, унинг чиройи, одоби ва хулқидан ўзининг хотинлар жамиятидаги довругини ошириш учун фойдаланиши ҳам шундан далолат беради.

Бундай ҳолатларнинг сабаби, бизнингча, битта — анъанавий жамиятда оила манфаатларини ҳам жамиятдаги ҳукмон қарашлар белгилайди. Бу эса оила манфаатларини шахс манфаатларидан, ҳатто ёлгиз фарзанднинг кўнгил истаги, муқаддас туйгулариданда устун қўйишни талаб қиласди. Ҳукмон қарашларни, кўпчиликнинг хоҳиш-истагини индивидуал ҳолатлардан афзал деб биладиган анъанавий жамиятнинг энг катта фожиаси ҳам шундан иборат эди.

Фарзандининг орқасидан обрў-эътибор топиш, эзгу ва ибратли иш билан эмас, тўй қилиб бошқаларни қойил қолдиришдек тескари маъно-мазмун касб этган урф-одатлар собиқ совет тузуми даврида ҳам барҳам топмади. Барҳам топмаслиги ҳам муқаррар эди. Чунки совет жамияти моҳият эътибори билан зулмга асосланган, одамларни бидъатдан халос қилиш, уларни эркин фикрлашга ўргатиш ўрнига, жаҳолатни баттар кучайтирадиган, мустабид мафкура ҳукмонлигига асосланган дунёвий шаклдаги анъанавий жамият эди. Шу боис ҳалқни тутқунлик ва жаҳолатда сақлаш борасида бу тузум хонлик бошқарувидан ҳам ошиб тушган эдики, бу ҳақда кези келганда тўхталамиз.

Бу ўринда факат бир мисол билан кифояланиш мумкин. Атоқли адаб Абдулла Қаҳҳорнинг муҳаррирлик истеъоди ва санъаткорларимизнинг ижро маҳорати туфайли ҳақиқий миллий руҳ касб этган “Мажаллада дув-дув гап” бадиий фильмидаги ўғил ўйлантириш билан боғлиқ можаролар, оналарнинг келин танлаш, тўй қилиш борасидаги иддаолари, бир-биридан ўзиш, бир-бирини

доғда қолдиришга қаратилган ҳаракатлари орадан бир аср вақт ўтиб, тузумлар алмашса-да, маиший масалаларга муносабатда аёллар тафаккуридаги тургунлик сақланиб қолганини кўрсатади.

Шу нуқтаи назардан қараганда, Юсуфбек ҳожи ва Ўзбекойимнинг ўғилларини Тошкентдан уйлантириш ҳақидаги ниятига бироз бўлса-да, риё аралашганини рад этиб бўлмайди. Энг ёмони, уларнинг бу ҳаракати Отабек ва Кумуш ўртасидаги шаръий битим — никоҳга қарши қаратилган эди. Ва у душманларнинг ана шу аҳдга қарши фитнасига сабаб бўлди. Бир сўз билан айтганда, Юсуфбек ҳожи хотинининг гапига кириб, билиб-билимсадан, Отабекнинг ўзи айтганидек, ҳақиқатан ҳам ўғлининг душманларига йўлни кенг очиб беради.

Ўзбекойим чала-думбул аёл бўлгани учун Отабекнинг қалбидаги туйгуларни, ҳақиқий муҳаббат дардини тушунмайди. У ўғлининг Кумушга бўлган муҳаббатини шунчаки бир ҳавас, болалик шўхликлари деб билади. Шунинг учун Кумушни чинакам келин деб ҳисобламайди. Бу ҳақда жиддий бош қотиришни ҳатто ўйлаб ҳам кўрмайди. Чунки унинг анъанавий асосда шаклланган тафаккури жамиятдаги ҳукмон қарашлар қолипига сифмайдиган ўғлининг кичик бир мустақил ҳаракатини ҳам қабул қилолмайди. Унинг учун “ота-она орзуси” деб “тантаналик”, яъни баландпарвоз ном олган оила манфаатлари олдида ўғлининг севгиси уятсиз бир иш, холос. “Ўзингга қолса, шу марғилонлиқни хотинга ҳисоблаб кетаберар экансан-да, уятсиз..” деб қилган маломатлари ҳам шундан далолат.

Холбуки, Отабек ва Кумушнинг севгиси Шарқ шоирлари томонидан асрлар мобайнида куйлаб келинган юксак инсоний ҳис-туйгуларга асосланар эди. Шунинг учун Отабекнинг иккинчи марта уйланаётганини эшлиб ҳам Кумушнинг унга бўлган муҳаббати заррача ўзгармайди. Эрини лаънатлаш ўрнига кўнглини кўтаришга уринади. “Мен рози, мен кўндим”, деди дафъатан Кумуш, бу сўзни нимадандир кўрқандек шошиб айтди”. Шошиб айтганики, ўзининг маънавий бойлиги бўлмиш муҳаббатига шерик чиқаётган Ганим — кундош балоси ҳақида имкон қадар эсламаслик, омонат баҳтини бой бериб қўйиш хаёлидан узоқ бўлишга уринишидан эди.

Ёзувчи шахс эркини чеклашнинг анъанавий жамият бағрида шаклланган механизми, халқнинг содда тушунча ва тасаввурларига мосланган формуласи — “ота-она орзуси” деган ақиданинг фарзанднинг қалб интилишларига қанчалик зид эканини кўрсатар экан, шу тариқа жаҳолат манбаиға айланган урф-одатлар авлодлар ўртасига ҳам қарама-қаршилик ва адovат уругини сочишига ишора қилгандек бўлади. Албатта, ташқаридан қараганда, бундай зиддият учча сезилмаслиги мумкин. Чунки уни, муаллифнинг ўзи таъкидлаганидек, анъанавий жамиятга хос тантаналик, яъни ялтироқ ва жозибали муносабатлар пардалаб турар эди. Лекин бу зиддиятлар маънан қулга айланган минг-минглаб эркинликка ташна юраклар фожиаси мисолида ўзини ошкор қилаверарди.

Одамзотнинг эзгу ўй-ниятларини ифода этадиган, айни пайтда инсонга хос ожизлик, худбинлик ва манманлик майлларидан-да йироқ бўлмаган “ота-она орзуси” деган ҳақиқат қаршисида Юсуфбек ҳожи ҳам чекинишга мажбур бўлади. У ҳам оила манфатларини ўғлининг муҳаббати ва эркинлигидан устун қўяди ҳамда “Бизнинг оиласдан лафзсизлик чиқиши менга маъкул кўринмайдир”, дейди қатъий қилиб.

Аслида, чинакам тараққиёт ҳақида гап кетганда, аввало фарзандлар, ёш авлод орзуси биринчи ўринга қўйилади. Чунки ота-оналар орзуси фарзандлар камоли орқали амалга ошади. Мустақиллик йилларида юртимизда айнан шундай йўл тутилгани — соғлом ва баркамол авлод тарбияси давлатимиз сиёсатининг энг муҳим ва устувор йўналишига айланниб, бугунги кунда кўплаб амалий натижалар берәётгани ҳам бундай ёндашувнинг нақадар тўғри эканини кўрсатади.

Хожининг хотини томонга ён босиши туфайли унинг оила муҳитига муҳаббат ва самимиятдан йироқ бўлган бегона бир таъсир — Зайнаб билан бирга жамият бағридаги иллатлар ҳам кириб келади. Зайнаб Отабек ва Кумушнинг ишқий ўйинларига қўшилолмайди, уларнинг муҳаббат тилига тушумайди. Чунки у бошқа муҳит фарзанди эди. Отабек ва Кумушдан фарқли ўлароқ, Зайнаб оила шароитида эркинликдан, меҳрдан бебаҳра бўлиб вояга етади. У ҳақда опаси Хушрўйнинг айтган гапларини эслайлик:

“Тизгининг ойинг билан дадангнинг қўлида, бошқача айтканда, уларнинг туга ортқан юки, кимга сотса, қаерга жўнатса, ихтиёрсиз эдинг...”

Зайнаб — Отабек учун руҳий эркинлик ҳадя этадиган, парвозга чорлайдиган муҳаббат юлдузи, севикили маъшуқа эмас, ота-она орзусини ифода қиласидиган, унинг инсоний туйғуларини чеклаб яшашга маҳкум этилган мажбурият, холос. Отабек ва Кумушни тақдир, Оллоҳнинг иродаси бирлаштирган бўлса, Отабек ва Зайнабни “ота-она орзуси” шаклидаги урф-одатларни адо этиш мажбуриятидан бошқа ҳеч нарса бирлаштирамайди. Шунинг учун ҳам Отабек унинг олдида ўзини жонсиз ҳайкалдек тутади.

Табиийки, Зайнаб ҳам ўзига хос характер, аламли қисмат. Бунинг учун Зайнабни эмас, муҳитни айблаш керак. Аслида ҳамма замонларда ҳам ҳаёт турли феъл-атворли инсонлардан иборат бўлади. Эҳтимол, бошқача ижтимоий тузумда Зайнаб ҳам баҳтими топиб кетиши мумкин эди.

Туғилажак фарзанд ҳақидағи хабар Отабекнинг “мизожи заиф”лиги тўғрисидаги сўзлари ҳам, Кумушнинг бир оз муддат қайнота уйида туриб, Марғилонга қайтиб кетиши ҳақидағи гаплари ҳам аслида кундошлар ўртасида муваққат тинчликка эришиш йўлида ишлатилган баҳона эканини фош этади. Хонадон бекаси бўлиб қолишига кимнинг ҳаққи кўпроқ экани ҳам ўз-ўзидан ойдинлашади. Бошқача айтганда, Зайнабнинг назарида, “тинчлик битими”ни бузиш, ўзига нисбатан адолатсизликка қарши бош кўтариш учун маънавий асос пайдо бўлади.

Чунки ўшлигидан аразчи, иззатталаб бўлиб ўсган, ҳатто ота-онаси меҳмондорчиликка олиб бормаса ҳам хафа бўлиб, кек сақлаб юрадиган Зайнаб эри ва кундошининг “айби”дан ўтишга, ўзининг баҳтисизлиги сабабларини муҳитдан излашга ожиз эди.

Ёзувчи Зайнабнинг ҳаракатларини шунчаки жаҳолат хуружи сифатида эмас, балки характер мантиғига кўра асослаб тасвирлайди.

Халқимизда “туриб-туриб алам қиласи”, “туриб-туриб нашъа қиласи” деган иборалар бор. Ана шундай инертилик — сиқилиб-сиқилиб кутилмаганда портлаш хусусияти Зайнаб характеристида яхши ифодаланган.

Зайнабдан фарқли ўлароқ, Кумуш — фаҳм-фаросатли, маънавий бой, бошқалар-

нинг кўнглини тушунадиган, айни чоқда бирорга ҳаққини бермайдиган аёл. У кўркўронга ҳамманинг гапига киравермайди. Шунинг учун ҳам у ўлимга маҳкум. Чунки уни жамият реал инсон, ўзининг бошқалар сингари бир аъзоси сифатида қабул қилолмайди. Ҳатто Юсуфбек ҳожидек кўпни кўрган нуроний зотнинг ҳам “Бу одам фарзанди эмас — фаришта” деган гапларини эсланг.

Тошкентга келиб, қайнота уйида бир оз яшаганидан сўнг онаси Марғилонга қайтиб кетишига ундағанда Кумуш бунга кўнмайди. “Кундошингнинг кўриниши баёвга ўхшаса ҳам, аммо ўзи писмиқ экан... — дейди Офтобойим қизини бўлажак фожиадан огоҳлантиргандек. — Бундай одамдан албатта ҳазар керак. Агар ораларингга совуқчилик тушадирган бўлса, сен ўчакишиб юрма, яхсиси, қайнотангга узрингни айтуб, бу уйдан кетиш ҳаракатини қил. Мен бу тўғрида эринг билан ҳам сўзлашиб кўйдим, тузикми?”

Ўзбекойим қанчалик думбул-девона бўлмасин, унинг “Кумушинг ўзингга ўхшаш серфирк кўринадир” деган гапи бежиз эмас эди. Қайсарлик, эркалик, ўз фикрида событлик ва худбинликда Кумуш Отабекдан

қолишмас эди. Бу хусусиятларнинг барчаси кўшилган ҳолда, Кумушнинг фожиасини тезлаштиради.

Асаарнинг баҳс уйғотадиган ўринларидан бири — Отабекнинг ота-онасига бўлган гина ва аразларининг орадан қанча вақт ўтмасин, аримасдан қолишидир. Ҳалқимиизда “Ўтган ишга саловат” деган гап бор. Вақт ўтиши билан ҳар қандай гина унутилади. Лекин Кумушнинг вафотидан сўнг бир йил ўтиб ҳам Отабек ота-онаси билан очилиб гаплашмайди. Ҳолбуки, киши ўзи ота бўлганидан сўнг кўп нарсани тушунади, ҳаёт воқеаларига бошқача кўз билан қарай бошлайди. Асаардаги ана шу нозик жиҳат нафақат Отабекнинг, балки ёзувчининг ҳам ёшлик туйгулари билан боғлиқ бўлса ажабмас...

Отабек Шамай шаҳрида кўрган замонавий тараққиёт белгиларини ўз ютидаги аҳвол билан қиёслар экан, хонлик тузумини қабристонга қиёслайди. Қабристон мотиви бир неча бор — асаар бошида (Шамай таассуротлари билан боғлиқ ҳолда), кульминациясида (Отабекнинг қутидор эшигидан ҳайдалиб, Хўжа Маъз қабристонида тунаш воқеасида), охирида (Кумушнинг қабри те-



пасида) тилга олиниши романнинг фожиаий асосга қурилганидан, барча қахрамонлар, бутун тузумнинг ҳалокатга учрашидан далолат беради.

### Айбланувчининг далили

“Ўткан кунлар” романи 1922 йилдан “Инкилоб” журналида чоп этила бошлаган, 1925-26 йилларда китоб холида нашр қилинган. У дунё юзини кўриши биланоқ оддий китобхонларда ҳам, адабиётшуносларда ҳам катта қизиқиши уйғотган. Сабаби — ёзувчи ҳалқ ҳаётини ўта самимий ва миллий руҳда, ҳалқнинг дилига мос қилиб тасвирлаган. Шунинг учун унинг дастлабки боблари ёк кўлма-қўл бўлиб кетади.

Адибнинг ўтмишга, кечаги хон замонларига муносабати масаласида адабиётшуносликда турлича қараашлар илгари сурилган. Хусусан, 20-30-йилларда “ёзувчи ўтмишни идеаллаштирган, феодал тузум кишилари — миллий буржуазия вакилларини катта мұхаббат билан тасвирлаган, турли ижтимоий тоифалар ўртасидаги синфий зиддиятни кўрсатмаган”, деган фикрлар айтилган эди. Бу қарааш “Ўткан кунлар” романини баҳолашда совет давлатининг охирги кунларигача деярли ўзгармас мезон бўлиб келди.

Мустақиллик йилларида эса Абдулла Қодирий “Ўткан кунлар” романи орқали ҳалқимизнинг юрт истиқтоли ўйлидаги интилишларини кўрсатмоқчи бўлган, деган маънодаги фикрлар ҳам айтила бошлади. Масалан, таникли адабиётшунос Умарали Норматовнинг “Қодирий боғи” китобида бундай дейилади: “Ўткан кунлар” романининг маъно-мундарижа доираси фоят кенг, унда хилма-хил ижтимоий, маънавий муммомлар кўтарилиган. Улар ичida, менингча, энг муҳими юртнинг, миллатнинг тақдири, мустақиллиги масаласидир” (Т., “Ёзувчи”, 1995, 122-бет).

Биринчى йўналишдаги фикрларнинг қанчалик юзаки ва ноҳолис экани бугун кўпчиликка яхши аён. Фақат ёзувчининг Отабек ва Кумуш каби қахрамонларни чиндан ҳам зўр меҳр-муҳаббат билан тасвирлагани ҳақидаги фикрларга кўшилиш мумкин. Лекин ёзувчи уларни миллий буржуазия синфи вакиллари бўлгани учун эмас, балки ҳақиқий инсон, юксак туйғулар соҳиби, меҳр-муҳаббатга муносиб бўлгани боис самими-

ят билан тасвирлайди. Бунда ўз ихтиёрича эмас, балки реал ҳолатдан келиб чиққан ҳолда иш тутади.

Маълумки, мусулмончиликда одам ажратиш йўқ. Мусулмончилик — барчанинг Оллоҳ олдида тенглигини ёклайди. Шунга кўра, Абдулла Қодирий келиб чиқиши қул бўлган Ҳасанали билан Юсуфбек ҳожи ўртасида ҳеч қандай зиддият кўрмайди. Аслида ҳаёт ҳақиқати ҳам шундай эди. Лекин совет мафкурачилари буни тан олгудек бўлса, ислом динининг буюк инсонпарварлик моҳияти очилиб қолишидан чўчир эди. Шунинг учун зўр бериб асл ҳақиқатнинг тескариси — синqlар ўртасидаги зиддиятни кўрсатишини, бошқача айтганда, ўтмишни сохталаштиришини, йўқ нарсани бор қилиб кўрсатишини талаб қиласи эди.

“Ўткан кунлар” романида юрт мустақиллиги масаласи ёритилгани ҳақидаги фикрда жон бор. Чунки ёзувчи хонлик тузумининг бутун даҳшатини акс эттиришига эътибор қаратар экан, мавзунинг ўзи табиий равиша инсон эркинлиги, унинг шаъни ва қадр-қиммати билан боғлиқ масалаларни етакчи ўринга чиқариб тасвирлашни тақозо этган. Бу масалаларни эса, ҳеч шубҳасиз, озодлик ва мустақиллик тушунчаларидан айри ҳолда тасаввур қилиб бўлмайди. Аниқроқ қилиб айтганда, ёзувчи қаламга олган давр воқелигининг ўзи китобхон кўнглида беихтиёр озодлик ва мустақилликнинг, маърифий негизда, янгилик ва ўзгаришлар, ислоҳотлар асосида ривожланадиган эркин жамиятнинг қанчалик буюк неъмат экани ҳақидаги ўй-фикрларни уйғотади.

Албатта, Абдулла Қодирий онгли тарзда ҳалқни мустақилликка ундаш ва шу тариқа совет тузумига қарши нафрат уйғотишини мақсад қилмаган. Эҳтимол, буни ҳаёлига ҳам келтирмагандир. Чунки Абдулла Қодирий ва у сингари уч хонлик даври ва чоризм мустамлакаси замонларида жаҳолат, зулм ваadolatcizlik оқибатларини кўрган, юрақдан ҳис қилган зиёлилар совет тузумини дастлаб чин дилдан қабул қилган. Большевикларнинг миллатларнинг ўз тақдирини ўзи белгилаш, меҳнаткашларга, хотин-қизларга эркинлик бериш каби сохта foяларига сидқидилдан ишонган. Ва ана шу foяларнинг амалий ифодасини кўриш учун бу тузумга астойдил хизмат ҳам қилган. Бизнингча,

ёзувчининг “Ўткан кунлар” романи ҳам асрлар давомида ээзилиб келган халқнинг “янги даврга қадам қўйган”ига қаттиқ ишонч натижаси ўлароқ ёзилган эди. Мозийга қайтиб иш кўрилса, хонлик тузуми давридаги инсоний фожиалар бор бўйича кўрсатилса, буларнинг барчаси янги тузум учун сабоқ бўлар, деган умид “Ўткан кунлар”ни ёзишга ундан омиллардан бири бўлган бўлса ажаб эмас.

Лекин содда ва ишонувчан зиёлиларнинг аслида таги пучояларни амалга оширишга чин дилдан киришаётгани, шу тариқа халқни ҳам эзгулик сари сафарбар этаётгани большевикларни ҳушёр тортириб қўяди. Умуман, қайси фоя ёки мафкурага ишонишидан қатъи назар, эътиқод билан яшайдиган одамлар бу тузум учун душман ҳисобланар эди. Чунки ишонч-эътиқоди бор одамда турғун тафаккур бўлмайди, улар бирорнинг четдан туриб бошқаришига ҳам муҳтожлик сезмайди. Шу боис советларнинг асл мақсади одамларга ҳуқук, ва эркинлик бериш эмас, аксинча — мустамлака тузуми давридаги зулм ва талончиликни баттар авж олдириш, янгича — мустабидчилик асосидаги анъанавий жамият барпо этишдан иборат эди.

Шу боис шўро тузуми муҳаббат ва оила масаласида ҳам, ижтимоий соҳада ҳам одамларга эркинлик бермади. Дарҳакиқат, шўро давлатининг етмиш йилдан зиёд давом этган тарихи бу тузум давридаги тутқунлик, зулм ва жаҳолат эски хонликлар муҳитидаги адолатизликлардан минг карра ошиб тушганини кўрсатди.

Биргина муҳаббат ва оиласи масалалардаги, маиший ҳайётдаги “эркинлик” қандай бўлганини эсга олайлик. Тўю томошалар, миллий маросимларнинг маъно-мазмуни расмий мафкура томонидан белгилаб берилаар эди. Қанча-қанча зиёлилар номигагина бой ва мулк эгаси бўлган инсонларнинг қизига уйлангани учун тазийк ва таъқибларга дучор бўлганини яхши биламиз. Коммунист ёки комсомол йигит диндор одамнинг қизига уйланиб қолгудек бўлса, холига маймунлар йиглаши аниқ эди.

Совет тузуми давридаги “эркин муҳаббат” фожиаларининг моҳияти ёзувчи Мурод Муҳаммад Дўстнинг “Лолазор” романида айниқса жонли ёритилган. Ушбу асар қаҳра-

мони Назар Яҳшибоев республика миёси-даги раҳбарнинг рафиқаси билан дугона бўлгани учун ўз хотинидан ажralишолмайди. Ажralиш у ёқда турсин, ҳатто хотинига дакки бериш, уни оиласи ёки хизматчиликка боғлиқ масалаларда койиш керак бўлса ҳам, ўша раҳбар билан келишган ҳолда иш тутишга мажбур бўлади. Мабодо бундай шартларга амал қиласа, мансаб-мартабадан ҳам, обрў-эътибордан ҳам, ҳатто азиз жонидан ҳам жудо бўлиши мумкинлигини тушуниб, қаттиқ алам ва изтироблар чекади.

Ўша замондаги ҳаёт, ахлоқнинг ёзилмаган қоидалари шундай эди. Оиласи можаролар учун партия мажлисларида хулқи муҳокама қилинган ёки партия сафидан ўчирилган, ҳатто жиной жавобгарликка тортилишгача борган одамлар ҳақида совет даври ҳаётидан кўп мисоллар келтириш мумкин. Қисқаси, мустабид мафкура жамиятдаги барча ижтимоий институтлар каби оиласи ҳам инсоний туйғулар асосида эмас, зўравонлик билан мустаҳкамлашга ҳаракат қилар эди.

Хуллас, большевиклар партиясининг ўз ҳокимиятини мустаҳкамлаш учун дастлабки даврда номигагина эълон қилган гояларига ишониб, асл инсоний қадриятларни олға суриш, ўтмишни, инқироз домидаги эски анъанавий жамиятни шу асосда ёртиш ва таҳлил қилиш айнан ана шу партиянинг сиёсатига зид ҳаракат сифатида баҳоланаар эди. Чунки бундай ёндашув янгидан шаклланиб келаётган советча анъанавий жамият моҳиятини фош қилиб қўярди. Лоақал ёзувчининг халқ таъбирича “мусулмонобод” бўлган хон даври ҳақидаги таърифини озгина ўзгартириб, шўро ҳокимиятига нисбатан кўлладидиган бўлсан, унинг баландпарвозд гоялари — “тантаналик таъбирни бузиб қўятурғон” ишларни кўп кўриш мумкин эди. Яъни, большевиклар партиясининг иккιюзлама сиёсати, оғиздаги гапи — бошқа, амалдаги ҳарататлари бошқа эканини ўтмишнинг таҳлили мисолида сезиш қийин эмасди.

Шунинг учун ҳам “Ўткан кунлар” романи босилиб чиқиши билан хукмрон мафкуранинг танқидига учрайди. Михайл Шевердиннинг 1928 йил март ойида рус тилида нашр қилинадиган “За партию” журналининг Зсонида чоп этилган “Биринчи ўзбек романи” мақоласи шу руҳда эди. Ушбу мақолада ил-

гари сурилган танқидий фикрлар кейинчалик “Ўткан кунлар” романига ёндашувда барча адабиётшунослар учун сал бўлмаса методологик асос бўлиб хизмат қиласди.

Умуман, совет давридаги адабий танқид давлат суд-тергов тизимининг маданий шаклига ўхшаб кетарди. У бирор бир асарни оқлаш ёки қоралаш учун муаллифдан бошқа ҳар қандай ёзувчи, сиёсатчи ёки файласуфнинг фикрларига таяниб фикрини исботлашга чиравини мумкин эди. Фақат асарнинг юзага келишига сабаб бўлган муаллифнинг фикри билан ҳисоблашиш ман қилинار, буни ҳеч ким хаёлига ҳам келтирмас эди. Чунки мустабид тузумдаги суд-тергов жараёнида айбланувчи ёки оқланувчидан ҳеч ким фикр сўрамас эди.

Адабий танқидчиликнинг “Ўтган кунлар” романига нисбатан муносабатида ҳам шундай ҳолатни кўриш мумкин эди. Яъни, романни унинг матнидан келиб чиқсан ҳолда эмас, Ленин, партия, рус ёзувчи ва адабиётшуносларининг, баъзан ҳатто дунёнинг нариги бурчагида яшайдиган, сунъий равишда ўйлаб топилган “пролетар адаби”ларининг адабиёт ҳақидаги фикр ва кўрсатмалари асосида баҳолашга зўр берилар эди. Шу тариқа “Ўткан кунлар” романи ҳам бамисоли айбланувчининг ишончсиз далилига айлануб қолган эди.

М.Шевердинга роман қаҳрамонлари, айниқса Кумушнинг билимли, саводли, ақлфаросатли ва зукко экани ёқмайди. Чунки бундай ҳақиқат инқилобгача Туркистон аҳолиси деярли ялпига саводсиз, маданиятсиз эди, деган партиявий сиёсатни пучга чиқарар эди. Ҳукмрон мағкура талаби бўйича, маҳаллий ҳалқ факат чаласавод, фикрсиз ва қарам қилиб кўрсатилиши керак эди. Аввалио, хотин-қизларнинг хат ёзиб, ўз фикрини эркин ифода этиши, ҳақ-хуқуқи учун курашиши реал ҳодиса эмас, идеал ҳолат сифатида тушунилар эди.

“Муаллиф Кумушни замонавий хотин-қизлар қиёфасида кўрсатади, — деб норози бўлади М.Шевердин. — Бу хислат унинг эри-

га ёзган хатларида кўзга ташланади. Бу хатларни ўқиганингиздан кейин Кумуш янги гоялар, замонавий адабиётлардан хабардордек бўлиб кўринади. Шундай таассурот туғиладики, гёй ў аллақачонлар бугунги ўзбек аёллари эришган озодлик чегарасидан ўтиб кетган” (Матёкуб Кўжоновнинг “Қодирий – эрксизлик курбони” китобидан олинди. Т., “Фан”, 1992, 71-бет.)

Чиндан ҳам, ёзувчи бадиий образ кучи ва мантиғи билан коммунистик партиянинг хотин-қизлар озодлиги, ўлка аҳолисини эркин ва саводли қилиш борасидаги сиёсати қанчалик сохталигини билдириб кўйган эди.

Хулоса қилиб айтганда, “Ўткан кунлар” — муҳаббат ва эркинлик, инсоннинг, ҳалқнинг аччиқ қисмати ҳақидаги роман. Афсуски, унинг тақдирни ҳам ҳалқимиз тақдирни каби оғир ва машаққатли бўлди. У ҳам, ҳалқимиз сингари, фақат истиқлол туфайли чинакам қадр-қиммат топди.

Албатта, бугунги кунда замонавий цивилизация натижалари ва глобаллашув жараёнлари таъсирида кўргина туйгу ва тушунчалар, уларнинг талқини ўзгариб бормокда. Жумладан, муҳаббат ва эркинлик масаласини ҳам бугун кўпчилик бошқача — гарбона талқинда тушунишга одатланиб қолган.

Табиийки, бу сўзлар тилга олинганда юксак инсоний туйгулар, ахлоқ-одобга асосланган севги-муҳаббат тўғрисида ўйлаш ўрнига беихтиёр мийигида кулиб, гарбона енгил ҳаёт стандартларига ҳаёли кетадиган одамлар ҳам, афсуски, йўқ эмас. Бошқача айтганда, бу тушунчалар ҳақида очиқ гапириш, эркин фикр юритишга илгари мустабид мағкура халақит берган бўлса, энди “гарбона маданият” ниқоби остидаги сохта қарашлар тўсиқ бўлишга, инсоний туйгулар устидан зўравонлик қилишга уринади...

Холбуки, сўзда ҳам, тушунчада ҳам, гарб маданиятида ҳам айб йўқ, ҳамма гап уларни қандай тушуниш ва талқин қилишда. Янада тўғрироғи, ўқувчи ва қабул қилувчининг қандай маънавий мезонларга асосланиб яшаши ва фикр юритиши муҳим.

## САНЬАТ ФАЛСАФАСИ



“Нур ва соя”. (Хива)

# MUHRLANGAN LAHZALAR

Фотография санъатининг бетақрор хусусияти шундан иборатки, у борлиқни реал – бор бўйича тасвирлайди ва ана шу жиҳати билан бошқа санъат турларидан алоҳида ажралиб туради. Шунингдек, фотографияни санъат ва тижорат тушунчаларининг ўзаро мутаносиблигини англатувчи ҳодиса сифатида ҳам таърифлаш мумкин.

Яқинда нашр этилган “Ўзбек фотографиясига 125 йил” номли антология нафақат юртимизда, балки жаҳоннинг кўплаб мамлакатларида ҳам катта қизиқиш билан кутуб олинди. Унда ижод намуналари ўрин олган биринчи ўзбек фотосуратчиси ва кинотасвирчиси Худойберган Девонов халқимизнинг кундалик турмуш тарзи, яшаш шароити, меҳнат жабҳаларидағи турфа фаолиятини тасмага муҳрлаган унтутилмас ижодкордир.

“Правда” газетасининг фотосуратчиси сифатида шуҳрат қозонган Максим Пенсон олган суратларда халқимизнинг ма-



“Тарих, шакллар” туркумидан. (Кармана)



“Еру осмон чегарасида”. (Томди тумани, Навоий вилояти)



“Манекенлар ҳаракати”. Фотовидеоарт



“Тарих, шакллар” туркумидан. (Касби, Қашқадарё)



“Моможонлар” туркумидан. (Ханчжоу, Хитой)



“Моможонлар” туркумидан. (Бешкент, Қашқадарё)

шаққатли меҳнати, беқиёс юртимиз манзаралари тури кўринишларда жонли ифодасини топган.

Бу икки ижодкорнинг бисоти эндиликда халқимиз тарихи ва маданийтининг ўзига хос таркибий қисмига айланган.

Маълумки, мусаввир мўйқалам ва бўёқ ёрдамида воқелик тасвирини яратади. Шу баробари у хаёлан янги борлиқни ҳам кашф этади. Дейлик, истеъододли рассомнинг кўлига фотоаппарат тушиб қолса, у танланган обьект ёки манзарани айнан тасвиrlамайди, балки унинг бир қарашда кўз илгамайдиган жиҳатларини намойиш этади. Бу эса фотография санъатининг мўъжизавий намуналарини вужудга келтиради. Шу боис сўнгги йилларда фотография санъатига бўлган қизиқиш ва эътибор янада ортиб бормоқда.

Мен ёшлигимдан тасвирий санъат билан бирга фотография соҳасига ҳам қизиқиб келаман. Кейинги йиллардаги иходий сафарларим чоғида олган суратларим ана шу ишқибозлик натижасидир. Улардан айримларини журналхонларга тақдим этишга жазм қилдим.

**Турсунали Қўзиев,**  
Ўзбекистон Республикаси  
санъат арбоби



“Сокинлик”. (Ҳиндистон)



Қамоши ва заранг сирлари”. (Нара, Япония)




“...узра”. (Халонг, Вьетнам)



“Чорвадорлар баҳори” туркумидан. (Олтинсой, Бойсун; Сурхондарё)  
28-Халқаро Крепси фототанловида Бронза медалига сазовор бўлган  
(Италия, 2004 йил).

## СИРЛИ САРХАДЛАР

Ботир ҚОДИРОВ



Ҳар қандай миллатнинг истиқболини истеъдодли ва билимли авлод белгилайди. Шу сабабли Ўзбекистон ҳукумати ҳали шўролар ҳукмронлиги сақланиб турган кезлариёқ истеъдодли болалар ва ўқувчиларни излаб топиш, уларнинг таълим-тарбиясини тизимли ташкил этиш мақсадида маҳсус қарор қабул қildи. Мазкур қарор асосида мамлакатимизда табақалаб ўқитиш усули жорий этилди, истеъдодли ёшлар таълим-тарбиясида эса индивидуал ёндашув йўлга кўйилди. 1990 йили ҳар бир вилоят марказида истеъдодли болалар мактаби очилди. Бироқ ишлар бирданига юришиб кетмади. Тўсқинлик қилаётган му-

аммолардан бири — истеъододли ёшларни талаб даражасида ўқита оладиган педагог ва методистлар тақчилиги эди.

Лекин иқтидорли болалар учун маҳсус мактаблар очилишининг ўзиёқ (кеинчалик улар лицей деб атала бошлади) илфор педагогларни бойитилган ўкув дастурлари ва адабиётларини яратишга мажбур этди. Натижада мактаб тизими якрангликдан халос бўлди. Таълим жараёнига янгича рух кирди. Бу ижодий жараён бугунги кунгача давом этмоқда.

Ўзбекистон аҳолисининг қарийб ярмини 18 ёшгача бўлган авлод ташкил этади. Улар орасидан лидерларини, муайян

Ботир ҚОДИРОВ. *Психология фанлари доктори, профессор*

соҳага қобилиятли ва истеъдодилари ни қай йўл билан ажратиб олиш мумкин? Уларни иқтидорига мос касбга ўргатиш учун нима қилиш керак? Ва ниҳоят, уларнинг юқори даражада ривожланган лаёқатини ижтимоий фойдали, жамият учун муҳим соҳаларга йўналтиришнинг қандай усуллари бор? Бу каби саволлар миллат истиқболини ўз тақдири билан уйғун кўрадиган ҳар бир фикр эгасини ўйлантириши аниқ.

Болалар ва ўсмирлар истеъдодини камолга етказиш — долзарб ижтимоий-педагогик ва илмий-амалий муаммодир. Чунки истеъдод — ижтимоий тараққиётнинг битмас-туганмас манбаи. Шу боис истиқлол йилларида ёш истеъдодларга бўлган эътибор бир неча баробар ортди, улар фаолиятини қўллаб-қувватлайдиган жамғармалар очилди, маҳсус стипендиялар жорий этилди. Иқтидорли ўқувчилар олий ўқув юртлари қошидаги академик лицейларга қабул қилинаётир. Ҳар бир олий таълим муассасасида истеъдодли ёшлар билан ишлайдиган маҳсус бўлимлар ташкил этилган. Лекин бу ҳеч қандай муаммо қолмади, ишимиз фақат ютуқлардангина иборат дегани эмас, албатта. Галдаги вазифалардан энг асосийси, назаримизда, истеъдодли ёшларнинг илмий асосланган, тизимили танловини, таълими ва тарбиясини йўлга қўйишидир. Бунинг учун, биринчи навбатда, шу мақсадга қаратилган, жаҳон талаблари даражасидаги маҳсус илмий-методик ташкилот таъсис этилмоғи зарур.

Истеъдод — кўп киррали, мураккаб, ҳам ирсий-биологик, ҳам ижтимоий аҳамиятга молик ҳодисадир. Бинобарин, уни тўғри аниқлаш, оқилона саралаш, тарбиялаш, касбга йўналтириш, тегишли ишга жойлаштириш, баъзан ҳатто унга тиббий, педагогик, юридик ёки психологияк жиҳатдан ёрдам қилиш, ҳақ-ҳукуқларини таъминлаш зарур бўлади.

Истеъдод тарбияси жiddий илмий, амалий ва гуманитар ёндашувни талаб этадиган долзарб муаммодир. Аёнки, истеъдод соҳиблари ўз фаолиятидаги ютуқлари, ихтиrolари, яратган асарлари билан инсоният тарихига зарҳал би-

тиклар билан ё зилишга лойик. Уларни айни кучга тўлган чоғида моддий ва маънавий жиҳатдан қўллаб-қувватлаш, умуман, жамиятда истеъдодга ижобий муносабатни шакллантириш зарур.



### Истеъдоднинг табиати

Тажриба шундан далолат берадики, истеъдодли болалар билан ишлаш усуллари, уларга кўрсатиладиган ёрдамнинг кўлами ва шакли кўп жиҳатдан тўғри ташхис қўйишига боғлиқ. Шу сабабдан ҳам кенг жамоатчилик — ўқитувчилар ва отаоналар орасида ташвиқот ҳамда тарғибот олиб бориш, уларнинг онгида истеъдоднинг табиати, иқтидорли болани аниқлаш методикаси, қобилиятни ўстириш усуллари ҳақида илмий-амалий тасаввурларни шакллантириш муҳим аҳамиятга эга.

Гап шундаки, истеъдод тушунчасининг моҳияти ҳақида илмий жамоатчилика ҳали бир тўхтамга келинмаган. Шу боис бу ҳодисага берилган таърифлар ҳатто-ки бир-бирини инкор этади.

Шахс камолоти механизмлари истеъдоддек мукаммал, яхлит ва тизимли фаолият юрита оладиган феномен шакллашида муҳим ўрин тутади. Шубҳасиз, бунда табиий-индивидуал (баъзан ирсий) хусусиятларнинг таъсири катта. Чунки истеъдод вужуднинг бирон аъзоси маҳсулли эмас (масалан, мусиқачининг бармоқлари ёки рассомнинг кўзи каби), балки шахс салоҳиятининг яхлит тарзда намоён бўлишидир.

Бола истеъодини баъзан унинг ўз хоҳиши асосида бошланган, ҳеч ким мажбур қилмаган бир ишни ҳайратланарли тарзда уddyдалашида ҳам кўриш мумкин. У шу аснода ички имкониятларини юзага

чиқаради. Бола истеъоди турлича шаклда зоҳир бўлади (мисол учун, кўп хонали сонларни бир зумда ўйлаб ўтирмай кўпайтириб бериши, соатлаб ёддан шеър ўқиши ва ҳоказо).

Истеъод дэгасининг ўзига хос, бошқалардан ажralиб турувчи фазилати шундан иборатки, унинг воқеликка муносабати айрича, бетакрор бўлади. Бундай бола ҳодисаларнинг асл, ўзак моҳиятини тезда тушуниб, уларни бир оғиз сўзда лўнда ва аниқ ифода эта олади. Шу сабабдан у иккilanмайди, “чайналмайди”. Ҳар бир масалага ўзгача, оҳорли нуқтаи назари билан ажralиб туради. Истеъод соҳиби осон йўл қидирмайди, аксинча мураккаб ва зиддиятли муаммоларни ечишдан завқланади. Қўрқмасдан ўзини қийинчиликлар гирдобига уради. Шунинг учун ҳам истеъод дэгаларининг ҳаёти кутилмаган воқеаларга бой бўлади.

### Истеъоддининг белгилари

Истеъод соҳибининг ўзига хос тафаккур тарзи аксар ҳолларда атрофдагиларга тушунарли бўлмайди. Ҳайратомуз ақлий хусусиятлари ўзгалар диққатини тортади, ҳатти-ҳаракатлари гайриоддий туюлади. Бу ҳол баъзан атрофдагиларга нокулайлик түғдириши, ҳатто уларда эътиroz ҳам уйғотиши мумкин. Шу сабабли истеъоддли инсонлар фаолиятини илмий жиҳатдан ўрганган мутахассислар уларнинг қуйидаги хусусиятларини алоҳида ажратиб кўрсатган: юқори дарражадаги ақлий қобилият; юқсак савиядаги ижодий салоҳият (оригинал, ўзига хос тафаккур, аниқликка интилиш ва ҳоказо); кучли хотира, ўтқир зеҳн (тез ўзлаштира олиш қобилияти); янгиликка чан-қоқлик, илмга муҳаббат, ўта қизиқувчалик; юқсак масъулият туйғуси; ўзига ишонч, мустақил мулоҳаза юритиб, қатъий қарор қабул қила олиш; ўзига муносаб (баъзан юқорироқ) баҳо бериш ва ҳоказо.

Украиналик бир гурӯҳ тадқиқотчилар (Ю.З.Гильбух ва бошқалар) истеъоддининг ўзга аломатларини ҳам таъкидлаб кўрсатади: қўйилган масалани ҳар томонлама чуқур таҳлил қилиш орқали унинг

моҳиятини англаш; келгуси қадамлари, ҳатти-ҳаракатларини режалаштира билиш, башорат қила олиш; кам маълумот асосида ҳам муҳим холосалар чиқариш; ўз мақсадларини аниқ ва яққол тасаввур этиш; эришажак натижаларининг сифат мезонларини мунтазам назоратда тутиш ва ҳоказо.

Россиялик олимлар Д.Б.Богоявленская ва В.И.Панов истеъод белгиларини икки гуруҳга бўлишни тавсия этади. Улардан бири амалий кўринишда бўлиб, ҳатти-ҳаракатнинг ўзига хослигига ифодаланади. Иккинчиси — мотивация, яъни ички туртки вазифасини бажарувчи туйғулардир.

Биринчи гуруҳга мансуб истеъод белгилари қўйидагилардан иборат:

1. **Фаолиятга ёндашишнинг умумий стратегияси (тамойили):** муайян соҳани (хунарни) тез ўзлаштира олиш, юқсак даражада сифатли бажара билиш, кам меҳнат сарф қилиб, кўпроқ самарага эришиш, соҳанинг (хунарнинг) истиқболдаги равнақини белгилаш салоҳияти.

2. **Фаолиятдаги ўзига хослик:** юқори самарадорлик ва бетакрор ижро маҳорати.

3. **Билимнинг теранлиги,** мураккаб воқеликда изчиллик ва тартибни кўра олиш, оддий ҳодисаларда умумийлик ёки тизимга дахлдорликни пайқай билиш.

Мустахассислар фикрича, истеъоддининг асосий белгилари қўйидагиларда намоён бўлади: юқори даражада синчков назар ёки сезгирилк; бирор бир иш билан шуғулланганда, унга бутунлай берилиш; билишга интилишнинг кучлилиги, жўн машғулотлардан қочиш, жавоби тайёр ёки осон масалаларга қизиқмаслик, уларни ёқтиримаслик; антиқа, зиддиятларга тўла, мураккаб муаммолар ечимини излаш; танқидий тафаккур тарзи, жумладан, ўз-ўзини тергаб туриш; мудом камолотга интилиш, ўз олдига мураккаб, ўта қийин мақсадларни қўя олиш ва ҳоказо.

Болада ушбу белгиларнинг бўлиши истеъод ҳақида фақат гумон қилиш имкониятини беради, унинг шубҳасиз мавжудлигини билдиримайди. Яъни, истеъоддли боланинг ҳатти-ҳаракатлари бир вақтнинг ўзида мазкур белгиларнинг бар-

часига мос келиши шарт эмас. Шунга қарамай, болада санаб ўтилган белгилардан ҳеч бўлмаса биронтаси яқол кўзга ташланиб турган бўлса ҳам, мутахассислар, атрофдагилар унга алоҳида эътибор бериши тақозо этилади.

Шу билан бирга, айрим ҳолларда истеъодли болада шундай хусусият ва сифатлар ҳам бўладики, ундан атрофдагилар безиб, қочиб юради. Бундай пайтда боланинг ҳаётга мослашуви бир қадар қийин кечади, унинг ташки мухитга, жамоа ва оила шароитига кўникуvida муаммолар пайдо бўлади.

Булар: сұхбатдошни, ким бўлишидан катъи назар, охиригача тингламаслик ёки тинглай олмаслик; атрофдагиларнинг хато-камчиликларини аямай айтиш, танбех бериш, тузатишга интилиш; баъзи одамлар устидан очиқасига кулиш; мактаб таълимига салбий муносабат; ота-онаси билан муносабатнинг носозлиги; фалсафий, умумбашарий масалаларга шўнгигиб кетиш; ёши, жисмоний ривожлангани, ижтимоий ва интеллектуал салоҳияти орасида мутаносибликнинг йўқлиги; ўз-ўзини такомиллаштириш, ривожлантиришга қаратилган хатти-ҳаракатлари яқол, кўргазмали тус олиб, бунда атрофдагиларнинг гашини келтирадиган хусусиятлар ҳам мавжудлиги ва бошқалардир.

Бу хусусиятларнинг оддий болаларда ҳам учраши назарда тутилса, истеъоддин аниқлашнинг нақадар қийин ва мураккаб жараён экани аён бўлади. Муайян бир боланинг истеъодди кўп жиҳатдан шартли эканини унутмаслик лозим. Ҳаттоки, ўта нодир қобилият ҳам келажақдаги ютуқларни бевосита кафолатлай олмайди. Шуни назарда тутиш керакки, болалиқда намоён бўлаётган истеъодод, қанчалик қулай шароит яратилмасин, баъзан секин-асталик билан, айрим ҳолларда сезиларли суръатда сўниши мумкин. Шу боис мутахассислар “истеъодли бола” иборасини ишлатмасликни тавсия этади. Чунки шаклланган истеъод ҳақида иккilanмай айтиш учун аниқ далиллар бўлиши керак. Камдан-кам ҳолларда болалиқдаги истеъоддод умр бўйи юксалишда бўлади. Навоий, Пушкин, Грибоедов,

Винер каби мутафаккирлар истеъодди бунинг исботидир.

Нодир қобилияти билан тажрибали мутахассисларни ҳам лол қолдирган иқтидор эгалари кўпинча балофат ёшига етгач, интилиш ва қизиқишлиаридан кечиб, оддий турмуш одамига айланади. Шу билан бирга, мутахассисларнинг таъкидлашича, болалиқда алоҳида хусусияти билан кўзга ташланмаган, ўртacha баҳоға ўқиганлар орасидан салоҳиятли, шеърият, мусиқа ёки тилларни ўрганишга иқтидорлилар етишиб чиқиши мумкин. Истеъоддод муаммосининг таникли тадқиқотчиси профессор Н.С.Лейтеснинг таъкидлашича, кишининг ўзига хос қобилиятини аниқлаш маҳсус методика ва психологик кузатувларсиз амалга ошмайди. Ёрқин истеъоддин пайқаш учун кўп нарса талаб қилинмайди. Лекин айнан аниқланмаган иқтидор эгаси эътиборсиз қолиб кетади. Баъзан бу каби болаларнинг бир қисми, қобилиятини намоён эта олмай, ночорлиқда ҳаёт кечириши ёки ноёб иқтидорини бефойда, ҳатто жиной фаолиятга йўналтириши ҳам мумкин. Уларнинг салоҳиятини вақтида сезиб, эътибор кўрсатилса, унинг муайян соҳада ихтиrolар қилиши, жамиятни юксалтиришга муносиб ҳисса кўшиши кўп бора исботланган. Исаак Ньютон ва Альберт Эйнштейн қисмати бунинг ёрқин далилидир.

### Истеъоддодни қандай аниқлаш мумкин?

Ёшлигига аниқланмаган истеъоддод нафақат боланинг ўзи ва ота-онаси учун, балки жамият учун ҳам катта йўқотишадир. Шу сабабли олимлар қандай усоллар билан бўлмасин, болада истеъоддининг ҳеч бўлмаганда бирон белгисини барвақт топишга уринишни, унга эътиборни кучайтириб, лаёқатини такомиллаштиришга ҳаракат қилишни тавсия этади.

Таассуфки, баъзан нафақат педагоглар, ҳатто ота-оналар ҳам ўта зеҳнли, бетакрор хислатли болаларига бефарқ қарайди ёки шундок кўзга ташланиб турган истеъоддод белгиларини пайқамайди.

Боланинг юқори дараражадаги умумий ва новербал ақлий заковатини, баъзан эса юқори савиядаги ижодий тафаккурини психологияк таҳлил ва маҳсус тестлар орқали аниқлаш мумкин.

Истеъдодли боланинг жамиятда етарлича қадрланмаслигига мактаб баҳолари ҳам сабаб бўлиши мумкин. Маълумки, аксарият ҳолларда мактаб баҳолари оғзаки ёки ёзма нутқнинг ривожлангани, ўкувчининг фаоллиги, одоби, катталарнинг гапига қулоқ солиши ва бошқа хусусиятларини инобатга олган ҳолда қўйиладики, аслида улар ақлий заковат ёки ижодкорлик дараҷасини белгилай олмайди.

Шунинг учун ҳам илмий асосланган психологияк ташхис нафақат ҳар бир бола, бутун жамият учун ҳам аҳамиятлайдир. Истеъдодни у намоён бўладиган фаолият турига кўра табақаларга ажратиш мумкин. Масалан, академик соҳа (ўқиш ва ўзлаштиришдаги катта ютуқлар), ақлий заковат, ижодий, бадиий дид, мулоқот ва бошқарув, психомоторика (жисмоний фаолият) каби йўналишлар шулар жумласидандир.

Таъкидлаш керакки, фаолиятнинг бу турларида муваффақиятга эришиш талблари бир-биридан фарқ қиласди. Айримлари машаққатли меҳнат ва узоқ муддатни тақозо этса, бошқаси учун туфма салоҳият зарур бўлади.

Бугунги кунда истеъдодга мувофиқ табақалаштиришда кўпроқ боланинг психологияк ва психофизиологик имкониятлари, индивидуал хусусиятлари эътиборга олинмоқда. Буни психомотор, интеллектуал, ижодий йўналиш, аниқ фанлар, ижтимоий соҳалар бўйича таҳлил қилиш мухим натижалар беради.

Психомотор қобилият ҳаракатнинг шиддати ва аниқлигини уйғун бажаришни таъминлайди. Буни маҳсус тестлар орқали аниқлаш ва шу асосда истеъдодга ташхис қўйиш мумкин. Айниқса, касбга йўналтириш ва танлаш лозим бўлганда психомотор қобилиятга зарурат туғилади. Болаларни балет, рақс, цирк ёки спорт тўгаракларига танлаш шулар жумласидандир. Интеллектуал соҳада истеъдод одатда маҳсус тестлар ёрдамида интеллектуал коэффициент (IQ) кўринишида

аниқланади. Заковати ривожланган кишилар кўп соҳаларда ишнинг кўзини билib, ўта нозик дид, донолик билан фаолият кўрсатади, аксарияти янги ихтиро ва кашфиётлари орқали ном қозонади.

Аниқ фанлар бўйича истеъдодлilar эса таълимда кўпроқ натижаларга эриша олади. Улар назарий билимларни кенг доирада, енгил ўзлаштиради, ўзига хос тафаккур ва мустаҳкам хотирага эга бўлади. Бундай истеъдодни аниқлаш учун одатда маҳсус стандартлаштирилган билим тестларидан фойдаланилади.

Ижтимоий қобилият мураккаб воқелик бўлиб, мулоқот маданияти ва ижтимоий фаоллик билан боғлиқдир. Бу турдаги иқтидорни аниқлашда муомаланинг турли шакллари қўлланилади. Ижтимоий ривожланганлик дараҷаси текширилади, жамоани бошқара олиш салоҳияти, ижтимоий онг савияси ва бошқалар маҳсус методикалар ёрдамида ўрганилади.

Ижодий қобилиятга нисбатан эса бирбирини инкор этмайдиган икки хил ёндашув бор. Биринчисига асосан у қобилият деб тасаввур қилинса, иккинчисига кўра эса шахсий фазилат деб қаралади. Шу сабабли бундай салоҳият ҳар қандай ёшда, ҳар қандай касб-корда намоён бўлавериши мумкин. Лекин ижодийлик санъат, фан ва ишлаб чиқаришда энг катта самара беради. Шубҳасиз, ижодий истеъдод алоҳида фарқ қилиниши керак. У шахснинг олий фазилати бўлиб, ижтимоий қимматга эга бўлган ихтиrolар ва кашфиётлар асосидир. Шу билан бирга, истеъдоднинг бу турига ташхис кўювчи психодиагностик методика ишлаб чиқилмагани мутахассисларни анча қийин аҳволга солиб қўяди.

## Истеъдодни тарбиялаш муаммолари

Истеъдодли болалар ва ўсмирлар тарбияси ўта муҳим ва мураккаб масаладир. Америкалик мутахассисларнинг бу борадаги 85 йиллик тажрибаси ҳам иккиланмай бир қарорга келиш имкониятини бермаган. Ҳамма гап шундаки, бу масалага доир ягона таълим дастури ҳанузгача яратилмаган. Бу шундан гувоҳ-

лик берадики, ҳар бир истеъдодли бола ўзига хос ва такрорланмасдир. Агар фақат математика соҳасидаги истеъдодли болаларни бир синфга жамланганда ҳам улар орасида муайян тафовут борлиги маълум бўлади. Шу сабабли истеъдодларни тарбиялаш усуллари ҳам турличадир.

Баъзи истеъдод эгаларини (масалан, мусиқа, балет, спорт соҳаларида) маҳсус ўқитиш юқори самара берса-да, интеллектуал қобилияти ўта ривожланган болаларни ажратиб ўқитишнинг ижобий жиҳатлари билан бирга салбий томонлари ҳам мавжуд. Афзал жиҳати шундаки, у орқали энг мақбул, чуқурлаштирилган ва тезлаштирилган таълим жарагёнига эришилади. Бунинг учун мазкур синфларда педагогик салоҳияти юқори бўлган, тажрибали, ўз фанини мукаммал биладиган ўқитувчилар дарс бериши зарур.

Айни пайтда истеъдодли болалар синфини ташкил этишининг ижобий бўлмаган жиҳатлари ҳам бор: болаларнинг мулокот доираси тораяди, ўқувчиларда алоҳидалик, танланганлик руҳи, гурури пайдо бўлади. Элитар таълим деб аталадиган бу таълим тизими аксарият ҳолларда болаларда манманлик, бошқаларни назар-писанд қиласмаслик, худбинлик каби хислатларни шакллантиради.

Таъкидлаш керакки, истеъдод эгасига қайси шароитда таълим беришдан қатъи назар, унинг нимага йўналтирилиши ва қандай ўқитилиши мухим аҳамиятга эга. Аксарият машхур олимлар, истеъдодли ёзувчи-шоирлар, илғор ихтироичиларнинг оддий, умумтаълим мактабларини тугатгани ҳам буни тасдиқлайди.

Асосий фикр шундан иборатки, истеъдоднинг мураккаб табиатига тўлиқ мос

келадиган таълим тизими ҳали яратилмаган. Бироқ ҳар бир ўқувчи шундай таълим олиш шароитига эга бўлиши керакки, токи бу усул унгагина хос имкониятларни иложи борича тўлақонли юзага чиқарсин. Шунинг учун табақалаб ўқитиш, индивидуаллаштирилган таълим, шахсга йўналтирилган таҳсил йўналишлари барча мактаб ўқувчиларига етиб бориши ўта долзарб ва мухим вазифадир.

Алоҳида қайд қилиш керакки, бу борада қадимдан ўз самарадорлиги билан қадрланиб келаётган “устоз-шогирд” усули — чет элларда тьютор, яъни мураббийлик, деб аталадиган тизим алоҳида аҳамиятга эга. Лекин устоз-шогирд тизимини ортиқча расмийлаштириб, ҳисботларга киритиш, барча ўқитувчиларни шунга мажбур қилиш керак эмас. Ўқувчи ўзига устоз, мураббий сифатида моҳир ўқитувчиси ёки етук олимни, истеъдодли шоир ёки ёзувчини, ишлаб чиқариш илғори ёхудном таратган шифокорни танлаши мумкин. Мухими, бу шахслар айни шу истеъдодли бола билан индивидуал ишлашни ўз зиммасига олиши зарур.

Истеъдодли болалар билан ишлашнинг шакл ва методлари, уларга бериладиган таълим мазмуни каби жуда хилма-хил бўлиб, энг асосийси, истеъдодли болалар билан шуғуллана оладиган мутахассисларни тайёрлашга алоҳида эътибор қаратиш лозим бўлади.

Умуман олганда, истеъдодли болаларнинг ички имкониятларини юзага чиқариш учун зарур шарт-шароит яратиш, уларни тўғри танлаш ва мунтазам равишда тарбиялаш бориш билан изчил шуғуланиш ҳар қандай ривожланаётган мамлакат кун тартибида турган долзарб вазифа, истиқболнинг устувор дастури бўлмоғи керак.



ШАРКУ ФАРБ ФАЛСАФАСИ

Шухрат СИРОЖИДДИНОВ



# Islam Falsafasi қалдай рәүде бөлгөн?

## Хаёттый эҳтиёж

Ислом динининг илк шаклланиш даврида ақида, ибодат, ҳуқук, диний жамоа, давлат ва ҳокимият масалаларида баҳс кўтарилимаган. Мұхаммад алайҳиссалом барча ҳукмларни вахий орқали олар ва уларни сўзсиз бажариш мусулмонлар учун фарз эди. Айтиш мумкинки, Пайғамбар ҳаётлигига ислом жамияти мустаҳкам ва ишончли таянчга эга бўлган. Мусулмонлар Пайғамбарнинг шахсияти, жозабали нутқи, ҳаёт тарзи, ахлоқ-одобига фидойиларча тақлид қилас, айниқса, қалб осудалиги ва хотиржамлигига, руҳий таскин топишга интилган одамлар учун у ибрат намунаси эди. Унинг ўғитлари мұхокама ва мушоҳадага ўрин қолдирмас, ундан тараалаётган иймон нури ишонч ва эътиқодни мустаҳкамлар эди. Турган гапки, вахий бор экан, ҳақиқатнинг бошқа манбаи ҳақида ўйлаш зарурати сезилмаган. Асосийси — вахий орқали нозил бўлган оятларни ёдда сақлаш, тушуниш ва ҳаётга татбиқ қилиш эди. Бу эса

Қуръон ҳукми ва Пайғамбар суннатидан оғишмасликни тақозо этган.

Пайғамбарнинг вафоти мусулмон жамияти олдига икки муҳим муаммони кўйди. Бири — илоҳий ваҳийнинг тўхташи бундан сўнг ислом қоидаларини идрок этиш ва эътиқод билан боғлиқ масалаларни ечишда мантиққа суюнишни талаб қилиши бўлса, иккинчиси, Пайғамбар суннатини давом эттиришга бурчли арбобларнинг дин ривожини таъминлашдаги маҳорат ва қобилияти, шунингдек, умматни бошқаришда одилликни қайдаражада ўзлаштиргани шубҳа остига олина бошлаганидир. Аслида мусулмонлар ўртасидаги дастлабки келишмовчиликларга ана шу кейинги муаммо сабаб бўлди. Ихтилофлар аста-секин кескинлаша борди.

Мусулмонлар орасидаги бўлиниш суннийлар, шиалар, хорижийлар каби оқимларни тарих саҳнасига чиқарди. Улар ўртасидаги ихтилофлар, турли сиёсий ва ижтимоий кўтарилишлар негизини ҳокимият учун кураш ташкил этган. Ҳар учала оқим ўз иddaо-

Шухрат СИРОЖИДДИНОВ. Филология фанлари доктори, Жаҳон тиллари университети проректори

ларида Куръони карим ва Пайғамбар ҳадисларига таяниб фикр юритар эди.

Шу ўринда ўзаро келишмовчиликлар сиёсий тизимда маълум даражада қонунчилик танглигини чукурлаштиргани ҳақида айтиб ўтиш керак. Ўзаро зиддиятни назарий жиҳатдан ажрим қилиш зарурати пайдо бўлди. Бу эса фикҳ асосларининг юзага келишига шароит яратди (Қаранг: *Сайид Мухаммад Хотамий. Ислом тафаккури тарихидан. Форсчадан Н. Комил тарж. Т., 2003, 21-22-бетлар*). Уламолар жамоа орасида катта таъсир кучига эга эди. Ислом қарор топган дастлабки даврда фикҳий-хукуқий меъёрлар ибтидойи қўринишда бўлган бўлса, кейинги асрда Куръони карим ва ҳадисларга асосланиб, бирмунча мурракаб қонунлар ишлаб чиқила бошлади.

Куръон матнларини зоҳирий талқин қилиш кундалик турмуш тарзига тўғри келмай қолди. Масалан, даромаднинг қирқдан бирини тўлаш ҳақидаги хўкмда тилла назарда тутилганми ё кумуш; ёки ҳар иккаласидан ҳам шунчадан тўлаш керакми; бу хўкм қимматбахо тошларга ҳам тегишлими ёки йўқми, деган саволлар пайдо бўлди. Хукуқий тизимда мантиқий ечимга эҳтиёж туғилди. Фақиҳлар орасидан халифа ва амирларнинг ҳомийлиги остида кун кечирадиган ва уларнинг манфаати йўлида хизмат қилишни ўз вазифаси деб билувчи гурух ажralиб чиқа бошлади. Куръон оятларини таъвил қилиш дастлаб шу сабабларга кўра бошланган кўринади. Аммо бундай уринишлар қаттиқ қаршиликка учради. Баҳс-тортишувлар бошланди. Мунозаралар доираси борган сари кенгайиб, ижтимоий соҳаларни ҳам қамраб олди. Бироқ бу муаммоларнинг фалсафага дахли йўқ эди. Фалсафа кеийинроқ пайдо бўлди. Вақт ўтган сари Пайғамбар ва унинг саҳобалари даврида қўрилмаган янги эҳтиёж-талабларнинг келиб чиқиши, ижтимоий ҳаётда юз берган замонавий ўзгаришлар турли фикҳий-мазҳабий қарашларга замин тайёрлади. Шу жумладан, бошқа динга мансуб ҳалқларнинг исломга кириши, ўзга маданият ва эътиқодларнинг яшовчанлик кучи, ёт мағкураларнинг ислом асосларига зарба бериш хавфи мусулмон мутафаккирларини янги билимлар манбани қидиришга мажбур қилди. Иш шу даражага етдики, фикҳ доирасида баъзи мутафаккирлар (масалан, Абу Ҳанифа) Куръони карим ва ҳадисга кўшимча равишда ижмо ва қиёсни — ҳаётий тажрибага суюнишни тавсия қилди.

Шариат илмларининг ривожи, айникиса, ижмо, қиёс усуллари мусулмонлар олдида кўндаланг бўлган диний ибодатлар билан боғлиқ кўплаб муаммоларни бартараф этди. Шу билан биргага, мазкур усуллар дин асосларини фалсафий мушоҳада қилишга ҳам йўл очиб берди. Бундан ташқари, содда фалсафий мушоҳадаларнинг пайдо бўлишида христиан илоҳиётшунослигининг ҳам муайян даражадаги таъсирини инкор этиб бўлмайди.

Мусулмонлар христиан таълимотидан яхши хабардор эди. Афина, Константинополь, Антиоҳ шаҳарларидағи қадимий фалсафа мактаблари анъаналарининг христиан дини доирасида сақланиб қолгани улар билан бақамти яшаётган мусулмонларга буни ўрганиш имкониятини яратди.

## Христиан илоҳиётшунослиги тарихидан

Ислом фалсафаси тарихий илдизларини очища христиан илоҳиётшунослиги тараққиётига ҳам назар ташлаш эҳтиёжи сезилади.

Грек ва Эллин фалсафаси руҳида вояга етган эллин фозиллари ўзгача тасаввурлар оламида яшаган. Христиан динини мустаҳкамлаш учун христианлар ва юонлар ҳаёт тарзини уйғунлаштириш мухим ҳаётий масала эди. Христианлар олдида иккى йўл бор эди: бири — Инжилни грек тилига таржима қилиш ва бу фояни уларга сингдириш; иккинчиси — бутун грек фалсафасини бутпраст-мажусийларга хос гумроҳ таълимот сифатида қоралаб, Инжил тили билан улар ўртасида тушунтириш олиб бориш. Шу тарика христианлар орасида ҳар иккала йўл тарафдорлари пайдо бўлди. Биринчи йўлни танлаган илоҳиётчилар фикрича, грек мажусий фалсафий таълимоти ҳам Худо томонидан яратилган. Шунинг учун унга ижобий қараш лозим. Христиан динини фалсафа ёрдамида тушунтиришнинг ёмон жойи йўқ ва бундан кўрқиш керак эмас. Бундай қараш тарафдорлари кейинчалик католик христи-



анлари деб аталди. Иккинчи гурӯҳ эса фундаменталистлар бўлиб, фақат Инжилда, хусусан, унинг Янги Аҳд қисмидагина христиан ҳақиқатини уқиш мумкин, бу ҳақиқат грек фалсафасига ўхшаш мажсусий анъаналар билан булғанмаслиги лозим деб ҳисоблади.

Биринчи йўл тарафдорларининг Инжил маъноларини грек ва эллин фалсафалари ёрдамида тушунтиришга ҳаракати христиан теологияси — илоҳиётчилигининг шаклланишига олиб келди. Христианлик ва неоплатонизм синтезлашди. (Бу ҳақда қаранг: *Скирбекк Г., Гилье Н. История философии. М., “ГИЦ Владос”, 2000, стр. 179*)

Инсон — яратилмишлар орасида энг шарафлиси, барча одам бир хил қадрга эга қабилидаги христиан тушунчалари стойикларга хос инсоннинг табиий ҳуқуқлари, умуминсоний тенглик ва ўзаро биродарлик foяларига жуда мос тушар эди; барча бажариши вожиб бўлган биргина қонун бор, у ҳам бўлса Худонинг каломидир. Унга кўра, жами одам тенгdir.

Христианлар фикрича, тарих, стойиклар айтгандек, доирасимон эмас ва айланниб таҳорланмайди, балки тўғри чизиқ бўйлаб ҳаракат қилади. Тарих фақат олдинга юради ва қиёмат кунида охирига етади. Тарих бу: инсоннинг яратилиши — гуноҳга ботиши — Исонинг туғилиши — Исо Масих ҳаёти ва қайта тирилиши, умумий ҳисобда, гуноҳ ва нажот топишга интилиш ўртасидаги курашдан иборатdir.

Христиан динини қабул қилган юонолар ичida жуда кўп файласуфлар бўлиб, улар фалсафани христианлик либосига ўрашга ҳаракат қилди. Бу ҳаракатнинг олдинги сафларида гностиклар турди. Гностицизм милоднинг 150-йилларида фоят равнақ топган. У ёвузликнинг келиб чиқиши сабабини ахтаришга бўлган табиий интилиш маҳсулни эди. Миср ва Суриядаги гностицизмнинг машҳур мактаблари бўлган.

Гностиклар Худо ва материя ўртасидаги қарама-қаршиликни бартараф этишга ҳам бел боғлади. Бунинг учун улар ўз таълимотларига эманация (илоҳий нурланиш, тажаллий) foясини киритди. Бу таълимот бўйича, илоҳий нурланиш жараённада руҳонийлик камайиб, моддийлик кўпайиб боради.

Гностикларнинг наздида, материя ёвузлиқидir. Чунки у мутлақ Руҳдан яралган ва материя билан кўшилиши мумкин эмас.

Одам шаклидаги Исо аслида Руҳ бўлиб, у моддий жисмда кўринади, холос. Xочга тортилиш асносида Руҳ — Исо Масих танани ташлаб кетган, хочда эса Одам — Исо ўлган.

Гностиклар Исонинг асосий вазифаси инсонга нариги дунёда нажот топиш йўлларини кўрсатиш бўлгани ҳақидаги христиан ақидасини янада ривожлантириб, шундай хос билим (гностис) борки, Исо уни фақат айрим одамларга ўргатган, деган фикри илгари сурган. Уларнинг фикрича, бу одамлар олимлар бўлиб, авом бундай илмларни тушунишдан ожиз. Улар даражасига етиш, уларнинг илмларини ўрганиш гностис (маърифат) орқали амалга ошади. Бу эса инсон нажот топишининг энг самарали усулидир. Ана шу хос илмни ёгаллаган валийлар самога, Тангри ва Исо ҳузурига кўтарила олади. Faflatda юриб, маърифатини оширмаганларга у ерда жой йўқ. Улар абадий азобукубатга маҳкум.

Христиан таълимотининг фалсафийлашувида II-III асрларда пайдо бўлган апологетларнинг ўрни каттадир. “Апологетика” сўзиининг луғавий маъноси “ҳимоя қилиш” бўлиб, христиан дини ақидаларини турли хужумлардан муҳофаза этишга қаратилган. Апологетлар юқори доираларда христиан динига нисбатан хайриҳоҳлик уйғотишга ҳаракат қилган.

Уларнинг асарларида христианлик моҳијатига мантиқий тафаккур билан ёндашишга чақирилган. Бундан мақсад христиан динини тушунарли талқин қилиш ва юон ўлкасида христиан динини сингдириш эди. Апологетларнинг таъкидлашича, тарихий ҳақиқат ва ҳаётий фалсафа айни христианликада тажассум топган.

185 ийли Александрияда бутпарастликдан воз кечганлар мактаби очилади. Бу мактаб ўз олдига христианликка фалсафий асос берилб, уни муайян тизимга солиш мақсадини қўйган эди. Зоро, улар фалсафа христиан илоҳиётчилиги асосларини ишлаб чиқиш имкониятини очади, деб ҳисоблаган.

190 йилдан Александрия мактабига раҳбарлик қилган Климент христиан фалсафасини ишлаб чиқиши уринди. У юон фалсафасига ҳаддан зиёд ижобий муносабатда бўлди ва шунинг учун 202 ийли тазиқлар остида бу мактабдан кетди. Унинг фикрича, модомики ҳамма ҳақиқат фақат Худога хос экан, унда юон фалсафаси ҳам Худога хиз-

мат қилиши, христианлик эса аста-секин юонон фалсафасига сингиб кетиши керак эди.

Христиан динига фалсафий тус бериш Августинга (354-430) насиб қилди. У христианлик ва неоплатонизм гояларини бирлаштирди. Унинг фикрича, инсон илоҳий мададга муҳтож. Тўғри, у ирова эркинлигига эга, бироқ Худонинг инсон пешонасига ёзib қўйган најот йўли — тақдирдан четта чиқа олмайди. Августин неоплатончиларнинг руҳ ва тана муносабатлари ҳақидаги тушунчаларини кўллади: Руҳ — инсондаги илоҳий неъмат, тана эса гуноҳлар манбаи. Инсон имкон қадар тувужд ҳоҳишлидан қутублиб, диккатини Руҳда жамлаши ва шу тариқа Худога яқинлашиши керак. Августин одамнинг ибтидода гуноҳга ботгани масаласини ҳам назардан қочирмайди. Руҳ бевосита гуноҳ таъсирини сезиз туради. Ҳар бир банданинг қалбida эзгулик ва Иблис курашади. Шунинг учун ҳам ирова масаласи Августин таълимотида муҳим ўрин туттган.

Августиннинг ирова борасидаги қурашлари грекларга ёт. Уларда ирова — куч, ақл-тафаккур орқали эзгуликни тушуниш воситасидир. Греклар ақлий тафаккурга сунгган. Тафаккур иродадан устун қўйилган. Августин бунинг аксини исботлашга уринди. У хиссиётлар инсон ҳаётида ақлий тафаккур тарафдорлари ўйлагандан кўра кўпроқ аҳамиятга эга деб ҳисоблади. Шу тариқа стойикларнинг холис ёндашувини шубҳа остига олди. Унингча, инсон мустақил равишда ҳиссиётларини идора эта олмайди. Бунда эътиқод бошқарувчи кучдир. Худо ҳақидаги ҳақиқат ақл билан эмас, эътиқод орқали англанади. Эътиқод эса ақлдан кўра иродага таалуклидир. Сезги ва қалбнинг ўрнини таъкидлаган ҳолда, Августин эътиқод ва билимнинг узвийлигини қайд этади. Шу билан бирга, у тафаккурни муносиб баҳолайди. Унингча, эътиқод ва тафаккур бир-бирини тўлдиради: “Эътиқодни кучайтирмоқ учун тафаккур кил! Тафаккуринг теран бўлишини истасанг, эътиқодга таян!”

Августинча билиш назариясининг характерли томонларидан бири христиан мистицизмидир. Унинг асосий ўрганиш обьекти — Худо ва инсон руҳи. Билиш назариясидаги иррационаллик, яъни ироданинг рационал-мантиқий омиллардан афзаллиги Августин таълимотида эътиқоднинг ақлдан устунлиги орқали ҳимоя қилинади. Унингча, ин-

сон учун буюк мартаба ақлий салоҳият эмас, балки диний ақидаларни қалбдан англаб етишдир. Худога ишониш — билишнинг бошлангич омили.

Бундан теологнинг эътиқод тушунчасига экзистенционал нуқтаи назардан ёндашганини англаш мумкин. Эътиқод, бу — ҳақиқатни шунчаки қабул қилиш эмас, унга қатыйи ва мутлақ ишонишдир.

“Яхши инсон ишқ ва ҳижронни ҳис эта олиши, уят ва тавбани билиши керак”, дейди Августин. Чин инсон Худога ва инсонларга нафақат дўстона муносабат билан, балки жўшқин ҳамда самимий ишқ билан боғланган. Инсонга ирова эркинлиги берилган. Инсоннинг хатти-ҳаракати бутунлай иродага боғлиқ. Одамзод Худони излайди, унинг Каломига эргашади ёки ундан юз ўгириб, гуноҳ ишлар содир этади. Эркин танлов ҳолатидагина гуноҳ ҳақида сўз юритиш мумкин.

Августин фалсафасида яхшилик ва ёмонлик, улар ўртасидаги фарқ масаласи муҳим ўрин туттади. Унингча, Худо яратган дунё эзгуликка асосланган. Иккинчи томондан эса, ёмонликнинг мавжудлиги шубҳасиздир. Худо дунёни яхшилик манбаи қилиб яратган. Лекин ёвуз ирова уни заҳарлаган. Бундан, ўз навбатида, бошқа бир хулоса келиб чиқади. Мутлақ ёмонлик йўқ, мутлақ яхшилик эса бор. Ҳеч қандай яхши амаллар кўрилмайдиган жойда албатта ёмонлик юзага келади, ёмонлик — олий мақсадлардан юз ўгириш, кибр-ҳаводир. Кибр-ҳаво худосизликдан пайдо бўлади. Ёвузлик, шу тариқа, инсоннинг ирова эркинлигини нотўғри кўллаши билан боғлиқ. Одам Атога ирова эркинлиги яхши-ёмонни ажратиш, гуноҳдан сақланиш учун берилган эди. Аммо у маъсиятга кўл урди. Одам авлоди гуноҳга ботди. Шушу, гуноҳдан холи бўла олмайди. Одамзод гуноҳкор бўлгани учун ҳам, Худо уларнинг амалларига қараб баҳолайди: уларнинг бъзвилари жаннатда роҳат-фароғатда яшайди. Бу тақдир бўлиб, Худо томонидан олдиндан белгилаб қўйилган. Августин яна шуни таъкидлайдики, ёмонлик дунё мувозанатини бузолмайди, лекин дунё учун зарардир. Демак, Августин дунёда ёмонликнинг мавжудлигини инкор этмайди. Унингча, ёмонлик дунёвий характерга эга бўлиб, одамзод табиатига хос. Яхшилик — Худодан, Унинг меҳрибонлиги маҳсулидир. Инсон ўз ёвузлиги учун мукаррар суратда жавобгардир.

Агар Худо ҳаммасини олдиндан билса, унда инсон иродасини қандай тушунмоқ керак? Августин фикрича, вақтнинг иккитизими бор. Одамзод моддий олам вақти бўйича яшайди. Худо, аксинча, вақтдан ташқари мавжуд. Вақт олам билан бирга яратилган. Шу нуқтаи назардан, Худо дунёвий вақт тизимидан хориж ҳолда, инсон ҳаракатининг натижаси қандай бўлишига қараб иш кўради. Худо энг олий даражадаги моҳиятдир. Худонинг борлиги ҳеч нарсага боғлиқ эмас. Бошақ ҳамма нарса фақат илоҳий Иродада туфайли мавжуддир. Худо — мавжудликнинг, барча ўзгаришларнинг ягона сабабчиси. Худо оламни яратибина қолмай, уни сақлаб туради. Августин дунё яратилгандан кейин ўз-ўзича ривожланди, деган деистик таълимотни инкор қилди. Унинг таълимотига кўра, Худо билишининг ҳам асосий манбайдир. Үткинчи нарсаларни билиш мутлақ билиш олдида ҳеч қандай маънога эга эмас. Худо инсон руҳига, тафаккурига нур ато этади, одамзода ҳақиқатни танишда ёрдам беради. Худо энг олий даражадаги мукаммаллиқдир ва умуман, ҳамма эзгуликнинг сабабчисидир. Ҳамма нарса Худо туфайли мавжуд экан, ҳар қандай эзгулик фақат Ундандир. Шундай қилиб, олим фалсафада илоҳиёт учун кенг йўл очиб берди.

Августин дунёқарашига антик давр фалсафий доктриналаридан бири — Платон таълимотининг таъсири кучли бўлган. Теолог ўз асарларида неоплатончилар талқинидан фойдаланган. Платон метафизикасидаги фоялар, билиш назариясида мавжуд абсолютизм, борлиқ таркибидаги қарама-қарши кучларни эътироф этиш (эзгу ва ёвуз руҳлар), руҳоний оламни иррационал қабул қилиш — буларнинг барчаси унинг таълимотида муайян из қолдирди. Августин таълимоти ўрта аср тафаккурининг белгиловчи маънавий омилига айланиб, бутун Фарбий Европа тафаккурига катта таъсир кўрсатди.

Худо — билим манбай сифатида билиш назариясининг обьекти, эзгулик ва гўзаллик, ахлоқ тимсоли. Худо фақат чексиз борлиқ бўлибигина қолмай, мукаммал Ишқдир. Неоплатончилар ҳам шу тариқа назарий Фикр юритган, лекин улар таълимотида Худо алоҳида моҳият сифатида тушунилмаган. Августин назарида, олам — Худо иродасининг маҳсулни. Неоплатончилар нуқтаи назарида эса, Худо ва олам ягонадир.

Шу тариқа юон фалсафаси элементлари Инжил ҳақиқатига уйғулаштирилди. Христианлик ва юон фалсафаси ўзаро зид бўлса-да, христиан мутафакирлари ўз динларининг илоҳий моҳиятини мантиқан оқлаш учун грекларнинг фалсафий техникаси, фояларидан фойдаланди; ўз қарашларини стоицизм ва платонизм асосида ривожлантириди.

Шундай қилиб, оламнинг тузилиши, Оллоҳ таоло зоти ҳақидаги тасаввурларни бир тизимга келтириш соҳасида христианлар кўлга киритган ютуклар, уларнинг юонча тафаккури мусулмонларга ҳам қўл келиши мумкин эди.

## Мафкуралар тўқнашуви ёхуд “Калом”нинг туғилиши

Юон фалсафаси моҳиятини ўрганишга бўлган талаб мусулмон дунёсида ҳам астасекин кучайди. Плотин, Порфей, Прокл, Жон Филопон номлари араб оламида машхур бўлиб кетди. Аммо Аристотель (Арасту) ва Платон (Афлотун) машхурлиқда барчасидан ўтиб тушди. Ҳатто Аристотелга тегишли бўлмаган баъзи асарлар ҳам унинг номи билан боғланиб кетди. Масалан, “Арасту илоҳиёт” аслида Плотиннинг “Енниад” (Enneads) асарининг 4-5-қисмлари эди. Проклнинг “Liber de Causes” асари ҳам Аристотелга нисбат берилди. Ўша даврда кўпгина ислом файласуфлари табобат билан шуғулланарди. Шунинг учун улар кўпроқ Гален, Гиппократ, Евклид ва Архимед ишларига мурожаат қилган (*Oliver Leaman. An introduction to medieval Islamic philosophy. Cambridge University Press, 1984, p.5*).

VIII-IX асрларда фалсафий мушоҳадага интилишнинг авж олиши факиҳ ва муҳаддисларнинг диний хужжатлар асосида чиқарган ҳукмларига ишончсизликнинг ортишига олиб келди. Баҳслар кескинлаша борди.

Умавийлар томонидан ҳар қандай муҳолиф ҳаракатнинг шафқатсизларча бостирилиши норози кучларнинг халифалик марказидан узокроқ ўлкаларда паноҳ топишига олиб келди. Шунинг учун Хуросон ва Табаристон умавийларга (кейинчалик худди шундай аббосийларга ҳам) қараш кураш ўчоқларига айланди.

Тарих саҳнасига аббосийлар чиқа бошлади. Уларнинг асосий фояларидан бири дунёвийлашиб бораётган умавийлар салтанатини парчалаб, диний анъаналарни тиклаш

эди. Аббосийлар уюштирган Абу Муслим ҳаракати ҳақиқий оммавий қўзғолонга айланниб кетди. Кора тусли лиbos янги ҳаракатнинг рамзига айланди.

Аммо аббосийларнинг хукумат тепасига келиши умавийлар бошлаб берган дунёвий ҳаёт тарзига чек қўя олмади. Бунинг иложи ҳам йўқ эди. Чунки кенг ҳудудларга тарқалган улкан империяни бошқариш тизими давлатнинг дунёвий бўлишини объектив тарзда тақозо этарди.

Аббосийлар пойтахтни Дамашқдан Бағдодга кўчиргач, халифаликда араб бўлмаган ҳалқларнинг таъсири ортди. Ҳорун ар-Рашид даврида аббосийлар давлати қурдатли салтанатга айланди. Умавийлар юон тафаккури таъсирида бўлган катта ҳудудда, шу жумладан, Византия ҳукми остидаги Европада ҳукмонлик қилган бўлса, энди нафақат уларга қарашли ерлар, балки Сурдия ва Миср, бутун Эрон ва Марказий Осиё ҳам аббосийлар иختиёрига ўтди.

Аббосий халифалар диний билимларни шарҳлаш ва дунёвий дунёқарашни чукурлаштириш ишларига жиддий эътибор қаратиб, юон ва ҳинд фалсафаси хисобига ислом фалсафасини бойитиш йўлуни танлади. Чунки исломни фалсафий тушунишни рафбатлантириш давлат сиёсий-хукукий тизимини мустаҳкамлашга хизмат қилас эди. Юон, ҳинд, пахлавий тилидан турли фанларга оид асарлар араб тилига таржима қилинди. Ҳорун ар-Рашид (763-809) юон тилини ва грек олимлари меросини ўрганишни астайдил қўллаб-қувватлади. У ҳатто одамларини Фарбга юбориб, юон китобларини саройга келтирди. Грек фалсафий тушунчалари ва илмий истилоҳлари қайта ишланиб, араб лугати бойитилди. Шу жараёнда юон маданиятининг анча қисми ўзлаштирилди ва бунда Ҳунайн ибн Исҳоқнинг (808-873) хизмати катта бўлди. Арабларнинг асосий қизиқиши фалсафа, тибиёт, оптика, математика, астрономия, кимё каби соҳаларга қаратилди. IX асрга келиб Бағдод араб дунёсининг илм-фан марказига айланди. Араблар фақат эллин маданиятини ўзлаштирибина қолмай, ҳинд ва хитой маданиятининг илгор анъаналарини ҳам ўргана бошлади. VIII асрда мусулмонлар хитойлардан қофоз тайёрлашни ўрганди ва китобларни папирус баргларидан қофозга қўчиришга ўтди. X-XI асрларга келиб ислом

дунёсида юзлаб улкан кутубхоналар вужудга келди. Масалан, ўша даврларда Бағдодда юз мингга яқин қўлёзма китоб бўлган. Ҳолбуки, XIV асрда Сарбоннада (Париж) атиги икки минг қўлёзма китоб мавжуд эди. Римдаги Ватикан кутубхонасида ҳам тахминан шунча китоб бўлган. Мусулмонлар бой илмий мерос асосида ҳар томонлама тадқиқотлар олиб борди ва катта муваффақиятларга эришди. Уларнинг тибиёт, астрономия ва оптика фанларидаги ютуғи нафакат Шарқ, кейинги даврларда ҳатто Фарб илм-фани ривожига ҳам муҳим улуш кўшди.

Маъмун томонидан “Байт ул-хикма” — фанлар академиясининг ташкил қилиниши (832 йил) ислом фалсафаси, тибиёт ва астрономия фанларининг янада ривожланишига сабаб бўлди.

Таржималар воситасида кириб келган юон ва ҳинд фалсафий ғоялари билан танишиш мусулмонлар тафаккурини тубдан ўзгартириб юборди. Сиёсий-мазҳабий олишувлар оммавий тус олиб, баҳслар жиддийлашди. Энди диний масалаларни исломнинг илк давридаги каби юзаки ёндашув билан ҳал қилиб бўлмас эди. Оллоҳнинг зоти ва сифатлари, инсоннинг ироди эркинлиги, эзгулик ва ёвузлик манбалари ҳақидаги турли фалсафий мулоҳаза ва талқинлар юонлардан кириб келган тасаввур ва тушунчалар ҳисобига бойиб, уламолар ўртасида турли гурухларнинг пайдо бўлишига замин яратди. Гурухлар ўртасидаги баҳслар ошкора зиддиятга айланниб кетди.

Шу ўринда бу даврдаги мунозараларда бир неча машҳур мактаблар ажralиб турганини таъкидлаб ўтиш жоиз. Улар қуйидагилардир:

**Жабария.** VII аср охири — VIII аср бошида ислом илоҳиётида пайдо бўлган илк оқимлардан. Жабарийлар инсон тақдирини Худо мутлақ олдиндан белгилаб қўйган, ҳеч қандай ироди ва фаолият эркинлиги йўқ, бу сифатлар фақат Худода мавжуд, деган қарашини ўртага ташлади. Умавийлар жабарийларни қўллаб-қувватлаб, уларнинг мухолифларини таъқиб остига олди.

**Қадария.** Қадария ҳаракати умавийлар даврида пайдо бўлган. Бироқ ҳеч қачон катта куч касб этмаган.

Илк илоҳиёт оқимларидан ҳисобланган қадария тақдир ва ироди эркинлиги масаласида ўзиға хос таълимотни илгари сурди. Чунончи, жабарийлар таълимотига қарши

ўлароқ, улар инсон ўз амалининг яратувчи-си (холиқи) деб тушунтириди. Одиллик Худонинг асосий сифатларидан бири, бинобарин, у гуноҳни олдиндан белгилаб қўйган бўлиши мумкин эмас. Худодан факат адолат кутиш лозим. Гуноҳ ишлар инсон фаолияти маҳсулидир. Демак, инсон ироди ва фаолият эркинлигига эга, акс ҳолда инсон гуноҳ қилмас эди, деган холосага келади қадарийлар.

Қадарийлар сиёсатда умавийлар хонадонидан бўлган халифалар ҳокимиятига қарши турди. Шундай бўлса-да, умавий халифалардан иккитаси — Муовия ва Язид қадарийлар қарашларига мойил бўлгани манбаларда эътироф этилган. Қадарийларнинг энг йирик вакиллари Маъбад ал-Жуҳани (699-700 ёки 703-704 йилларда ўлдирилган), Жайллан ад-Дамашқий (742 йили қатл этилган), Ҳасан ал-Басрийдир (642-728).

**Муржия.** Бу алоҳида бир йўналиш эмас. Муржийлар барча мазҳаблар ичида ўз тарафдорларига эга бўлган. Улар инсон бурчи ва маслаги ҳақидаги муҳокамани “орқага суриш”га (иржая) даъват этди. Яъни, инсоннинг хатти-ҳаракати, унинг иймонини ёлғиз Оллоҳ билади ва фақат Унинг ўзи инсон устидан ҳукм қилиши мумкин, деб ҳисоблади. Бу гояни халифа Али ибн Абу Толибнинг невараси Ҳасан ибн Мұхаммад VII асрнинг 90-йилларида Ҳазрат Али тарафдорларига ёзган номаларида ифодалади. Ҳудди шу каби нормалар халифаликнинг бошқа шаҳарларига ҳам юборилди. У халифа Усмонга нисбатан содир этилган илк фитнанинг ислом дини учун ўта мудхиҳ оқибатлар келтириб чиқаришидан хавфсираб, мусулмонларни рақиб тарафни бадном этиш ҳаракатидан, гуруҳбозлик ва тарафкашликка берилиш фикридан қайтаришга уринди. Ҳазрат Али тарафдорларини бекорга қон тўкишни бас қилиб, умавийлар билан келишувга чақириди ва ҳар қандай мўмин аъмолини, хоҳ ўлган бўлсин, хоҳ тирик — муҳокама қилишни қоралади. Бу таълимит тезда Ироққа, ундан халифаликнинг шарқий вилоятларига ёйилди.

**Мұтазила.** Қадарийлар таълимотини VIII аср охирларидан изчил давом эттирган ва ислом фалсафасининг шаклланишига замин яратган тафаккур ўчоги мұтазилийлар мактабидир.

Улар исломни мантиқ асосида тушуниш бўйича бир неча гояни ўртага қўйган эди. Мұтазилийлар инсон хатти-ҳаракати ва эҳти-

ёжлари учун ўзи жавобгар, Оллоҳ ҳар бир ишда ҳақ экани ҳақидағи гояни илгари сурди. Улар Оллоҳ ҳақидағи билимларни эгаллашда ақлий-мантиқий тафаккур муҳим эканини таъкидлаган. Маъмун каби юон фалсафаси ва илмини исломлаштиришга интилган халифанинг мұтазилағо ясасыни қўллаб-куватлагани шунинг учун бўлса керак. Бу ҳаракат халифа Маъмун даврида гуллаб-яшнади. Мұтазилағо ясасы 833-848 йиллари давлатнинг расмий таълимотига айланди. Бу гояни эътироф этмаганлар таъкиб остига олинди.

Маъмун 833 йили мұтазилийларнинг муҳолифларига қарши “Миҳна” ташкилотини тузди. Диний арбоблар давлатнинг олий мансабларига тайинланиш ҷоғида мазкур ташкилот имтиҳонидан ўтиши лозим эди.

Маъмундан кейин унинг ўғли Мұтасим ва невараси Восик бу сиёсатни давом эттириб, ташкилот ваколатини янада кенгайтириди. Масалан, халифа Мұтасим Ахмад ибн Ҳанбални Куръоннинг яратилгани ҳақидағи Фирқга қўшилмагани учун хушдан кетгунча дарралаган. Халифа Восик уламоларни жазолашда ҳатто қатл қилишдан ҳам тоймаган.

Мұтазила фирқасининг пайдо бўлиш тарихи фақиҳ Восил ибн Атонинг (вафоти 748 йил) хорижийлар кўтарған масала юзасидан машхур олим Ҳасан Басрий билан мунозарасидан бошланган. Хорижийларнинг: “Гуноҳи кабира содир қилган киши муслим бўлиб қоладими?” деган саволига Восил ибн Ато ижобий жавоб қайтарган. Бундай гуноҳни содир этган киши, Восилнинг фикрича, фосиқдир (оғир гуноҳкор). Аммо бундан ортиқ эмас. Бу мулоҳаза ўтирганларни дарғазаб қиласи ва унга қарши ҳужум бошланади. Шунда Восил ибн Ато даврани намоишкорона тарк этади.

**Жаҳмия** машхур илоҳиётчи олим Абу Мұхриз Жаҳм ибн Сафрон номи билан боғлиқ.

Ибн Сафрон инсон амал, ҳоҳиши ва ироди эркинлигига эга эмас, дейди. Жаҳмийлар таълимотига кўра, инсоннинг барча ҳаракати Худо томонидан олдиндан қатъий белгиланган. Амал инсон туфайли демоқ ҳудди “дараҳт ҳосил берди”, “сув оқяпти” деган кабидир. Инсон ўз амалининг яратувчиси эмас. Иймон иккига: сўз ва амалга ажралмайди. Дин, иймон — Оллоҳни билиш; динсизлик, иймонсизлик эса Оллоҳни билмасликдир. Инсон Оллоҳга қалбда эътиқод қилиб, тilda ундан воз кечса, коғир бўлмай-

ди, мусулмонлигича қолаверади. Дин, иймон ҳаммада (пайғамбарлардан то оддий бандасигача) тенг, бир хилдир.

IX асрда бу таълимот “инкор” этила бошлади. Баъзи олимлар унинг асосий фояларини таҳрир қилиб, шариатга мувоғиқлаштирида ва бу ишни бажарганлар жабарийлар (яъни аниқлик кири тувшилар) деб аталди.

Таъкидлаш кераки, мұтазилийлар билан жаҳмия асосчиси Жаҳм ибн Сафрон (ва-фоти 745 йил) яқин алоқада бўлган (*Fakhray Majid. A history of Islamic philosophy*, p. 59). Жаҳм ибн Сафроннинг Восил ибн Атога замондош экани ҳам бу икки олим ўртасида муйян бахслар бўлганини инкор этмайди.

Жаҳмийлар ва мұтазила фоялари ўтасида ўхшаш томонлар анчагина. Масалан, Куръоннинг юратилгани, Оллоҳ зоти ва сифатларининг бирлиги фояси шу жумладандир. Бироқ жаҳмийлар иродада эркинлиги масаласига қўшимча равишда жаннат ва дўзахнинг охир-оқибат йўқ қилиниши ҳақидаги гояни кўтариб чиқкан.

Жаҳмийлар фикрича, инсон бошқа яралмишлар қатори на кудрат, на ирова ва на танлов ҳуқуқига эга.

Уларнинг фалсафий талқинлари шариат уламоларининг жиддий эътирозига сабаб бўлди, бидъат сифатида қораланди. Гурухлар ўртасидаги аёвсиз фоявий курашга ва ислом асосларига болта урилишига шариат бефарқ қола олмаслиги табиий. Айниқса, бу даврда “ал-фалсафа” — перипатетик фалсафанинг фан сифатида пайдо бўлиши шариат аҳлини чинакамига чўчитиб кўйди. Энди у бидъатни тарғиб этаётган турли савиядаги майда гурухларнинг ўзаро курашига чек кўйиш билан бирга, перипатетик фалсафага қарши мустаҳкам истехком тайёрлаши лозим эди. Халифа Мутаваккил даврида бунга қуляй имконият пайдо бўлди. У ортодоксал ислом тарафдори бўлиб, ҳадис ва фикҳнинг мавқеини тиклаш учун мұтазила оқими на-мояндапи билан курашга киришди. Бироқ халифанинг қирғинбартоли сиёсати ва ғалабадан руҳланган ҳанбалийларнинг даъватларига қарамай, дин таҳлилида мантикий-фалсафий тафаккурни чеклаш имкони йўқ эди. Ҳалқ энди бурунгидек авом эмас, ҳар бир ходисани ақл тарозисига тортарди. Қанча харарат қилинмасин, фақиҳлар ва муфассирларнинг бурунги мустаҳкам ва дахлсиз нуғузини тиклаб бўлмади. Жамиятда мантикий та-

факкур тарзи барибир устуворликка эришиб бораверди. Бу тенденциянинг ортишида кенг тарқалаётган перипатетик фалсафа ва тасаввуф фоялари ҳам муйян хизмат кўрсатгани аниқ. Шариат учун фақат бир йўл қолган эди. У ҳам бўлса, дин олимларининг эрк берилган хаёлотини шаръий ислом ақидаси ва таълимоти манбаатига хизмат килдириш эди. Бунинг яна бир объектив сабаби ҳам бор эди. Ислом янги худудларга ёйилиши билан муйян тарзда янгича диний удумлар, янги маданиятлар, одатларга дуч келди. Бу ҳол янгидан-янги масалалар, талабларни юзага чиқарди. Янги ҳалқларнинг исломга кириши натижасида улар қаршиисида ҳам турли муаммолар кўндаланг бўла бошлади. Дин асосларини мантикий жихатдан исбот қилиш ҳаёт-мамот масаласига айланди. Бу, ўз навбатида, янги foя ва йўлларнинг пайдо бўлишига олиб келиши равshan эди. Иккинчи томондан эса, халифалик ичидаги сиёсий бекарорликни бартараф этиш, мусулмонларнинг турли фирмаларга бўлиниб кетишига йўл кўймаслик зарурати уламоларни замонавий изланишларга мажбур қилди. Ушбу омиллар исломнинг фикрловчи доираларида калом баҳсларининг пайдо бўлишига замин тайёрлади. Исломда “Калом” йўналишига асос бўлган бундай баҳсларни юритувчиларга нисбатан “мутакаллимин”, яъни “сўзлашувчилар” атамаси қўллана бошлади. Бу баҳслар турли гурухларнинг жиззаки ва чапани олишувлари шаклидан мадданий мунозарага, кўпгина ҳолларда ёзма баҳслар (рисолалар) шаклига ўтиши, шариат манбаатига хизмат қилиши лозим эди.

Калом, шу тариқа, ўз тараққиёти давомида шариат илмининг таркиби қисмига айланди. Бунда Абу Ҳасан Ашъарийнинг хизмати алоҳида диққатга сазовордир. Шаръий асосдаги “Калом” йўналиши тўлиғича унинг ва Абу Мансур Мотуридийнинг таълимотларидан бошланади. Исломда уларга зид таълимотни тарғиб этган қарашлар бидъат деб эълон қилинган. Ибн Халдуннинг “Калом бидъатларга раддия сифатида пайдо бўлган. У шундай илмки, мантикий далилларга асосланган баҳс орқали дин асосларини ҳимоя қиласи ва исломиятдан адашган бидъатчиларни қоралайди”, деган таърифи калом илми тараққиётининг Ашъарий ва Мотуридийлардан бошланган янги босқичига тегишли эканини унутмаслик керак.

ИБРАТНОМА

Сайфиддин ЖАЛИЛОВ

# YONIMIZDAGI “YOMBI”LAR

## Тарих фани

Ўқиган-эшитган, кўрган-билган, шунингдек, миямга қўқ-қисдан келиб қолган фикр-мулоҳазаларни ён дафтарчамга ёзib кўядиган одатим бор. Ҳар гал дафтарчани вараклаганимда уларни бамисоли қўйма ём биларга ўхшатаман. Қўйида ана шундай маънавий “ёмби”лардан айримларини журналхонлар эътиборига ҳавола қилмоқдаман.

Жамиятнинг тараққиёт йўлини илмий асосда тарих фани ўрганади. Унинг энг қадимий қисми коинот ва жаҳон тарихидан иборат. Жамият тарихи одам боласи ишлаб чиқариш, яъни меҳнат куроллари ясаш ва ишлатишни ўрганган даврдан бошланган. У фан сифатида ишлаб чиқариш кучлари — одамзод, у ихтиро қилган меҳнат куроллари мажмуми ҳамда ишлаб чиқариш муносабатлари — ибтидой сиёсий бирлашмалардан тортиб ҳозирги давлат тузилишигача бўлган жараёнлар тарихини тадқиқ этади. Инсоният жамият шаклида умргузаронлик қила бошлагани сари тарих фанининг мазмуни ҳам кенгайиб борган.

Шу ўринда таъкидлаш жоизки, тарих ҳар қанча муракаблашса-да, фан нуқтаи назаридан ўзига хос қонуниятлари асосида ривожланаверади. Шу билан бирга, бирон бир тарихий воқеа юз берган пайтда уни келтириб чиқарган объектив қонуният ҳар доим ҳам дарров кўзга ташланавермайди. Бунга мисол тариқасида собиқ шўро тузумини келтириш мумкин. 1917 йилги давлат тўнтариши натижасида пайдо бўлган коммунистик диктатура ўз вақ-

тида энг адолатли тузум деб аталди. Холбуки, эндиликда у энг мустабид тузум сифатида ўтмиш саҳифаларидан жой олди.

Фалсафа илмида ҳам шундай қонуният мавжуд: бирон бир воқеанинг моҳияти ва сабаблари вақт ўтиши билан аён бўлади. Бинобарин, у ҳақида тўғри хулоса чиқариш учун ҳам бир оз муддат ўтиши талаб этилади. Шундагина ҳақиқат юзага чиқади.

Тарих илмининг бундай сабоқлари бисёр. Бу эса тарихий воқеаларга муносабат билдиришда аждодларимиз тажрибасидан фойдаланган ҳолда фикр юритиш лозимлигини англатади. Зотан, мозийга қайтиб иш кўрмоқ хайрлидир.



### Тарихда омма ва шахснинг роли

Инсоният тарихида ҳалқ ва унинг яратувчилик меҳнати ҳамиша асосий ўринни эгаллаган. “Тарихни ҳалқ яратади” деган ибора бежиз айтилмаган. Дарҳақиқат, жамият тараққиёти давомида эришилган барча ютуклар, аввало, заҳматкаш ҳалқнинг бетиним меҳнати, ақл-заковати, бунёдкорлик фаолияти натижасидир. Дунё ҳалқларининг изчил давом этадиган бунёдкорлик фаолияти инсоният тарихининг ўзаги ҳисобланади. Шу билан бирга, тарихда буюк шахсларнинг роли ҳам бекиёсdir. Буюк шахслар тарихнинг муайян даврларида тараққиётга ғов бўлиб турган ижтимоий-сиёсий иллатларни ақл-заковати билан ўзгалардан олдинроқ илғаб олади ва уларни бартараф қилишга ҳалқ оммасини сафарбар этади. Бундай шахсларнинг номи тарихда муҳрланиб қолади.

Башариятнинг узоқ йиллик тарихий тажрибаси шуни кўрсатадики, Александр Македонский, Юлий Цезар, Наполеон каби машҳур шахслар ўз даврини тарихий саҳна деб ҳисоблаган. Уларнинг наздида, ҳалқ гўё оддий томошабин мақомида бўлган. Аслида эса жамиятини, хусусан сиёсий тузумни ўзгартириш кўп жиҳатдан ҳалқнинг хоҳиш-иродасига боғлиқдир. Чунки ҳалқ тарих фиддирагини айлантирадиган куч демақдир. Шу маънода ҳалқ оддий томошабин эмас, барча ўзгаришлар ижодкори ҳисобланади. Умумхалқ ҳараратини ташкил этолган саркорлар тарихий шахсларга айланади. Мамлакатимиз раҳбарининг “Биздан озод ва обод Ватан қолсин” деган пурмалюноғояси ҳам тарихни ўрганиб, ундан олинган билимни бунёдкорлик йўлида ишлатишга даъват этади.

### Малҳам топган яралар

“Социализм” деб аталган тузумда шундай меҳнат тақсимоти ҳукмрон эдики, аҳолининг аксарият қисми миллый даромад ишлаб чиқариш, қолган бир бўллаги эса тўплangan бойликни совуриш билан банд эди. Сўнгги тоифадагилар кун сайин кўпайиб борган турли бюрократлик авж олган идораларда хизмат қиласди. Иқтисодиёт, мафкура, маданият, фан, ҳалқ таълими, соғлиқни сақлаш соҳалари, ҳатто хизмат тармокларида ҳам ишчи-хизматчилар сони сунъий равишда ортиб кетган эди. Бунинг устига, партия, давлат ходимлари учун маҳсус қурилган дам олиш масканларини айтмайсизми? Уларнинг барчаси миллый даромад ишлаб чиқариш билан банд бўлган меҳнаткаш аҳоли елкасидаги ортиқча юқ, оёғидаги кишан эди. Энг ачинарлиси, ўз меҳнати билан “умумхалқ бойлиги” деб аталган давлат бойлигини кўпайтираётган жафокаш ҳалқ, унинг манфаати давлат томонидан муҳофаза қилинmas эди.

Шукрки, жамият танасидаги бундай иллатлар мустақиллик туфайли барҳам топди, эски яраларга малҳам кўйилди: ҳозир мамлакатимизда ҳалқ ва шахс манфаати, ташаббускорлиги давлат томонидан кўллаб-кувватланмоқда.

### Алдамчи жумлалар

Собиқ шўролар даврида соҳта ташвиқотга катта эътибор қаратилди. КПССнинг бирон пленуми бўлиб ўтса, газеталарнинг бош мақолаларида “Партиямиз пленуми қарори колхозчиларимизда чукур ифтихор туйғусини уйғотди” деган чучмал гаплар урчиб кетарди. Қизиги шундаки, бундай жумлалар қарор эълон қилинган куннинг эртасигаёт газеталарда пайдо бўларди.

Ўша кезлари “Тавба, ўтган куни партия қарор қилган бўлса-ю, бугуноқ колхозчиларда ифтихор туйғуси қандай пайдо бўлади? Бечора колхозчилар кечаси қарор билан танишиб чиқмаган-ку, уларда “ўйғонган ифтихор туйғуси”ни газетачилар қаердан била қолди?” дейдиган одамнинг ўзи йўқ эди.

1978 йили, шўролар раҳбари Леонид Брежнев Тошкентга келди. У Ўзбекистондан жўнаб кетган куннинг эртасига чиққан қайсиdir бир туман газетаси қўлимга тушиб қолди. Унинг бош мақоласидаги кўйидаги жумлага кўзим тушди: “Дунёда тинчлик учун толмас курашчи Л.Брежневнинг республикамизга ташрифи районимиз меҳнаткашларида чукур ифтихор туйғусини янада жўштириб юборди”. Ўйланиб қолдим: одамларимиз онгига елиmlаса ҳам ёпишмайдиган бундай гапни газетачи қаердан топди экан? Ўша “янада жўш урган ифтихор туйғуси” колхозчида ўзи бормиди?

Бундай тумтароқ “қизил” гапларга кўпчилик кўнишиб кетган, шу боис уларга бирор ишонмас, эътибор ҳам бермасди. Аслида эса бундай сохта ташвиқот меҳнаткаш халқни менсимаслик аломати эди.

### Олимлик мақоми

Бир сафар пойтатхта борганимда илгари “ура-ура”чиларнинг пешқадамларидан бўлган собық абжир файласуф — олим дўстимни учратиб қолдим. Ҳол-аҳвол сўрашгач, иши билан қизиксам, “Касалхонада руҳшунос шифокор бўлиб ишляяпман”, деб жавоб берди. Ажабланарлиси шундаки, дўстимнинг гапида ўқинч ва афсус аломатини сезмадим. Аксинча, юзида дадил мамнунлик зоҳир эди.

Шунда англадимки, собық марксчи файласуф дўстим “ёғли” иш топиб олибди-ю, лекин фан оламидаги ўрнини йўқотиби. Унинг бу ишидан дилим озорланди. Дўстим шиддатли даврнинг воқеа ва ҳодисаларини англамоғи, улардан фалсафий хуласалар чиқармоғи лозим эди. Афсуски, у ҳаёт дарёсининг ўткинчи жилваларига алдануб, таянч қирғонини йўқотиб қўйиби.

Ҳолбуки, хақиқий олим билим ва салоҳиятини ишга солиб, шиддат билан оқаётган ҳаёт дарёсининг тезлигию чуқурлигини ўрганиб, фикр қилмоғи ва шунга биноан иш тутмоғи лозим. Чунки олимлик ҳаёт дарёсида чўкиб кетмаслик учун белга боғлаб олинадиган пўкак эмас.

### Донишманд ва бола

Шарқ фалсафий меросида шундай ривоят бор. Бир донишманд кўчада ўзидан нарироқда бораётган боланинг қоқилиб кетганини кўриб, дебди:

— Кўзингга қараб юр бўтам, йиқилиб тушмагин.

Бола донишмандни таниб, жавоб қилиби:

— Бобо, мен йиқилсан туриб кетарман. Аммо сиз эҳтиёт бўлинг, мабода қоқилиб кетсангиз орқангиздан эргашиб келаётган бутун халқ йиқилади.

Донишманд бу гапдан дархол хушёр тортиби.

### Сукрот ва аёл

Дейдиларки, Сукрот майдонда шогирдларига дарс ўтаётганида ногоҳон кўҳлиқ-кина жувон унга гап отиби:

— Ҳой, Сукрот, бу бояқишиларни бунча қийнаб, миясига нималарни қўйяпсан. Ҳозироқ вайсашни тўхтат, йўқса бир жилмаяман — уларнинг барчаси сени ташлаб, орқамдан эргашади.

Шунда Сукрот дебди:

— Тўғри айтасан, қизим. Сен бир кўз сузсанг бас, шогирдларим ёнингда парвона бўлади. Чунки сен уларни тубанлик сари етаклайсан, пастига кетиш доимо осон. Мен эса шогирдларимни юксакликка етаклайман. Юқорига чиқиш эса ҳамма вақт қийин.

Шунда аёл қошларини чимириб ўйланиб қолиби. Шогирдлар эса устознинг сўзларини янада зўр ихлос билан тинглай бошлабди.

## “Қибланома”

Фикримча, ўзимиз яшаётган даврнинг маънавий қонун-қоидаси, тартиби бўйича иш кўрмок, фикр юритмоқ зарур. Шундагина ҳаётдан чинакамига завқ туйиб яшаш мумкин. Аммо маънавиятнинг барча замонлар учун мақбул қонунияти бўлмаса керак. Буғунги шиддатли замонда маънавият одамларга тўғри йўл кўрсатиб турадиган компас — “қибланома”дир, ана шу йўлдан адашмасак бас!

## Инсон ва давр

Бир донишманднинг фикрича, бирорвога маслаҳат бериш келажакни кўрсатиб турган кўзгу олдида ҳайиқиб-довдираб ортга тисарилишдир. Вижданои пок одамлар келажак кўзгуси олдида довдирамайди, давр синовидан чўчимайди. Бинобарин, давр зиммасига юклаган вазифани инсон вижданан бажармоғи лозим.

Аммо, афсусланадиган жойи шундаки, ҳамма ҳам ўз зиммасидаги вазифани чукур англаб етавермайди. Шундайларга ҳеч ҳайиқмасдан маслаҳат бериш зарур.

## Беҳбудийнинг айrim уламоларга эътирози

XX аср бошларида баъзи уламолар янгича кийинган муллавачалар — жадидларнинг уст-боши ва янгича уй анжомлари вожидан уларни “кофирлар” деб хафа қилган. Шунда Махмудхўжа Беҳбудий ташқи қиёфа шариатга хилоф эмаслигини бир илмий анжуманда далиллар билан исботлаб берган. Сўнгра, кўпчиликнинг таклифига биноан, “Ойна” журналининг 1914 йил 6-сонида “Кийим ва ташаббух” сарлавҳали мақола чоп эттирган. Унда, жумладан, бундай дейилган: “Бир неча йиллардан бўён баъзи мажлисларда ўрисча форма киймок ва ташаббух (тақлид — С.Ж.) масаласи хусусинда узундан-узоқ мубоҳасалар бўлиб, баъзан мунозаралар билан якунланур, форма кийган нари турсин, ҳатто уйининг тагини пол ва устини туника қилганлар ёки уй ичидан устол ва устул ҳамда суврат каби нарса қўйганлар “кофур” саналур”.

Беҳбудий ўз мақоласида уйида қошиқ ва вилка ишлатган ёшларни ҳам, бирон медаль тақиб ёки иссиқда бошланган юрганларни ҳам кофирга чиқарган айrim уламоларни танқид қиласди. Фикрини исботлаш учун мўътабар фиқҳ олимлари, чунончи, Миср муфтийси, Шарқда машҳур Мұхаммад Абдонинг оврупоча кийиниш шариатга хилоф эмаслиги ҳақидаги мулоҳазасини баён этади. Пайғамбаримиз ва ул жанобнинг саҳобалари ўзга юртга боргнларида маҳаллий аҳолининг кийимини кийиб юрганларидан мисоллар келтиради. “Бул тўғрида Пайғамбаримизга мутобаат этмоқ, вожибур, — дейди Беҳбудий. — Замоннинг ўзгариши ила баъзи расм-руsum ва одатлар ўзгариб турадурки, бу ўзгариш бобомиз ҳазрати Одам замонасидан бери воқе бўлуб келмокдадир”.

Беҳбудий урф-одатларни иккига бўлади: бидъати саййиха (ёмон одатлар) ва бидъати ҳасана (яхши одатлар). Янгича кийинишин яхши одатга қўшади. Ёмон одатга куйидаги мисолни келтиради: “Чунончи, бурунги замонда исрофли тўй ва базми жувон (бесоқолбозлик) каби ёмон одатларимиз йўқ эди. Энди бундан осонликча кутуломмай турибмиз. Буни инкор қилувчилар суннати Расууллоҳдан хабарсиз одамлардир”.

Беҳбудий домланинг бундан қарийб бир аср илгари кўйиниб ёзган Фикрлари бугун ҳам долзарблигини йўқотгани йўқ.


## Неъмат шукри

Яратган эгам бу ёруғ дунёда инсонларни беҳисоб неъматлар билан сийлаган. Масалан, тириклик, соғ-саломат юриш тенгсиз неъмат ҳисбланади. Аммо айrim одамлар муваққат орзу-умидлари рўёбга чиқишини, дейлик, бойлик, мансаб-марtabага эришиш, тўй қилиш каби орзу-ҳавасларни неъмат деб билади.

Оқар сув, тоза ҳаво, яшаш учун зарур бўлган бошқа табиий бойликлар неъмат эмасми? Улар инсон ҳаёти учун табиий асос вазифасини ўтайди. Эл-юрт тинчлигичи? Нега биз уларга қараймиз? Аслида, булар инсонга ато қилинган энг зарур ва улуғ неъматдир. Бинобарин, уларнинг қадрига етиш ҳам қарз, ҳам фарз саналади. Шукроналик билан ўз вазифангни адо этишга нима етсин!

## ТАРИХ САБОҚЛАРИ

Шариф ЮСУПОВ



# QABOHATNING JAZOSI

168 CENTRAL ASIAN PORTRAITS.

KHUDAYAR KHAN.

On all the states of Central Asia, none has been so unfortunate in modern times than the state of Khokand. It was unfortunate in its internal affairs before the Russians had begun that career of conquest, in and beyond the country of the Kirghis, which was ultimately to carry their banners in triumph to the banks of the Oxus and the slopes of the Hindu-Kush. But the Russian conquest of Central Asia and both left their mark upon the history of a country that was youngest among the independent states of Turkistan. In borders had expanded or shrunk in accordance with the character of the ruler, and although independence had generally been the right of the hasty alliances of

KRAV. ROMANA  
Wendeler. Lieutenant  
1321

179

ABDERRAHMAN APTOBATCHA.

Above the most prominent of the minor characters, who have stood forth within the last ten years on the platform of Central Asian affairs, must be placed Abderrahman Hadij, Attabatcha, or over-bearer, at the court of Khudayar of Khokand. It is only four years since he was sent to Russia to demand a report that had not yet been made to the Great Khan from the Khan of Russia. For a brief space he figured as the champion of national liberty, and it was his energy which rendered the conquest of Fergana one of the most arduous campaigns upon which Russia has up to the present time entered.

Abderrahman was the son of Meeselman

Тарих – ибратхона. Биз мозийни ўрганиш асосида, ҳазрат Навоий таъбири билан айтганда, ўтмишда “не ишдин мамлакат обод, қаю ишдин улус барбод” бўлганини мушоҳада қилалимиз, тегишили хуласалар чиқарамиз.

Аждодларимиз кечмиши нурли саҳифаларга бой. Лекин аёники, тарих факат зафарлардангина иборат эмас. Тараққиёт ва таназзул, юксалиш ва инқироз мудом кетма-кет келади. Айниқса, хонликлар замони мураккаб ва зиддиятил экани билан алоҳида ажралти туради. Шу боис бу даврга оид тарихий ҳужжатларни ўрганишда қилни кирқ ёриш, ҳар бир маълумот замиридаги асл ҳақиқатни тиклаш зарур бўлади. Шунинг учун тарихни тадқиқ этишда сўнгги нуқтани кўйиш маҳол. Бирок тарихий ҳақиқатни излаш, топиш, баҳолаш, ундан сабоқ чиқариш – бурч. Филология фанлари доктори, профессор Шариф Юсупов мозийни илк манбалар, архив ҳужжатлари асосида тадқиқ этиши борасида самарали илмий фаoliyat олиб бораётган олимларимиздан. Журнализминг ушбу сонида берилаётган мақоласи ҳам устознинг изланиш заҳматидан ҳаловат топадиган тадқиқотчи экани исботидир. Мақола мозийни ўрганишдек хайрли ишга ҳавасманд дўстларимизга маъкул бўлади, деб умид қиласиз.

ТАҲРИРИЯТ

XIX АСРНИНГ иккинчи ярмида Туронзамин мустамлакага айланганидан кейин босқинчилар юртимизнинг энг асл ва довюрак фарзандларини қатагон қилишга, уларни ҳам маънан, ҳам жисмонан маҳб этишга зўр бергани тариҳдан маълум. Мустамлакачиларга қарши курашган, босқинчилар томонидан қатагон қилинганинларнинг пок руҳлари эҳтиромга сазовордир. Уларнинг тарих олдидаги, эл-юрт олдидаги хизматлари келажак авлодлар учун буюк ибрат намунаси бўлиб қолиши шубҳасиз. Аммо қатагон туфайли ҳаёти фожиавий тарзда тугаган ҳамюртларимиз орасида шундай кишилар ҳам учрайдики, уларнинг қилимешларидан, ҳақиқий қиёғасидан хабар топганлар “Хўб бўлди, ажаб бўлди, ҳақиқат барабир қарор топади”, дейиши аниқ.

Кўйида ана шундай “жабрдийда” лардан иккитаси кўрсатган “хунар”лар билан архив материаллари ва “қизил” инқилобдан олдинги бошқа ишончли манбалар орқали танишиб, бу ҳақдаги мулоҳазаларимизни баён этишини лозим топдик. Бу иккى “шоввуз”-нинг исми Абдураҳмон офтобачи ва сохта Пўлатхон бўлиб, улар 1876 йили Кўкон хонлигининг бутунлай тугатилиши ва Александр Иккинчи фармонига кўра “Фаргона вилояти” номи остида унинг барча ҳудудлари чор империяси таркибига мажбуран киритиб юборилишига салмоқли “ҳисса” кўшган.

Абдураҳмон офтобачи Кўкон хонлигига бир неча йил мобайнида расман мингбоши лавозимини эгаллаган, аслида эса ҳокимиётни тўлиқ кўлга олиб, кўнгли истаганича бошқарган Мусулмонқулининг ўғли, Худоёрхоннинг қайнисидир. Амалда ҳокими мутлақ бўлиб олган Мусулмонқулининг зўравонлигига ёшлиги, тажрибасизлиги туфайли чидашга мажбур бўлган Худоёрхон бир оз улғайиб, оқ-корани ажратга бошлагач, мингбоши ваколатларини чеклаш тарааддудига тушади. Ўз навбатида Мусулмонқули ҳам хонни тахтидан ағдариб, ўрнини эгаллашга ошкора киришади, ўзига тараффорлар ҳамда кўшин тўплаб, исён кўтаради. Бироқ Мусулмонқули ниятига етолмайди ва мингбошиликдан маҳрум бўлади. Шунда у ўч олиш учун қулай пайт пойлай бошлайди. Бу кезларда ўлка қаттол душман назарига тушган, чор империяси қўшинининг бир қисми хонлик ҳудудини босиб олиш мақсадида Оқмасжиднинг ёнгинасига келтириб қўйилган эди. Ана шундай таҳликали вазиятда Россия жо-

суслик хизмати идорасининг пиҳини ёрган ходими полковник В.В.Вельяминов-Зернов 1852 йил баҳорида маҳсус топшириқни баҷариш мақсадида маҳфий тарзда ўлкага кириб келади. Бунга Худоёрхон билан Мусулмонқулининг ораси узил-кесил бузилгани, лавозимидан мосуво бўлган собиқ мингбоши Даشتı қипчоқда катта қўшин тўплаб, Кўқонга ҳужум қилишга пухта тайёргарлик кўраётгани ҳам сабаб бўлган эди. Оқмасжид остонасида турган чор армияси қўмондонлиги Вельяминов-Зернов орқали Мусулмонқулини Кўқон хонлигининг барча ҳудудини императорликка ихтиёрий равишда топширишга қўндиришни мўлжаллаган, бунинг эвазига собиқ мингбоши юртнинг бош ҳукмдори этиб тайинланиши ваъдаси берилган. Шу аснода Вельяминов-Зернов билан собиқ мингбошининг Даشتı қипчоқда маҳфий музокаралари муддати белгиланади ва Мусулмонқули барча таклифларни мамнуният билан қабул қиласди. Бу учрашувда чор қўшинлари Оқмасжид, Мусулмонқули жангарилари эса Даشتı қипчоқ томондан бир вактнинг ўзида ҳужум бошлаб, хонликни кўлга киритиш мақсади қўзда тутилган эди. Бироқ Худоёрхон хуфиялари орқали бу фитнадан воқиф бўлиб, ташаббуси кўлга олади ва тезда Мусулмонқулига қарши акаси Маллахон бошчилигига катта қўшин жўнатади. Билқилама ёнидаги қаттиқ жангда Мусулмонқули жангарилари янчилиб, кўлга тушган собиқ мингбоши Кўқонга олиб келинади ва олонмон кўз олдида дорга осилади.

Шу воқеалардан кейин хонликда катта нуфузга эга бўлган, кўпсонли кўшин ишониб топширилган Абдураҳмон офтобачи отаси учун ўч олиш пайига тушади ва бир томондан, чор жосуслик хизмати ходимлари билан, иккинчи томондан, Худоёрхон таҳтини эгаллаш мақсадида юрган дъяъогарлар билан тил бириттириб, хонликни ичдан қўпоришга қаратилган хиёнаткорона фаолиятини бошлаб юборади.

У кутган ҳал құлувчи вазият 1875 йил июль ойида, сохта Пўлатхон бошлиқ қўзғолончилар хонликка катта хавф солган чоқда вужудга келади. Қўзғолон оқибатлари қандай бўлишини аниқ тасаввур этмаган Худоёрхон уни бостириш учун саркардалари Абдураҳмон офтобачи, Исо Авлиё ҳамда Саримсоқ эшик оғаси бошлиқ тўрт минг кишилик лашкарни жўнатади. Кулай фурсат-

дан фойдаланиб, Абдурахмон офтобачи ёнидаги икки саркардани кўзголончилар томонига ўтишга кўндиради ва ўзи юртнинг амалдаги хукмдори бўлиб олади. Бундан хабар топган валиаҳд шаҳзода Насриддинбек Андикон вилояти ҳокими сифатида кўл остидаги беш минг кишилик кўшини билан унга келиб кўшилади.

Офтобачи кўзголончилар томонига ўтгандан кейинги воқеалар Мухаммад Али Марғилонийнинг “Тарихи Азизий” асарида анча муфассал тасвиirlangan. У бундай ёзади: “Тоғ тарафдаги кўзголончилар кўтартган хонлари Фўладхон билан етиб келиб, офтобачига салом бердилар. Сўнгра Сайд Насриддинбек ҳам ҳамма лашкар, хазина, яроғу аслаҳалари билан келиб, офтобачига салом берди. Сайд Насриддинбекни отаси ўрнига хон кўтardилар. Лекин ҳукумат офтобачининг ўзида эди. Офтобачи шундай катта улуғ бўлиб қолдики, ҳамма жонини кўлига олиб турди” (“Тарихи Азизий”. Т., “Маънавият”, 1999, 19-20-бетлар. Бундан кейин ушбу манбадан олинган иқтибосларнинг фақат саҳифаси кўрсатилиди).

Бундай чексиз ҳокимиятга эга бўлиб олган офтобачининг кейинги қилмишларига китоб муаллифи алоҳида эътибор қаратади. Дастрлаб Марғилонда кўниб, кейин Кўконга қайтган, хонликда амалдаги ягона хукмфармо бўлиб қолган офтобачи Хўжандни эгаллаб турган чор кўшинларига қарши жиҳодга кириб, уларни енгишига янги хонни ҳам, бошқа нуфузли сарой аъёнларини ҳам ишонтиради. Аммо асл мақсади душман аскарларини енгиш эмас, балки хонликни ичдан кўпориш, унинг худудлари босқинчилар оёғи остида топталишига эришиш эди. Бу вазифа офтобачи зиммасига уни ёллаган чор жосуслик хизмати идораси томонидан юклangan бўлса ҳам ажаб эмас. Буни муаррих тасвиirlagan қўйидаги воқеалар ҳам яққол исботлайди: “Офтобачи Марғилон келиб кўниб, ундан Хўқанд борди. Фарази шул эрдики, тўхтовсиз юриб бориб, ўрусиyни дарҳол олиб йўқлаб (“йўқ қилиб” демоқчи), отлик қиличу найза, милтику тўп билан урушади. Шамшир, қилич бўлиб ўзини ўрусиyага уради. Хатто шу ниятда Хўқанд давлатининг хони Худоёрхон шунча замонлардан бери беҳад хазина сарф қилиб, жамлаб, Фаранг, Афон ва Исломбулдан муаллим олдириб келиб, таълим бериб, машқ ўргатиб, хўб айёр ва тайёр қилдирган

жами 25 минг саллотларнинг ҳаммасини бекор қилиб, фармон билан тарқатиб юборди” (20-бет). Энди шунчага дабдабаю асьаса билан урушга кирган офтобачининг жант майдонидаги шубҳа устига шубҳа туғдирадиган хатти-ҳаракатини кўринг: “Йигинда пиёда ва отлиг корчалонлар кўлидан нима келади деб ўйламасдан, “тўп от!” деб ишорат қилди. Тўп ота бошладилар, лекин отган тўплари хеч бири ўрусиyага тегмади. Сўнг ўрусиy буларни тўпга тутди. Саллот ва қозоқ-ўрус югуриб келиб, тўсатдан тўпхоналарни босиб кўлга олди. Бу пиёда қипчоқия, қирғизия, сартия лашкарлари ва сардорлари офтобачига қараб фармон кутиб турдилар. Офтобачи хеч бир жангга кирмоқ у ёқда турсин, лоакал бир сўз ҳам демабди. Ўрусиy ҳануз тўп отмасдан, биронтаси югурмасдан офтобачи қипчоқ ва қирғизия билан тўғри кирга от солиб қочиб кетибдилар” (23-24-бетлар).

Чор аскарлари ҳужумидан Марғилонни ҳимоя этиш учун катта қўшин билан у ерга жўнатилган Абдураҳмон офтобачи 1875 йил 8 сентябрда етиб келган фон Кауфман бошлиқ отряди билан ҳам жанг қилишдан бош тортуб, аслаҳа-асбобу яна тўққиз тўпини ҳам душманга совға сифатида қолдириб, шаҳардан фойиб бўлади, унга ишониб топширилган қўшин тарқаб кетади. Офтобачи ўзининг эски ҳамтвоқлари — қирғиз бийлари хузурига йўл олади. Бу орада Туркистон генерал-губернатори агар Абдураҳмон офтобачи рус маъмуриятига тутиб берилса, қирғиз юритида омонлик бўлиши, акс ҳолда кўп қон тўкилажаги ҳақидаги мурожаатномани уларга йўллаган эди. Архив ҳужжатларига караманда, офтобачи ўзи кўзлаган манзилга етиши ҳамоно “8 сентябрда Қорасув билан Ўзганд оралиғидаги қирғиз оқсоқоллари (улар орасида офтобачи ҳам бор эди) йигилиб, агар офтобачини русларга топшириш қирғиз халқига “омонлик” келтирса, уни топширамиз, деган қарорга келишиди. Офтобачи ўша заҳоти ўзининг топширилиши халқни хонавайронлиқдан кутқаришга хизмат қилса, жон деб бошини курбон қилажагани, лекин бу билан халқнинг рус босқинидан кутулишига шубҳа қилишини айтиб, йиглаб юборди. Шундан сўнг қирғиз оқсоқоллари Абдураҳмон офтобачини куролсизлантириб, ёш Пўлатхон хузурига юборишиди ва Ўзгандга йўл олишди” (Ўзбекистон Марказий давлат архиви, 715-жам., 1-қайд, 69-иш, 535-саҳифа).

Офтобачи Пўлатхон иҳтиёрига топширилганидан кейин ҳам феъл-авторини асло ўзгартирмайди. У сохта Пўлатхон билан амал талашади, унга бўйсуниб иш тутишга унамайди. Натижада Андиконда Пўлатхон ва Абдураҳмон офтобачи биргалашиб қўзғолонга бошчилик қилганида офтобачининг иҳтиёрида олтмиш-етмиш минг киши бўлганига қарамай, муваффақият қозона олмайди, тўғрироғи, буни истамайди ҳам.

Офтобачи ва Пўлатхоннинг бир-биридан кам бўлмаган даражада ҳудбин, шуҳратпраст, амалпарастлиги қандай фожиаларга олиб келгани хусусида муаррих Ҳайдарбек Бобобеков бундай ёзади: “Абдураҳмон офтобачи ва Пўлатхонлар ўз кучларини бирлаштириб, умумий душманга қарши курашиш лозимлигини яхши тушунар эди. Лекин ким кимга бўйсуниши масаласи улар ўртасида кўндаланг бўлиб турар эди. Буларнинг рақобатчилигидан фойдаланган Туркистон генерал-губернатори ўз қўшинлари билан қўзғолончилар кучларини бирин-кетин тор-мор этиб, Кўқон, Марғилон, Ўш шаҳрларини жангиз босиб олади” (“Пўлатхон қўзғолони”. Т., 1996, 23-бет).

Ўзаро муносабатдаги бу каби салбий ҳолатлар пировардида офтобачи билан сохта Пўлатхоннинг бутунлай ажрашиб кетишига сабаб бўлади. Бундай ажрашувга офтобачи бир қариндоши ва Худоёрхоннинг таҳтига даъвогар укаси Султон Муродбек ҳәётини сақлаб қолишни Пўлатхондан илтимос қилгани баҳона бўлгани генерал Скобелевнинг 1875 йил 4 ноябрдаги маълумотида қайд этилган (ЎзМДА, 715-жам., 1-қайд, 65-иш, 33-саҳифа). Шу илтимосдан кейиноқ сохта Пўлатхон офтобачини лавозимидан бўшатиб, Андикон томонга ҳайдайди ва ўрнига қашқарлик Ҳошимхон тўрани тайинлайди.

“Бўлинганин бўри ер” деган нақл бор ҳалқимизда. Бу икки “шери фаррон”нинг бутунлай ажрашиб кетиши, бир томондан, хонлиқ ҳудудлари осонгина чор қўшинлари ёёғи остида топталишига, иккинчи томондан эса, уларнинг ҳар иккаласи бир-бираига қаттол душманга айланиб, бири иккинчисининг уруғ-авлоди ва яқинларини тиғдан ўтказишига олиб келади. Сохта Пўлатхон даргоҳидан қувилгач, оз сонли тарафдорлари билан Андикон яқинида турган офтобачи 1876 йил январь ойи ўрталарига келиб хонлиқдаги қўпорувчилик фаолиятини ниҳоя-

сига етказади ва 20 январда хўжакўрсинга музокара юритиш учун генерал Скобелев хузурига элчи юборади. Бу “музокара”нинг оқибати — 24 январь куни офтобачи 12 сафдоши ҳамда 700 нафар йигити билан генерал Скобелевга таслим бўлади. Орадан тўрт кун ўтгач, Скобелев генерал-губернатор лавозимини адо этувчи Колпаковскийга қуидаги мазмунда телеграмма юборади:

“20 январда бошланган музокаралардан сўнг бизга қарши курашишга бутунлай ожизлигини англаған Абдураҳмон офтобачи ўзининг энг асосий етакчилари ва саралangan йигитлари билан 24 январда бизга таслим бўлди. Мен унга ҳаёти сақлаб қолинишини, Сибирга жўнатилмаслигини, ўзи ва оиласига дурустгина нафака берилишини ваъда қилдим, холос” (ЎзМДА, 715 жам., 1-қайд, 66-иши, 209-саҳифа).

Эртаси куни Скобелев Колпаковскийга яна телеграмма жўнатади. Эндиғи телеграмма мазмунидан Скобелевга таслим бўлган офтобачи ўзининг чор жосуслик идораси олдиғаги хизматларини айтиб, бундан Россия императорини оғоҳ қилишни талаб этган кўринади. Мана, ўша телеграмма матни:

“Абдураҳмон офтобачи подшоҳимиз марҳаматларига иҳтиёрий равища таслим бўлди. Мен унинг ўзи ва оиласи хавфсизлиги таъминланишини айтдим. Абдураҳмон офтобачи нимаики ваъда қилган бўлса, ҳаммасини аниқ бажарди. Сиз зоти олийларидан Константин Петрович жаноб олийлари орқали офтобачи тақдирини ҳал этиш масаласини император ҳазратларининг илтифотли назарларига манзур этмоғингизни илтижо айлашга журъят этаман”.

Матн мазмунига эътибор берсак, Скобелев бир кун илгари юборган телеграммасида офтобачи рус қўшинларига қарши курашишга бутунлай ожизлигини англағани учун таслим бўлгани билдирилган. Бир кун ўтгач берилган телеграммада эса офтобачи подшоҳ марҳаматига иҳтиёрий равища таслим бўлгани таъкидланмокда. Бу ҳам етмандек, унинг тақдирини ҳал этиш масаласини фон Кауфман эмас, балки шахсан Россия императорининг ўзи ҳал этиши кераклиги айтиляпти.

Ўша 29 январда берилган бошқа бир телеграммада Скобелев Колпаковскийга хонлиқда гўё мустақил, аммо Россиянинг сиёсий ҳамда савдо манфаатларини таъминлай-

диган, нисбатан мустаҳкам ҳокимият барпо этиш имкониятларини ниҳоясига етказиш учун “Мен биргина шахсни, яъни ниҳоятда ақлли, мўътадил ва нуфузли офтобачи номини айтишим мумкин”, дейди (ЎзМДА, 715-жам., 1-қайд, 66-иш, 210-саҳифа).

Шу куннинг ўзида Колпаковскийга Скобелев яна телеграмма жўнатади. Унда хонлиқдаги вазият у ерда зудлик билан қаттиқўл ҳокимият ўрнатишни талаб этаётгани, Насридинхон буни эплай олмаслиги айтилгач, “Офтобачига оид фармойиш кутаман”, дея аввали телеграммада қўйилган масала юзасидан аниқ кўрсатма сўралади. Бироқ телеграмма устига Колпаковский “Офтобачи Тошкентга юборилисин”, дея ўша куниёқ имзо чеккан экан (ЎзМДА, 715-жам., 1-қайд, 66-иш, 215-саҳифа).

Шу тариқа офтобачи иختиёрий таслим бўлган дастлабки кунлардаёқ Скобелев билан Колпаковский ўртасида уни Кўкон хонлиги таҳтига ўтқазиши борасида фикр алмашувлар бўлиб ўтади. Бу таклиф император томонидан маъкулланмаган шекилли. Аммо офтобачининг тақдири хусусида подшоҳ билан маслаҳатлашган фон Кауфман 31 январь куни Петербургдан унинг шахсан ўзига қуидаги мазмунда телеграмма юборишини лозим топади:

“Улуғ подшоҳ сизни ранжитмайдилар, ўзингиз олиб кетишни истаган оиласигиз билан Россияяда хотиржам яшаяжаксиз” (ЎзМДА, 715-жам., 1-қайд, 66-иш, 224-саҳифа).

Бунинг сабаби, душманга ихтиёрий равишда таслим бўлгани учун ёвуз Пўлатхоннинг фазабига учраган ва уч биродари соҳта хон томонидан қатл этилган офтобачи со-биқ ҳаммаслаги ҳақида нимаики эшитган бўлса, барини генерал Скобелевга маълум қилгани билан изоҳланади. Жумладан, офтобачи соҳта Пўлатхоннинг шафқатсизлиги, кўплаб бегуноҳ кишиларни қатл этгани, халқ уни жуда ҳам ёмон кўришини айтиб, Пўлатхонни тутиб беришда ўз хизматини таклиф этади. Офтобачининг садоқатига қаноат ҳосил қилган душман кўшинлари кўмандонлиги уни Пўлатхонни ушлаб келиш учун йигитлари билан биргалиқда чор аскарларига кўшиб жўнатади. Офтобачи одамлари Пўлатхонни куршовга олади, лекин соҳта хон оз сонли йигитлари билан қочиб кетишга муваффақ бўлади. У кейинроқ подшоҳ аскарлари томонидан кўлга туширилади.

Россия императори Александр Иккинчи фармонига кўра, Кўкон хонлиги тугатилиб, Фаргона вилоятига айлантирилиши, унинг барча худуди Туркистон губернаторлиги таркибига киритилиши ҳақидаги мудҳиш хабар халқقا эълон қилиниши арафасида Тошкентга олиб келинган офтобачи 1876 йил 15 февраляда Екатеринослав шаҳрига жўнатилиди. Унинг ўлқадан жўнатилишини чор маъмурияти эл-юртга гўё сургунга юборилди, деган ёлғон маълумот билан изоҳлайди. Пихини ёрган офтобачининг ўзи ҳам бу ҳақда ҳеч кимга лом-лим демайди. Уни шахсан таниган шоир Мухйининг “Тарихи Мухии Хўқандий” асарида ёзилишича, офтобачи Екатеринославда боришдан аввал Худоёрхон сургун қилинган Оренбургта йўл олади. Бу хусусда китобда кўйидагиларни ўқиши мумкин: “Абдураҳмон офтобачи Ўрнбурхда хон билан кўрушуб, хон оёғи остига ўзини ташлаб, забони узру тавбадан бўшамади. Мархум хон... кўнгулсиз гинахонликка мутлақо оғиз жуфтламай, ҳамма нарсани Яратганинг ўзига ҳавола этиб, айни вақтда беш юз сўм Россия пулидан, икки ярим минг танга Кўкон пулидан офтобачига инъом қилиб, нўғай аёлларидан бирини ҳам унга олиб берди”. Офтобачи никоб устига никоб кийиб, таҳтдан мосуво этилишига асосан ўзи сабабчи бўлган хон олдида “шайтонийиғи” қилиб, ундан яна тұхфалар олишдан асло уялмайди. Шу муносабат билан офтобачининг Худоёрхон ҳамда Кўкон хонлиги тақдирида қандай мудҳиш роль ўйнагани ҳақида ўша даврдаги рус муаррихларидан бири ёзигб қолдирган сўзларни эслаш зарурати сезилади: “Худоёрхонни (таҳтдан) қулатиш ва ундан сўнг мамлакатни эгаллаб олиши мизгача рўй берган барча фитналарнинг бирдан бир айбдори Абдураҳмон офтобачидир” (А.И.Брянов. Фарғонадан эсдалик. Янги Марғилон, 1901, 20-бет).

Турган гапки, Абдураҳмон офтобачининг бундай қилмишлари чор маъмурларига жуда ҳам ёқиб тушган. Шу сабабдан кўп йиллар мобайнида чор мустамлакачиларига оғмачилик қилиб келган Абдураҳмон офтобачининг Екатеринославда бемалол яшashi учун барча имконият яратилган. Унинг сира ҳам сургун қилинмагани, аксинча, ҳар жиҳатдан фамхўрликка лойик кўрилганини исботловчи далиллар архивларда кўплаб сақланиб қолган. Шу материаллардан маълум бўлишича, офтобачининг

тобачи Екатеринославга етиб келиши биланоқ иши юришгандан юришиб кетади. Чунончи, Кўқон хонлиги ҳукмдорларига, масалан, хонлик тахтига даъвогар Муҳаммад Аминбек ва бошқа нуфузли амалдорларга генерал-губернатор ва вилоят губернатори кўрсатмаси билан йилига энг кўпі билан 360 рубль нафақа тайинланган бўлса, Абдураҳмон офтобачига Россия Ички ишлар вазирининг шахсан ўзи 1876 йил 30 апрелда 1337-ракамли бўйруқ билан йилига 3000 рубль нафақа тайинлайди (ЎзМДА, 1-жам., 34-қайд, 394-иш, 7-саҳифа).

Фон Кауфманга ёзган бир мактубида Екатеринослав ҳарбий губернатори бу маблағ Фарфона вилояти ҳисобидан олиниб, офтобачига топшириш учун жўнатилишини илтимос қўлган. Булар ҳам майли-я, орадан бир оз муддат ўтгач, “Туркистон вилоятининг газети”да кўйидагича хабар босилади: “Андижон қўнгари Абдураҳмон офтобачининг ушбу кунларда Екатеринослав деган шаҳарда истиқомати бор эди. Императори аъзам ҳазратлари мазкур офтобачига подполковник чин марҳамати олий қилибдурлар” (1881 йил 14 апрель, 8-сон).

Бу каби далиллардан офтобачининг Россия жосуслик хизмати маҳкамаси олдидаги фидойилиги уни ана шундай илтифотларга сазовор этган, дея хулоса чиқариш мумкин. Офтобачининг Екатеринославга “сургун қилиниши” эса Петербург, Тошкент ва Фарғонадаги мустамлака амалдорлари томонидан ундан нафрталangan халқни чалфитиш, алдаш учун ўюштирилган томошадан бошқа нарса эмас эди.

Абдураҳмон офтобачининг аждар нафси еб-ичган билан тугатиш қийин бўлган бу катта нафақага ҳам қаноат қилмайди. Унинг Россия Ички ишлар вазири Милютинга рус тилида жўнатган илтимосномаси архивда сакланиб қолган. Мана, унинг ўзбекча тўлиқ матни:

“Ички ишлар вазири жаноб олийларига Кўқоннинг собиқ лашкарбошиси, ҳозирда Россия фуқароси, Екатеринославда яшовчи Абдураҳмон офтобачидан

### Илтимоснома

Яратганинг қисмати ва улуғ подшоҳимизнинг марҳаматларига итоат этиб, мен ихтиёрий равишда таслим бўлдим ва беш йилдан буён менга тайин қилинган нафақа ҳисо-

бига яшаб келмоқдаман. Ижарага олинган бегона уйда турли нокулайликлар кўриб, соғлиғим заифлашганидан, Кўқонда ташлаб кетилган мулкимга умид боғлаб, Екатеринославда бир кўримсиз уйни қарзга сотиб олган, менга пул жўнатишларини сўраб Кўқондаги қариндошларимга телеграмма юборган эдим. Лекин, афсуски, юртдошларим ва диндошларим томонидан таъқиб этилган оилас қаровсиз ҳолда вайрон этилган мулкимни ташлаб, юртни яширинча тарк этиб, меникига келиб яшашга мажбур бўлди.

Шу тариқа мен қарзга ботдим ва етти жондан иборат оилас катталашгани ҳамда биз томонда ҳаётий эҳтиёжлар қимматлашиб кетгани важидан менга тайинланган нафақа камлик қилиб, жуда ҳам муҳтоҷликда қолдим.

Шунга кўра менинг қарзларимни тўлашга маблағ ажратишни сўраб юборган илтимосномамни улуғ подшоҳимиз пойқадамларига етказишингизни сиз жаноб олийларидан илтико этаман.

*1879 йил декабрь ойининг 15-куни*.

Илтимоснома охирида имзо ўрнига русча ва араб ёзувида “Абдураҳмон офтобачи Мусулмонқули ўғли” дея исмими ёзган (ЎзМДА, 1-жам., 34-қайд, 384-иш, 16-16<sup>б</sup> саҳифалар).

Бу мактуб ва бошқа архив ҳужжатлари билан қайта танишиш шуни кўрсатадики, фирромлик, ёлғончилик, нопоклик сүяк-сугига сингиб кетган офтобачи оддий кишилардан тортиб Россия императорини ҳам сира тап тортмай алдайверган. Акс ҳолда вазирдан подшоҳга маълум қилиш сўралган илтимосномада ўзининг Кўқондаги ҳовлижойи қаровсиз, вайрон бўлиб ётганини алоҳида таъкидламаган бўларди. Гап шундаки, илтимоснома 1879 йилнинг 15 декабряда ёзилган. Унинг Кўқондаги ҳовли-жойини эса офтобачининг ўзи юборган ишонч қозози асосида Мирза Ҳаким Умидов ўша йилнинг ёзида тошкентлик биринчи гилдия савдогари Александр Егорович Громовга сотган. Громов 31 август куни Фарфона вилоят бошқармасига шу ҳақда ёзма маълумот ҳам берган. Ундан аввалроқ — 21 июняда қозилар томонидан тузилган гувоҳномага кўра, ҳовли 2000 сўмга баҳоланган (ЎзМДА, 19-жам., 1-қайд, 30252-иш, 7-саҳифа).

Шундай қилиб, императорга билдириш мақсадида илтимоснома юборилишидан салкам тўрт ой илгари Абдураҳмон офтобачининг ҳовлиси ўша вақтда жуда катта маблағ хисобланган 2000 сўмга сотилган ва унинг Екатеринославда яшаётган эгаси моддий жиҳатдан керагича мустаҳкамланиб олган эди.

Кўрсатиб ўтилган кўплаб фактлардан сўнг мустақиллик йилларида китоб чоп эттирган айрим тарихшуносаримизнинг Абдураҳмон офтобачини “ватан ҳимоячилари бошчиси” (“Ўзбекистоннинг янги тарихи”. 1-китоб, Т., “Шарқ”, 164-бет), “босқинчиларга қарши ҳалқ курашининг бошида турган” (“Туркистонда Россия тажовузи ва ҳукмронлигига қарши кураш”. 355-бет) сингари сийловларга муносиб кўраётгани foятда таажжубланарлидир. Шунингдек, Кўқон хонлиги чор Россияси томонидан босиб олинниб, “Фаргона вилюяти” номи билан империя таркибига мажбуран киритилишида Абдураҳмон офтобачидан ҳам ортиқроқ роль ўйнаган сохта Пўлатхон ҳакида баъзи тарихчиларимиз билдириган фикрлар ҳам ҳақиқатга мос келмайди.

Сохта Пўлатхон ҳакида алоҳида рисола чоп эттирган, унинг бемаъни фаолиятини ўкувчиларга ибрат намунаси сифатида тақдим қилган айрим тадқиқотчилар у тўғрисида замондошлари бўлмиш муаррихлар, шоирлар, адиллар тарих учун муҳрлаб қолдирган мулоҳазалардан, архивларда сакланаётган ҳужжатлардан унчалик воқиф эмаслиги ёки уларнинг мағзини чақиши устида жиддий бош қотирмагани маълум бўлади. Акс ҳолда мустақиллик даврида чиқкан баъзи нашрларда “Ватан озодлиги учун жон олиб, жон берган ҳалқ қархамони, истиқбол жангчиси ва етакчиси Мулло Исҳоқ (Пўлатхон)” (“Ўзбекистоннинг янги тарихи”. 1-китоб, 173-бет), “ҳалқ озодлик курашининг бошлиғи” (“Пўлатхон қўзғолони”. 44-бет) сингари баландпарвоз тавсифлар тез-тез учраб турганини қандай тушуниш мумкин?

Келинг, муҳтарам ўкувчи, сохта Пўлатхоннинг кимлиги, у тарих саҳнасига қандай чиқиб қолгану уни кимлар хонлик тақдиридаги ўта фожиали фитнага бошлагани хусусида рад этиб бўлмайдиган аниқ факт ва ҳужжатлар асосида муфассалроқ мулоҳаза юритиб кўрайлик.

Шу ўринда сохта Пўлатхон киму ҳақиқий Пўлатхон ким, деган ҳақли савол туғилиши табиий. Бунга жавобан шуни айтиш лозим-

ки, Пўлатхон исмими аслида Исҳоқ Ҳасан қассоб ўғли деган носфуруш Худоёрхон таҳтиниг душманлари васвасаси остида ўзиники қилиб олган ва шу ном билан эл-юрт бошига чексиз жафолар соглан. Лекин катта кулфатлар сабабчиси бўлган бу кимсаннинг ҳақиқий Пўлатхон эмаслигини хонликда ҳам, мустамлака маъмуриятида ҳам ҳеч ким билмаган. Ҳатто Пўлатхон асир олинишига атиги бир неча ҳафта қолганда чор кўшинлари қўмондонлигига юборган телеграммасида Хўжанд ҳокими барон Нольде ундан дўстлик ва сулҳ таклиф этиб 14 кишидан иборат элчи келганини айтганида ҳам у сохта Пўлатхон билан иш туваётганидан хабарсизлиги маълум бўлади. Ваҳоланки, бу воқеадан 12 кунгина илгари Самарқанд ҳарбий губернатори генерал Абрамов Туркистон генерал-губернатори вазифасини бажарувчи Колпаковский номига мактуб юбориб, ҳақиқий Пўлатхон борасида муфассал маълумот берган, шундан кейингина мустамлака маъмурияти бу масалани ўргана бошлаган. Мана, уша мактубнинг тўлиқ матни:

“Мұхтарам Герасим Алексеевич жаноблари!

Самарқанд бўлимининг бошлиғи капитан Шпитсберг менга маълум қилишича, бир неча кун аввал Самарқанддаги маҳаллий аҳоли ўртасида “Кўқондаги Оталиқ (Олим) хоннинг ўғли Пўлатхон кўп вақтлардан буён Хожа Аҳрор масжидида эмиш, Кўқоннинг ҳозирги хони эса ўшанинг исми билан аталаётган эмиш”, деган гаплар пайдо бўлган.

Бу миш-миш, чамаси, Хожа Аҳрор масжидининг ўзидан чиқкан бўлиб, ниҳоятда қашшок, ҳеч ким танимайдиган ва масжидда йигирма йилдан зиёд яшаётган бир кишига тегишилидир. У кимса масжид имомининг ва туғишган ҳамширасига уйланган (поччаси – **Ш.Ю.**) мутаваллиининг хайр-эҳсони билангина кун кечираркан.

Мен бу миш-миш қаердан келиб чиққанини, у қанчалик асосли эканини пухтароқ аниқлашни буюрган эдим ва ҳозирда сиз, жаноб олийларига куйидагиларни маълум қила оламан.

Зикр этилган киши чамаси 65 йил аввал Кўқон хони бўлган Оталиқхоннинг ўғли Пўлатхонман, дейди. Унга мурожаат қилингандастлабки вақтларда у мужмал жавоблар берган ва насл-насабини тузук эслай олмаслигини, фақат асли кўқонлик бўлиб, хон наслиданлигини, исми эса Пўлатхон экани-

ни айтган. Кейинчалик бўлим бошлиғи ҳузурига таклиф этилгач, у ўзининг насл-насаби, олдинги ҳаёти ҳақида анча батафсилроқ маълумот берди. У айтадики, Умархон ўз акаси Олимхонни ўлдиргандага Олимхоннинг хотини ўғли Оталиқон билан бирга Қоратегинга қочибди. Қоратегин ҳукмдори Оталиқонни тарбиялаб, унга қизини бериб, Бухоро амири хизматига жўнатибди. Оталиқон отасининг таҳтини эгаллаш учун Кўқонга борган, бироқ ўша ерда қатл этилган. Оталиқон (бу ўринда Шералихонни ўлдириб хонлик таҳтига чиққан ва бир неча кунгина ўтгач Мусулмонқули тарафидан қатл этилган Муродхон кўзда тутилмоқда — **Ш.Ю.**) ўлдирилгач, унинг хотини ва фарзандлари, яъни Пўлатхон билан ҳамширасида тирикчилик ўтказишга ҳеч вақо қолмаган.

Оналари ўлгач, Пўлатхоннинг ҳамшираси марҳум амир фармойишига кўра Ҳўжа Аҳрор масжиди мутаваллисига эрга тегади; Пўлатхон масжидда қолиб, то ҳозир ҳеч қаёқка бормай, ўша жойда умр ўтказмоқда экан.

Пўлатхоннинг насл-насаби ҳусусида масжиддаги бир неча қариядан бўлак ҳеч ким ҳеч нарса билмайди. Унинг ўзи бўлса насл-насабини деярли унтиб юборган ёки, чамаси, камдан-кам ёдга олар экан.

Масжиддагилардан бошқа ҳеч бир танишибилиши бўлмаган, фақат илм билан шуғулланадиган Пўлатхон ҳозир Кўқонда содир бўлаётган воқеалардан мутлақо бехабар. Худоёрхоннинг айни вақтда Самарқандда яшаётган жияни Носирхон Пўлатхонни бир кўришдаёқ таниди ва у айтган гаплар ростлигини тасдиқлади. Бу ўтмишни билган масжид мутаваллиси ва бир неча қария ҳам шундай фикрда.

Бу одам билан шахсан кўришдим. Сиртдан қараганда, 35 ёшлар чамали, юзида чечак излари бор, чап кўзи ғилай. Узоқни кўролмайдиган соддагина одамга ўхшайди. Ўта қашшоқ экани аён кўриниб турибди, лекин анча билағонга ўхшайди.

У Оталиқоннинг ўғли, Олимхоннинг невараси эканини эътироф этди. Ҳожа Аҳрор масжидига қай тарзда келиб қолганини ҳам қисқача баён қилди.

Носирхоннинг айтишича, ҳозирги Кўқон хони аслида бошқа одам — унинг ҳақиқий исми мулла Исҳоқ бўлиб, Бўстонда туғилган оддий қирғиз экан. У Самарқанддаги

Пўлатхонга жуда ҳам ўхшар эмиш... На масжидда, на мутаваллида Пўлатхон шахси ҳақида ҳеч қандай ҳужжат йўқ.

Балки, сиз, жаноб олийлари Пўлатхон тўғрисидаги гапларни ўзга томондан, аникрорги, Мирза Ҳаким ёки Кўқоннинг сўнгги вакълардаги тарихини яхши биладиган бошқа шахслар орқали текшириб кўришга фармойиш беришни лозим топарсиз..." (ЎЗМДА, 715-жам., 1-қайд, 66-иш, 61-63-саҳифалар).

Мактуб ҳошиясида Колпаковскийнинг Мирза Ҳаким ва Тошкентдаги бошқа кишилар тарафидан буни текшириб кўриш ҳусусида 1876 йил 11 январдаги қайди мавжуд.

А.Абрамов мактубида билдирилган мулоҳазалар асосан тўғри эканини архивдаги бошқа ҳужжатлар ҳам тасдиқлайди. Бундан ташқари, ўша давр муаррихларининг бир қанча асарларида, жумладан, Мирза Олим Мушрифнинг "Ансоб ус-салотин ва таворих ул-хавоқин", Исҳоқхон Ибратнинг "Тарихи Фарғона" рисолаларида ҳақиқий ва сохта Пўлатхон борасида қизиқарли маълумотлар учрайди.

"Ансоб ус-салотин ва таворих ул-хавоқин"-да Худоёрхон таҳтининг душманлари хонни ағдаришдан аввал унинг ўрнига Кўқоннинг собиқ ҳукмдорлари авлодидан, қандай қилиб бўлса ҳам, бирор шахзода топиш, уни хўjakўрсинга хон кўтариб, сўнгра оз фурсатда ҳокимиятни тортиб олиб, ўзлари истаганча ҳукм суриш пайида бўлгандарига эътибор қаратилиди. Муаллиф бу воқеалар Ўш устидаги қирғизлар хон ҳокимиятига қарши фитна уюштириб енгилганидан сўнг авжга чиққанини айтади.

"Кирғизлар паришон бўлуб кетдилар, — деб ёзади у. — Бир неча бийлари, чунончи, Умарбек ва Абдураҳмон шайтон ва Қоракўлбий ва Сулеймон ўғри бир неча қирғиз бийлар бирла кўлга тушти. Кўп обрў бирла келиб, хонни кўруб, дуо айладилар. Филжумла хотиржам бўлуб турдилар эрса, Мусулмонқули деган қирғиз-қибчоқ урущдин қочиб, бир неча қирғизлар бирла маслаҳат айлаб, хонзода топмоқ учун (тальқид бизниси — **Ш.Ю.**) Бухоро тарафиға бориб, васваса қилиб экан, Пўладхон қабул қилмабдур. Андин ноумид бўлуб Урганчга, Муҳаммад Алихон ўғли Музофархонни олдига бориб, неча кун туруб васваса қилдиким: "Ҳамма ҳалойиқ иттифоқ бирла сизни хон қилиб, ота таҳтига ўлтурғузмоққа фотиха ўқуб, мани сизға юбордилар. Ҳамма

халойик сизға мунтазир турурлар”, деб. Музаффархон айтдиким: “Сиз қирғиз халқини әътиборларинг йўқ турур. Қаландархон акамни ҳам олиб бориб, Мурғзор қишлоқда ўлдуруб қўйдинглар”, деб қабул қилмади. Мусулмонқули мазкур лоилож қайтиб, Тошканд келди эрса, Мұхсінбойнинг ўғли Мулло Абдумұміннинг ҳовлисиға қўнуб эрди. Анда бир мулла Исҳоқ деган қирғиз бала Маззанг деган мавзеъда носфурушил қилур экан. Азбаройи нос олмоққа келган экан. Абдумұмін мазкур айдиким: “Эй ахмок қирғиз, шул қирғиз балани Пўладхон деб олиб борғил, иш саранжом топқандা бир хон топилур”, деди эрса, маъқул бўлуб, ўшал қирғиз балани олиб, облиғ устидин ошиб, Чуст устиға келиб, кўшинга кўшулди. Қирғизлар хурсанд бўлуб шодиёна кўйдилар. Оқ кийгизга солиб хон кўтарилилар” (“Ансоб ус-салотин ва таворих ул-хавокин”. Т., Fafur Гуломномидаги Адабиёт ва санъат нашриёти, 1995, 80-81-бетлар).

Маълум бўладики, Қўқон тахтига ўтиրмоқ тушига ҳам кирмаган носфуруш Исҳоқ Ҳасан қассоб ўғли оддиги бир тасодиф туфайли Худоёрхон душманларининг васвасасига учади, хон бўлишни таклиф этгандарида жонжон деб рози бўлади ва бир-икки кундан сўнг оқ кигизга ўтқазилиб, хон деб эълон қилинади. Бинобарин, Исҳоқ Ҳасан ўғли умрида ҳеч қачон “халқ озодлик ҳаракати”га раҳнамо бўламан деб ўйлаган ҳам эмас.

“Одамни синамоқчи бўлсанг, унга амал бериб кўр”, деган машҳур нақл бор. Яна “Кўрмаганинг кўргани курсин”, дейди халқимиз. Шаҳзода Сайд Пўлатхон номи берилиб, хон деб эълон қилинган носфурушнинг шундан кейинги бутун фаолияти юкоридағи икки нақлни беихтиёр ёдга туширади.

У дастлабки кунларданоқ ҳонлик худудидаги одамларига Худоёрхон фарзандлари ва қариндош-уруғларини катта-кичиклигига, бирор нобоп иш қилган-қилмаганига қарамай, хузурига тутиб келтиришга фармон беради. Хонга яқин кишиларнинг қочгани қочиб улгурган, қоча олмай қўлга тушганларининг ўзи ҳам ўнларча эди. Сохта хон уларнинг ҳар бирини шахсан ўзи қатл этишни хуш кўрарди.

Худоёрхоннинг бу қатлиомдан не-не ма-шақкатлар билан қочиб улгурган бир фарзанди, орадан анча йил ўтгач, “Туркистон вилюятининг газети”да зўр алам билан бундай

ёзган эди: “Пўлатхон ўз саройида ва Марғилонда ва Хўқандда кўб зулму ситам қилди. Чунончи, отамнинг укасини — Сайд Муродбекни ушлаб қатл қилди, (унинг) етти ўғлини сўюб қўюбдур. Ушбу фурсатда Пўлатхоннинг бир воқеаси кўб таажжуб бўлди. Яни, Султон Муродбекнинг бир яшар бешикда ётқон ўғлини Пўлатхон жаллодга сўймокқа буюрудбур. Мазкур жаллод бешикка келиб кўл уриши билан мазкур гўдак жаллодга қараб кўб муҳаббат билан табассум қилибдур. Баъдаз жаллоди мазкур Пўлатхонга арз қилибтур: “Таксир, ман бу гўдакни қатл этарга кўлум бормади. Зероки, ўлдурмакка қасд қилиб ёнига борғонимда норасида бегуноҳ табассум қиласадур. Ўшал табассумлари ихтиёrimни мандин олди”, дебдур. Андин кейин Пўлатхон ғазаби келиб, жаҳолат билан ўрнидин туруб, ўз қули билан бешикдаги болани ва ҳам жаллодни қатл этибдур” (Газетанинг 1893 йил 4 июнь сони).

Сохта Пўлатхоннинг тўрт ой чамаси хукмронлик даврида амалга оширилган бундай ёвузликларинг сон-саноғи йўқ. Мушриф, Исҳоқхон Ибратнинг юкорида зикр этилган асарларида ҳам, бошқа кўплаб ўша давр муаллифларининг китобларида ҳам сохта Пўлатхоннинг жаллод табиатли киши бўлгани алоҳида таъкидланади. Масалан, марғилонлик шоири Умидий-Ҳавоий Пўлатхоннинг кўкрак эмадиган гўдакларни она қўйинидан тортиб олиб ханжар билан бўғизлаганидан чексиз изтиробга тушади.

Чор кўшинларига бошчилик қилиб, хонликнинг асосий худудларини босиб олишда қанчадан-қанча шафқатсизликлар қилган генерал Скобелевдек золим ҳам Туркистон генерал-губернаторига жўнатган бир маълумотномасида Пўлатхоннинг шафқатсизлиги қай даражага этиб борганини кўрсатувчи тенгсиз даҳшатли бир воқеани бундай баён этган эди: “Пўлатхонни ҳаддан ташқари золим ва бешафқат дейишмокда. Унинг отаси нуфузли бир кишини ўлдирмасликни Пўлатхондан уч бора илтимос қилганида ўғли аввалига сиёсий ишларга аралашмаслик керак, деб рад этган ва пировардида ўз падарини ўлдиришга бўйруқ берган” (ЎзМДА, 715-жам., 1-қайд, 65-иш, 38-саҳифа).

Ана шу мислсиз ваҳшийликлари учун сохта Пўлатхон ўз ҳамортлари томонидан “Захҳоки соний” деган таҳқирили лақаб билан аталгани асло ажабланарли эмас.

Худоёрхон душманлари томонидан таҳтадаъвогари сифатида майдонга чиқарилган сохта Пўлатхон кўп минг кишилиқ лашкарни бошқариш учун ҳарбий тайёргарликка ҳам, хонлик ҳудудидаги эл қалбини эгаллаш учун сиёсий иқтидорга ҳам эга бўлмаган анчайин бир носфуруш эди. Сохта хоннинг бутун фолияти зўравонлик ва қирғинга асосланди. Унинг хонлик таҳтига ўтириб даври дарвон суриндан ўзга мақсади ҳам бўлмаган. Бугунги баъзи тарихчilarимиз уни Пўлатхон номи билан таҳтадаъвогарлигига гиж-гижлаган Абдумўмин деган киши сохта хоннинг сиёсий онги етилишида гўё муҳим роль йўнаганини ҳам исботламоқчи бўлади. Бироқ бу даъволар бирор хужжат ва далилга асосланмаган, бунинг устига, Абдумўмин шахсининг ўзи ҳам ҳозирча аниқ эмас.

Пўлатхон хон душманлари томонидан ўзига бириктирилган баъзи сарлашкарлар ёрдами билан 1872-75 йиллар орасида айрим ҳужумларида хон ва унинг атрофидаги кишиларни шошириб қўйишга мувафақа бўлади-ю, аммо пировардида мағлуб этилиб, тог-тошларга қочади, ўз қирғиз-қипчоқ шериклари паноҳида жон сақлайди.

Худоёрхон 1875 йил бошларида фон Кауфманга ёзган бир мактубида Пўлатхон ҳокимиятни эгаллагудек бўлса, албатта чор қўшинларига қарши жиҳод бошлияжагини маълум қиласди. Бироқ Туркистон генерал-губернатори хоннинг бу фикрини умуман инобатга олмайди. Ваҳоланки, оқибат Худоёрхон айтганча бўлиб чиқади. Биз чор жосуслик хизматининг агенти деб ҳисоблаётган Абдураҳмон офтобачи билан бирлашган сохта Пўлатхон унинг васвасасига учиб, душманнинг ҳарбий кудрати ва бошқа имкониятларини ҳисобга олмай, ихтиёридаги ҳамма маблағ ва қўшинни офтобачи қўлига топшириб, файдиринлар, яъни рус аскарларига қарши жиҳод тоғасига маҳкам ёпишиб олади, бутун фаолиятини шу тоғани амалга оширишга қаратади.

Жиҳодда ғалаба қозонишига кўзи етмаган сохта Пўлатхон 1875 йилнинг охирида Тошкент ва Туркистонда амалга оширмоқчи бўлган бу ишига қўшилиши сўраб Бухоро амири Музafferга элчилар орқали маҳсус мактуб йўллайди. Амир Музaffer эса чор мустамлака маъмуриятига хайриҳохлигини намойиш қилиш мақсадида бу мактубни Туркистон генерал-губернатори вазифасини

бажарувчи Колпаковскийга “икки букилиб” тақдим этади (ЎзМДА, 715-жам., 1-қайд, 65-иш, 400-402 саҳифалар).

Шуниси ҳам борки, сохта Пўлатхоннинг бундай хатти-ҳаракати чор мустамлакачиляри кўп йиллар мобайнида орзу қилган бир иш эди. Чунки улар жиҳод тоғаси билан майдонга чиқсан ҳар қандай ҳаракатни ўта шафкатизлиқ билан бостиришдан ташқари, бу ҳаракат вужудга келган ҳар қандай юртни гўё тинчлик ўрнатмоқчидек бўлиб ўз мамлакатига кўшиб олиш ҳақида шахсан Россия императорининг ўзидан фармойиш олган эди.

Сохта Пўлатхоннинг жиҳод орқали душманни енгиш йўлидаги ҳаракатлари ҳар сафар мувафақиятсиз тугайверадики, бунда чор жосуслик идорасининг топшириғига кўра не-не найранглар, қаллобликлар қилган Абдураҳмон офтобачининг хиёнаткорлиги ҳам ҳал қўйувчи аҳамият касб этади.

Сохта Пўлатхон жиҳод йўлидаги бир неча мағлубиятлардан кейин жон ширин келиб, эл-юрт олдидаги баландпарвоз ваъдаларидан уямай-нетмай воз кечади ва собиқ ҳаммаслаги Абдураҳмон офтобачи изидан бориб, чор қўшинлари қўмондонлиги билан сулҳ тузиб, тинч-тотувлиқда яшашга қарор қиласди.

Архивда сохта Пўлатхон асир олинишдан роса бир ой илгари, яъни 1876 йил 18 январда Хўжанд ҳокими барон Нольденинг генерал-лейтенант Головачёвга жўнатган кўйидаги телеграммаси мавжуд:

“Ҳозиргина ҳузуримга Охунд домла Мирбадал мавлавий бошлиқ 14 кишидан иборат элчилар келди. Улар Пўлат томонидан Сиз, жаноби олийларига дўстлик ва сулҳ таклифи билан келишган. Тезроқ Тошкентга юборишингизни илтимос қилишяпти” (ЎзМДА, 1-жам., 34-қайд, 327-иш, 1-саҳифа).

Бу телеграмма Головачёвдан Колпаковскийга, ундан ўша вақтларда Петербургда бўлган фон Кауфманга жўнатилиди. Орадан уч кун ўтгач, 21 январда фон Кауфман Колпаковскийга телеграмма юборади. Унда бундай фармойиш берилган эди: “Элчилар Тошкентда тутиб турилсин, расмий қабул ўтказилмасин. Пўлатхоннинг мактубини менга жўнатмоқ учун сизга беришини айтиб, Охундга киши юборинг. Охунднинг гапларини пойламоқча бирор одам тайинланг, камроқ равиш-рафтор қилинглар” (ЎзМДА, 1-жам., 34-қайд, 327-иш, 5-саҳифа).

Худди ўша куни Колпаковский тобеинларига қўйидагича амр қиласи: “Пўлатбек элчиларини, аввал айтилганидек, Кўйликда ушлаб қолинглар, таъминоти дабдабасиз бўлсин. Уларнинг алоқалари ва гап-сўзларини пойлаш учун ишончли одам тайинланглар”.

Бу хужжатлардан маълум бўладики, генерал-губернаторлик доиралари сохта Пўлатхон билан сулҳ тузишни истамаган, барча қилмишлари учун ундан қасос олмоқчи бўлган.

Элчилар Тошкентдан ҳеч қандай музокарасиз-битишувсиз қайтарилиши биланоқ генерал Скобелев бошлиқ чор қўшинлари Пўлатхонни асир олишга киришади. Уларнинг бу ниятлари амалга ошувида Пўлатхон юборган элчилар ҳали Тошкентда эканида офтобачининг Скобелев қўшинларига 24 январда ихтиёрий таслим бўлгани жуда кўл келади. Чунки офтобачи таслим бўлган куниёқ Скобелев ҳузурига чақирилган ва у Пўлатхоннинг бешафқатлиги ҳамда бошқа ярамас ишлари билан ҳалқ нафрatiга учраганини айтиб, сохта хонни тутиб бериш борасида ўз хизматини таклиф этган. Чор армияси кўмондонлиги бу таклифга рози бўлиб, офтобачи ихтиёрига бир қисм аскар берган ҳолда сохта Пўлатхонни тутгани жўнатади. Сохта хондан жабр кўрган бир неча сарбозлар ҳам улар билан бирга боради. Икки ҳафтадан ортиқроқ давом этган жангларда қаттиқ мағлубијатга учраган сохта хон чекина-чекина, 1876 йилнинг февраль ойи бошларида Олой ортидаги Чавай қишлоғига келганида ўзи илгари қатл этганлардан бирининг фарзанди бўлмиш Абдуқаҳор Мирзо деган йигитнинг сайъ-харакати билан мажруҳ ҳолда кўлга тушади ва шахсан Скобелевга топширилади. Шу тариқа 1875 йил кузида Андижоннинг Бўтақаро қишлоғида Пўлатхон номи билан хон дея эълон қилинган Исҳоқ Ҳасан ўғлиниң тўрт ойча давом этган ваҳшиёна ҳукм-фармолигига чек кўйилади.

Мустамлака маъмурияти сохта хонни жазолашни ўша кезлари янги тузилган Фарғона вилояти ҳарбий-дала суди ҳукмiga ҳавола этади. Сохта Пўлатхон устидан ўтказилган суд мажлиси ва суд ҳукмининг ижро этилиши манзарасини ўз кўзи билан кўрган муаррих Мухаммад Азиз Марғилоний бу воқеаларни тарих учун муфассал баён этган:

“Военный губернатур (генерал Скобелев демокчи — Ш.Ю.) афзал мартабали гене-

рал-губернатур Кауфман фармойиши билан катта суд маҳкамаси очиб, бу суд маҳкамасига тамоми катта половий ва катта тўраларга улуф мажлис қурдириб, то неча вақтларгача Фўладхон аслида ким ва қайси жамоадин эканини, кимнинг амру ижозати билан бу шаҳарларга ҳужум қилганини, иғво чиқарганини, одамлар бошига бу саргардонликни согланини ва Султон Муродбекни ноҳақ ўлдирганини ҳамда хонзодаю бекзода, ҳар хил бегуноҳ одамларни сўйганини сўраб, тергов қилиб билиб, қатлга маҳкум қилди... Сўнгра Марғилон ичинда катта ўрданинг қошинда, яъни Янги каппонда бир катта баланд дор қилдириди ҳам унинг рўбарўсига бир қаро устун ўтқузди. Пайшанба куни (1876 йил 1 март — **Ш.Ю.**) катта бозор бўлиб, оммаи ҳалқ — томошибин киши жуда кўп. Шу вақтда Тупрокқўргонда(н) бир сартия аробаси теппасига бир алоҳида таҳт қилиб, (Фўладхонни) ўтқазиб (чиқди)... Фўладхоннинг устига қора кафан кийдиришган ва ҳамма лиbosлари қора. Скобелев — воений губернатур ўзи бошлиғ, тамоми аскания ўртага олган...

Ҳосили калом, дор остига келдилар. Фўладхонни аскариялар, мулозимлар, беклар оралатиб, бошида Скобелев ва тамоми аскария тўралари, соҳиби ҳукми суд, катта тўралар қараб турибдилар. Фозил иноқ арқон учини Фўладхон бўйнига илди ҳам деди: “Аҳволинг охири шундай мартабага келар экан, бегуноҳ хону бекзода сафирлар сенга қандай ёмонлиқ қилган эдилар, эй хотинталоқ?” Унга Фўладхон деди: “Сенинг номинг нима эди? Менинг тифимдан омон қолган экансан. Ҳайф, армоним кўнглимда қолди”. Ҳануз айтиб тамом қилмасдан дорға тортиб юбордилар. Уч кун дорнинг тепасида турди. Охири Марғилон қози ва уламоларига: “Гўр қилиб, шариатингизга мувофиқ дағғи қилинглар”, деб тафвиз бўлибди... Кўштепа деган мавзега олиб бориб, ўша жойга кўмид келдилар” (“Тарихи Азизий”. Т., “Маънавият”, 1999, 44-45 бетлар).

Кўкён хонлигидек катта бир давлатнинг бутунлай барбод этилиб, чоризм мустамлакасига айлантирилишида асосий айбдор бўлган икки кимсанинг бири — аслида носфоруш Исҳоқ Ҳасан қассоб ўғлининг эл-юрт бошига беҳисоб кулфатлар келтирган мудхиш қилмишлари ана шундай расволик билан якун топди.

## KHUDAYAR KHAN.

Or all the states of Central Asia, none has been more unfortunate in modern times than the state of Khokand. It was unfortunate in its internal affairs before the Russians had begun that career of conquest, in and beyond the country of the Kirghiz, which was ultimately to carry their banners in triumph to the banks of the Oxus and the slopes of the Hindoo Koosh. Civil feud and foreign aggression had both left their mark upon the history of a country that was youngest among the independent states of Turkestan. Its borders had expanded or shrunk in accordance with the character of the ruler, and although independence had generally been the right of the hardy hillmen of

KRAUS REPRINT  
Nendeln / Liechtenstein.  
1928

Крауз Репринт деган муаллифнинг 1978 йилда  
Парижда чоп этилган китобида “Марказий  
осиёликлар портретлари” рукни остида  
Худоёрхон ва Абдураҳмон офтобачи ҳақида  
материаллар берилган.

Суратда шу материалларнинг  
дастлабки саҳифалари.

Сохта Пўлатхоннинг ана шу қилмишларини хаёлдан ўтказар эканмиз, мустақиллик йилларида “Пўлатхон кўзғолони” деган рисола чоп эттирган бир тадқиқотчимизнинг сохта Пўлатхон ва унинг шерилари ҳақида “улар ватанпарварликлари, жасурликлари, ташкилотчиликлари ва халқпарварликлари билан авлод-авлодларга ўрнак бўлиб қоладилар” (58-бет), деган тумтароқ сўзлари хусусида ўйга толдик. Зоро, тарих ҳақиқати бу гапларнинг аксини кўрсатади. Сохта Пўлатхон ва унга ўшаган кишилар ўзларига айрим тадқиқотчилар томонидан зўрлаб ёпиштирилган юқоридаги сингари хусусиятлари билан эмас, балки худбинлик ва амалпастлиги оқибатида мамлакатни нотинч қилган, эл-юрт бошига балолар ёғдирган кимсалар тақдири қандай расвоник билан якун топишининг намунаси сифатида авлодларга ибрат бўлиши мумкин, холос.

## ABDERRAHMAN AFTOBATCHA.


AMONG the most prominent of the minor characters, who have stood forth within the last ten years on the platform of Central Asian affairs, must be placed Abderrahman Hadji, Aftobatcha, or ewer-bearer, at the court of Khudayar of Khokand. It is only four years since he headed the most desperate effort that has yet been made to free Central Asia from the thrall of Russia. For a brief space he figured as the champion of national liberties, and it was his energy which rendered the conquest of Ferghana one of the most arduous campaigns upon which Russia has up to the present time embarked.

Abderrahman was the son of Mussulman

12 \*

## СЎЗНИ СУЙГАН СУЛТОНЛАР

Ҳамиджон ҲОМИДИЙ



# ORIF SHAHZODA

Тарихда ўчмас из қолдирган темурийлар сулоласига мансуб шоҳ, амир ва бекларнинг аксарияти бадиий ижод ёки илм билан шуғулланган. Забардаст олим, қилқалам хаттот, бир неча тилни билувчи мутаржим, нозиктаъ шоир Дорошукух ҳам ана шундай фазилат соҳиби бўлган.

### Ирфоний иштиёқ

1615 йили бобурийлар авлодига мансуб Шоҳ Жаҳон хонадонида туғилган гўдакка она томонидан бобо бўлган асли техронлик давлат арбоби ва олим Осафхон Султони Дорошукух деб исм қўяди. Фарзанди тарбиясини отаси алоҳида назоратга олгани сабабли Дорошукух ёшлигидаёқ араб, форс, санскрит тилларини пухта ўрганади; ислом, тасаввуф ва фалсафа таълимотлари билан танишади. Бироз муддат иниси Аврангзеб билан Лохурда Жаҳонгиршоҳ хизматида бўлади. Лохурдан қайтгач, Дорошукух ислом тарихи, қадимги хинд фалсафаси, тасаввупнинг қодирия ва чештия тариқатлари тарихини ўрганишга киришади. Бу йўлда унга бобоси Фиёсиддин Мухаммад Осафхон яқин-

дан ёрдам беради. Олим ва тасаввуф бил и м д о н и бўлиб етишишида Сармади Кошоний, Муллаабдуллатиф Султонпур, Шайх Мұхаммад бинни Фазуллоҳ, Шайх Аҳмад Кобулий, Сарҳиндий ва Мирак Шайх Фазлуддиннинг ҳиссаси катта бўлган. Булардан ташқари, Дорошукух "Сафинат ул-авлиё" асарида Мулло Абу Бакр, Миёнжў, Мұхаммадмурод, кашмирлик Мулла Шоҳ каби устозлари номини ихлос билан тилга олган, улар ҳақидағи нақл ҳамда ҳикматлардан намуналар келтирган. Дорошукух давлат ишларига ва ҳарбий ҳунарларга қизиқмаса ҳам отаси унга Оллоҳобод, Панжоб ҳамда Мўлтон вилоятларини бошқаришни топширади.

Шунга қарамай Дорошукух илмий ва бадиий ижодга алоҳида эътибор қаратади. Хиндистанда илмий таржима мактабига асос солади; ўнлаб асарларни аслиятдан форс тилига ўгиради. 1657 йили Шоҳ Жаҳоннинг соғлиги ёмонлашгач, Дорошукухни ўзига валиаҳд қилиб тайинлайди. Бундан норози бўлган Аврангзеб исён кўтариб, отаси-



ни уй ичига банди этади. Аврангзеб-нинг қутқуси билан сарой тарихчиси Мустаидхон ва уламолар Дорошукухга “диндан қайтди” деб иғво уюштиради. Фитначиларга мағлуб бўлган Дорошукух Эронга ўтиб кетиш мақсадида Қандаҳорга йўл олади. Бироқ Аҳмадободда Саидаҳмад Бухорий, Гулмуҳаммад, Малик Жейвун, Бахтиёрхон сингари исёнчилар тарафига ўтган кимсалар Дорошукухнинг қўл-оғенини боғлаб, Кўхна Дехлининг Хизробод қалъасига олиб келади. Йўлда Дорошукухни севганинг ҳалқ фитначи сарбозларни бозор атрофида тошбўрон қилади. Натижада уларнинг бир нечаси ўлади, баъзилири ярадор бўлади. Бундан ғазабга мингандар фитначилар уламолардан Дорошукухни қатл этиш ҳақида фатво олади. Шундан сўнг Малик Жейвун шаҳзоданинг ханжар билан кесилган бошини тухфа сифатида Аврангзебга юборади. Аврангзеб эса уни лаганга солиб, уй қамоғида бўлган отаси Шоҳ Жаҳонга кўрсатади. Шу тариқа истеъоддли олим ҳамда ижодкор шаҳзода тожтахт ва фитна қурбони бўлади.

Шуни алоҳида таъкидлаш керакки, Шоҳ Жаҳон салтанатида ўзига хос адабий-илмий муҳит мавжуд эди. Бу Дорошукухга Файзий, Абдулқодир Бадюний сингари адиллар; Муҳибулло, Муҳаммад Лисонулло Рустакий, Бобо Лаъл Дос, Жаҳон Натх Миср каби мутафаккир шайхлар ва бошқаларнинг сұхбатларида, баҳсу мунозараларида фаол қатнашишга имкон берган. Улар эса унга ижод қилишга рагбат уйғотган.

Дорошукух ижодий меросида тасаввуф тарихи, қадимги ҳинд фалсафаси, ҳаттотлик, рассомлик, наққошликка доир асарлар, рисолалар алоҳида ўрин тутади. Қадимги ҳинд эпоси “Упанишад”ни таржима қилиш жараёнида эса синчков луғатшунос сифатида ҳам ўзини кўрсатган. Чунки у бу иш давомида упанишадлардаги минглаб сўзлар изоҳи ва шарҳини яратган.

### Бекиёс мерос

Дорошукух ижодий меросининг каттагина қисмини тасаввуф тарихи, муайян авлиёлар ҳаёти ва ижодий мероси таҳ-

лили, ислом дини тарихи, Ҳиндистондаги турли мазҳабларга бағишилган асарлар, таржималар ташкил этади. У Банорас донишмандлари ёрдамида қадимги ҳинд эпоси “Йога — виҳиштый”ни форс тилига ўтирган.

1. “Сафинат ул-авлиё”ни Дорошукух ийигирма беш ёшида ёзиб тугатган. Рисолада Муҳаммад алайхиссалом, исломдаги ўн икки буюк имом ва қодиррия, нақшандия, кубравия, сұхравардия, чештия тариқатларида 377 нафар шайхнинг мукаммал таржимаи ҳоли баён этилиб, уларнинг риёзат ва кароматлари ҳақида ҳикоятлар, ҳикматларидан намуналар келтирилган. Асарни ёзишда “Табоқати сўфия”, “Кашф ул-маҳжуб”, “Нафаҳот ул-унс”, “Тазкират ул-авлиё”, “Шавоҳид ун-набавия” каби 30 дан зиёд манбадан фойдаланилган. Бу китобнинг бошқа шу хилдаги асарлардан фарқи шундаки, муаллиф унда пайғамбар алайхиссалом ва машойихларнинг завжай мукаррамалари, қизларининг ҳолатларини ҳам баён қилган.

2. “Сакинат ул-авлиё”. Бу асарини Дорошукух ийигирма етти ёшида ёзиб тугатган. Рисола тасаввуфга доир батағсил мұқаддима билан бошланади. Ундан сўнг Абдулқодир Фийлоний, Мулло Шоҳ, Миёнжүнинг ҳаёт ва фАОЛИЯТИНИ анча мұфассал ёритади; ҳатто уларнинг маслаҳотлари, шогирдлари хусусида ҳам маълумот келтиради. Бу ҳақда муаллиф “Миёнжүнинг барча асҳоблари ҳақидағы ҳамма далилларни тўпладим” деб ёзади. Маноқиб йўсимида асар ҳисобланган “Сакинат ул-авлиё” Дорошукухнинг шахсияти, ҳаёт йўлини ўрганишда ҳам муҳим манба ҳисобланади. Китоб охирида муаллиф фахрия тарзида бундай ёзади:



*Сад шукрки, ин сакинаи Миёни Мир,  
Басе хуб тамом шуд зи хусни таҳрир.  
Чун ҳазрати Миён Мирро набуда соне,  
Албатта, мар ин "Сакина"ро нест назир.*

(Юз шукрким, Миёни Мирнинг бу сакинаси яхши таҳрир-ла тугади. Ҳазрати Миёни Мирнинг тенги йўқ эди, шунинг учун бу "Сакина" ҳам беназирдир.)

3. "Рисолаи ҳақнамо". Йигирма варакдан иборат бу рисола олти фаслдан ташкил топган. Дорошукух бу асарида асосан ваҳдати вужуд таълимоти ва назарияси ҳақида фикр юритиб, мулоҳазаларини устоzlари Миёнжӯ ва Мулло Шоҳга боғлаб баён этади.

4. "Ҳасанат ул-орифин". Рисола "Шатаҳиёт" деб ҳам аталади. Китобда олтмишдан зиёд буюк машойихнинг ижтимоий-фалсафи, ахлоқий-таълимий ҳикоят ва тамсиллари келтирилган. Асар муаллиф ва Бобо Лаъл Дос ўртасидаги савол-жавоблар баёни билан тугайди. Матн таркибида байт, фард, рубой жанридаги кўплаб шеърлар учрайди.

5. "Мажмाъ ул-баҳрайн". Асарда Дорошукух "Унсурлар баёни", "Хослар баёни", "Машғуллик баёни", "Оллоҳ сифатлари баёни", "Рӯҳ баёни", "Овоз баёни", "Тўрт олам баёни" сингари 20 та баҳсада ислом дини билан ҳинд мазҳабларида ги муштарак жиҳатларни аниқлашга интилган. Унда Дорошукух ҳиндлар билан мусулмонларнинг бирлиги, биродарлигини таъминловчи "Сулҳи кулл" гоясини илгари суради.

6. "Сирри Акбар". Дорошукух ўлимидан икки йил олдин олти ой давомида қадимги ҳиндларнинг илмий, ахлоқий-таълимиy, диний, ижтимоий-фалсафи асарларидан бўлмиш "Упанишад"-дан ("Устод наздида ўтириш") намуналарни санскритдан форсийга таржима қиласди ва уни "Сирри Акбар" деб атайди. Бу — "Упанишад"-нинг ўзга тилга нисбатан мукаммал илк таржимасидир. Таржима қадимги ҳиндларнинг илмий ва диний қарашлари ҳақида кенг маълумот берувчи муқаддима билан бошланади. Китоб охирида матнда учрайдиган минглаб ибора, мазҳабга оид атамалар, асотирий, тарихий номларнинг анча батафсил шарҳлари илова қилинган. "Сирри акбар"ни "Авесто"нинг

таржимони Анкетил Дюперрон 1781 йили француз ва лотин тиллариiga таржима қилиб, нашр эттирган. Таржиманинг асл матни машҳур файласуф, тарихшунос доктор Таро Чанд сўзбошиси билан Техронда бир неча бор нашр этилган.

7. "Девони Дорошукух". Дорошукух умр бўйи шеъриятнинг барча жанрларида асарлар яраттан. Илмий ва бошқа насрой асарлари таркибидаги кўплаб шеърлар ҳам буни тасдиқлайди. У шеърларини тўплаб тузган девонига "Иксир Аъзам" деб ном кўйган. Аммо бизга қадар девонинг мукаммал нусхаси етиб келмаган. Турли кўлёзмалар хазиналарида "Девони Дорошукух" номи билан сақланаётган дастхатларда асосан газал ва руబойлар жамланган бўлиб, 225-300 та шеърни ўз ичига олади. Агар бошқа асарлар таркибидаги шеърларни ҳам бунга кўшсак, шоирнинг назмий битиклари сони 500 та дан ошади.

8. "Номаҳои ирфоний". Дорошукух ўз даврининг буюк машойихлари билан мунтазам мактуб ёзишган. Бу китобда ана шу номалар ва уларга олинган жавоблар тўплланган. Масалан, Шайх Муҳибуллога йўлланган номада ўн олти ирфоний саволга жавоб берилган. Мазкур номалар қодирия тариқатини ўрганишда қимматли назарий манбадир.

9. "Тариқат ул-ҳақиқат". Турли тариқатлар тариҳи ва моҳияти таҳлилига бағишиланган бу китоб муқаддима ва ўттиз бобдан иборат. Матн таркибига 32 рубоий, 123 байт шеър киритилган. Саъдий Шерозий, Амир Ҳусрав Деҳлавий ҳамда Абдураҳмон Жомий қаламига мансуб бу шеърлар муайян илмий-назарий мулоҳазаларни асослаш учун мисол тариқасида келтирилган. Рисола урду тилига таржима қилиниб, чоп этилган.

10. "Рисолаи саволу жавоб". Қандаҳор сафаридан қайтишда Дорошукух Сарҳинд вилояти яқинидаги Деҳангур мавзеига, замонасининг буюк донишманди Бобо Лаъл Дос ҳузурига боради. Суҳбат давомида шаҳзода унга ҳинд мазҳаби ва тасаввуфа доир бир неча савол билан мурожаат қиласди. Бу савол-жавобни сұхбатда иштирок этган браҳман Чандор Баҳон ёзib олади. Мазкур китобдан ана шу матн ўрин олган.

## Нозикбин хаттот

Дорошукух қилқалам хаттот бўлган. У хаттотлик сирларини Мир Имод Хушина висдан ўрганган ва бу соҳада ҳам баракали ижод қилган. У кўчирган китобларнинг турли нусхалари Шарқнинг машҳур кутубхоналарида жамланган. Манбаларда Дорошукухнинг хаттотлик назарияси ва амалиётига доир рисола ёзгани ҳакида маълумотлар бор.

1. “Ҳикмати Арасту” — Ҳайдарободнинг “Осафия” кутубхонасида.

2. Қуръоннинг “насҳ” хатида оху терисига кўчирилган нусхаси — Ҳайдарободнинг “Азизбоғ” кутубхонасида.

3. Қуръони мажиддан бош сураси: “насталиқ”да кўчирилган. Оятлар олтин сувида ёзилган — Калкuttaдаги Ёдбуди Якатуре төлорида.

4. “Рисолаи даҳ панди Арасту” асари ҳам мазкур толордан жой олган.

5. “Маснавии Султон Валад” — Бангладаги Анжумани Осиё кутубхонасида.

6. Ҳофиз ғазаллари ва Жомий рубоийлари — Деҳлидаги Қалъаи Сурх музейида.

7. Низомий “Хамса”си. “Насталиқ”да кўчирилган. Уни Дорошукух яқин дўсти ва маслакдоши Муҳаммад Муқим Жавҳарийга ҳадя қилган — Ҳиндистондаги Девон кутубхонасида.

8. “Сафанат ул-авлиё” “насҳ” ва “насталиқ”да кўчирилган — Бонгпур кутубхонасида.

## “Кўхи нур”га қиёс қилгулик

Дорошукух хушнавис хаттот, маҳоратли лаввоҳ бўлиш билан бирга, диди баланд наққош ҳам бўлган. Ўзи бино этган Қалъаи Сурх кутубхонасида унинг бу соҳадаги ижодига доир бир қанча асарлар мавжуд. Улардан бири машҳур муракқаъ — альбомdir. Тасвирий санъат сирларини нозик тушунган Дорошукух бир неча йил давомида Ҳурросон, Мовароуннаҳр ва ҳинд миниатюра санъатининг нодир намуналарини йигиб, алоҳида саҳифаларга жойлаб, турли нақшу нигорлар билан зийнатлайди. Ҳар бирининг ҳошиясида олий навдаваги “насталиқ” билан поварақлар ёзади ва ҷармдан муқовалатиб, севимли хотини Каримуннисо — Нодирабегимга ҳадя этади. Муқова тикма — терма сирач усулида тайёрланган бўлиб, олтин суви югуртирил-

ган. Мана, тўрт асрдирки, бу мураққаъ санъатшунослар томонидан беназир бир мўъжиза, муаллифнинг буюк бир қашфиётти сифатида баҳоланиб келаётир. Инглиз олими Перси Броун “Темурийлар даври хинд наққошлиги” асарида “Бу муракқаъ шуни кўрсатидики, Дорошукух... миниатюра санъатининг том маънодаги буюк дошишманди ва ижодкори бўлиб, намуналарни баланд дид билан сайлаб олган”, дейди. 1940 йили “Таймс оғ Индия” газетасида чоп этган мақоласида Чекил Бурнс “Кўхи Нур”ни Шарқ олмосларининг энг олийси дейиш расм бўлган. Дорошукух тайёрлаган бу альбомда Эрон, Марказий Осиё ва темурийлар даври Ҳиндистон миниатюраларининг энг гўзал намуналари юксак дид ва санъаткорлик билан жамланганки, унинг қиммати “Кўхи Нур”дан асло кам эмас”, деб таъкидлайди. Дорошукух тасвирий санъат назариясига доир мулоҳазаларини альбомга ёзган муқаддимасида батафсил баён этган. Ушбу альбом Шарқ ҳалқлари миниатюра санъати тарихини, хаттотликнинг усул ва услубларини ўрганишда нодир манба ҳисобланади.

Юқорида қайд этганимиздек, Дорошукух наққош бўлган. У ўзи кўчирган китобларга зийнат берган, миниатюралар билан таъминлаган. Бундан ташқари, у портрет жанрида ҳам баракали ижод қилиб, аждодларининг суратларини чизиб қолдирган. Дунёнинг энг нуғузли музейлари ва кутубхоналарида Дорошукух чизган суратлар сақланмоқда. Жумладан, Эрон салтнати кутубхонасида Дорошукухнинг бир неча суратлари мавжуд. Улар “Осори Эрон” китобида ҳам эълон қилинган. Дорошукух чизган Мулло Шоҳ, Миёнжӯ портретлари Бомбай музейидан жой олган. Ҳиндистон тасвирий санъати, бобурийлар даври миниатюралари тарихига бағишлиган барча тадқиқотларда ҳам Дорошукух асарларидан намуналар берилган.

Китобат ва миниатюра санъатидагига на эмас, бадиий ижодда ҳам Дорошукух кўплаб ёшларга раҳнамолик қилган. Форсий ва ҳиндуда тилларида баробар ижод қилган машҳур шоирлар Мирзо Розий Дониш, Орифи Каширий, Муллашоҳий Бадаҳший, Чандра Бҳан Браҳман бевосита Дорошукухнинг шогирдлари ва ҳам маслаклари бўлган; унинг хомийлигига шеъриятда баланд мақомга эришган.



Дорошукуҳнинг ота томондан аждодлари

1-қаторда ўндан чапга:

1. Амир Темур
2. Мироншоҳ
3. Муҳаммад

2-қаторда ўндан чапга:

1. Абу Саид
2. Умаршайх
3. Захириддин Муҳаммад Бобур

3-қаторда ўндан чапга:

1. Акбар
2. Жаҳонгир (Султон Салим)
3. Ҳумоюн

Дорошукуҳ бадиий ижод билан ҳам шуғулланган. У фазал, қасида, рубоий, қитъа, фард каби жанрларда кўплаб шеърлар ёзган. Умрининг охирларида шеърлари ни тўплаб, “Иксирни Аъзам” номи билан маҳсус девон тартиби берган. Дорошукуҳ ўзини қодирия тариқатининг вакили деб билгани учун шеърларида “Қодирий” таҳаллусини қўллаган. Дунёдаги турли қўлёзмалар хазиналарида Қодирий девони, дастхатларининг турли нусхалари сақланади. Жумладан, Ўзбекистон Фанлар Академияси Беруний номидаги Шарқшунослик институтидаги 2295-рақамли қўлёзманинг 1-97-варажларидан Қодирий девони ўрин олган.

Маълумки, ўтмишда яшаб ижод этган аксарият тасаввуф шоирлари ижодида ислом маърифати, ахлоқ-одоб, ҳақиқий ишқ тасвири етакчилик қиласди. Уларда Оллоҳнинг ҳар икки олам яратувчиси экани, ягоналик фақат унгагина хослиги, инсон фақат унгагина чин муҳаббат қўйиб, висолига эришмок йўлида заҳмат-риёзат чекиши шартлиги ифодаланган. “Ойнаи ту”, “Эй ту андар”, “Ҳарки бигзашта”, “Беҳисоб ва бениқобаст офтоб”, “Чашмаи нобино”, “Зи зоташ ҳар ду” деб бошлиандиган фазал ҳамда рубойларида ана шу илоҳий ишқ ранг-баранг бадиий тасвирий воситалар орқали акс этган.

“Салтанат ҳеч нарса эмас, фақирликка юз тутгин” деган Қодирий кишиларни

поклигу ростликка, камтарлигу тавозега, инсондўстлигу ширингуфторликка даъват этади. Куйидаги байт шу жиҳатдан алоҳида аҳамиятга эга:

Ҳар ҳаму печеки шуд, аз тоби зулфи  
ёр шуд,  
Дом шуд, занжир шуд, тасбех шуд,  
зуннор шуд.

Маъноси: ҳар бир эгрию тобланиш ёр зулфининг бурилишидан бўлди: тузоқ бўлди, занжир бўлди, тасбеху зуннор бўлди.

Илмий рисолаларидаги шеърларнинг аксарияти ирфоний маърифат, юксак ахлоқ тарғибига бағишланган. Қодирий фазалнинг енгил вазнларида содда бир услубда ижод этган.


Хуласа қилиб айтганда, Дорошукуҳ илм ва ижодда бой мерос қолдирган ориф шахзодадир. Унинг тасаввуф назарияси, мазҳаблари ва ислом тарихига доир қарашлари, таржимонлик фаолияти умумбашарий аҳамиятга эга. Дорошукуҳ ижодини ўрганиш борасида муайян ишлар амалга оширилган бўлса-да, бу меросни янада кенгроқ таҳлил қилиш ва девонини нашр эттириш шарқшуносларнинг галдаги вазифасидир. Зоро, Дорошукуҳ Шарқ тасаввуф таълимотини ўрганиш, тарғиб қилиш ҳамда қодирия тариқатининг асосларини бадиий ижодда инъикос эттиришга муваффақ бўлган санъаткордир.



Дорошукуҳ

Мумтозмаҳал  
(Дорошукуҳнинг онаси)

Шоҳжакон



НАВОЙ СӨҒИНЧИ

# ODAMIYLIK Asosi

*To iшқ шиддатида тавшалмас одамизод,  
Ноодамийлик андин кетмас йироку дунлук.*

Байт мазмунидан англанилишича, инсон табиатига хос бўлган нокаслик, ахлоқсизлик каби иллатлардан уни халос этишнинг ягона воситаси ишқдир. Аникроқ айтганда, инсон покланиш учун илоҳий ишқ шиддати остида ээзилиши, янчилиши, заррага айланishi керак.

Ҳазрат Навоий ижодида ишқ тушунчасининг маъно миқёси ниҳоятда кенг. Бу истилоҳ инсонларнинг ўзаро муносабатидан тортиб жамият ҳаётига доир масалаларгача қамраб олади. Шоир наздида, илоҳий ишқ — денгиз, инсонлар эса — кирланган irmoқлар. Ирмоқлар денгизга қўйилиб софлангани каби, инсон ҳам ишқ воситасида покланади. Навоийнинг инсонга муҳаббати шу қадар юксакки, у даврон аҳлининг нобоплиги сабабларини ҳам ўзидан қидиради — инсонларнинг турфа иллатлардан тозаланишига етарли боис бўла олмаяптиki, улар орасида “дунлик”, “ноодамийлик” урчимоқда. Ёмонликлар хусусида гап кетганда шоир авваламбор ўзини поклаш, қалbdan иллатларни қувиш ташвишига тушади.

Таъкидлаб ўтилганидек, Навоий инсонга аввал-бошданоқ турли иллатлар манбаи сифатида қарайди. У айтмайдики, “Эй инсон, сен аввал тоза, пок, олий бир мавжудот эдинг, кейин кирландинг, айнидинг, бузилдинг”. Йўқ! Шоирнинг фикрича, табиий инсон, яъни ишқ оловида ҳали куймаган, олий дард кўнглини ўртаб,

юрак-бағрини ёндиrmаган мавжудот — одам эмас! Навоий талқинида одамийлик йўли ишқ алангаси ичидан ўтади. Ана шу оловдан омон чиққанларнингина у одам деб ҳисоблайди ва эътироф этади. Чунки бу олов асл хислат ва фазилатларга зиён етказмайди, аксинча, уларни губордан тозалаб, жило, сайқал бағишлайди.

Инсон бамисли тозаланмаган руда: унда олтин ҳам, мису жез ҳам — қўйингки, керакли ва кераксиз, зарарли ва безарар маъданлар қоришиб ётибди. Бироқ фойдалисидан фойдасизи кўп. Уларни бир-биридан ажратувчи восита — олов. Табиийки, соф ҳолдаги маъдан учча оғир бўлмайди — гоҳо бир тонна рудадан бир мисқолгина олтин чиқиши мумкин. Шунга таққослансанса, софланган инсонга бу дунёдан кўп нарса керак эмас. Ишқ воситасида покланмаган банданинг эса нафсини ҳеч нарса билан қондириб бўлмайди: унга дунё, дунё ва яна дунё керак! Ишқ отлиф муаллим сабогини олган одамга дунё даркор эмас, аксинча, дунёга у даркор. У дунёга эмас, дунё унга муҳтож. Энди у талабгор бўлмай, матлубдир. Ишқда комиллик касб этган инсонга олий Матлубнинг ўзи, унинг Ҳабиби, малоикаю ҳурлар, жаннату аршу лавҳи курси ҳам ошиқ бўлади.

Ишқ — иксирни аъзам. Зотан норасо, нопок кимсага панд-насиҳат, ўғит-тарбия, билим-маърифат кор қилмайди. Бинобарин, одамни билимли, тарбияли этмоқ учун, авваламбор, унинг кўнглини покламоқ зарур. Ишқ кўнглини софламаган инсон билан муомала қилмоқ қийин: бундай одам ишоратни тушунмайди, башоратни илгаёлмайди, сирни сақлаёлмайди. У мудом турланади, тусланади — баайни буқаламун. Сокинлик, қатъият, теранлик унга ёт. Ҳазрат шу боис Мажнун ва Фарҳодни ҳали туғилмасданоқ ишқ нашъаси кўнглига жо бўлган қаҳрамон сифатида тасвирлайди. Шоирнинг қаноатича, ҳақиқий ошиқда ишқ жараёни ҳали жисм ва руҳ бир-бирига пайванд этилмаган даврданоқ бошланади.

Навоий наздида, ишқ ана шундай теран ботиний хосиятга эга. Шу билан бирга, ишқ — нафақат маънавий-ахлоқий тушунча, балки жамият аъзолари ўртасидаги муносабатларни тартибга со-лувчи мезон. Муҳаббат шахснинг ҳам муайян бир инсон, ҳам бутун жамият билан муносабатини белгилайди ёки аслида белгиламоги даркор. Бинобарин, улуғ мутафаккир ижодида ишқ даҳр, олам, дунё, даврон, эл, улус, зоҳид, шоҳ сингари ижтимоий тушунчалар билан боғлиқлиқда талқин этилади. Бу эса ишқнинг ахлоқийликдан ижтимоийлик сари юксалганини кўрсатади.

**Нодир РАМАЗОН**



**ЖАВОНДАГИ ЖАВОХИР**

# **BIRINCHI MO'JIZA**

**Jaloliddin SAFO muftolaa qiladi**

Янги аср бўсағасида дунё олимлари, сиёсат ва жамоат арбоблари, халқаро ташкилотлар ўтган икки минг йилликнинг инсоният тараққиётига бемисл ҳисса қўшган энг буюк воқеаси сифатида китоб чоп этишнинг ихтиро қилинганини эътироф этди. Ваҳоланки, бу ўринга Исо пайғамбарнинг дунёга келиши, порох, радио, пенициллин, интернет, Эйнштейннинг инсон тафаккурини остин-устин қилиб юборган нисбийлик назариясининг кашф қилиниши, космоснинг забт этилиши каби кўплаб оламшумул ҳодисоту кашфиётлар даъвогарлик қилган эди.

Китоб босиш 2000 йилликнинг энг буюк воқеаси деб эътироф этилгани замираидагандай улуф ҳақиқат мужассамлашганини ҳижжалаб тушунтиришга сира ҳам ҳожат йўқ. Шу билан бирга, бугунги замонавий ахборот ва инновацион технологиялар тараққиёти дафъатан ақл-идрокни-да шошибириб қўяётган бир вақтда инсон ҳаётида китобнинг ўрни ва аҳамияти йўқолди, дейдиганлар ҳам истаганча топилади. Бироқ бу каби қарашларнинг ниҳоятда юзаки ва сохта эканини ҳаётнинг ўзи исбот этмоқда. Биргина мисол.

Халқаро тадқиқот ва сўровлар ривожланган Фарб мамлакатларида интернетдан фойдаланувчилар сони қанчалик ошаётган бўлса, китоб сотиб олиш ва ўқиш ҳам унга мутаносиб равишда ўсаётганини кўрсатган. Бу эса китобнинг ўрнини ҳеч нарса босса олмаслиги, унинг мўъжизавий куч-қудрати олдида интернетдек энг қулай ва замонавий восита ҳам ожиз эканининг яна бир исботидир.

**Тўлқин А л и м а р д о н о в . Сиёсат ва ахлоқ.  
Тошкент, “Фан” нашриёти, 2005.**

Жаҳон харитасида янги ўзбек давлатининг пайдо бўлиши туфайли халқимизда ҳам сиёсий, ҳам иқтисодий соҳадаги куч ва қудратини наимойиш этиш имкони туғилди. Президентимиз раҳнамолигида давлат-

СИЁСАТ  
ВА  
АХЛОҚ

ТУЛҚИН АЛИМАРДОНОВ

чиликнинг сиёсий, ижтимоий, иқтисодий ва мағкуравий-гоявий тизими яратилди. Ана шу жараёнларни илмий асосда тадқиқ ва таҳлил этиш йўлида сайъ-ҳаракатлар бошланди. Истеъдодли сиёсатшунос Тўлқин Алимардоновнинг илмий изланишлари ана шундай тадқиқотлар сирасига киради.

Олим ушбу тадқиқот ишида инсоннинг яралishiдан бугунга қадар ҳаммани ўйлантириб, қийнаб келаётган эзгулик ва ёвузликнинг сиёсат ва инсон ҳаётида акс этиши, унинг сабаб ва оқибатлари, жамики мураккабликлари устида фикр юритади. У тарихий фактлар ва шахслар фаолиятини таҳлил қилиб, “муаммога “яхшилик ва ёвузлик ўратасидаги кураш” қабилида жавоб берсак, мавзумиз моҳияти очилармикан!?” деган ниҳоятда ўринли савол кўяди. Ҳақиқатан ҳам, инсон ва унинг феъл-атвори, тарихий воеа ва жараёнлар шунчалик мураккаб ва бирёклама эмаски, унга собық совет тузумидаги ҳукмрон мағкуранинг “оқ” ва “кора” сингари кескин қолиллари доирасида сийқа ва саёз ўлчовлар асосида жавоб берилса. Муаллиф миқёсни кенгроқ олади. Фарб ва Шарқнинг тарихий тажрибасини таҳлил этиб, уларнинг ўйғун жиҳатлари ва қарама-қаршиликлари ҳақида жўяли холоса чиқаради ва ўқувчини ўйлантирадиган фикрларни ўртага ташлайди.

Аслида, сиёсат ва ахлоқ масалалари — азал-азалдан кўпгина аллома ва давлат арбобларини ўйлантирган, ҳатто уларни изтиробга солган мураккаб жараёндир. Қолаверса, сиёсат ва ахлоқ масаласида антик даврда шаклланган қарашлар ҳозиргacha кўпам ўзгармаган. Ахир, Арасту ва Сукрот асарлари антик давр одамини қанчалик қойил қолдирган бўлса, асримиз одамининг ҳам шунчалик таҳсинига сазовор. Ёки буюк бобомиз Алишер Навоий ғазаллари ўн бешинчи аср ўқувчисини қанчалик ҳайратга солган бўлса, бугунги ўқувчини ҳам шунчалик ҳаяжонга солмоқда. Ахлоқ, маънавият, яъни инсоннинг кўнгли ва онги билан боғлиқ улуғвор тушунчалар, ҳис-туйғулар мудом ўзгармас ва сабитдир. Эрамиз остонасида ўзининг энг яқин мулозими, содик дўсти деб билган Брутнинг хоинлигини кўриб “Брут, наҳотки бу сен!” деб ҳайқирган Цезарнинг ҳайрати ҳали ҳам ўша оҳангда жарангламоқда. “Таҳтдаги файласуф” деб ном олган Рим императори Марк Аврелийнинг “Ўзим билан юзма-юз” асарида тутинган отаси, собық император Антонин Пия ҳақида билдирган қўйидаги фикрлари ҳам ўз қадр-қимматини ўйқотмаган: “Мехнаткашлигим, қарорлар қабул қилишда қатъиятим, шахсий манфаатим ҳақида ўйламаслигим — барча-барча фазилатларим учун отамдан қарздорман. Отамнинг кимдандир яширадиган сири йўқ эди. Император сифатида амалга оширган барча улуғ ишларини мақтанчоқлик, шуҳратпарастлик учун эмас, бурч тақозоси деб биларди. У менга саройда яшаб, император таҳтида туриб ҳеч қандай тан кўриқчиларсиз, шоҳона кийимларсиз, базму жамшидларсиз, бойликларсиз оддий ҳалол одамнинг ҳаётини кечиришни ўргатди. Унга бекарорлик ёт эди. Ҳар қандай ишда изчил ва сабит эди. Ўзига билдирилган ноҳақ айбларни ҳам босиқлик билан эшитарди. Император фикрига қарши очик фикр билдирганларни ҳам сабр-тоқат билан тингларди... Факат императорни мақтайдиган, пораҳур, лаганбардор, мансабпраст, ёвуз ва золим кишиларга токати йўқ эди. Бирор ишни амалга оширишда ўзининг фикридан бошқачароқ, лекин яхшироқ фикрни эшитса кувонарди. Ўлим тўшагида сўнгиги нафасингни худди унингдек тоза ва тинч виждан билан кутиб олишингни тилайман”.

Сиёсатда ахлоқ масалалари ҳақида гап кетар экан Марк Аврелий тасвирилаган император Антонин Пиянинг мутлақо тескариси ва “майли нафратланишсин, факат кўрқсалар бўлди” деган гапни ўзига шиор қилиб олган император Калигуланинг золимлиги ва шафқатсизлиги, пораҳурлиги ва ўтакетган ахлоқсизлигини эслаш кифоя. У ўзини ҳатто худо деб эълон қилишгача бориб етган. Орадан минг йиллар ўтса-да, у ҳамон зулм ва зуравонлик тимсоли бўлиб қолмоқда. Ҳалқ баҳту саодати йўлида ҳалол меҳнат қилган ҳукмдорларни ҳам, шуҳратпарастлик васвасасига йўлиқкан мустабид золимларни ҳам кўхна тарих кўп кўрган. Замона зайлай қандай бўлмасин, озод ва хур фикрли кишиларни, даврнинг илфор одамларини сиёсат ва ахлоқ масалалари ҳамиша ўйлантирган. Зотан,



бу масала жамиятнинг нафақат мънавий-руҳий дунёсини, шу билан бирга, иқтисодий-ижтимоий тараққиёти ва тартиботларини белгилаган.

Энг қадимги даврлардан бошлабоқ жамият ва инсон ҳаётида ахлоқ тушунчасининг ўзаги бўлмиш ор-номус етакчи ўринда турган. Ватан, оила, инсон сингари муқаддас тушунчалар ор-номус билан чамбарчас боғланни кетган. Тарихдан маълумки, Франция қироли Францис Биринчи (1494-1547) кўшинлари Павин шахри ёнида Карл Бешинчи армияси томонидан янчидан ташланади ва қиролнинг ўзи асирга тушиб қолади. Шундан сўнг қирол онасига бор-йўғи бир жумладан иборат, яъни “Ор-номусдан бошқа барча нарсани йўқотдик” деб мактуб йўллаган.

Тўлқин Алимардонов ахлок ва сиёсат, жамият ва ахлоқ масалаларини қамраб олган бир қатор қизиқарли тарихий воқеаларни, алломалар ҳамда олимларнинг фикр-мулоҳазаларини таҳлил қиласди. Муаллиф сиёсатда ахлоқ қандай бўлиши зарур, деган масалада мушоҳада юритиб, адолат тамойилини биринчи ўринга қўяди. Зоро, ҳар қандай сиёсатнинг инсонпарварлиги адолат тамойилига нечоғлиқ суюганига боғлиқ. Шу боис олим бу борада давлатимиз раҳбари Ислом Каримовнинг “Биз янги, озод жамият, хуқукий давлат куришни ўз олдимиизга мақсад қилиб қўйган эканмиз, адолат тамойилини устувор принцип сифатида эътироф этамиз” деган фикрига алоҳида эътибор қаратган.

Гап сиёсат ва ахлоқ мавзусида кетар экан, шу ўринда ҳар қандай сиёсат, давлат, ҳокимиятнинг бирдан-бир манбаи бўлган халқ, яъни одамлар онг-тафаккури хусусида ўй суриси, кўпгина муаммоларга, саволларга жавоб топгандек бўласиз ҳамда айни масалада мушоҳада юритиш мароқлидир. Чунки китоб муаллифи фуқаро ва давлат муаммо-сига батафсил тўхтатган.

Халқимиз характеристидаги бағрикенглик, тантлилик, меҳмондўстлик, андиша, ор-номус тўғрисида фуур билан кўп гапирамиз. Бу — чин ҳақиқат. Ва бу фазилатларимиз билан қанчалик фахрлансак оз. Аммо миллат характери ва тафаккур тарзидаги камчиликлар хусусида гапиришга ийманамиз. Ўтмишда халқимиз бошига тушган кулфатларга ўюшқоқликнинг йўқлиги, тафаккурдаги маҳдудлик, маҳаллийчилик, бурнидан нарини кўра билмаслик, мансаб ва бойлик учун миллат манфаатларига хиёнат қилиш, фақат ўз тинчини ўйлаш ва бошқа кусурларимиз сабаб бўлмадимикан?

Истиқол йилларида Юртбошимиз мамлакат тараққиёт тарзини нега танқидий таҳлил қилиш йўлини бошлади? Нега ҳар биримиздан доимо муаммоларни очик-ошкор айтишни талаб қилмоқда? Бу саволлар моҳиятида, жаҳондаги энг тараққий этган мамлакатлар ва халқлар ҳаётидан ортда қолмаслик, ҳеч кимдан кам бўлмаслик, яна кимнинг дир асоратига тушиб қолмаслик, тенглар ичидан тенг бўлиш, атрофимизга доимо хүшёрлик билан қараш, кадрлар тайёрлашнинг халқаро стандартларига эришиш, хуқукий-демократик жамият қуриш ва энг муҳими, халқ тафаккурини ўзгартириш ва фуурини ўйғотиш каби теран мазмун-моҳият ва улуғвор орзу-ниятлар мужассам.


Мустакиллик даврида амалга оширилаётган ислоҳотлар жараёнида одамларнинг тафаккур тарзини ўзгартиришга асосий эътибор қаратилаётганидан мақсад — ўша асрий маҳдудликлардан ва эски замон асоратларидан миллат онгини халос қилишdir. Онг ва тафаккурни ўзгартириш, инсоний фууруни шараф даражасига кўтариш ва ҳурмат-эътиборга лойиқ миллат бўлишимиз учун ўзимизнинг аниқ ва қатый мақсадимиз бўлмоғи даркор. Президентимиз таъбири билан айтганда, “Мақсад дегани — халқни, миллатни бирлаштирувчи, йўлга бошловчи бамисоли бир байрок. Бу байрок бутун Ўзбекистон халқининг рухини, фуур-ифтихорини, керак бўлса, қудратини, орзу-интилишларини мужассамлаштирадиган улуғ кучдир. Давлатимизнинг, халқимизнинг, эл-юртимизнинг мақсади ўзининг улуғворлиги, ҳаётийлиги ва ҳаққонийлиги билан ҳаммамизни жалб этадиган бўлмоғи лозим. Токи бу мақсад халқни — халқ, миллатни — миллат қила билсин, кўлимизда енгилмас бир кучга айлансан” (“Тафаккур”, 1998 йил, 2-сон).

Тўлқин Алимардонов илмий тадқиқотида янги ўзбек давлатининг миллий манфаатларига мос инсонпарварлик, ахлок ва фуқаро таянган сиёсатини, айниқса, фуқаро ва давлат, шахс ва жамият муаммоларида одамлар онг-тафаккуридаги эврилишларни кенг камровда ва ёрқин бўёқларда акс эттирган.

**Баҳодир Умаров. Глобаллашув зиддиятлари.  
Тошкент, "Маънавият" нашриёти, 2006.**

Ҳозирги вақтда "глобаллашув" атамаси энг кўп тилга олинмоқда. Миллий чегараларнинг йўқолиб бораётгани, трансмиллий иқтисодий-молиявий куч ва марказларнинг устуналиги, давлатлар ва минтақаларнинг ўзаро алоқалари кучайиши, жаҳонда ягона ахборот маконининг вужудга келиши ҳамда бошқа кўплаб омиллар глобаллашув жараёнининг хусусиятларини белгиламоқда. Унинг энг содда ва жуда чукур маъноси ҳалқимизнинг буюк ва бетакрор шоири Абдулла Ориповнинг мана бу сатрларида ўз ифодасини топган:

*Тариқдек замин бир ва инсон бирдир,  
Билмаган мардумга бу ҳолни билдири.*



Жуда қадим аждодларимиз дунёning поёни йўқ, деган тасаввурда бўлган. Буюк географик қашфиётлардан сўнг олам жуда улкан-у, аммо унинг чек-чегараси борлиги маълум бўлади. Йигирманчи асрда эса ўзбек шоири дунёни бор-йўғи тариқа ўхшатмоқда. Инсоният тараққиётнинг янги-янги мэрраларини забт этгани, ақл-шуурнинг кенгайгани сайн олам шунчалик торайиб бормоқда.

Олимлар глобаллашув жараёнларининг бошланиш даври ҳақида турлича қарашларни илгари суради. Кимdir унинг ибтидосини қадимги Миср ва Юнонистон цивилизацияларидагура, бошқа бирор глобаллашув чинакам маънода ўрта асрларда шаклланиш жараёнини бошлаган, деб хисоблайди. Ҳалқлар ўртасида савдо-сотикнинг ривожланиши, товарлар ва маданиятлар алмашинуви, ўзаро ахборот айрибошлаш сингари энг oddий жараёнларни глобаллашув деб тасаввур қилсан, унинг илк куртаклари Буюк ипак йўлида ниш урганига гувоҳ бўламиз. Албатта, ўша кезлари глобаллашув субъектлари, яъни давлатлараро ҳалқаро ташкилотлар мавжуд бўлмаганини ҳам назардан қочирмаслик лозим.

Ушбу китобда глобаллашувнинг тарихий илдизлари замонавий жараёнларга боғланни кетгани батафсил баён этилган. Бунда давлатлар тажрибасига алоҳида эътибор қаратилган. Айниқса, Хитой ислоҳотлари ва унинг меъмори Дэн-Сяопин фаолияти қизиқарли тарзда таҳлил қилинган. Бу ҳақида мухтасар тұхталадиган бўлсан, Хитойда Мао Цзэдун даврида иқтисодиёт бўйруқбозлиқ, зўравонлик билан бошқарилар, сиёсий-ижтимоий ҳаёт эса фақат мафкуравий-ғоявий курашлардангина иборат бўлиб қолган эди. "Буюк бокувчи" Мао хитой ҳалқини тинимсиз равишда "кatta сакраш", "маданий инқи lob" ва ғоявий-мафкуравий курашга чорлар, давлат идоралари, жамоатчилик, оммавий ахборот воситалари, зиёлиларнинг куч ва имкониятлари фақат мафкуравий курашларга йўналтирилар эди. Бундай бехуда ишлардан тўйиб кетган Дэн-Сяопин 1965 йил "Тинимсиз кураш одамларни чарчатиб қўяди", деб баёнот беради. Яъни, одамларни турили мафкуравий курашлар билан чалғитишдан кўра, иқтисодий ислоҳотларни амалга ошириш зарур, деган фояни илгари суради. Ушбу баёнотдан сўнг Дэн-Сяопин дарҳол барча лавозимлардан бўшатилиб, қамоққа олинади ва меҳнат лагерига жўнатилади. Мао ва-фот этиб, Дэн-Сяопин ҳукуматга қайтганидан кейин йирик ислоҳотлар дастурини илгари суради. Марксизмнинг дөгматик қарашларига жон-жади билан ёпишиб олган XXР компартияси раҳбарлари Дэн-Сяопин режаларига қарши чиқади. Шунда "ислоҳотлар меъмори" уларга қарата жуда машҳур бўлиб кетган "Мушукнинг ранги оқ бўладими, қора бўладими — бунинг нима фарқи бор, муҳими — сичқон тутса бўлди-да" деган гапини айтади. У бу фикри билан, мақсад ҳалқ фаровонлиги экан, унга қайси йўлдан бориши мұхим эмас, ана шу мақсадга эришиш мұхим демокричи бўлган. Дэн-Сяопин ислоҳотлардан кўзлаган мақсади — тарихда қолиш, доҳийлик мақомига кўтарилиш, чексиз хуқмронликка эга бўлиш, мақтолвлар эшлиши эмаслигини амалда ислботлаган. Сафдошлари унга компартия раҳбарлиги ва Хитой раислиги лавозимини таклиф қилганда бу лавозимлардан қатъиян бош тортади ва бор-йўғи Бош вазирнинг биринчи ўринbosари вазифасини эгаллайди. У ҳар бир ишни "доҳий" сифатида эмас, бурч тақозоси нуқтаи-назаридан амалга оширади.

Ислоҳотлар туфайли бугун Хитой мағкуравий курашлар ва қашшоқлик исканжасидаги давлатдан — иқтисодиёти юксак, ўсиш суръатлари бўйича кўп йиллардан бўён биринчиликни кўлдан бермай келаётган, энг муҳими, глобаллашув жараёнларининг етакчи йўйинчисига айланган мамлакат даражасига етди. Биргина мисол: 2007 йилнинг 27-28 февраль кунлари Шанхай биржасида қимматли қофозлар нархи 9 фоизга тушиб кетди. Натижада бутун дунё биржаларида глобал ўтирилиш содир бўлди.

Бу ҳол глобаллашув туфайли дунёнинг у бурчагидаги тиқ этган товуш бу бурчагида гулдираб акс-садо бераётганидан гувоҳлик беради. Шоир Хуршид, Даврон таъбири билан айтганда, “дунёни сув қайнаб турган қозонга ўхшатсан, бу қозон ичидаги томчи сув қайнамасдан қолиши мумкин эмас”. Демак, муайян бир давлатнинг дунёда кечётган иқтисодий, молиявий, ижтимоий, демократик жараёнлардан ўзини иҳота қилиш имконияти тобора камайиб бормоқда. Айни шу хусусият глобаллашувнинг энг муҳим хусусиятидир.

Ўн тўққизинчи аср глобаллашув тарихида жуда катта ўрин тутади. Чунки айни шу юз йилликда фандаги буюк ихтиро ва қашфиётлар туфайли жаҳон иқтисодиёти, молия ва коммуникация тизими тарихан янги даврга қадам кўйди. Европа интегарацияси ғоялари туғилди, фан, адабиёт ва санъатда янги оқимлар юзага келди. Инсониятнинг миллий, ирқий ва диний бегоналашувининг “глобал асос”ларини яратишга уринган ўта радикал гуруҳлар ва уларнинг ғоявий раҳнамолари пайдо бўлди. Яни, инсониятни мислсиз азоб-укубатлар ва чалғишилар гирдобига улоқтирган, одамлар ҳали-ҳануз унинг қаваларидан кутила олмаётган фашизм ва большевизмнинг ғоялари айнан шу даврда куртак отди.

Йигирма биринчи аср бошида дунёда кечётган йирик ва мураккаб жараёнлар, геосиёсий эврилишлар, инсоният тафаккуридаги янгиланишлар моҳиятини англаш асносида глобаллашув асрига қадам кўйдик. Замонавий дунё шакл-шамойилида зухурланадётган бу ҳодиса ва манзаралар инсоният тараққиётининг янги маррасини бошлаб берди. Дунё тамаддунининг тамоман янги босқичи ва даври бўлган айни ҳодисотни, таъбир жоиз бўлса, “Иккинчи Уйғониш даври” деб аташ мумкин. Ўрта асрларда санъат ва адабиётда яратилган улуғвор асарлар Уйғониш даври дебочаси бўлган бўлса, ҳозирда замонавий юксак интеллектуал салоҳият ва асримиз тафаккури маҳсули — компьютер ва ахборот-коммуникацияси ҳамда инновацион технологиялар даврнинг тараққиёт қиёфасини белгиламоқда.

Оlam ва одам юксак тараққиёт асносида жуда ўткир муаммолар билан юзма-юз келмоқда. Эндилиқда башарият рўбарў бўлаётган муаммолар шунчаки муаммо эмас, глобал муаммолар деб аталмоқда. Уларнинг ечим йўллари, бир томондан, глобаллашув бағридан изланаётган бўлса, иккинчи жиҳатдан, мавжуд муаммоларга айнан глобаллашув рўйбаш қилингапти. Глобал экологик муаммолар, тероризм, наркотрафик ва уюшган жиноятичилк инсониятнинг яшаб қолиши хукуқига таҳдид солмоқда. Бу муаммолар қаторига сиёсий ва геосиёсий таъсир учун кураш ҳам қўшилиб, айнан худди шу хусусият муаммоларга ёндашиш, ягона бир тўхтамга келиш, уларнинг оқилона ечимини топиш масалаларини чигаллаштириб юборди. Ушбу муаммоларни ҳалқаро миқёсда умумъетироф этилган хужжат ва қадриятлар доирасида ҳал қилишга дунё жамоатчилиги баъзан охиз қолмоқда. Иккинчи жаҳон урушидан кейин шаклланган дунё тартиботи янгича қураш ва ечимлар топиш заруратини ўтага кўймоқда. Мавжуд тартиботлар чукур ислоҳотларни талаб килмоқда. Айрим йирик корпоратив молиявий синдикатлар, иқтисодий гигантлар ҳамда таълим ва гуманитар масалалари билан шуғулланувчи ҳалқаро миқёсдаги турли жамғарма ва марказлар фаолиятини амалдаги ҳалқаро хукуқ меъёрлари орқали назорат қилиш қийинлашиб, уларнинг иқтисодий-молиявий ва гуманитар таъсир чегаралари кенгайиб, амалда сиёсий таъсирга айлануб боряпти. Иккинчи томондан эса, жаҳоннинг катта-катта минтақаларида ижтимоий, иқтисодий ва демографик муаммолар кескин тус олди. Ана шундай мураккаб дунёда инсон матлаби ва мақсадини аниқлаш, миллат ва ҳалқнинг мустақил сиёсий тараққиёт йўли ҳамда бугуни ва эртасини белгиловчи миллый манфаатларини ҳимоя қилиш тактик ва стратегик вазифага айланди.

Баҳодир Умаровнинг ушбу китоби глобаллашув масаласи ва муаммолари ҳамда жараёнларини ҳам тарихий, ҳам замонавий тарзда мушоҳада йўли билан ўкувчига етказишида жуда қимматли манба сифатида маънавий ҳаётимиздан ўрин олиши шак-шубҳасизdir.

**Роберт Грин. 48 законов власти.  
Москва, "Рипол классик", 2006.**

Ушбу китоб бир қарашда фақат сиёсатда муваффакият қозонишни истаган ҳокимиятпаст кишилар учунгина мўлжаллангандек туюлади. Бироқ китобнинг қамрови кенг. У кўччилик учун фойдалари. Китоб таржимони сўзбосинида “Ҳокимиятнинг 48 қонуни дастлаб иккюзламачи, худбин ва лўттибозлар учун яхшигина ўкув қўлланмасига ўхшаб кетиши мумкин”, деб ёзади. Лекин хулоса чиқаришга шошилманг, дейди у. Ҳакиқатан ҳам, китобни ва рақлар экансиз, ўтмишу бугунни яқъол кўра бошлайсиз. Китобдаги ҳар бир “қонун” тарихий воқеалар, тарихий шахслар ва бугунги одамлар фаолияти мисолида тадқиқ ва талқин қилинади. “Қонун”ларнинг номланишиданоқ кўп нарса ойдинлашади. “Ҳеч қачон ҳукмдорингга соя солма”, “Дўйстларингга ўта ишонма, душманларингдан фойдаланишни ўрган”, “Мақсад-режаларингни сир тут”, “Ҳамиша кўп гапириш зарур деб ўйлаганингга нисбатан кам гапир”, “Кўп нарса обрў-эътиборга боғлиқ. Уни кўз қорачиғидек асрар” ва ҳоказо.



Китоб муаллифи бирор “қонун”ни кенг шарҳлашдан аввал, шунга мос бир тарихий воқеани келтиради. Шундан сўнг воқеа қаҳрамонларнинг хатти-ҳаракати ва гап-сўзларини таҳлил қилиб, ким қаерда тўғри иш тутди, ким хатога йўл кўйди — барча-барчасини кўрсатиб, кейин хулоса ясайди. Ўқувчи яхшироқ тасаввурга эга бўлиш учун китобдан бир мисол келтирамиз. “Ҳукмдорга соя солма” қонуни француз қироли Людовик Ўн тўртингчи замонида бошланади. Бу даврда француз ҳукуматида ниҳоятда истеъододли, моҳир ташкилотчи Никола Фуке молия министри бўлиб хизмат қилган. 1661 йил ҳукуматнинг биринчи министри вафот этади ва бўшаб қолган лавозимни фақат Фуке эгаллаши мумкин, деган гап тарқалади. Фуке бу лавозимни кўлга киритиш учун қироли Людовик шарафига жуда ҳашаматли зиёфат уюштиради. Зиёфатга Европанинг ўша даврдаги энг обрўли амалдорлари, элчилар, олимлар, файласуфлар, шоири ёзувчилар таклиф қилинади. Зиёфат Фукенинг Воле-Виконт деб номланган қасрида ташкил қилинади. Бу қаср ўзининг меъморий гўзаллиги ва муҳташамлиги билан қирол саройидан жуда устун эди. Қирол қасрни илк бора кўраётган эди. (Кейинчалик айнан шу қаср улуғвор Версальни куриш учун нусха бўлиб хизмат қилган.) Зиёфат жуда дабдабали тушлик билан бошланади. Ҳали Францияда номаълум бўлган Шарқ ошхонасининг энг сарҳил етти таоми дастурхонга тортилади. Шундан сўнг қасрнинг боғи ва хиёбонларида сайдар бошланади. Қиролни етаклаб олган Фуке анвойи гуллар ва антиқа шаклда безатилган боғларини кўз-кўз қила бошлайди. Богнинг бир томонида Италиядан таклиф қилинган опера усталари концерт берар, қасрга кираверишда эса Мольер пеъсаси Франциянинг энг яхши актёrlари томонидан намойиш қилинади. Элчилар бирмабир келиб қирол ва Фуке билан саломлашиб, бундай байрамни умрлари бино бўлиб кўрмаганларини айтиб, ҳаяжонланиб мезбонни табриклишади. Байрам ярим тунгача давом этади. Бундай маҳобатли зиёфатни жуда юкори даражада ташкил этганига севиниб, биринчи министр лавозимини эгаллашига инониб ўйқуга кетган Фукени саҳармардан полиция қамоққа олади. У давлат хазинасини ўмарганликда айбланиб, 20 йил қамоқ жазосига ҳукм қилинади. Фуке қолган умрини ашаддий жиноятчи сифатида бир кишилик камерада ўтказади.

Людовик ҳамиша ва ҳамма жойда барчанинг дикқат-эътиборида бўлишни истайдиган, барча яхши ишлар унинг номи билан боғланишини хуш кўрадиган “Давлат — бу мен” деган қаҳри қаттиқ қирол эди. У ҳеч ким, алалхусус, ўз министрининг ҳам ўзидан олдинга ўтиб кетишига йўл кўйимас эди. Зиёфат чогида элчилар, киборлар Фуке уюштирган байрамни мақташар экан, қирол ўзини Фукенинг соясида қолиб кетгандек сезсан эди. Фуке ўзининг ташкилотчилик маҳорати, қиролникидан аъло қасри, қиролникидан ўн баробар ортиқ зиёфати, қиролнинг боғидан кўра гўзалроқ боғи билан Людовикнинг нуфузига соя ташлаган эди. Фуке ўзининг бу хатти-ҳаракати билан биринчи министрлик лавозимига эришиш ўрнига бор мол-мулки ва мансабидан ажralиб, 20 йиллик қамоққа маҳкум бўлади.

Хуллас, бу китобдан ким нима изласа, шуни топади. Муаллиф комил инсонни тарбиялаш ёки мудом эзгуликка хизмат қилиш даъвоси йўқлигини аввал-бошданоқ айтиб кўяди. У тарихий воқеаларни келтирар ва уларни шарҳлар экан, бу воқеалар қандай кечган бўлса, худди шундай тасвиirlайди. Уларни қандайдир ахлоқ меъёрлари билан бўяб-бежамайди, қаҳрамонларини қораламайди ва оқламайди ҳам. Хулоса чиқаришини, эгридан тўғрини ажратиб олишни ўқувчининг ўзига ҳавола қиласди. Зеро, тарих ҳам, ҳаёт ҳам инсон учун улуғ мураббий эканини инсоният аллақачон англаб етган.



### **Актам Ж а л и л о в . Евроосиё стратегик мувозанати. Тошкент, "Академия" нашриёти, 2007.**

"Геосиёсат" атамасини биринчи бўлиб швециялик сиёсатшунос олим Р. Челлен муюмлага киритган. У йигирманчи аср бошларидан халқаро муносабатларда кенг кўлланадиган ва етакчи давлатларнинг сиёсий, иқтисодий, миллий ва географик мансубликка қараб, "ҳаётий кенгликлар"га эгалик қилиш учун курашларини ўзида акс эттирадиган бўлган. Айни пайтда бу атама давлатларнинг геосиёсий ташкилотлари, блоклари ҳамда минтақавий мансублик асосида иттифоқларга бирлашиши ва ҳар бир минтақанинг глобаллашув жараёнидаги ўрнига қараб ўзига хос сиёсат юргизиши, давлатнинг тараққиёти географик жойлашви ва шаротига боғлиқлигини ҳам англатади. Лекин ҳозирги пайтда бу атама кенг миқёсли сиёсий маънени ўзида акс эттироқда. Сиёсатшунос олим Актам Жалиловнинг ушбу китобида ҳам геосиёсат тарихи ва бугунига боғлиқ бир қатор тарихий факт ва воқеалар изчиллик билан таҳлил қилинган. Муаллиф дунёга машҳур олимлардан К.Хаусхофер, Ф.Ратцель, К.Шмитт, Х.Маккиндер, В.Блаш, А.Мэхэн, Н.Спайкмэн, Л.Гумилевнинг геосиёсатнинг турли йўнилишлари юзасидан олиб борган тадқиқотлари ва илтари сурган фор-фиркалriga алоҳида эътибор қаратиб, бир қатор таҳлилий мушоҳадаларни илгари суради.

Тарихдан маълумки, дунёда ҳамиша бир нечта сиёсий-иктисодий ва ҳарбий геосиёсий кутблар мавжуд бўлган. Бу кутблар бир-бирига қарма-қарши ҳолда вужудга келиб, жаҳондаги умумий геосиёсий ва геостратегик мувозанатни сақлаган. Айниқса, кутибий бўлиниш "совук уруш" даврида АҚШ ва собиқ Совет иттифоқи тимсолида яққол кўринишга эга эди. Шўро тузуми емирилгач, дунё ягона кутбли манзара касб этди. Шундан сўнг халқаро муносабатларда вужудга келган янги сиёсий тартибот ва қарашлар бир кутбли дунё инсониятнинг талаб ва эҳтиёжларига жавоб бера олмаслигини кўрсатди. Геосиёсий плюрализмга зарурат орта борди.

Ўтган асрнинг 90-йиллари охири ва янги юзийиллик аввалида янги аъзолар қабул қилган ҳамда ягона пул бирлигига ўтган Европа Иттифоқи янги кутб сифатида шаклашни жараёнини бошлади. Иқтисодиётда ўсиш суръатлари бўйича етакчиликни кўлдан бермай келаётган Хитойнинг дунё сиёсат саҳнасида мавкеи янада ошди. Замонавий аҳборот технологиялари ривожи бўйича пешқадамлар сафидан жой олган, аҳолиси миллиард кишидан ошиб кетган Хиндистон ҳам янги геосиёсий кучлар ичида ўз ўрни борлигини амалда исбот этишга киришди.

"Катта имкониятлар мамлакати" деб баҳо олган АҚШ дунёни урушлар йўли билан қайта тақсимлашни рад этиб, жаҳонни ўз таъсирига олишнинг ўта замонавий йўлини топди ва бу сиёсат "доллар дипломатияси" деб аталди. Бу ибора 1909-1913 йилларда АҚШ президенти бўлган Говард Тафтга тегишли. Унинг фикрича, "доллар ўқ вазифасини бажариши" лозим эди. Президент бу билан дунёни уруш билан эмас, пул ва иқтисод билан қарам қилиш лозимлигини уқтирган. "Доллар дипломатияси" хорижий мамлакатлар иқтисодиёти устидан Американинг йирик банклари ва компаниялари назоратини ўрнатишни ифода этар, иқтисодий устунлик сиёсий устунликка олиб келиши керак эди. Бундай сиёсатнинг муваффақиятини эса ҳар қандай маънавий-ахлоқий мажбуриятлардан холи, фақат ўз манфаатини кўзловчи олчоқлик таъминлаши мумкин эканини океан ортидагилар жуда тез англаб етишди.

Ўтган аср аввалида шаклланиш жараёнини бошлаб, 80-йилларнинг охирида тугал кўриниш олган “доллар дипломатияси” сиёсати дунё бир кутбдан иборат бўлиши зарур, деган гоянинг амалий исботига хизмат қилди. Буни тасдиқловчи мисоллар шунчалар кўпки, уларни санаб адогига етиш ниҳоятда мушкул.

Ягона кутбнинг пайдо бўлишига омил бўлган яна бир мухим сиёсий воқеа — йигирманчи асрнинг 20-йиллари ўрталарида АҚШда ташкил сиёсат борасида ташкил этилган маҳсус кенгашнинг тузилишидир. Бу кенгаш ўз олдига шундай асосий мақсад кўйган: Америка ташкил этадиган ва фаолиятини назорат қиласидаган халқаро сиёсий, иктисолдий ва геосиёсий ташкилотлар ҳамда уюшмалар ичida миллий давлатлар йўқ бўлиб кетиши керак. Бу кенгаш фаолиятини янада кучайтириш учун 70-йилларнинг биринчи ярмида “Уч томонлама комиссия” деб аталаувчи ниҳоятда таъсирчан иктисолид уюшма тузилди. Бу уюшма атрофига Картер ва Бжезинскийга ўхшаш давлат ҳамда сиёсат арбоблари, мултимиллиардер Дэвид Рокфеллер сингари иктисолид-молиявий синдикатлар раҳбарлари тўпланишиди. Худди шу пайтда “Евроосиё — дунё маркази, уни ким назорат қилса, ўша бутун дунёга ҳукмини ўтказа олади” деган соғ америкача мақсад пайдо бўлган эди. Аммо “доллар дипломатияси”, “маҳсус кенгаш”, “уч томонлама комиссия”лар замонида локал урушлар, ирқий деспотизм, сиёсий-молиявий тажовуз, ахборот уруши сингари иллатлар мавжудки, айни шундай ақидалар бу сиёсатнинг мазмунини ташкил қилмоқда.

Йигирма биринчи аср инсониятни глобаллашув жараёни томон бошлади. Дунёдаги бугунги вазият ўтган асрнинг иккинчи ярмида пайдо бўлган юксак ва эзгу орзуларга унчалик мос келмаётган бўлса-да, инсоният ўз ҳәётини такомиллаштириш йўлида бир фурсат тин олаётгани йўқ. Глобал таҳдидлар олам ва одамнинг киёфасини тубдан ўзgartириб юборди. Айниқса, глобал таҳдидларга нисбатан муносабатдаги қарама-каршилик ва турли қарашлар дунё бир кутбдан иборат бўлиб қола олмаслиги ва жаҳонда қарашлар плюрализми зарурлигини яққол кўрсатди.

Хозирда дунёнинг ягона кутбдан иборат бўлиб қолгани, бу кутбнинг “икки хил стандарт” сиёсати халқаро ҳамжамиятни жиддий ўйлантираётган масалалар сирасига киради. Кўпгина мамлакатлар етакчилари, жумладан, давлатимиз раҳбари Ислом Каримов илгари сураётган гоялар бағрида пишиб етилган ва халқаро жамоатчилик эътиборига ҳавола қилинаётган Бирлашган Миллатлар Ташкилоти тизими, айниқса, унинг энг таъсирчан органи — Ҳавфисизлик Кенгашини ислоҳ қилиш бўйича билдирилаётган таклифойиҳалар ҳам дунёда тенглик ва мувозанатни таъминлашга қартилган.

Жаҳонда кечайётган глобал геосиёсий жараёнларни синичилаб ўрганаётган ва таҳлил қилаётган сиёсатшунослар, иктисолчилар ва оммавий ахборот воситалари яқин ўн-ўн беш йил ичida дунё шаклу шамойилида жиддий ўзгаришлар рўй бериши, оламда курдатли иктисол ва ҳарбий салоҳиятга эга давлатлар пайдо бўлиши ва алалоқибатда дунё яна бир неча кутбни манзара касб этишини ҳамда халқаро сиёсатда мўътадил мувозанат тикланишини башшорат қилмоқда. Мавжуд кутбга муқобил равишда қай бир давлат ёки янги геосиёсий бирлик пайдо бўлишини ҳозирча аниқ айтиш қийин. Олам ва одам ҳәёти табиий мувозанат асосида ривожланади ва давом этади. Табиий мезонларни эса ҳеч қандай куч ўз измига бўйсундира олмаган ва бундай интилиш ҳеч қачон яхшиликка олиб келмаган. Бугун инсоният бу оддий ҳақиқатни янада теранроқ англаб етмоқда. Тарозунинг икки палласи тенг келгандағина ундан икки томон ҳам рози бўлади.

Бу муаммони Актам Жалилов бир қатор халқаро стратегик тадқиқотлар ўтказувчи номдор ташкилотлар ва сиёсатшунос олимлар фикрига таяниб, ўзига хос услугуда таҳлил қиласиди. Китобнинг фактик материал ва манбаларга бойлиги, қамровининг кенглиги, ифода услубидаги ўзига хослик, муаллифнинг сиёсий дормалардан холи нуқтаи назари ўқувчи эътиборини ўзига тортади ва асар қимматини оширади. Бундай китоблар ниҳоятда зарур ва фойдали. Чунки у дунёга тийрак нигоҳ билан қарашга ундаиди.



# *Намкорликning yangi ufqqlari*

Халқаро миқёсда ўзаро ҳамкорлик алоқаларини йўлга кўйиш ҳар қандай давлат учун муҳим аҳамиятга эга бўлиб, у ички товар-маҳсулотларни жаҳон савдо марказларига олиб чиқиш, намоиш этиш ва сотишга кенг ўйл очиши баробарида ташки сиёсат бора-сида ҳам ютуклар гарови ҳисобланади.

Ўзбекистоннинг Шимолий Африкадаги араб давлатлари билан ўзаро муносабатларни ривожлантиришдан кўзда тутган мақсади, авваламбор, жаҳоннинг энергетик хомашё захираларига бой минтақаси ва қудратли молиявий маркази билан боғланиш бўлса, иккинчидан, халқаро сув йўлларига чиқиш учун стратегик жиҳатдан қулийликлар яратишдан иборатдир. Бу ўлка халқлари тарих ва маданияти жиҳатидан ўзбекларга ўхшаш бўлиб, ҳозирги даврда у ерда кечеётган иқтисодий-сиёсий жараёнларни илмий асосда ўрганиш ва таҳлил қилиш ҳамкорлигимиз йўналишини белгилашда фоят кўл келади.

Шу ўринда эслатиб ўтиш жоизки, Марғибдаги араб давлатлари билан Марказий Осиё халқлари ўртасидаги маданий ва сиёсий алоқалар тарихи узоқ ўтмишга бориб тақалади. Шимолий африкалик машҳур сайд ёзбек Ибн Баттута "Риҳлат Ибн Battутa" китобида ўрта асрлардаги давлатчилигимиз тарихига доир қимматли ва бой маълумотларни ёзиг қолдирган. Мисрлик муаррих Салим Собирийнинг "Ал-атрок ал-Хаваразмийон фи-ш-Шарқ ал-адна ал-исламий" асарида ҳам Амир Темур ҳукмронлиги даврида Шимолий Африка ва Мисрдаги мамлуклар билан мустахкам алоқалар мавжуд бўлгани, Соҳибқироннинг фаол дипломатияси ушбу давлатлар томонидан қўллаб-куватланганни таъкидланган. Бир сўз билан айтганда, яқин икки минтақа ўртасидаги олис масофа ҳамкорлик учун монелик қилмаган.

Ҳозирги вақтда, турли сабабларга кўра, Марғибдаги араб мамлакатлари билан Ўзбе-

кистон ўртасида узилиб қолган сиёсий-иқтисодий ва илмий-маданий алоқаларни тиклаш ва жадал ривожлантириш учун бир қатор қуляд имкониятлар мавжуд. Ҳусусан, ушбу мамлакатлар нефть, табиий газ, рангли металл сингари турли фойдали қазилмаларга жуда бой. Устига устак, жаҳон бозорларига олиб борувчи асосий йўллар бўйида жойлашгани, дунё эътироф этган маданий ва маърифий марказларининг мавжудлиги билан ҳам Шимолий Африка мамлакатлари халқаро сиёсий, иқтисодий ва маданий алоқалар тизимида муҳим ўрин эгаллади. Шуниси диккатга сазоворки, минтақа давлатлари араб мамлакатлари ичida биринчилардан бўлиб Ўзбекистонда дипломатик ваколатхоналарини очди. Тошкентда Миср ва Жазоир элчихоналарининг иш бошлаши Ўзбекистоннинг давлат суверенитети бутун араб дунёсида расман тан олинганиннинг тасдиғи бўлди ва Африка мамлакатлари билан тенг хукукли сиёсий-иқтисодий ҳамкорлик қилиш имконини яратди.

Учинчи қитъадаги араб давлатлари худудий жиҳатдан бутун араб дунёсининг таҳминан ярмини, аҳоли сони жиҳатидан эса ярмидан кўргони ташкил этади. Араб олами аҳолиси таҳминан 250 миллион нафар кишини ташкил этса, шундан 150 миллион нафари Африка қитъаси шимоли ва шимоли-шарқида истиқомат қиласи. Улар ичida Миср энг йирик ва аҳоли зич яшайдиган мамлакат бўлиб, 2004 йили унинг аҳолиси 70 миллион кишига етди. 20-27 миллионлик аҳолига эга Судан, Жазоир ва Марокаш давлатлари Мисрдан кейинги ўринни эгаллади.

Ўзбекистоннинг Шимолий Африка араб давлатлари билан сиёсий, маданий ва иқтисодий алоқалари стратегиясини аниқлашда бир қатор омиллардан келиб чиқиш мақсадга мувофиқдир. Биринчидан — ушбу мамлакатлардан ҳар бирининг халқаро сиёсий-

иқтисодий муносабатлардаги ҳозирги ва келажақдаги ўрнини эътиборга олиш лозим. Иккинчидан, Ўзбекистоннинг сиёсий суверенитети ва иқтисодий мустақиллигини янада мустаҳкамлаш учун ушбу давлатларнинг мустамлакадан кейинги сиёсий ва ижтимоий-иқтисодий ривожланиш тажрибасини ўрганиш ҳар жиҳатдан фойдали. Учинчидан, яқин келажақда улар билан ҳамкорлик асосига қўйиладиган моддий ва маънавий манфаатларни чамалаб кўриш ҳам фойдаладан холи эмас.

Ана шу омилларни ҳисобга олган ҳолда, Шимолий Африкадаги араб давлатларига уч босқичли ҳамкорликни таклиф қилиш мумкин. Гурухлардан биринчисига Миср, Жазоир, Тунис ва Марокаш; иккинчисига Ливия ва Судан; учинчисига эса Мавритания, Сомали ва Жибутини киритиш мантиқан тўғридир. Шуни ҳам таъкидлаш лозимки, муайян гуруҳ, шунингдек, алоҳида мамлакатлар билан сиёсий-иқтисодий ҳамкорликни ўрнатиш ҳар қачон ҳам бу ерда элчихона, консуллик ваколатхонаси ёки савдо-иқтисодий уйи очиши назарда тутмайди. Бизнингча, Тунис, Жазоир ва Марокашда ҳам Ўзбекистон элчихонасини очиш лозим. Аммо ушбу ҳолатда санаб ўтилган мамлакатлардаги мавжуд ва режалаштирилаётган дипломатик ваколатхоналарга минтақа доирасидаги вазифаларни юклитиш мақсадга мувофиқ.

Ушбу ўринда “минтақавий” тушунчаси мавжуд элчихоналарни бирдан ортиқ мамлакатларда иш олиб боришига йўналтиришни назарда тутади. Шу нуқтаи назардан, ҳозирда мавжуд ва режалаштирилаётган дипломатик ваколатхоналар ўртасида мамлакатлар жойлашувининг қўйидаги босқичини таклиф қилиш мумкин. Мисрда очилган мамлакатимиз элчихонаси асосий вазифаларидан ташқари Ливия, Судан, Сомали ва Жибутида алоқа ва ҳамкорликни ўрнатиш масалалари билан шуғулланиши мақсадга мувофиқdir. Режалаштирилаётган яна бир элчихона эса тарихий тараққиёти, ҳозирги сиёсий ва ижтимоий аҳволи, иқтисодий тузилмалари жиҳатидан кўпгина умумийликка эга бўлган учта Араб мағриби мамлакати — Тунис, Жазоир ва Марокаш давлатлари билан шуғулланиши мумкин. Ушбу элчихона Мавритания билан ҳамкорлик қилиш имкониятларини ҳам ўрганиши кўзда тутилади.

Шимолий Африкадаги араб мамлакатларида мустақилликдан кейин давлат ва дин

ўртасида қарор топган ўзаро алоқа тажрибаси ҳам Ўзбекистон учун аҳамиятли бўлиши мумкин. Ушбу минтақанинг деярли барча мамлакатлари — Тунис, Жазоир ва Марокаш мустақил ривожланиш даврида ҳар қандай диний интилишларни назорат остига олишга эришган. Баъзи Farb тадқиқотчилари шундай ўзига хосликни Туниснинг ижтимоий-сиёсий ривожланишида аникроқ тарзда кўради.

Араб мағриби мамлакатларининг ижтимоий-иқтисодий ва сиёсий ривожланиш тажрибасида Ўзбекистон учун амалий қизиқиш уйғотувчи яна бир қатор омиллар мавжуд. Бу омилларнинг аҳамияти мамлакатимизнинг ҳозирги босқичдаги ривожланишида уларнига ўхшаш томонларнинг бўлиш эҳтимоллиги билан изоҳланади. Масалан, Марказий Осиё ҳалқлари қанча фурсат мустамлака шароитида яшаган бўлса, жазоирликлар ҳам шунча вақт мобайнинда Францияга тобе бўлган. Франция Жазоир мустақиллигини тан олгандан кейин қарийб 800 минг нафар киши ушбу давлатни тарк этди. Уларнинг асосий қисми ўқитувчилар, врачлар, муҳандис-техник ходимлар, тадбиркорлар каби юқори малакали мутахассислар эди. Боз устига, Жазоирдан Францияга катта миқдордаги сармоя чиқиб кетиши ҳам кузатилган. Табиийки, булар мустақил мамлакат ривожига салбий таъсир кўрсатиб, дастлабки кезларда, айниқса сиёсий ва иқтисодий соҳаларда катта қийинчиликлар туғдирди. Аммо пухта ўйланган чора-тадбирлар Жазоирга нафакат француз мустамлакачилигининг мудхиш оқибатларини бартараф этиш, балки қисқа муддат ичida илфор Африка давлатларидан бирига айланиш имконини берди.

Хулоса сифатида айтадиган бўлсак, Шимолий Африкадаги араб мамлакатлари билан ҳамкорлик алоқаларини режалаштиришда нафакат ҳозирги кундаги манбаатларни, балки келажакни ҳам кўра олиш зарур. Зоро, Шимолий Африкадаги араб давлатлари янги асрда ҳам дунёнинг энергетик хомашё захираларига бой минтақаси ва қудратли молиявий маркази бўлиб қолаверар экан, улар билан ҳамкорлик мамлакатимиз учун фойдали бўлишига шубҳа йўқ.

**Муҳаммадолим  
МУҲАММАДСИДДИКОВ,  
Тошкент Шарқшунослик  
институти доценти**

# *Ma'naviy meros va milliy o'zlikni anglash*

Мерос — инсоният мулки, чунки уни инсоннинг ўзи яратади. Ана шу мулк авлодларнинг ўсиб-улгайишига, камол топишига хизмат қиласди. Мерос, энг аввало, муйянг миллатга мансуб. Ундан кейин эса, мероснинг башариятга дахлдор энг илгор қисми умуминсоният мулкига айланади. Шунинг учун ҳам мерос ҳақида фикр юритганда, аввало, миллий мероснинг моҳияти, мазмунни ва миллат тараққиётидаги ўрнини аниқлаб олиш зарур.

Миллий-маънавий мерос миллат шаклланишининг турли тарихий босқичларида аждодлар ақл-заковати, урф-одат, анъана ва қадриятлари, маънавияти, дунёни англаши, табиий бойликлардан фойдалана билиши борасида тўплланган ижобий тажрибалари, маҳорати, салоҳиятининг мажмуасидир.

Шунга кўра, миллий-маънавий мерос миллатнинг бевосита ўзига тегишли бўлган бойлик хисобланади. Шунинг учун ҳам у миллатнинг тараққий қилишида унга фоя ва тажриба манбаи бўлиб хизмат қиласди. Президентимизнинг қўйидаги сўзлари ҳам буни тасдиқлади: “Биз бугун айрим давлатлардан мoddий нуқтаи назардан оркароқда бўлсак-да (бунга кўпгина тарихий объектив сабаблар бор), маънавият нуқтаи назаридан қараганда, улкан ғурур билан айтишимиз мумкин: буюк аждодларимиздан қолган қадриятлар ва урф-одатларга, насленасабимиз ва қонимиизга сингиб кетган буюк ҳаётбахш кучга эгамиз. Бу борадаги устунлигимиз бутун маърифий дунёда эътироф этилган. Ана шу қутлуғ меросга муносиб бўлиб яшаш, бу бекиёс бойликни янада бойитиб — ривожлантириб, миллий ўзлигимиз ва умуминсоний қадриятлар асосида келажагимиз биносини барпо этиш муқаддас бурчимиэздир” (И. Каримов. Озод ва обод Ватан, эркин ва фаровон ҳаёт — пировард мақсадимиз. 8-жилд, Т., “Ўзбекистон”, 2000, 31-бет.)

Миллий-маънавий мерос қўйидагиларда ўз ифодасини топади: 1) урф-одат, анъана, маросим, қадриятларда; 2) дунёқараш-

да; 3) турли расм-руссумларда; 4) дунё аҳамиятига эга бўлган кашфиётларда; 5) миллат ичидан етишиб чиқсан буюк алломалар ва улар яратган асрларда; 6) давлатчилиқда; 7) миллат ҳаёти ва ва тарихида туб бурилиш ясаган буюк шахслар фаолиятида. Уларнинг ҳар бири асрлар давомида шаклланади ва кейинги авлодга мерос бўлиб қолади.

Миллий-маънавий мероснинг аҳамияти унинг миллий ўзликинги англашга қандай таъсир ўтказаётгани билан белгиланади. Миллий-маънавий асосларимизни тиклаш, уларни ўрганиш, ёш авлод онги ва қалбига сингдирish борасида мустақиллик йилларида амалга оширилаётган ишлар бунинг далилидир.

Миллий-маънавий мерос ва у ҳақдаги қарашларни қўйидагича умумлаштириш мумкин:

Биринчидан, миллий-маънавий мерос қайси шаклда намоён бўлмасин, у миллий ўзликинги англашнинг асосий манбаи хисобланади. Меросга эга бўлмай туриб ягона миллат сифатида бирлашиш имконсиздир. Чунки мерос нафақат аждодлардан авлодларга қолдириладиган асори атикалар, кўлләзмалар, урф-одат, анъана, қадриятлар, шунинг билан биргга, узоқ муддат давомида тўплланган тажрибалар ҳамдир. Уларнинг барчasi бугун ва истиқболда миллат ўзлигини англаши, тараққий қилиши учун муҳим аҳамиятга эга. Уларга таянмасдан, миллат ўзлигини англаши мумкин эмас. Миллий маънавий мероснинг яна бир хусусияти шундаки, у аждодлар томонидан яратилгани сабабли ҳам миллат вакилларининг онги ва қалбига яқин. Шу боис уни қабул қилиш ҳам эҳтиёжга айланниб боради. Шу маънода ҳам, у миллий ўзликинги англашда маънавий асос бўлиб хизмат қилаверади.

Иккинчидан, урф-одат, анъана, маросим, қадриятлар, дунёқараш, турли расм-руссумлар, дунё аҳамиятига эга бўлган кашфиётлар, аждодлар орасидан етишиб чиқсан буюк алломалар, уларнинг асрлари, давлатчилик, миллат ҳаёти ва тарихида катта бурилиш

ясаган буюк шахслар илмий-ижодий мероси миллий ўзликтин асосий манба экани шундаки: а) улар орқали миллат вакилларида “бизниги”, “уларники” деган қараашлар шаклланади, ўзиники билан гуурланиш, ўзгаларни кига қараганда унинг “юксак” эканини на-моиш этишга бўлган ички руҳий кўтариин-килик юзага келади; б) улар орқали миллат бошқа миллатлар ва жаҳон халклари орасидан ўзининг ўрнини, имкониятини аниқ билиши мумкин бўлади.

Учинчидан, жаҳондаги бир қатор мамлакатлар юксак иқтисодий тараққиётга эришган ва моддий шароити жуда юқори даражада. Аммо моддий таъминланишининг ўзигина ривожланиш дегани эмас. Уларнинг ак-

сариятида маънавий таназзул жараёни кечайётгани бунинг далилидир. Бу мазкур мамлакатлар ёшлари ўртасида миллатнинг бугуни ва истиқболига бепарволик, ўз манфатини миллий манфаатлардан устун кўйиш каби ҳолатларни келтириб чиқармоқда. Худди мана шу салбий жараённинг олдини олишда миллий-маънавий меросдан кенг фойдаланишга эхтиёж кучаяди.

Демак, миллий-маънавий меросни ўрганиш, унинг имкониятларини юзага чиқариш орқалигина миллатни тараққиётга, нурли истиқболга эриштирмоқ мумкин.

**Зафар ҲАЙИТОВ,**  
Навоий давлат Педагогика  
институти тадқиқотчиси

## *“Уйғунликning rangdagi aksi*

Хар қандай санъат асарида бадиий-фалсафий масалалар билан бир қаторда инсон ва жамият ҳаёти учун муҳим аҳамиятга эга бўлган турли муаммолар ўз аксими топади. Буни замонавий ўзбек рангтасвир санъати мисолида ҳам яққол кўриш мумкин. Табиатдан андоза олиш ва ранглар ёрдамида ўзига хос борлиқ яратиш мазкур санъат турининг асосий йўналишини ташкил этади. Инсон табиатнинг бир бўлгаги бўлгани боис унинг руҳий ҳолати борлиқ билан чамбарчас боғлиқдир. Бундай үйғунлик эса чинакам мусаввир учун битмас-туганнамас илҳом манбаи ҳисобланади. Ана шу омил ижодкорга фалсафий тушунчаларни реал воқелик орқали ифодалаш имконини беради. Шу сабабли ҳам буюк мусаввир Леонардо да Винчи “Мен ўзимга устоzlарнинг устози сифатида табиатни танладим” деб таъкидлаган.

Рангтасвир санъатининг ана шу йўналишида баракали ижод қилаётганлардан бири таниқли рассом Ортиқали Қозоқовдир. Унинг ижодида инсон руҳияти табиат билан ҳамоҳанг эканига алоҳида эътибор қаратилган. Масалан, “Адашган ой” (1993 йил) асарида табиат ва инсон руҳияти ўртасида жарлик ҳосил бўлгани, бу зиддият илдизи инсоннинг табиатни теран хис этмаслигига бориб тақалиши ифодаланган. “Сўнгги

шулья” (1992 йил) асарида эса инсон руҳияти экологик муаммолар гирдобида экани, табиат ва одамзод бир бутун тизимда яшashi ўз ифодасини топган. Бундай фалсафий қараашлар рассомнинг “Сукунат” (1993 йил), “Байрам садолари” (1991 йил), “Келажак билан сухбат” (1990 йил), “Ов мавсуми” (1993 йил) каби асарларида янада ёрқинроқ намоён бўлган. Эътиборли жиҳати шундаки, рассом ҳар бир асарида инсон руҳиятини табиат билан уйғун ҳолда тасвирлаши баробарида турли муаммоларни ўзига хос тарзда кун тартибига қўя олган. Бу эса томошабинни беихтиёр уларнинг ечимини излаб топиш, одам ва олам ҳақида фалсафий муроҳада юритишга ундаиди.

“Оналик осмони” (2000 йил), “Эркинлик” (2002 йил), “Кулфат ҳайқириғи” (1990 йил), “Хайвон ўргатувчи” (1992 йил) асарларида инсоннинг табиатни тушунмаслиги, унга зуғум ўtkазиши қандай салбий оқибатларга олиб келиши турли нұқтаи назарлар воситасида кўрсатиб берилган. “Дугоналар” (1992 йил), “Икки олам аро” (1993 йил), “Пишган анор” (1993 йил) асарларида эса рассом жисмоний тозалик руҳий покликнинг асосий шартларидан бири экани, бунда табиат етук мураббий вазифасини бажаришини ўзига хос рамзлар ёрдамида ифодалай олган.

Умуман олганда, Ортиқали Қозоқов асарларида “табиат — барча мавжудлик асоси” деган ғоя турфа шаклларда ўз ифодасини топган бўлиб, у инсон руҳиятини ўрганишда бамисоли очқич вазифасини ўтайди. Шу боис табиат ва инсон руҳияти уйғунлигини рангтасвирда моҳирона ифодалай олган расом ижодини нафақат бадиий-эстетик ва фал-

сафий жиҳатдан, балки экология фани нуқтаи назаридан ҳам тадқиқ ҳамда таҳлил этиш мумкин. Зеро, табиат маданиятнинг ҳам негизи хисобланади.

**Абдуваҳоб ТОЖИЕВ,**  
Тошкент давлат Ахборот технологиялари университети ўқитувчisi

## Ayolga tayanch tuzilma

Жамиятни модернизациялаш ва демократик янгилаш жараёнларида мамлакат ахолисининг ярмидан кўпроғи бўлган хотин-қизларнинг иштироқини таъминлаш ҳозирги даврдаги долзарб вазифалардан бириди. Бу эса, ўз навбатида, аёлларнинг ҳақ-хуқук ва манфаатларини кучли муҳофаза қилиш баробарида улардаги ижтимоий фоллиқ ва сиёсий маданиятни ошириш, касбий кўнникма ва маънавий салоҳиятни юксалтиришни ҳам тақозо этади. Ушбу мақсадни кўзлаб қабул қилинган қонунлар, меъёрий-хуқуқий хужжатлар ва маҳсус дастурлар қаторида Ўзбекистон Президентининг 2004 йил 25 майдаги “Ўзбекистон хотин-қизлар кўмитаси фаолиятини кўллаб-куватлаш борасидаги кўшимча чора-тадбирлар тўғрисида”ги фармони алоҳида аҳамиятни касб этиади. Мазкур фармон асосида мамлакатимизда хотин-қизлар кўмиталарининг ваколат доираси қайта кўриб чиқилиб, улар фаолиятига янада кенг йўл очилди.

Хотин-қизлар билан ишлашни ташкил этиш бўйича оила, маҳалла, меҳнат жамоаси, таълим муассасасида юқори самарадорликка эришиш учун ана шу жабҳалардан ҳар бирининг фақат ўзигагина хос алоҳида хусусиятларини инобатга олиш даркор. Бизнингчга, ахолининг бу қатлами билан ишлашда маҳалла айниқса катта имкониятга эга. Шу жиҳатдан олганда, кейинги вақтда хотин-қизлар кўмиталари ва маҳалла фуқаролар йиғинлари ўртасидаги ҳамкорлик сезиларли даражада кенгайгани қувонарлидир. 2006 йили юртимиз маҳаллаларида бўлиб ўтган эркин сайловлар чоғида бу тузилмалар бошқаруви қайта ташкил этилди ва улар таркибида хотин-қизлар ташкилоти вакилларининг ҳам бўлиши қонуний асосда таъминланди. Бундан аввалроқ эса, Президент фар-

монига мувофиқ, мазкур йиғинлар таркибида диний маърифат ва маънавий-ахлоқий тарбия масалалари бўйича маслаҳатчи лавозими жорий этилган эди. Ҳозир аксарият жойларда бу лавозимни катта ҳаёт тажрибасига эга, аҳоли ўртасида соғлом турмуш тарзини, ибратли миллий-диний анъана ва урфодатларни тарғиб этишга қодир бўлган обрўли ва фаол хотин-қизлар эгаллаган. Бу лавозимга келган кайвониларнинг маҳалла оқсоқоли, фаоллар, милиция таянч пункти ва “Камолот” ёшлар ижтимоий ҳаракати вакиллари билан ҳамкорлиқда, шунингдек, маҳакали социолог ва психололгарни кенг жалб этган ҳолда ҳеч пайсалга солмай хал этиши лозим бўлган масала — бутун аҳоли, шу жумладан, хотин-қизларни ижтимоий-психологик хизмат тизимига тўлиқ қамраб олишдан иборатдир. Ҳозир мазкур тизим олдида турган ўта долзарб вазифалар куйидагилар дейиш мумкин.

Биринчидан, маҳаллаларда хотин-қизларни иш билан таъминлаш орқали уларга тааллуқли жуда кўп муаммоларни бирварақайига ҳал этиш мумкинлиги инобатга олиниб, ижтимоий фойдали меҳнатга жалб этилмаган ҳар бир аёлнинг касбий қизиқиши ва укувлайләётати якка тартибда ўрганиб чиқилиши мақсадга мувофиқидир. Қишлоқ ҳудудларида уйда чорва ҳайвонлари ва парранда боқиши ёки томорқада иссиқхона барпо этиб, зира-врлар этиштириш яхши натижалар бериши аниқ. Шаҳар жойларда эса аёлларни иш билан банд этишда касаначилик, яъни ўйда ўтириб, бирор бир корхона буюртмасини бажариш кўпгина қуляйлик ва афзалликларга эга. Маҳаллада хотин-қизлар ишсизлигига барҳам бериш учун айнан шу ердан ёки унга ёндош ҳудудлардан этишиб чиқсан тадбиркорларга (улар орасида эса, табиийки, аёллар ҳам бор)

янада кўпроқ суюниш зарур. Чунки иш билар монлар ўзларини даромад билан таъминлаб-гина қолмай, балки бошқалар учун кўплаб иш ўринлари ҳам барпо этишади.

Иккинчидан, маҳаллалардаги баъзи хотин-қизлар ўртасида маънавий-ахлоқий ноҳушилик ҳолатлари кузатилаётгани, ҳатто қонунбузарлик ёки жиноят содир этиш ҳоллари учраётгани ҳар бир кишида жиддий ташвиш уйғотиши тайин. Баъзи аёлларнинг ўғрилик ёки фирибгарлик кўчасига кириб кетгани, бошқалари эса фохишилик ёки шу борада воситачиликдан ҳазар этмаётгани афсусланарли ҳол, албатта. Ана шундай ижтимоий ҳафтилилар иллатлар пайини қирқиш учун маҳалла имкониятидан оқилона фойдаланиш зарур. Аниқроқ айтганда, ижтимоий-психологик хизмат тизими орқали кенг қамровли тарбибот-ташвиқот ишлари амалга оширилиши лозим.

Учинчидан, мазкур тизим ёт бузғунчи кучларнинг хотин-қизлар онгига таъсир ўтказиш, уларни экстремистик фаолиятга, терорчиликка жалб этиш ўйладаги барча уринишларига дадил қарши тура олиши керак. Бундай кучлар ўз “ўлжа”ларини давлат ва жамият қурилиши ишидан четда қолган кишилар, энг аввало, ҳали оқ-қорани яхши ажратиб улгурмаган ёш йигит-қизлар орасидан кидириши маълум. Агар маҳаллада хо-

тин-қизларнинг сиёсий ва ҳуқуқий онгини мунтазам ошириб бориш чоралари кўрилса, уларда жамиятни парчалашни кўзлаган ёвуз кучларга қарши баркарор иммунитет ҳосил қилиш кийин эмас.

Ҳаёт олдига қўйган залворли муаммоларни ечиш ўйуни билмай қўйналаётган ва бунда ён-атрофидаги кишилар мадади ҳамда далласига муҳтожлик сезаётган; омадсизлик оқибатида ҳаётдан ва одамлардан ҳафсаласи совиган, шу боис эртанги кунга умиди қолмаган; баъзан эса беҳад калтабин ва ноқобил бўлгани ҳолда шахсий фожиасига ўзи эмас — одамлар сабабчи деб билиб, уларга фараз ва адовар билан бокәётган кишилар, шу жумладан, аёллар ҳам бор. Бу тоифага мансуб кишилар, айниқса, хотин-қизлар маҳалла эътибори ва кўмагидан бебаҳра қолса, катта фожиалар чиқиши турган гап.

Модомики, маҳалла ватан ичра кичик ватан экан, бу ерда мавжуд бўлган барча муаммоларни шу жойнинг ўзидаётк ижобий ҳал этишга эришиш ва ана шу мақсадда ижтимоий-психологик хизмат тизими каби таъсирчан воситалардан самарали фойдаланиш ҳозирги давр талабидир.

**Марҳабо ҚИЛИЧЕВА,**

Бухоро Давлат университети  
тадқиқотчиси

## Tuzatilayotgan xatolar

Чор Россияси ўн тўққизинчи асрнинг иккинчи ярмида Туркистон ўлкасини босиб олгандан сўнг мустамлакачилар бу ерда муқим ўрнашиб олишга жон-жаҳди билан киришган. Ана шундай чора-тадбирлардан бири ўлкага Россиянинг марказий ҳудудларидан аҳолини кўчириб келтириш сиёсати эди. Мустамлакачилар ўз ҳукмронлигини кучайтириш учун бу ерга кўплаб рус дехқонларини кўчириб келишган. Улар империя билан мустамлака ўлкани ўзаро яқинлаштиришга хизмат қилган. 1906-1915 йилларда биргина Сирдарё-Фарғона миңтақасига мингдан ортиқ русийзабон оила кўчириб келиниб, уларга маҳаллий аҳолига қарашли 744,9 минг таноб ҳосилдор ер бўлиб берилган. Бундан ташқари, ўлкага кўчиб келган камбағал ва ўта қашшоқларга ўлканинг бўш

ётган қўриқ ва бўз ҳудудлари, жумладан, Мирзачўлдан жой ажратиб бериш орқали пахта майдонлари кенгайтирилган. Бунинг учун дастлаб Мирзачўл текисликлари Сирдарёдан сув чиқариш йўлга қўйилган. Кейинчалик эса исталган ерда аҳоли турар жойлари — посёлкалар қурилиб, қашшоқлашган рус дехқонлари кўчириб келтирилган. Улар маҳаллий икlim шарт-шароитини яхши билмагани учун ерлардан кўр-кўrona ва укувсизларча фойдаланган. Натижада дехқончиликдан бошқа соҳаларда ҳам бошбошдоқлик ҳукм сурган. Бу жараён шуролар ҳукмронлиги даврида ҳам давом этган. Манбаларда қайд этилишича, 1917 йилда Мирзачўлда 36 та посёлка мавжуд бўлган бўлса, 1920 йилда улар 67 та, 1922 йилда 90 та, 1923 йилда эса 102 тага кўпайган (Джали-

лов Х.М. Голодная степь и перспективы её освоения. Т., АНУзССР, 1957, стр.22).

Қўриқ ва бўз ерларни ўзлаштиришга бўлган интилиш шўролар даврида янада кучайган. 1920-30 йилларда Мирзачўлни ўзлаштириш борасида анча ютуқлар ҳам қўлга киритилган. Аммо мелиоратив тадбирларга етарли маблағ ва ресурслар ажратилимагани сабабли кўзланган барча режалар охиригача амалга оширилмаган. Мирзачўл ҳудудида дехқончиликка иммий асосда ёндашишга уринишлар бўлса-да, маҳаллий шарт-шароитни яхси билмаслик, фақат маъмурият кўрсатмалари ва қарорларига бўйсунниб иш юритиш бу соҳада кўплаб салбий натижаларни келтириб чиқарди. Пахта яккаҳомилги жамоалаштириш давридаёт илдиз ота бошлиди.

Октябрь инқилибидан кейинги йилларда янги ерларни ўзлаштиришда маҳаллий аҳоли — Мирзачўлдаги кўчманчилар, Фарғона водийси, Ўратепа ва Зомин атрофларидан кўчиб келган кишилар ҳам иштирок этди. Лекин уларни жойлаштириш тартибсиз рашишда олиб борилди. Масалан, 1917 йилда Мирзачўлда хўжаликлар сони 3677 та бўлса, бу ерда яшаётган ўзбек ва қозоқлар 1711 киши, яъни жами аҳолининг 46 фоизини ташкил этган. 1923 йилга келиб 5490 та хўжалик рўйхатга олинган, уларда яшаётган 2961 киши ўзбек ва қозоқлар бўлиб, улар жами аҳолининг 54 фоизини ташкил этган (Эгамбердиев Р., Раззоқов А. Ўзбекистонда қўриқ ерларни суғориш, ўзлаштириш ва мелиорациялаш тарихи. Т., "Фан", 1984). Улар томонидан ўзлаштирилган ерларда кузги фалла экинлари умумий майдоннинг 26,2 фоизи, баҳорги экинлар 22 фоизи, беда 20,9 фоизи, пахта 14,1 фоизига тенг бўлган. Ер майдонлари пала-партиш суғорилгани ва экинлар тарқоқ ҳолда экилгани оқибатида ҳосилдорлик паст бўлиб, бебаҳо неъмат ҳисоб-

ланган сув ҳаддан ташқари кўп сарфланар эди (Вестник ирригации. 1924, №1, стр.137).

Озуқабоп экинлар парвариши қисқартирилиб, паҳтазорларни кенгайтиришга зўр берилгани оқибатида хўжаликларда экин майдонларининг тузилмаси ўзгариб кетди. Ишчи кучи, техника ва минерал ўғитлар тақчиллиги юзага келди. Паҳтачиликни ривожлантиришда жамоа хўжаликларининг ички имкониятларидан тўлиқ фойдаланилмади. Ҳусусан, уларни мустаҳкамлашга етарли даражада эътибор берилмади, илфор тажрибалар умумлаштирилмади, меҳнатни ташкил қилиш ва уни ҳисобга олишда хўжасизликка ва бузилишларга йўл кўйилди, ерлар агротехника қоидалари асосида ишланмади. Бу эса янги ўзлаштирилган ерлардаги мелиорация аҳволининг кескин ёмонлашувига олиб келди. Катта-катта майдонлар нотўғри суғорилгани оқибатида бот-қоқликка айланди. Бу ерда беззак қасалини тарқатувчи чивинларнинг бениҳоя кўпайиши натижасида ҳудудда хавфли эпидемия тарқалди. Ерларнинг шўрлаб кетиши ҳосилдорликни пасайтириб, аҳолининг соғлиги ва турмушига салбий таъсир кўрсатди.

Хуллас, қўриқ ва бўз ерларни ўзлаштириш Ўзбекистон қишлоқ хўжалиги, айниқса, Мирзачўлда ноҳуш асоратлар қолдирди. Ўзбекистонни паҳта ҳудудига айлантиришга интилган тоталитар тузумнинг бундай салбий оқибатларини тутгатиш борасида ҳозирда кенг қамровли таддирлар амалга оширилмоқда. Алмашлаб экиш усулининг йўлга кўйилгани, мелиорация ишларининг сифати яхшиланадигани, маҳаллий иклим шароитига мос навларнинг экилаётгани, дехқончилик анъаналари ва иммий тажрибаларнинг уйғунлаштирилаётгани шулар жумласидандир.

**Зулайхо АШИРБОЕВА,**  
Тошкент Аграр университети  
ӯқитувчиси



Ҳар қандай жамиятнинг ривожланиш даражасини кўрсатувчи омиллардан бири таълим жараёни ҳисобланади. Чунки таълим нафақат ижтимоий, балки инсоний тарақ-

киётда ҳам муҳим аҳамиятга эга. Шу сабабли мамлакатимизда таълим соҳасини тубдан ислоҳ қилиш, ушбу тизимга янгила услуб ва воситаларни жорий этишга катта

эътибор қаратилмоқда. Кадрлар тайёрлаш миллий дастури қабул қилингач, талабаликка талабгорларнинг билим даражасини тест орқали аниқлаш, таълим жараёнга рейтинг тизимини татбиқ этиш йўлга кўйилди. Бу борадаги дастлабки қадам педагогларни ўқитиш ва малакасини оширишда намоён бўлди. Зоро, педагог талабалар билимини хаққоний баҳолаш тамойилларини тушуниши, ривожланган мамлакатларда бу соҳада эришилган ютуқлар, кўлланаётган илфор тажрибалардан хабардор бўлиши, талаба билим даражасини давлат таълим стандартларининг талаблари билан солишига олиши, ҳар бир талабанинг интилишини муайян тизимга асосланган ҳолда қайд этиб бориши лозим эди. Бундай мурраккаб вазифаларни бажаришни ўрганиш мақсадида 361 нафар педагогга талабалар билимини объектив тив баҳолашнинг замонавий усуллари таништирилди. Бу жараённин теззатли учун биринчи босқичда маҳаллий ва хорижлик педагогларнинг саъӣ-ҳаракати билан 22 нафар педагог-йўриқчи тайёрланди, иккинчи босқичда эса улар бошқа ўқитувчиларга таълим берди, учинчи босқичда биринчи ва иккинчи босқич методикаси ҳамда тажрибасига таянган ҳолда 500 минг нафар киши малака ошириди.

Таълимдаги янгилик ва инновациялар фақат тест билан чегараланмаслиги маълум. Ҳозирги даврда таълим тизими билан бир қаторда педагогика фани ҳам тинимсиз тараққий этиб бормоқда. Бу эса илмий-инновацион ишларнинг янги илмий ечимларини излаб топиш, уларни амалиётга татбиқ этиш, энг замонавий техника ва технологияларни кўллаш, тўхтовсиз равишда илмий тадқиқотларнинг янги натижаларини талаб этувчи тадбиркорликни ривожлантириш — бир сўз билан айтганда, фан билан ишлаб чиқариш ўртасидаги алоқани муҳтаҳкамлаш учун зарурий шарт-шароит яратишни тақозо этади.

Таъкидлаш лозимки, ҳозирги кунда инновация ҳар қандай мамлакат иқтисодий тараққиётини жадаллаштириш ва ижтимоий ҳаётни яхшилашнинг асосий йўлига айланди. Олимларнинг эътирофича, инновация янги форя ва билимлар мажмую бўлиб, уларни амалиётга қўллаш орқали истеъмолчи нинг эҳтиёжлари қондирилади. Шуни унум- маслик керакки, техник инновациялар педагогик инновацияларга айлангандан сўнг, яъни таълимнинг янги, илфор методларидан фойдаланиб талабада олинган ахборотни

тахлил қилиш ҳамда шакллантирилган кўнико ва малакаларни амалиётга қўллаш қобилияти пайдо қилингандагина у ижобий натижалар бериши мумкин. Демак, илмий ва бошқа янги foяларни (ноу-хау) амалиётда қўллаб, молиявий самара оладиган, уларни ҳам миллий, ҳам жаҳон бозорида сота биладиган юқори малакали, рақобатбардош мутахассисларни тайёрлаш бугунги куннинг долзарб талабидир.

Ана шу мақсадда 1993 йилдан бошлаб мамлакатимизда турли ўқув марказлари, хусусан, тадбиркорларни қўллаб-қувватловчи ахборот-маслаҳат марказлари тармоғи яратила бошланди. Қисқа муддатли курслар, иқтисодиётнинг долзарб муаммоларига бағишлиган семинарлар ташкил қилиш орқали мутахассисларни зудлик билан ўқитиш ва малакасини ошириш ишлари йўлга кўйилди. Республика миқёсида бизнес-инкубаторлар юзага келди. Уларнинг мақсади одамларда тадбиркорлик кўникларни шакллантириш эди. Бизнес-инкубаторларда мустақил иш юритиш истаги бўлган тадбиркор шахслар, турли ташкилот ва идораларнинг вакиллари, ўқитувчилар таълим олди.

Бугунги кунда дунё миқёсида миллионлаб компьютерлар интернет тармоғига уланган. Интернетга боғлиқ ахборот ва коммуникация технологиялари юртимизга Жаҳон банкининг Иқтисодий тадқиқотлар маркази томонидан амалга оширилган “Ўзбекистон — интернет орқали тараққиёт” лойиҳаси доирасида кириб келди. Мазкур лойиҳа асосида мамлакатимизда электрон дарсликлар яратиш ишлари бошланган эди. Айни кезларда Тошкент давлат техника, Тошкент ахборот технологиялари университетлари ҳамда бошқа етакчи олий таълим муассасаларида электрон дарсликлар яратиш ва уларни таълим жараёнларига татбиқ этиш бўйича дастурий маълумотлар базаси яратилмоқда.

Таълим тизими олдида турган галдаги яна бир муҳим вазифалардан бири — олий ўқув юртларининг иқтисодий мустақилларни таъминлаш, молиявий масалаларни мустақил ҳал эта олиши учун имкон яратиб беришдир. Бу эса олий таълим муассасаларида таълим тизимини фақат фан сифатида эмас, балки амалий вазифаларга ҳам қодир ижодий жараёнга айлантиришни тақозо этади. Мирзо Улуғбек номидаги Ўзбекистон Миллий университетида 2001 йили 27 та хўжалик шартномаси бўйича

илмий-тадқиқот ишлари олиб борилгани ана шу йўлдаги дастлабки уринишлар ҳисобланади. Бу тадқиқотлар халқ ҳўжалигининг турли соҳаларидағи долзарб муаммаларга бағишлиганни билан янада аҳамиятилдири. Бозор иқтисодиётига ўтиш даврида олий таълим муассасаларнинг ўз-ўзини маблағ билан таъминлаши борасида 1992 йил 8 июлда қабул қилинганд “Илм-Фаннинг инновация фаолиятини давлат томонидан қўллаб-куватлаш тўғрисида”ги Президент

фармони ўзига хос таянч вазифасини ўтаси шубҳасиз. Зоро, бозор иқтисодиёти илм-фандан техник жиҳатдан дадиллик, жиддий изланиш ва аник хulosалар кутмокда. Бу эса таълим тизимиға янги инновацияларни зудлик билан жорий этишни талаб қиласи.

**Дилором ВАСИЕВА,**  
Карши Муҳандислик-иқтисодиёт  
институти катта ўқитувчиси



Киши дунёкарашини шакллантириш, таълим-тарбия, ахлоқ меъёрларини қарор топтириш, маънавий баркамол инсонни тарбиялашда илм-фан мухим аҳамият касб этади. Давлатимиз раҳбари Ислом Каримов бу хақда кўйидагича фикр билдирган: “Илм-Фаннинг вазифаси, келажагимизнинг шаклишамойилини яратиб бериш, эртанги куни мизнинг йўналишларини, табиий қонуниятларини, унинг қандай бўлишини кўрсатиб беришдан иборат. Шу боис илм-фан жамият тараққиётини олға силжитувчи куч, во-сита бўлмоғи лозим”.

Таъкидлаш жоизки, башарият тарихида илм тараққиёти ва таснифи тўғрисида мукаммал таълимот яратганлардан бири улуғ ватандошимиз Абу Наср Форобийдир. У “Мантиққа кириш”, “Баҳт-саодатга эришув ҳақида”, “Илмларнинг келиб чиқиши тўғрисида” каби асарларида илм таснифи ва уларнинг инсоният хаётидаги аҳамиятини батағсил баён этган. Алломанинг фикрича, комил инсоннинг фазилатли ишлари илмга асосланади. Аммо инсон ўз илмини амалий жиҳатдан татбиқ этиш воситаларига эга бўла олмаса, унда бу ҳол комиллик ҳисобланмайди.

Фаннинг табиати ва вазифасини ўрганиш муаммоси ҳам Форобийни foят қизиқтирган. Аллома маданий киши ва тараққий топган жамиятни илм ва маорифсиз тасаввур қилолмаган. Унинг фикрича, билимларни эгаллаш идеал жамият мавжудлигининг асосий шартидир. Олим фанлар ва билимлар борлиқдан келиб чиқиб, борлиқни узоқ вақт ўрганиш асосида тўпланиб боради, деган хуло-

сага келган. Турли илмлар бир-бируни инкор қилмайди, балки бир-бири билан ўзаро боғлиқ ҳолда ривожланади. Улар дунёни идрок қилишга ва инсонларнинг баҳтсаодатга эришишига қаратилгандир.

Ўз даврида илм-фан ва унинг инсон ҳаётидаги аҳамияти тўғрисида қимматли фикрлар билдирган алломалардан яна бири Абу Райхон Берунийдир. У илм-маърифатга, унинг жамиятни камол топтиришдаги ижобий таъсир кучига катта ишонч билан қараган. Шунинг учун илм олиш, илм тарқатиш ҳукмдорларнинг мухим вазифаларидан бири эканини қайд этган: “Илм соҳалари кўп, улар янада кўпаймоқда. Жамиятнинг юксалиши илм билан боғлиқ эканини тушунган одамларнинг интилишлари илм-маърифат сари бормоқда. Илм-Фанга, унинг соҳибларига бўлган иззат-хурмат ва ишончнинг ортиб бориши фикримизнинг далилидир. Бу аввалимбор давлатни бошқарувчиларнинг бурчи, чунки инсон қалби тирикличилик ташвишларидан, кундалик турмуш фам-ғуссасидан ҳолос этиш ва унинг руҳини озод қилиб, илм-маърифат билан рафбатлантириш ҳукмдорларнинг вазифасидир. Зоро, инсонлар қалби маънавиятга, илмга мойилдир”. Беруний илм-Фаннинг аҳамиятини, унинг жамиятнинг фаровонлигини таъминлашда мухим маънавий восита эканини мана шундай идеал шаклда тушунган. Беруний эътирофича, жамиятда қонунчилик ҳукмрон бўлгандагина, ёвузлик ва ундан келиб чиқадиган очкўзлик, нодонликка барҳам берилигандагина инсонлар қалби покла-

нади. Жамиятни маънавий жиҳатдан соғломлаштириш, одамларни камол топтириш каби ишларни амалга ошириш имконияти туғилади. Жамиятда мавжуд иллатларни йўқотиш учун уларнинг илдизини — ижтимоий ёвузликни йўқотишнинг моҳиятини Беруний бундай тушуниради: “Илм орқали инсоннинг олий юксакликка етишиши фақатгина ёмонликдан тийилиш билангина вужудга келади. Ёмонликнинг шоҳобчалари кўп бўлса ҳам, уларнинг асоси тама, газаб ва илмсизликдир”.

Берунийнинг фан тарихидаги хизмати шундаки, у ҳақиқий билимга эришишнинг муҳим ва тўғри усули — фаннинг услуб ҳамда воситалари орқали амалга ошадиган билишнинг илмий йўлидир, деб хисоблайди. Бу ҳақда немис олими Э.Захау шундай ёзади: “Беруний ҳар бир мавзуни Афлотун ва Арасту, Птолемей ва Гален фоялари асосида тарбияланган ақл ҳукмидан ўтказиб, айни мавзуларни ҳозирги замон танқидий ёндашуви руҳида тадқиқ этиши замондошларимизни шубҳасиз ҳайратга солиши муқаррар”. Бу эътирофдан хулоса қилиш мумкинки, ўша даврдаётк беруний фаолиятида умумилмий тадқиқот услуби ишлаб чиқилган бўлиб, бу унинг илмий изланишлари ва тадқиқотларида муҳим роль ўйнай бошлаган ҳамда илмнинг турли соҳаларида катта ютукларга эришишига имкон яратган. Шунингдек, аллома “Хиндистон”, “Қадимги ҳалқлардан қолган ёдгорликлар” каби асарларида диний ҳақиқат билан илмий ҳақиқатни аралашибири юборгани учун ҳинд олимларини танқид қиласди. Берунийнинг тасдиқлашича, илмнинг турли масалаларидаги ҳиндларнинг ха-

тоси уларнинг ҳар хил диний ақидаларга амал қилишидан келиб чиқсан.

Беруний бошқа Шарқ алломалари каби илм-фан ҳақида қўйидаги чукур фалсафий хуросага келади: “Бусиз, яъни илм-фансиз инсоннинг борлиги шубҳали бўлиб қолади. Илм ўз зоти билан матлубдир, ҳақиқатан ҳам, у барча нарсадан лаззатли. Илмдан бошқа қандай нарсада манфаат зоҳирроқ ва қай бирида фойда кўпроқ бўлади, фақат илм билангина ҳам дин, ҳам дунё учун хайрли ишларни қилиш ва уларга зарар келтиришдан сақланиш мумкин. Агар илм бўлмаганида биз жалб қилаётган нарса яхшилик эмаслигига ишонч бўлmas эди”.

Кўриниб турибдик, мутафаккир аждодларимиз илм-фаннынг аҳамияти, инсоннинг маънавий камолотидаги ўрни ва илмлар таснифи тўғрисида бафоят қимматли фикрлар билдирган. Улар бугун ҳам ўз аҳамиятини йўқотгани йўқ. Ҳозирги вақтда мамлакатимизда илм-фан соҳаларига алоҳида эътибор қаратилмоқда. Зоро, илм-фан равнақи ва унинг ютукларисиз жамиятда соғлом түрмуш тарзини шакллантириш, ахолининг интеллектуал салоҳиятини мустаҳкамлаш, жисмоний соғлом ва маънавий етук авлодни тарбиялашдек муҳим амалларни рўёбга чиқариш foят мураккабдир. Шу боис алломаларимизнинг бу борадаги фикрлари жаҳон фани тараққиётининг ажralmas қисми сифатида мамлакатимизнинг илмий салоҳиятини оширишда, ёшларни маънавий-маърифий жиҳатдан соғлом, дунёкараши кенг инсон қилиб вояга ётказиша мухим назарий асос, олға силжитувчи куч вазифасини бажаради.

**Бобир НЕЪМАТОВ,**  
фалсафа фанлари номзоди

## Moda va milliylik

Мода — кенг қамровли ва мураккаб тушунча бўлиб, уни бирон бир соҳа билан чеклаб қўйиш тўғри эмас. Аммо бу атама одатда инсоннинг зарурий эҳтиёжи хисобланган либосларга нисбатан кўлланади. Либослар эса ички дунё билан уйғун тарзда инсоннинг ташки гўзаллигини таъминлаши баробарида ундаги айрим камчилик ва нуқ-

сонларни яширишга ҳам ёрдам беради. Шу сабабли модага бўлган талаб ҳамиша ортиб боради. Бироқ шуни ҳам унутмаслик керакки, модага ҳар доим оқилона ёндашиш зарур. Чунки рассом-модельер ижод этган ҳар бир коллекция инсонга ўз услубига мос кийимни танлаб олиш учун ўзига хос йўл-йўриқ, йўналиш хисобланади, холос. Бу соҳа

эгалари мода эскизларида бой руҳий олами, жозибадор хис-туйгулари ва энг муҳими, гўзалликка муносабатини замонавий инсон қиёфасида акс эттириши максад қилиб олади. Улар асосида эса анъанавий ва замонавий белги-хусусиятлар, шунингдек, талаб ва эҳтиёжлар инобатга олинган ҳолда янги модел яратилади.

Машхур модельер X. Ван де Вельде йигирманчи аср бошларидаётк аёллар либосини уч турга ажратган эди: уй, зиёфат ва ишхона учун мўлжалланган кийимлар. Унинг фикрича, аёл уйда хоҳлаган либосини кийиши мумкин, фақат ташқи қиёфасидаги латофатни сақлаб қола олса, бас. Базм кийимлари эса ҳар бир аёлнинг ўзигагина хос, яъни бетакрор бўлиши лозим. Ишхонадаги кийимнинг асосан қулайлигига эътибор берилади.

X. Ван де Вельденинг бундай таснифи ни янада тўлдириш мумкин, албатта. Бироқ шуниси аниқки, либос инсон ташқи қиёфасига мос бўлиб, қомат гўзаллигини таъминлаши шарт. Чунки у имиджни юзага чиқаридиган асосий воситадир. Либоснинг инсон қадди, жинси, ёши ва мавқеига мос рангларда бўлиши мухим аҳамиятга эга. Модельер А. Морбрютер мода яратишда айнан рангшунослар фикри ҳал қилувчи аҳамият касб этиши, чунки бадиий ғоя асосан ранг орқали ифодаланишини алоҳида таъкидланган эди (Дзиконьская-Козловска А. Женская мода XX века. М., “Легкая индустрия”, 1977, стр. 30).

Таъкидлаш жоизки, мода даврга ҳамоҳанг тарзда ўзгариб, янгиланиб, тараққий этиб бораверади. Унинг тадриж тарихидаги асосий икки йўналишни алоҳида ажратиб кўрсатиш мумкин. Дастлабки йўналиш замонавий ўзгаришларга мойил бўлиб, унда саноатдаги янгиликлар асосида аксарият ҳолларда сунъий газламалардан янги моделлар яратилади. Иккинчи йўналиш эса анъанавийликка таянади. Бунда тарихий ўтмиш, маданий қадриятлар ва она табиатга боғлиқлик яққол ўз аксини топиб, асосан табиий матолардан фойдаланилади.

Эътиборли жиҳати шундаки, ҳар икки йўналишда ҳам миллийликка муайян дараҷада ўрин ажратилган. Ҳозирги даврда эса

либос дизайнерлари коллекцияларида миллийлик етакчи мавқе эгалламоқда. Бошқача айтганда, узок йиллар мобайнида унтилаёзган матолар, кийимларнинг шакл ва бичимлари, нақш ва безаклар ёрдамида яратилган либосларда анъанавийлик ҳамда замонавийлик уйғунлаштирилмоқда. Чунки айнан миллийликни акс эттирган либослар жаҳон ҳалклари кийимлари орасида ўзига хослиги, таровати, жозибаси билан ажратиб туради, шунингдек, узок вақт урфдан чиқмайди. Мисол тариқасида айтадиган бўлсак, бутун дунёга машхур бўлган ўзбек миллий матолари — атлас, адрес ва рангбаранг шойилардан тикилган либослар кўпчиликнинг дидига мос келаётгани айни ҳақиқат. Шу боис модельерлар ўз ижодрида ҳалқ тарихи, миллий маданият, қадимий бебаҳо кийим ва зеб-зийнат намуналарига тез-тез мурожаат қилмоқда. (Зайцев В. Этот многоликий мир моды. М., “Советская Россия”, 1982, стр. 71). Миллий колоритга бой бичимлар ҳамда қадимий либос безаклари, фавқулодда гўзal тақинчоқлар дизайннерларга такорланмас, шу билан бирга, замонавий моделлар яратишида фоят кўл келмоқда.

Шу ўринда таъкидлаш лозимки, миллий услубни замонавий либосларга татбиқ этиш — ўзига яраша мураккаб юмуш. Бунинг учун дизайнер ҳалқ кайфияти ва миллий руҳни чуқур англаши, уларга хос белги-хусусиятларни замонавий услугба сингдиришга ижодкорона ёндашиши зарур. Ана шундагина яратилган моделнинг оммалашуви таъминланади ва у мода оламида муайян мавқега эриша олади.

Хулоса шуки, мода ижтимоий-маданий тараққиётнинг ажралмас таркибий қисми бўлиб, инсонларнинг эстетик онги, дид ва савиясини юксалтириш, уларда кийиниш маданиятини тарбиялаш хусусиятига ҳам эга. Шу сабабли либослар дизайннида замонавий ва анъанавий жиҳатларнинг муштараклигига эришиш модельерлар ҳал қилиши лозим бўлган мухим вазифалар сираси га киради.

**Умида РАҲМАТУЛЛАЕВА,**

*Камолиддин Бехзод номидаги  
Миллий рассомлик ва дизайн  
институти аспиранти*

# Xusrav Dehlaviy va tasavvuf

Ўрта асрлар Шарқ бадиий тафаккури ва ижодиётида тасаввуф таълимоти мұхим аҳамият касб этган. Бу ҳол сўйифлик таълимотларининг бадиий адабиётда ўз инъикосини топгани, унга кучли таъсир ўтказгани, тасаввуф ақидаларини тарғиб ва ташвиқ этишда бадиий адабиётдан бир восита сифатида фойдалангани билан изоҳланади.

Тасаввуф ҳаракатига хос бўлган илоҳи ишқ йўлидаги инсоннинг покланиш концепцияси жамият тузилишини янги тизимда қайта қуришга қаратилган foяларнинг дебочаси ҳисобланади. Тасаввуф адабиёти бир қарашда ўз қаҳрамонининг фақат ички дунёси, орзу-йўлари, қалб асрорининг шаклланиш босқичлари билан қизиқандек кўринса-да, аслида ана шу фикр ва амаллар интилиш мужассамлашган. Руҳан озод бўлган инсонни камол топтириш — тасаввуф ҳаракатининг бош мезонларидан биридир. Тасаввуф адабиётининг вазифаси эса ана шу йўлдаги қаҳрамоннинг ҳиссиятлари, кечинмалари, ўй-ҳасратларини ўзига хос рамзлар ва тимсоллар орқали акс эттиришдан иборат бўлган.

Ана шундай шаклланиш жараёнидаги тасаввуф ва адабиётнинг ўзаро акс таъсир босқичи XII-XIII аср Хиндистон адабий мұхитига ҳам хос эди. Хинд ва ислом маданияти ўғунашиб, ўзаро алоқадорликда ривожланган Хиндистонда ўрта асрлар ислом маданиятининг таркибий қисми ҳисобланган тасаввуф ўзига хос тарзда намоён бўлган. Бу ерда тасаввunftинг қодирия, сухравардия, нақшбандия ва чештия тариқатлари ёйлиб, чештия соғ Ҳиндистон тариқати даражасига кўтарила олган. Бу давр Ҳиндистон форсийзабон адабиётiga тасаввunftинг чештия тариқати катта таъсир кўрсатган. Келиб чиқишига кўра чештия тариқати Шарқий Xурросон заминига тегишли бўлса-да, у Ҳиндистонда тўлиқ шаклланган. Чештия “оддий” тариқатлардан бўлса ҳам, Ҳиндистон заминида ўзининг жуда катта таъсир кучига эга бўлган.

Чештия тариқатининг бадиий адабиётдаги ўзига хос кўйчиларидан бири Амир Хусрав Дехлавийдир.

Амир Хусрав шеъриятида тасаввуф ақидалари очик, тўғридан-тўғри баён қилиш, маҳсус ифодалаш, тариқат хусусиятларини тавсифлаш асосида эмас, балки шоир мулоҳазалари ва бадиий англаши, унинг дунёқараши, фикрлар тарзи, қизиқишилари, дунё, инсон, воқелик ва эътиқод ҳақидаги ўйлари тизимида баён этилади. Масалан, шоирнинг биринчи девони “Тұхфат ус-сигар”да ҳам дунёвий, ҳам илоҳий мазмунда талқин қилиниши мумкин бўлган кўплаб фазаллар мавжуд. Шоирнинг фалсафий-сўфиёна қарашлари кўпроқ унинг эпик асарларида ўз аксини топган.

Хусрав Дехлавий инсонга муҳаббат ва инсонсеварликни ҳаётнинг улуғ неъмати, унинг бош мазмуни деб билади. Шоирнинг фикрича, барча одамлар, дини, ирқи, миллиати, эътиқодидан қатби назар, парвардигор бандалари сифатида тан олиниши лозим. Тасаввуф эса борлиқ ва ўзликни англаш, Яратган гўзаллигини тан олиш, борликини ўздан ўтказишидир. Бундан кўзланган мақсад — инсоний имкониятларнинг тақомили, инсон руҳий-жисмоний гўзаллигининг ривожидан иборат. Шоир учун инсон руҳиятидаги эрк тушунчаси мұхим. Шу боис Хусрав Дехлавий инсон ички дунёсинг маънавий етуклиги, унинг бутунлиги, инсон ва унинг қалби яхлитлиги куйчиси сифатида намоён бўлади. У ижодида мана шу етуклик ва бутунлик учун барча қийинчиликларни енгишга чақиради. Бинобарин, шоир тасаввуфни покланиш йўли, ички кураш, ўзни аямаслик, машаккатларни енгишини хулқни поклашнинг табиий жараёни деб билади.

Амир Хусрав учун инсон эрки, унинг руҳий олами ҳурлиги аҳамиятли бўлиб, тасаввуф тариқати инсоннинг ўз устидан мунтазам ғалабаси нишонаси эди. Шу боис шоир “одамийликни табиат таҳтасига чизгум” деб ўзининг бош тамойилини баралла айтиб ўтади.

Амир Хусрав Дехлавий ҳаёти ва ижоди ўзи яшаб ўтган давр ижтимоий-фалсафий идрокининг ёрқин инъикоси бўлиб, шоир ижодида сиёсий, ижтимоий, мафкуравий,

маънавий ҳаётнинг барча инқироз ва ютуқлари тўлиқ акс этган дейиш мумкин. Шу сабабли шоир ижодида ислом ақидаларига асосланган дунё тузилиши ҳақидаги ҳақиқат ҳам, қадимги ҳинд фалсафасида инсоннинг ўрни тўғрисидаги тамойиллар ҳам, ўз дунёкаши ва тафаккури замирidda юзага келган тушунчалар ҳам уйғунлашган ҳолда намоён бўладики, уларнинг моҳиятини инсонсеварлик ташкил этади. Бу замонавий тадқиқотчиларнинг ўтган аср бошлариданоқ Амир Хусравга нисбатан (ўрта асрлар шеъриятини баҳолашга хос бўлмаган) “демократ” иборасини қўллашига сабаб бўлган. Зотан, Амир Хусрав Дехлавийни тасаввuf адабиёти вакили дейиш шоир ижодий меросининг фақат бир жиҳа-

тини эътироф этиш ҳисобланса, дунёвий шоир сифатида баҳолаш шоир ҳис-туйгулари силсиласидаги руҳий ранг-баранглиқ, рамзий тимсоллар тизимини инкор этиш билан баробардир.

Хулоса шуки, Амир Хусрав Дехлавий чештия тариқатининг фаол вакили сифатида эътиқодини ана шу таълимотдан айри ҳолда англамаган. Аммо руҳиятидаги эркинлик, фоялар уммони, истеъодидни намоён этиш истаги шоирни ҳам меҳр ва маҳорат билан ижод этишга унданаган. Шоир ижодининг бор мураккаблиги ва жилоси ана шу омиллар билан изохланади.

**Гулхумор ТЎЙЧИЕВА,**  
филология фанлари номзоди



Маънавий баркамол инсонларни тарбиялашда диний эътиқод мухим ўрин эгаллайди. Шу боис истиқбол йилларида мамлакатимизда диний таълимотлар, диний-маънавий йўналишдаги асарлар моҳиятини жамият аъзолари ҳаёти ва маънавий тарбиясига сингдиришга алоҳида аҳамият берилмоқда. Маълумки, юртимизда мусулмонлар азал-азалдан ислом динининг ҳанафия мазҳабига амал қилади. Ҳанафия мазҳаби ислом динининг асл мазмун-моҳиятига, унинг том маънодаги инсонпарварлик, бунёдкорлик, адолатпешалик ва одамларни баҳт-саодатга бошловчи соғҳаётӣ тояларига таянади. Мазкур мазҳабнинг асосчиси бўлган буюк имом Абу Ҳанифа (699-767 йиллар) фикҳ ва калом илми билан жиддий шуғулланган, ҳидоят йўлидан адашган ҳар хил фирмә ва гурӯҳларнинг хато қарашларига илмий асосда радиядиялар билдирган. Бу борада бир қанча асарлар яратиб, сунний йўналишдаги ҳанафия мазҳабига асос соглан. VIII асрнинг биринчи ярмида юзага келган бу мазҳабнинг ҳаётӣ таълимоти кўплаб ҳалқлар томонидан қабул қилинган бўлиб, у ҳозирги вақтда ислом динидаги тарафдорлари кўп мазҳаб ҳисобланади. Бинобарин, ушбу маз-

ҳабнинг асл мазмун-моҳияти, унинг асосчиси — “Буюк имом” деган шарафли мақомга сазовор бўлган Абу Ҳанифанинг ҳаёти, унинг таълимоти асосини ташкил этувчи диний-маънавий меросини теран тадқиқ этиш долзарб вазифалар сирасига киради. Чунки Абу Ҳанифа нафақат фикҳ, балки калом илмida ҳам ўз даврининг йирик олими сифатида эътироф этилган. Шу ўринда айтиб ўтиш керакки, Абу Ҳанифанинг ҳаёт йўли, таълимоти ва маънавий мероси таҳлилига бағишлиланган кўплаб асарлар, тадқиқотлар ва ёзма манбалар яратилган. Ислом динининг етакчи мазҳаби асосчиси бўлган Абу Ҳанифанинг илмий-маънавий меросини ўрганишга бағишибаб асарлар яратган олимлардан бирги XVII асрда яшаган таникли аллома Камолиддин Баёзийдир. У “Имом Абу Ҳанифанинг мукаммал усуулари” асари ва унинг шархига бағишилаб ёзган “Имом Абу Ҳанифанинг сўзларидан кўнгилга мос кўрсатмалар” асарида Абу Ҳанифа таълимотини бевосита унинг қаламига мансуб асарларга таянган ҳолда шарҳлаган. Улкан илмий ва амалий аҳамиятга молик экани боис қўйида бу асарнинг мазмун-моҳияти ҳамда муаллифи ҳақида қисқача маълумот бермоқчимиз.

Камолиддин Баёзий милодий 1634 или Истанбул шаҳрида туғилган. Отаси Баёзий Ҳасан Афанди Истанбулнинг таникли қозиларидан бўлиб, ўғлиниң фикҳ ва қалом илмини ўрганишига катта хисса кўшган. Қалом ва фикҳ илмida чуқур билимга эга бўлган Камолиддин Баёзий Мулла Чалабий номи билан машҳур Мухаммад ибн Омидийдан сабоқ олиши баробарида турли илмий мавзулардаги баҳсларда иштирок этган. Дастлаб Адиরна ва Истанбулнинг турли мадрасаларида мударрислик қилгач, бир неча йиллар давомида Ҳалаб, Бурса, Макка ва Истанбул қозиликларида ишлаган Камолиддин Баёзий 1680 или Румели шаҳрининг қозиси вазифасига тайинланади.

Камолиддин Баёзий Абу Ҳанифа ва имом Абу Мансур Мотуридийнинг эътиқодга таалуқли фикрлariга амал қилган ҳамда асарларида уларнинг қарашларига алоҳида аҳамият берган. Айни пайтда у Абу Ҳанифа яратган қаломга оид рисолаларнинг шархловчиси сифатида ҳам машҳур бўлган. У қалом илми Қуръон ва суннатга таяниши, ҳанифийлик мазҳаби уламоларининг далиллари Қуръони каримдан олинганини эътироф этган. Қуръони каримда қаломга оид атама ва услуб йўқ эканини даъво қилгандарга „Жузъий масалаларга доир ҳукмлар саноқли экан, Оллоҳнинг борлиги ва сифатлари, пайғамбарликнинг мавжудлигини ифодаловчи ва инкорчиларга муқаммал жавоб бўладиган оятлар беҳисобдир”, дея далиллар келтирган.

Камолиддин Баёзийнинг фикрига кўра, динда ўрганилиши шарт бўлган энг муҳим мавзу ақоидга оид масалалар ҳисобланади. Ақоид соҳасида фақат тақлидга берилганлар ақлни ишлатмагани учун жазога лойиқ бўлган. У ўзидан олдин ўтган олимларнинг қалом илмiga оид салбий фикрлари аҳли бидъат қаломчилари учун айтилганини унту маслиқ лозимлигини таъкидлаган. Шунингдек, олим ақлни барча яхши ва ёмон ишларни аниқловчи ягона асос деб билган мұтазилийлар билан уни иккинchi даражали деб ҳисоблаган ашъарийларни танқид қилган ва ақл ҳақиқатни англатувчи зарур воситалардан бири эканини эътироф этган. Шу тарзда у ўтга асрнинг икки йирик мутакаллимлари ҳисобланган Абу Мансур Мотуридий (870-944 йиллар) ва Абул Ҳасан Ашъарий (873-935 йиллар) таълимотлари ўтасида элликка яқин фарқли қараш мавжудлигини илмий асосда исботлаб берган.

Хулоса ўрнида таъкидлаш жоизки, ҳанифика таълимоти асрлар давомида кўплаб олимлар томонидан чуқур ўрганилган. Камолиддин Баёзий ҳам ана шундай олимлар сирасига киради. Шу боис унинг меросини илмий асосда тадқиқ этишимиз ва ўрганишимиз зарур. Бу ислом динининг энг тўғри ва соғ ақидавий фояларига асосланган ҳанифика таълимотини янада теранроқ англашимизга катта ёрдам беради.

**Умидा ХОЛИСМАТОВА,**  
Тошкент Ислом университети  
аспиранти

## Marsiya — tarixiy hujjatmi?

Адабиёт ҳаёт ҳақиқатини бадиий тарзда акс эттириши кўпчиликка яхши маълум. Бошқача айтганда, ижодкор ҳаётдан “нусха” кўчирмайди, аксинча, ҳар қандай ҳаётий ҳақиқатни эмин-эркин тасвирлаб, мустақил талқин қиласди. Шу боис бадиий асар ижодкорнинг ижтимоий ва шахсий қиёфаси — ўзлигини ифодалайди. Марсия жанрида яратилган асарлар ҳам бундан мустасно эмас. Масалан, форс шоири Фарруҳи Систонийнинг сultonton Маҳмуд Фазнавий вафо-

тига бағишлиланган марсиясида ҳаёт ҳақиқати айнан акс этмаган. Ҳолбуки, айрим тадқиқотчилар марсияни, жанр хусусиятига кўра, тарихий ҳақиқатни акс эттирувчи асар деб ҳисоблайди. Бунга далил-исбот сифатида марсиянинг аниқ шахс ўлими муносабати билан ёзилгани кўрсатилади. Хўш, бу фикр қанчалик асосли? Марсияни тарихий ҳужжат дейиш мумкинми? Бу саволларга жавоб топиш учун Фарруҳи Систоний марсияси ва сultonton Маҳмуд Фаз-

навий тарихига оид баъзи далилларни қиёсий ўрганишни лозим топдик. Систоний қасидаси моний (манихей) алифбосида ёзилган бўлиб, унинг тўлиқ матнини инглиз олими Хеннинг қайта тиклаган. Тарихдан маълумки, ғазнавийлар салтанатига милодий 962 йилда Алп Тегин асос солган бўлиб, унинг таркибига хозирги Афғонистон, Эрон, Марказий Осиё ва Ҳиндистоннинг гарбий вилоятлари кирган. Султон Маҳмуд ҳукмдор бўлган даврда (998-1030 йиллар) ғазнавийлар давлати ниҳоятда қурдатли салтанатга айланади. Шу боис ўз даврининг машҳур шоири Фарруҳи Систоний Маҳмуд Ғазнавий ўлимига марсия бағишлаган. Олтмиш тўқиз мисрадан иборат бўлган ушбу марсия ҳукмдор қазосидан бир йил ўтгач ёзилган. Унда элулус султон ўлимидан қаттиқ қайфуреб, ҳамон замон фам-ғусса ичida яшаётганини, бунга чидаёлмаган шоир марҳумнинг яна тирилиб келиб, фаолиятини чала қолган жойидан давом эттиришини илтижо қилиб сўрагани, бироқ охир-оқибат тақдирга тан бергани тасвирланган. Унинг композициявий сюжет қурилиши тахминан қуйидагича: (1) муалиф хаёлий ҳамроҳ — ўқувчига риторик савол билан мурожаат қиласди; (2) ўлимни ифодалаш учун “у кетди” иборасини қўлладиди; (3) марҳумга худди тирик одамдек мурожаат этади; (4) марҳумнинг тирик эмаслигига сабаб изланади; (5) “ҳайҳот, афсус” каби иборалар тез-тез истифода этилади; (6) марҳумнинг фазилатларини улуғловчи ифодалар кўп тақрорланади; (7) жудоликдан мотам тутган кишилар, “етим қолган” табиат тасвирланади; (8) марҳумнинг меросхўри ҳақида алоҳида тўхталиб ўтилади; (9) марҳумга охиратда саодат тиланади ва ҳоказо.

Шу ўринда Фарруҳи Систонийнинг марсиясида ҳаёт ҳақиқати қандай акс этган, султон Маҳмуд Ғазнавий шу қадар адолатли ҳукмдор бўлганми, деган ҳақли савол туғилади. Чунки Абулқосим Фирдавсийнинг “Шоҳнома” достони ва унинг яратилиш тарихига тааллукли маълумотлар билан танишсан, бошқача манзарага гувоҳ бўламиз. Ривоят қилишларича, султон Маҳмуд Ғазна-

вий Фирдавсийга катта маблағ эвазига ўзи ҳақида достон ёзишни буюради. Бироқ буюк шоир султонни улуғлаш ўрнига танқидий руҳда асар яратади. Шоир “Шоҳнома”ни султонга тақдим этгач, ғазабланган ҳукмдор томонидан вайда қилинган олтин ўрнига бекадр кумуш тангалар билан сийланади. Муаллиф бундан норози бўлиб, тангаларни уч кисмга ажратади, бир бўлганин ҳаммомчига, иккинчисини шарбатфуршга, қолганини эса уларни олиб келган мулоzимга ҳадя этади. Бу “одил ҳукмдор” шаънига ҳақорат эди. Боз устига, шоир султонни масҳараловчи ҳажвия ҳам ёзиб, Маҳмуд Ғазнавийни зотипаст, подшоликка нолойиқ кимса, деб ҳақоратлайди. Шундан сўнг Бағдодга қочиб кетган Фирдавсий умрининг охирларида “Юсуф ва Зулайҳо” достонини яратган. Ушбу достоннинг “Тавбонома” деб номланган илк бобида бундай сатрлар бор: “Шоҳлардан ёзмайман энди мен асло, даргоҳи кўнглимга урди мутлақо. Бехуда гапларни айтмай энди ҳеч, ақел дер: бехуда лоғ урмоқдан кеч. Бу достонлар барни қип-қизил ёлғон, бир сиқим тупроққа арзимас чунон”.

Хуласа сифатида айтадиган бўлсак, ғазнавийлар ҳукмронлиги даврини бевосита ва билвосита акс эттирадиган мазкур асарларда муаллифларнинг ижтимоий ва шахсий қиёфаси икки хилда ўз ифодасини топган. Бу қиёфалар замиридаги ҳаёт ҳақиқатини аниқлаш эса ҳар бир ўқувчининг ихтиёрига ҳавола. Агар ўқувчи малакали ва саводли бўлса, у ҳар қандай ижодкорнинг сўзига лаққа ишониб,чув тушиб ўтирамайди, балки ақел тарозисини ишлатиб, “ўзлигини намоён” этади. Бу эса тарихий воқеалар билан боғлиқ асарларни мутолаа қилиш жараёнида тарих ва адабиётшунослик назариясидан яхши хабардор бўлиш лозимлигини кўрсатади. Бинобарин, марсия ҳам ҳаёт ҳақиқатини акс эттирадиган тарихий хужжат бўлиши мумкин, аммо у қачон, қандай шароитда ва ким томонидан яратилганини зинҳор-базинҳор эътибордан соқит қилмаслик зарур.

**Олима НАБИЕВА,  
тадқиқотчи**



## Kulgiga yoғ'rilgan fojia

Ўзбек драматургияси таракқиётида Шарроф Бошбеков ижоди алоҳида ўринга эга. Унинг ижодий ўзига хослиги фожиавий ҳолатни ҳам кулги-юморга йўғириб бера олиши билан изоҳланади. Бу ҳолни драматургнинг “Темир хотин”, “Эшик қоккан ким ўзи?”, “Эски шаҳар гаврошлари” каби комедияларида кузатиш мумкин. Айниқса, “Темир хотин” комедияси мухим ижтимоий муаммолар ўртага кўйилгани, шунингдек, инсон феъл-атвори чуқур психолигик талқин этилгани билан алоҳида ажralиб туради. Айни чогда “Темир хотин” комедиясида рамзийлик услубидан ҳам моҳирона фойдаланилган. Бу хусусият асарнинг дастлабки кўринишидаёқ ўз ифодасини топган: оддий тракторчи Қўчкорнинг ичib олиб, оиласига тинчлик бермаслиги, охир-оқибат кўни-кўшнилар уни боғлаб кўйиши, пиёниста эрдан безор бўлган Қумрининг болаларини олиб ота-онасиникига кетиши. Қўчкорнинг бундай ахволга тушиб қолишига сабаб нима? Драматург ана шу саволга жавоб излар экан, Қўчкорни ўзлигини англаш, умр йўлини бир кур сарҳисоб қилишга ундайди. Бу жараёнда Қўчкор ва унинг теварагидаги кишилар ҳаётига кириб келган фантехника мўъжизаси — “робот-аёл” алоҳида аҳамият касб этади.

“Робот-аёл” ихтиориси — Олимжон билан Қўчкор ўртасидаги ҳол-ахвол сўрашиш эпизодидаёқ собиқ шўро жамиятидаги бაъзи муаммоларга муносабат билдирилади. Қишлоқдаги ачинарли турмуш шароити, пахта яккаҳокимлиги, “оилани режалаштириш” каби собиқ шўро тузумига хос бўлган иллатлар чинакам фожиа эди. Ёзувчи ана шу фожиаларни кулги воситасида баён этади.

Хусусан, Олимжоннинг таракқиёт йўқ, деган аччиқ таънасига Қўчкор “Прогресс бор. Илгари тезак ёқиларди, энди тезакни солярка билан ёқяпмиз: яхши ёняпти. Тўғри, овқатдан сал-пал ҳиди келади-ю, лекин ўрганиб кетар экан одам”, деб жавоб беради. Бу билан муаллиф табиий бойлигимиз бўлган газдан узоқ ҳориждагилар фойдаланаётган

бир чогда ҳалқимиз тезак ёқиб кун кечираётганини алам билан эътироф этади. Асарда мустабид тузум одамлар онгини карахт қилиб қўйгани, бир иллат иккинчисини келтириб чиқаргани фоят ишонарли кўрсатиб берилган. Суҳбат давомида Олимжоннинг Қўчкорга ачингандек айтган “оилани режалаштириш” ҳақидаги гапи бошқа бир муаммони баён этишга ёрдам берган.

Қўчкорнинг “Хотинларнинг қорнига осилгунча пахта терадиган машинани эпланглар!” деган зардали гапи замирида одамлар меҳнатини енгиллатиш ўрнига оилани режалаштириш ҳақида қуруқ сафсата сотиш билан шуғулланган тузумнинг ҳақиқий ахволига чуқур рамзий ишора мұжассамлашган.

Олимжоннинг ўзи ихтиро қилган “робот-аёл” ҳар қандай буйруқни сўзсиз бажарishi, ойлик маош олмаслиги, кечаю-кундуз далада тинмай пахта теравериши ҳақидаги таъриф-тавсифлари Қўчкорда қуидаги мулоҳазаларнинг туғилишига туртки беради: “Унда чиндан ҳам одамга ўхшар экан. Мана, биз ҳам “пахта теримига” деган гапни эшитишимиз билан ҳамма ишни йигиштириб қўйиб, далага чиқиб кетаверамиз. Болала-римиз ўқишини ташлайди, хотинларимиз эмискини боласини”.

Асарда драматург диологлар воситасида “дехқон-аёл” ва “робот-аёл” образини яратиб, уларни бир-бирига муқояса қилиш орқали ўзига хос рамзийликни юзага келтиради. Бу эса кўчиш тури сифатида кўплаб маъно қатламларига эга бўлган рамзлар воситасида муаммони янада теранроқ таҳлил этишга имкон беради: “Мана, хотин-халаж, бола-чақа йил бўйи даладан келмайди. На дам олиш бор, на байрам бор, эртадан кечгача иш, иш, иш! Қор демайди, ёмғир демайди, иссик демайди... Э, темир бўп кет-э, ҳали ҳам чидар экан одамзод!”

Муаллиф ҳар бир персонажга алоҳида вазифа юклаган ва уларнинг тилидан ўз мақсад-муддаосини баён этган. Бу жиҳатдан Олимжоннинг “робот-аёл”га ўрнатилган мик-

росхема ҳақидаги мулоҳазалари ҳам диққатга сазовор: “Робот ўйласа, фикр қилса, қиёмат қойим бўлади!.. Ҳамма гап шундаки, фикр қилса, ақлини танийди. Ақлини таниса, кўзи очилади! Кўзи очилса, уларни бошқариш мумкин бўлмай қолади! Ана шунинг учун, Қўчкор ака, робот роботлигини қилиши керак. Буйруқ берилдими — бажарсин! У ёғи билан иши бўлмасин!”

Тўртинчи саҳнада Қўчкор билан “робот-аёл” — Аломат ўтасидаги сұхбат воситасида Қўчкорга таалуқли дард бутун ҳалқнинг дарди сифатида баён этилади: “Ўз ёғингизга ўзингиз қоврилиб яшаяпсиз... Афт-ангорингизга бир қаранг, қирқа кирган қирчилла-ма йигитсиз-у, кўрган одам сизни элликдан ошган, деб ўйлади. Қуриб-қақшаб боряпсиз... Эсингизни танибисизки, тинмай меҳнат қиласиз, лекин ҳеч бирингиз икки бўлмайди. Рўзфор, бола-чақа ташвиши дейсиз, афсуски, бу ташвишларнинг чеки йўқ. Эрталабдан кечгача чумолидай ғимир-ғимир қиласиз-у, роҳатини кўрмайсиз. “Пахтакорман” деб кўкрагингизга муштлайсиз-у, кўрпандигизга пахта тополмайсиз. Бу дунёга келиб нима кўрдингиз, Қўчкор ака? “Икки марта Тошкента борганиман” деб мақтана-сиз, одамлар “Оқ денгизу Кора денгиз” қилиб юришибди! “Ха энди, улар бошқача одамлар-да” дейсиз. Қанақа бошқача? Нимаси бошқача? Наҳотки, оддий инсоний ғурур бўлмаса?! Шу даражага етгансизки, бора-бора ундейларга ҳавас қилмай кўйган-сиз! Ҳавас қилавериб, орзу қилавериб чарчагансиз, ҳолдан тойгансиз!”

Ҳалқимиз — болажон ҳалқ, фарзандига бор меҳрини беради, келажагини унда кўради, ўзи етолмаган орзу-истакка улар етишини жуда истайди. Лекин... Аломат Қўчкор хаёлидаги бу орзу-интилишни ҳам осон илғаб олади: “Энди бор умидингиз болала-рингиздан, уларни ўқитиб катта одам қилмоқчисиз. Лекин уларингиздан катта одам чиқмайди. Қишин-ёзин даладан бери кел-

майдиган чаласавод болалардан ҳеч бало чиқмаслигини биласиз. Фарзандларингиз ўзингизга ўхшамаслигини истайсиз, демак, ўзингизнинг кимлигингизни биласиз! Ақлингиз етади! Лекин яна “кўпга келган тўй” деб юраверасиз! Ахир, умр ўтиб кетяпти-ку, Қўчкор ака!”

Сўнгги пардада Қўчкорнинг хотини Кумрининг уйга қайтиши ва арқон билан боғланган эрини “халос этиш” саҳнаси ҳам рамзийлик нуктаи назаридан эътиборга молик. Бу лавҳада Қумрининг соддадил қалби на-моён бўлади. У — ҳеч шикоят қилмайдиган қишлоқ аёли: тақдирига тан бериб, ҳаёт шу экан-да, деб яшайверади. Унинг бажараётган ишига темир ҳам бардош бермасди... Буни Олимжоннинг “робот-аёл” — Аломатнинг пахта даласида ёниб кетгани ҳақидаги хабари ҳам тасдиклайди. Қўчкорнинг Олимжон келтирган ноҳуш хабардан кейинги ҳайрати — унинг монолог нутқи бу ҳолатни яна-да чуқурлаштиради: “Тавба... Аломатга би-рон бир ортиқча юмуш буюрган бўлсам, тил тортмай ўлай... Нима иш қилиб қўйибди у?.. Ҳали қаторлаштириб етти-саккизта болани туғиб кўйгани йўқ, кечалари ухламай бешик қучоқлаб чиққани йўқ, ҳар боласи билан минг бор касал бўлиб, минг бор соғайгани-ям йўқ... Ахир, у битта ўзбек аёли қиласидан ишнинг ярмини қилди, холос-ку! Қана-касига мен ўлдирган бўлай?..”

“Темир хотин” комедиясидаги воқеалар, гарчи рамзий тарзда юз берса-да, собиқ шўро давридаги ҳалқнинг бутун фожиаси-ни акс эттирган. Кулгига йўғрилган бундай ўкинч ва изтироб ҳар бир онгли инсонда “Наҳот, шунчалик бепарво ва лоқайдмиз?” деган савол түғдиради. Мана шу жараёнда асар қаҳрамонларига ачиниш ва ҳамдардлик баробарида томошабин руҳиятида воқеликка, ён-атрофдаги одамларга янгича қараш ҳисси пайдо бўлади. Бу эса асарнинг улкан бадиий ютуғидир.

**Абдураҳим СОЛИЕВ,**  
филология фанлари номзоди

## SUMMARY

A

t the dawn of the information age, humankind is performing very well in terms of material and technical creativity but he lags far behind in conserving mental and cultural traditions. At the same time no one can reject the fact that a development void of human qualities leads nowhere. If so, then we should move towards moral and cultural globalization, a new era, before globalization of media brings pointless future to our lives. Writer Khurshid Dostmuhhammad's article headlined "The fourth wave" is on this issue.

"Q

ahhor is a writer of sorrow. We know more about the Qahhor who dedicated his life to society. But we almost don't know anything about the other Qahhor" says literary scientist Ibrohim Haqqul in his article "The strength of literature". To know Abdulla Qahhor it is important not only to read his books but also to consider carefully their core meaning. In the article one can find a broad range of brilliant ideas excerpted from popular works by Abdulla Qahhor.

"T

he heavy burden of dreams" is an article by the late writer Shukur Kholmirzaev that was written in 1998 but not published anywhere. It speaks about the state of literature and writers' socio-political environment during the Soviet period. But going deeply into the article one can learn about remorse, trouble and unrealized dreams among the miraculous words.

“T

he days we have been through” is a novel where feelings like love and freedom, patriotism and bravery, the people’s sad past are described. The fate of the novel was full of trouble as was that of its characters. It was interpreted differently in different historical periods. Literary scientist Murtazo Qarshiboy’s article is about its author Abdulla Qodiriy, the novel, and stories depicted in it. Qarshiboy adopts a modern and deep approach in the interpretation of different natures of its characters, such as Otabek, Kumoosh, Zaynab, Yusufbek Hodji, Uzbekoyim.

T

he history of Islamic philosophy is deep-rooted. In an article by philosopher Shuhrat Sirojiddinov the development stages of the religion is described. Starting by chronicling Christianity, its rise and different schools, leaders of its sects and their views, the author goes on to cite interesting evidence of the influence of Christianity on Islamic philosophy, the emergence and formation of different groups in Islam and debates among them on the interpretation of Islamic rules.

L

iterary scientist Sharif Yusupov in an article entitled “The punishment of a bad deed” narrates about the fall of the Kokand Khanate in the second half of the 19<sup>th</sup> century and the lives and misdeeds of the main culprits — Abdurahmon Oftobachi and fake Polatkhon whose historical guilt resulted in the country becoming a colony for the Tsarist Empire. The author through expressing his views based on archival facts and other reliable sources tries to add clarity to the historical truth.